

ପ୍ରେରିତ ମାନକ କାର୍ଯ୍ୟ ପାଣ୍ଡୁ ଆହ୍ୱାନାନାରି କାମା ମୂଲ୍ୟ ହାତୀ

ପାଣ୍ଡୁ ଆହ୍ୱାନାନାରି କାମାତି ପତି କୁଲମିକା ମାତୁହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଝେସାମାତି ଲେହେଁ, ଏନିକି ଜିରୁସାଲମଟିଏ ଜୀହୁଦା, ସମିରଣ, ଅଡ଼େ ସାରିଝାକି ଏଡେ, ଏ କାତାତି ପୁସପନି ୧:୮ ଇ ପତି ଲୁକ ରାତାମାରେସି, ଆମ୍ବାଆସି ଲୁକ ରାତାମାନି ନେହୁଁ କାରୁ ରାତାମାରେସି □ ଏଝାସି ତାଙ୍କାଦର ମାରେସି ଇଞ୍ଜା ବାରେ କାତା ଜାତୁନୁ ତଲେ ରାତାମାରେସି □ ଏଝାସି ତାନି ଲୁକ ନେହୁଁ କାରୁ ପାଣ୍ଡୁ ଆହ୍ୱାନାନାରି କାମା ଇ ରୀ ପତିତା ଜିକେଏ ତିୟପିଲ ଇଞ୍ଜିଁ ଝେସାମାନେସି, ଏଝାସି ଗ୍ରିକ ଲକୁ ମାରେସି, ସାମା ଗ୍ରିକ ଅଡ଼େ ଜୀହୁଦି ଲକୁଣି ଆତୁହି କ୍ରୀସ୍ତାନା ଲକୁକି ଜିକେଏ ଇ ପତି ରାସକି ଆହ୍ୱାନାରେ ୧:୧ □

କ୍ରୀସ୍ତ ଜାର୍ନାଆଡ଼ି ତାୟୁ ୨୦-୨୪ ବାର୍ସା ବିତ୍ରା ପାଣ୍ଡୁଆଡ଼ି ପତି ରାସକି ଆହ୍ୱାନାଣ୍ଡିନେ, ଏନାଆଁତାକି ଇତିହୁଁ ପାଞ୍ଜୁଲ କାୟିଦିତି ପିସପିଆଡ଼ି ନକେଏ ପତି ରାତାଲି ରାହ୍ୱାନାରେ □ ଲୁକ ଜିକେଏ ପାଣ୍ଡୁଆଡ଼ି ପାଞ୍ଜୁଲ ତଲେ ରେଜିମାରେସି ଅଡ଼େ ଆନ୍ତିୟକତି ଗାଡ଼ାତା ଇ ପାଣ୍ଡୁ ଆହ୍ୱାନାନାରି କାମା ପତି ରାତାମାରେସି □ ପାଣ୍ଡୁ ଆହ୍ୱାନାନାରି କାମା ପତି “ଲୁକ ରାତାମାନି ନେହୁଁ କାରୁ” ରାଡ଼ିତି କ୍ରେଚ କ୍ରେଚ ଜୀସୁ ଲାକପୁରୁ ହାଜାଲିଏ ରାତାଲି ମାତୁହା ମାରେସି □ ଲୁକ ତାନି ନେହୁଁ କାରୁ ଏନାଆଁତାକି ରାତାମାରେସି, ଏଲେକିହୁଁ ଏ ଇ ପାଣ୍ଡୁ ଆହ୍ୱାନାନାରି କାମା ପତି ରାତାମାରେସି □ ଏଝାସି ତିୟପିଲ ଅଡ଼େ ଗାଡ଼ି ଜାନା ଆହିମାନି କ୍ରୀସ୍ତାନା ଲକୁଇଁ ଏନାଆଁ ଜାପୁଝି ଆହ୍ୱାନାରେ, ଏମ୍ବାଆଁ ତାରି ଆହ୍ୱାଲି ଅଣ୍ଡିମାରେସି, ଏଡ଼ାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକୁ ବାରେଝାକି ଆହିମାନି କାତା ରାତାମାନେସି □

ପାଶୁଓି ଆହାମାନାରି କାମା ପତି ମୂଲୁଏ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହିଁ ତଞ୍ଜା ଆନାୟି ଏଦାଆଁ ମାଙ୍ଗେ ଖେସ୍ତାନେ □ ସୁଦୁଜୀଓୁତି ବାଡ଼ୁଲୁ ତଲେ ଏନିକିହିଁ ଏଟକା ଲକୁତାଣା ନେହିଁ କାତୁ ଏପନାୟି ପାଶୁଓି ଆଡ଼ାରି କାତା ଖେସ୍ତାନେ □

ପତିତା ମାନାୟି

- ୧ ମୂଲୁଏ ସୀସୁୟାଁ ଲାକ ସୁଦୁଜୀଓୁ ଖାନାୟି ଅଡ଼େ କୁଲମି ପାତାଆନାୟି □ ୧:୧-୮:୧
- ୨ କୁଲମି ସାସ୍ତି ବେଟାଆନାୟି ଅଡ଼େ ଜିରୁସାଲମ ସାରିଓାକି ଏନାୟି □ ୮:୨-୧୨:୨୩
- ୩ ପାଓୁଲ ମୂଲୁଏ ତାନି ସେବା କାମାତାକି ହାନାୟି □ ୧୨:୨୪-୧୪:୨୮
- ୪ ଜିରୁସାଲମତା କୁଟମି କୁରିନାୟି □ ୧୫:୧-୩୫
- ୫ ପାଓୁଲ ରୀ ପାଲି ତାନି ସେବା କାମାତା ହାନାୟି □ ୧୫:୩୬-୧୮:୨୨
- ୬ ପାଓୁଲ ତାନି ପାଲି ତାନି ସେବା କାମାତା ହାନାୟି □ ୧୮:୨୩-୨୦:୩୮
- ୭ ପାଓୁଲ ଜିରୁସାଲମତା ଦସ୍ପି ଆନାୟି □ ୨୧-୨୬
- ୮ ରମ୍ପତା ପାଓୁଲଙ୍କ ପାଣ୍ଡିନାୟି □ ୨୭-୨୮

ସୁଦୁଜୀଓୁ ତାକି ଆଞ୍ଜିନାୟି

- ୧ *ଏ ଜୀଓୁତି ତିୟପିଲ, ନା ମୂଲୁତି ପତିତା ଈ ବାରେ କାତା ରାତାମାଙ୍କ, ଜୀସୁ ଏନିନି କାମା ମାଟ୍‌ହେସି ଅଡ଼େ ଜାପ୍‌ହେସି,
- ୨ ଏ ଦିନା ପାତେକା ଏଓାସି ପାଶୁଓି ଆଡ଼ାରାଙ୍କ ଆଡ଼ାମାଚେସି, ସୁଦୁଜୀଓୁ ତଲେ ହୁକୁମି ହୀହାନା ଲାକପୁରୁ ଅଓି ଆହାମାଚେସି □
- ୩ ଏଚେଟିଏ ଜୀସୁ ତାନି ଦୁକୁ ବେଟାଆଡ଼ି ତାୟୁ ହାରେକା ଦିନା ଏଓାସି ଜୀଓୁତଲେ ମାଚେସି ଈଦାଆଁ ପାଶୁଓି ଆହାମାନାରି ତାଣା ପାରମାଣା କିଚେସି, ଇଞ୍ଜାଁ ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହାନା ମାହାପୁରୁ ରାଜିତି କାତା ଜାପ୍‌ହେସି □

☆ ୧:୧ ୧:୧ ଲୁକ ୧:୧-୪

୪ ☆ ର ଦିନା ଏଞ୍ଜାରି ରଣ୍ଡିଏ ତାଣା ତିଞ୍ଜାଲି କୃତା ଆହାମାଟି ବେଲାତା ଜୀସୁ ଏଞ୍ଜାରାକି ଇ ହୁକୁମି ହୀତେସି; “ମୀରୁ ଜିରୁସାଲମ ପିସାଁ ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆବାତି ଆଞ୍ଜାମାନାଣି ନା ତାଣାଟି ଖେଞ୍ଜା ମାଞ୍ଜେରି, ଏଦାଆଁ ପାଣ୍ଡି ପାତେକା କାଟାନା ଡୟାଦୁ;

୫ ☆ ଇଚିହ୍ ଜହନ ଏୟୁତା ବାପ୍ତିସ୍ମ* ହୀତେସି ସାତା, ସାମା ମୀରୁ ଏଚରଦିନା ଜେଚ ସୁଦୁଜୀଞ୍ଜୁ ତଲେ ବାପ୍ତିସ୍ମ† ବେଟାଆଦେରି □”

ଜୀସୁ ଲାକପୁରୁ ହାନାୟି

(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୬ ର ଦିନା ପାଣ୍ଡି ଆଡାରି ରୁଣ୍ଡା ଆହାମାଟି ବେଲା ଜୀସୁଙ୍କ ଖେଚେରି, “ପୁରୁ, ନୀନୁ ଏନାଆଁ ନୀଏଁ ଇସ୍ରାୟେଲ କେୟୁତା ଅଡେ ଖେଣ୍ଡେ ଇ ରାଜିତି ହେରପିଦି ?”

୭ ଜୀସୁ ଏଞ୍ଜାରାକି ଏଲେଇଚେସି, “ଆମିନି ଦିନା ଅଡେ କାଲା ନା ଆବା ତାନି ଅଦିକାରାତା ଇଟାମାନେସି, ଏ ବାରେ ମିଙ୍ଗେ ପୁଞ୍ଜାଲି ଲଡ଼ା ଆଏ □

୮ ☆ ସାମା ସୁଦୁଜୀଞ୍ଜୁ ମୀ ତାଣା ଖାଡ଼ିସାରେ, ମୀରୁ ବାଡ଼ୁୟୁ ବେଟାଆଦେରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡେ ବୁମି ମୁଟପେ ତାକି ନା ସାକି ଆଦେରି □”

୯ ☆ ଏଞ୍ଜାସି ଇ ବାରେ କାତା ଖେସ୍ତି ତାୟୁ ଏଞ୍ଜାରି ମେସପନିଏ ଜୀସୁ ଲାକପୁରୁ ହାଚେସି, ଅଡେ ଇଚାୟି ଦୁୟା ଏଞ୍ଜାଣାକି ଏଞ୍ଜାରି ତାଣାଟି ଅହ୍ ହାଚେ, ଏଞ୍ଜାରି ଅଡେ ଏଞ୍ଜାଣାକି ମେହଆଡେରି □

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୂମ୍ବୁ କିହାନା ସିନକିହି ମାନେରି; ଏଚିବେଲା ଦବଲା ହିମ୍ବୁରିକା ହୁଟାମାନି ରିଆରି ଦେବୁଣିଏ ଏଞ୍ଜାରି ନକିତା ନିଚେରି,

୧୧ ଇଞ୍ଜା ଏଞ୍ଜାରି ଏଲେଇଚେରି “ଏ ଗାଲିଲିତି ଲକୁଡେରି, ଏନାଆଁତାକି ହାଗୁଞ୍ଜାକି ମୂମ୍ବୁ କିହାନା ନିଚାମାଞ୍ଜେରି ? ଇ ଆମିନି

☆ ୧:୪ ୧:୪ ଲୁକ ୨୪:୪୯ ☆ ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩ * ୧:୫ ୧:୫ ମୁଞ୍ଜିନାୟି † ୧:୫ ୧:୫ ମୁଞ୍ଜିନାୟି ☆ ୧:୮ ୧:୮ ମାତି ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮ ☆ ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧

ଜୀସୁ ମୀ ତାଣାଟି ଲାକପୁରୁ ଅଞ୍ଜିଆଡେସି, ଏଞ୍ଜାଣାଈଁ ଏନିକିଁ ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ ଏଲେକିହିଁ ଏ ଖେଣ୍ଡେ ଖାନାଣି ମେହ୍‌ଦେରି □”

ଜୀହୁଦା ଚାୟୁତା ମାତିୟୁଇଁ ଆଡ଼ିନାୟି

୧୨ ଏମ୍ବାଟିଏ ତାୟୁ ଏଞ୍ଜାରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଡାଞ୍ଜାଡେରି, ଏ ଜୀତ ହରୁଟିଏ ଜିରୁସାଲମ ର କିଲମିଟର ହେକ ମାତେ □

୧୩ ✨ଇଞ୍ଜାଁ ଏଞ୍ଜାରି ପିତର, ଜହନ, ଜାକୁବ, ଆନ୍ଦ୍ରିୟ, ପିଲିପ, ତମା, ବାର୍ତ୍ତଲମି, ମାତିୟୁ, ଆଲେପି ମୀର୍‌ଏସି ଜାକୁବ, ଦେସାତି ଜୀଞ୍ଜୁ ନନ୍ଦି ସିମନ ଅଡ଼େ ଜାକୁବ ମୀର୍‌ଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମ୍ବାଆଁ ହାଚେରି □

୧୪ ଏଞ୍ଜାରି ବାରେଜାଣା ଇୟାସିକା ତଲେ ଇଞ୍ଜାଁ ଜୀସୁତି ଇୟା ମରିୟମ ଅଡ଼େ ତାମି ତାୟିୟାଁ ତଲେ ରଣ୍ଡିଏ ଅଣ୍ଡୁ ତଲେ ପ୍ରାଡାନା କିହିଁ ରୁଣ୍ଡା ଆହାମାଚେରି □

୧୫ ଏଚରଦିନା ତାୟୁ ନାମିତାରି କୃଡ଼ା ଆହାମାଚେରି, ଏମ୍ବାଆଁ ସ କଡ଼ି ଜାଣା ଲକୁ କୃଡ଼ା ଆହାମାଚେରି, ପିତର ତାୟିୟାଁ ବିତ୍ରାଟି ନିଚାନା ଏଲେଇଚେସି,

୧୬ “ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା, ଆମିନି ଇସ୍ପାରିୟତ ଜୀହୁଦା ଜୀସୁଇଁ ସାତୁୟାଁ କେୟୁତା ଆସ୍ପି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀଞ୍ଜୁ ନକେଏ ଦାଞ୍ଜୁଦ ଗୁଡ଼ିଟି ଏନାଆଁ ଖେସାମାଚେସି, ଏ ଦାମ୍ବୁ ସାସ୍ତେରି ପୁରା ଆନାୟି ମାଚେ;

୧୭ ଇଚିହିଁ ଏଞ୍ଜାସି ମା ବିତ୍ରାଟି ରଅସି ଇଞ୍ଜାଁ ଏଜିକିଞ୍ଜି ଆହିମାଚେସି, ଅଡ଼େ ଇ ସେବା କାମାତା ପାଣା ବେଟାଆହା ମାଚେସି □”

୧୮ ✨ଇ ଇସ୍ପାରିୟତ ଜୀହୁଦା ଲାଗେଏ କାମା କିତି ତାବୁୟାଁ ତଲେ ରଚାଣି ବୁନି କଡ଼ଞ୍ଜି ଆହାମାଚେ, ଅଡ଼େ ଏଞ୍ଜାସି ହାଡ଼ି ତାଣା ତାୟିଁୁ

✨ ୧:୧୩ ୧:୧୩ ମାତି ୧୦:୨-୪; ମାର୍କ ୩:୧୬-୧୯; ଲୁକ ୬:୧୪-୧୬ ✨ ୧:୧୮ ୧:୧୮ ମାତି ୨୭:୩-୮

ଡଢ଼ କିହିଁ ତରଗାଲିଏ ତାନି ବାଣ୍ଠି ଡାୟାହାଚେ ଇଞ୍ଜା ଖାହିୟାଁ
ହରାହାରୁ □

୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ
ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡ଼ାତଲେ “ହକଲଦାମା”
ଇଚିହିଁ “ନେତେରି ବୁମି” ଇଞ୍ଜାଁ ଝେଜାତେ □

୨୦ ଅଡ଼େ ପାରୁ ପତିତା ରାସ୍‌କି ଆହାମାନେ,
“ଏଞ୍ଜାଣି ବାସାଗାୟୁ ଖାରଆୟି ଆଡ଼େ;

ଏମ୍ବାଆଁ ଆମ୍ବାଆରି ବାସା କିଆପେରି □”
ଅଡ଼େ ଜିକେଏ ରାସ୍‌କି ଆହାମାନେ;
“ଏଞ୍ଜାଣି କାମାତି ପାଣା ଅର ରଅସି ବେଟା ଆପେସି □”

୨୧ ✱ “ଏଦାଆଁତାକି, ପ୍ରବୁ ଜୀସୁ ଝେଣ୍ଡେ ନିଜିତି କାତା ସାକି
ଆହାଲି ଅର ରଅସି ମା ତଲେ ଆଣ୍ଡାନାୟି ମାନେ □

୨୨ ଜୀସୁ ଜହନ ତାଣାଟି ବାପ୍ତିସ୍ମାଁ ଅଡ଼ି ବେଲୀଟିଏ ଲାକପୁରୁ ହାନି
ପାତେକା ପ୍ରବୁ ଜୀସୁ ମା ତଲେ ନୀଡ଼ାମାଟି ବେଲୀତା, ଆମିନି ଲକୁ
ମା ଗତିତା ମାଚେରି, ଏଞ୍ଜାରି ତାଣାଟି ରଅସି ଝେଣ୍ଡେ ନିଜିନି ସାକି
ଆନାୟି ମାନେ □”

୨୩ ଏଚେଟିଏ ଏଞ୍ଜାରି ରିଆରାଇଁ ଇଚିହିଁ ଜସେପଇଁ,
ଆମ୍ବାଆରାଇଁ ବର୍ସବା ଇନେରି ଅଡ଼େ ଆମ୍ବାଆରି ହାଟା ଦରୁ ଜୁସୁ
ଏଞ୍ଜାଣାଇଁ ଇଞ୍ଜା ମତିୟଇଁ ବାଟି କିହାନା,

୨୪ ଇ ପ୍ରାଡ଼ାନା କିତେରି, “ପ୍ରବୁ ନୀନୁ ବାରେତି ହିୟାତି
ଅଣ୍ଡୁ ପୁନାତି, ଜୀହୁଦା ଏମିନି ଟାୟୁତା ଡ଼ୟିନାୟି ମାନେ ଏଞ୍ଜାସି
ହାଜାଲିଏ, ଏଞ୍ଜାଣି ଟାୟୁତା ଇ ରିଆରି ବିତ୍ରାଟି ନୀ ତାଣାଟି ଆଡ଼ିତାସି
ଆମ୍ବାଆସି,

୨୫ ଏ ପାଣ୍ଡୁଞ୍ଜି ଆହାମାନାରି ସେବା କାମା କିହାଲି ଆମ୍ବାଆରାଇଁ
ଜୀହୁଦା ପାଣାତା ବାଟି କିହାମାଞ୍ଜି ତସ୍ତାମୁ □”

୨୬ ଅଡ଼େ ଏଞ୍ଜାରି ଏ ରିଆରି ତାକି ପାଦି କିହାଲିଏ ମତିୟ
ଦରୁତଲେ ଆଡ଼େ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡୁଞ୍ଜି ଆହାମାନାରି
ଗତିତା ଆଣ୍ଡିତେସି □

✱ ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧

‡ ୧:୨୭ ୧:୨୭ ମୁଞ୍ଜିନାୟି

୨

ସୁଦୁଜୀଝୁ ରେଟା ଖାନାୟି

୧ ପେଡ଼ିକସ୍ତ* ଦିନାତା କ୍ରୀସ୍ତଇଁ ନାମିତି ବାରେଜାଣା ର ଗାୟୁତା ରୁଣ୍ଡା ଆହାମାଚେରି □

୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡ଼ା ଲାକପୁରୁତି ଖାହିଁ, ଆମିନି ଇଲୁତା ଏଝାରି କୁଗାମାଚେରି, ଏ ଇଲୁତି ବାରେଝାକି ଝେଜିତେ □

୩ ଇଞ୍ଜା ହିରୁ ଗୁଦଝା ଲେହେଁ ତଞ୍ଜାଆହାନା ଏଝାରି ନକିତା ରଣ୍ଡି ରଣ୍ଡି ଆହିଁ ଏ ବାରେଜାଣାତି ଲାକ ରେଟାଝାଟେ □

୪ ଏମ୍ବାଟିଏ ଏଝାରି ବାରେଜାଣା ସୁଦୁଜୀଝୁ ବେଟାଆହାନା ଏ ଜୀଝୁ ଏନିକିଁ ଜଲାଲି ବାଡ଼ୟୁ ହୀତେ, ଏଲେକିଁ ଏଝାରି ଏଟକା ଏଟକା ହାଡ଼ାତଲେ ଜଲାଲି ମାଟ୍‌ହେରି □

୫ ଏତିବେଲାତା ପେଡ଼ିକସ୍ତ ପାର୍ବୁତାକି ହାଗୁ ଡ଼ଇତି ଏଟକା ଏଟକା ଦେସାଟି ଖାହାମାଟି ଜୀହୁଦି ଲକୁ ଜିରୁସାଲମତା ଡ଼ୟା ମାଚେରି;

୬ ଅଡ଼େ, ଏ ହାଡ଼ା ଝେଞ୍ଜାଲିଏ, ହାରେକା ଲକୁ କୃଡ଼ା ଆହାନା ବାରେଜାଣା ଜାହା ଜାହାରା ହାଡ଼ାତଲେ ଏଝାରି ଜଲିମାନାଣି ଝେଞ୍ଜାନା କାବା ଆହାହାଚେରି □

୭ ଇଞ୍ଜା ଏଝାରି ଆଡ଼ାଜାକା ଅଡ଼େ କାବାଆହାନା ଏଲେଇଚେରି, “ମେହଦୁ ଇ ଆମିନି ଲକୁ ହାଡ଼ା ଜଲିମାନେରି, ଏଝାରି ବାରେ ଗାଲିଲିତାରି ଆଏକି ?

୮ ଆତିହିଁ, ମାର ଏନିକିଁ ବାରେଜାଣା ଜାହା ଜାହାରା ଜାନା ଗାୟୁତି ହାଡ଼ାତଲେ ଜଲିମାନାଣି ଝେଞ୍ଜିମାନାୟି ?

୯ ପାତୟ, ମାଦୟ, ଏଲାମୟ, ଅଡ଼େ ମେସପଟାମୟାଁ, ଜୀହୁଦା ଦେସା, କାପାଦକିୟା; ପନ୍ତ ଅଡ଼େ ଆସିୟା,

୧୦ ପୁଗୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ଡ଼ଇନି ଲିବିୟା ନାସ୍କାଣାଁ ବାସା କିନାରି, ଇଞ୍ଜା ରମ୍‌ଟି ଖାହାମାନି ଜୀହୁଦି,

୧୧ ଅଡ଼େ ଏଟକା କୃଡ଼ାତି ଲକୁ ଜୀହୁଦି ଦାମ୍‌ଟି ନାମାହିଁ ଡ଼ୟାମାନାରି; ଅଡ଼େ କ୍ରିତି ଇଞ୍ଜା ଆରବିୟ ଦେସାତି ଲକୁତାୟି ମାର,

* ୨:୧ ୨:୧ ପିସ୍‌ପିଆନି ପାର୍ବୁତି ରୀ କଡ଼ି ଦସ ଦିନା

ମାର ଜାହା ଜାହାରା ହାଡ଼ାତଲେ ମାହାପୁରୁତି କାଜା କାଜା କାମାତି
କାତା ଜଲିମାନାଣି ଝେଞ୍ଜିମାନାୟି □”

୧୨ ଅଡ଼େ ବାରେଜାଣା ଆଡ଼ାଜାକା ଅଡ଼େ କାବାଆହାନା ତାମ୍ବୁ ତୁମ୍ବୁ
ହାଡ଼ାକାତା ଆଡ଼େରି, “ଇଦାଣି ଅର୍ତ୍ତ ଏନାୟି ?”

୧୩ ସାମା ଏଡ଼କାତାରି ଲାଜାକିହିଁ ଏଲେଇଚେରି, “ଇଝାରି
ପୁଞ୍ଜି ଡ଼ାକ୍‌ହି ଅଞ୍ଜୁରି ରାସା ଗସାନା ହଡ଼ା ହାଜାମାନେରି □”

ପିତର କାରୁ ଝେକ୍‌ନାୟି

୧୪ ସାମା ପିତର ଏଗାର ଜାଣା ସୀମୁୟାଁ ତଲେ ନିଚାନା କାଜା
ଗିୟାତଲେ ଏଲେଇଚେସି, “ଜୀହୁଦି ତାୟିୟାଁ ଅଡ଼େ ଜିରୁସାଲମତା
ବାସା କିହିମାନାତେରି, ମୀରୁ ନା କାତାତି ଝେଞ୍ଜାଦୁ ଅଡ଼େ ଇଦାଆଁ
ପୁଞ୍ଜୁ □

୧୫ ଇଚିହିଁ ମୀରୁ ଏନିକିଁ ଅଣ୍ଡିମାଞ୍ଜେରି, ଇଝାରି
ଏଲେକିହିଁ ଅଞ୍ଜୁରି ରାସା ଗସାହାଁ ହଡ଼ା ହିଲଅରି; ଇଦି ଆଡ଼େ
ଲାଇତି ନ ଗଂଗା ଆହାମାନେ □

୧୬ ସାମା ମାହାପୁରୁ ଅଣ୍ଡିପୁତି ବଲୁ ଝେହ୍‌ନି ଆମିନି ଜୟେଲ
ତାଣାଟି ରାସ୍‌କି ଆହାମାନେ ଇଦି ଆହାମାନେ ଏଦି;

୧୭ ‘ମାହାପୁରୁ ଝେସିମାନେସି ରାନ୍‌ ଦିନାତା ଇ ବାରେ ଗଟ଼ି ଆନେ,
ନାନୁ ବାରେ ଲକୁତାକି ନା ଜୀଞ୍ଜୁ ପାଣ୍ଡାଲ୍,
ଏଚେଟିଏ ମୀ ମୀରୁକା ମାସ୍‌କା ମାହାପୁରୁ ଅଣ୍ଡିପୁତି ବଲୁ ଝେହ୍‌ନେରି,
ମୀ ଦାଂଗଣାୟାଁ କାବା ଆନାଣି ମେହ୍‌ନେରି,
ଅଡ଼େ ମୀ ରୁଡ଼ହାୟାଁ ହାପାନା ହେଣ୍‌ନେରି □

୧୮ ହାଅ, ଏ କାଲାତା ନା ହଲିୟାଙ୍ଗା ଇଞ୍ଜା ହ୍‌ଲେଣିସିକା ଲାକ,
ନାନୁ ନା ଜୀଞ୍ଜୁତି ଏଝାରି ଲାକ ଝାକ୍‌ଲ୍,
ଏଚେଟିଏ ଏଝାରି ମାହାପୁରୁ ଅଣ୍ଡିପୁତି ବଲୁ ଝେହ୍‌ନେରି □

୧୯ ନାନୁ ହାଗୁ ଲାକ କାବାଆନ୍‌ କାମା;
ଅଡ଼େ ଡ଼ଇ ଦାର୍‌ତିତା କାବାଆନ୍‌ ସିନାୟାଁ,
ଏମ୍‌ଆଁ ନେତେରି, ହିରୁ ଇଞ୍ଜା ହାରେକା ବୟ୍‌ ତହ୍‌ଲ୍;

୨୦ ପ୍ରବୁତି କାଜା ଗାଞ୍ଜୁରମି ଦିନା ଝାନ୍‌ ନଡ଼େକଏ,
ଝେଡ଼ା ଆନ୍‌ଦେରି ଆନେ,
ଅଡ଼େ ଲେଞ୍ଜୁ ନେତେରିଲେହେଁ ଆନେ □

୨୧ ଅଡ଼େ ଇଲେକିହିଁ ଆନେ, ଆମ୍ବାଆସି ପ୍ରବୁ ଦରୁ ଆସାନା
ପ୍ରାଡାନା କିନେସି, ଏଞ୍ଜାସି ଗେଲ୍‌ପି ଆନେସି □”

୨୨ “ଇସ୍ରାୟେଲ ଲକୁଡେରି, ଇ ବାରେ କାତା ଖେଞ୍ଜୁ! ନାଜରିତ
ଜୀସୁ ହାରେକା ବାଡ଼ୁଡ଼ି କାମା, କାବାଆନି କାମା ଇଞ୍ଜା ସିନାୟା
ତଲେ ମୀ ନକିତା ମାହାପୁରୁତି ପାଶୁଞ୍ଜି ଆଡାସି ଇଞ୍ଜା ପାରମାଣା
ଆହାମାନେସି, ଏଞ୍ଜାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା
କିହାମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି □

୨୩ ☆ଏ ଜୀସୁ ମାହାପୁରୁ କିହାମାନି ଅଶ୍‌ପୁ ଅଡ଼େ ତଲିତି
କାତାତଲେ ହେରପି ଆହାଲିଏ, ମୀରୁ ଏଞ୍ଜାଣାଇଁ ପାପୁ ଗାଟାରି
କେୟୁଟି ପାସି ମୁଣ୍ଡାତା ଏକହାନା ପାୟାମାଟେରି □

୨୪ ☆ସାମା ମାହାପୁରୁ ଏଞ୍ଜାଣାଇଁ ହାକିତି ବାଡ଼ୁଡ଼ି ଗେଲ୍‌ପାନା
ନୀଟହା ମାଟେସି, ଇତିହିଁ ଏଞ୍ଜାସି ହାକିତା ଦସ୍‌ପି ଆହା ଡ଼ୟିନେସି
ଏଡ଼ି ଆହାଲି ଆଡେଏ □”

୨୫ ଦାଞ୍ଜୁଦ ଏ କାତାତି ଖେସାମାନେସି,
“ନାନୁ ବାରେବେଲା ନା ନକିତା ପ୍ରବୁଇଁ ମେସିମାଟେଏ;
ଇତିହିଁ ନାନୁ ଏନିକିଁ କିଲିବିଲି ଆଅଁ, ଏଦାଆଁତାକି ଏଞ୍ଜାସି
ନା ଟିଝନି ଟଟତା ମାନେସି □

୨୬ ଏଦାଆଁତାକି ନା ହିୟା ରାହାଁ
ଅଡ଼େ ନା ଖେନ୍‌ରି ରାହାଁ ଆଡେ,
ଅଡ଼େ ନା ଆଙ୍ଗା ଜିକେଏ ବାର୍ସୁ ତଲେ ବାସା କିନେ,

୨୭ ଇତିହିଁ ନାନୁ ନା ଜୀଞ୍ଜୁତି ହାକିପୁରୁତା ପିହଅତି;
ଅଡ଼େ ନୀ ନାମୁ ଅଡ଼େ ସୁଦୁ ଗାଟାଣାଇଁ ମାହାଣି ମାଣ୍ଡାତା
ସୀରହାଲି ହୀଅତି □

୨୮ ନାନୁ ନାଙ୍ଗେ ଜୀଞ୍ଜୁତି ଜିରୁ ତସାମାଞ୍ଜାଦି,
ଅଡ଼େ ନାନୁ ନାଙ୍ଗେ ନୀ ନକିତା ରାହାଁତା ନେଞ୍ଜିକିୟାଦି □”

୨୯ “ଇସ୍ରାୟେଲତି ତାୟିୟାଁ ଅଡ଼େ ତାଙ୍ଗିସ୍ତାତେରି, ମା ଆକୁ
ଦାଞ୍ଜୁଦତି କାତା ନାନୁ ମିଙ୍ଗେ କାଜା ହାଡାତଲେ ଖେସାଲି ଆଡାଲି,

☆ ୨:୨୩ ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮ ☆ ୨:୨୪
୨:୨୪ ମାତି ୨୮:୫,୬; ମାର୍କ ୧୭:୬; ଲୁକ ୨୪:୫

ଇଚିହ୍ନଂ ଏଞ୍ଜାସି ହାତେସି ଇଞ୍ଜା ମୁସ୍ତପି ଆତେସି, ଇଞ୍ଜା ଏଞ୍ଜାଣି
ମାହ୍ଣି ମାଣ୍ଡା ନୀର୍ଦ୍ଦି ପାତେକା ଇମ୍ପାଆଁ ମା ବିତ୍ତା ମାନେ □

୩୦ ରାଜା ଦାଞ୍ଜୁଦ ର ମାହାପୁରୁ ଅଣପୁତି ବଲୁ ଖେହ୍ନାସି
ଲେହେଁ, ତାନି ନେତେରି ତଲେ ଜାନି ଆଡ଼ାଣାଇଁ ମାହାପୁରୁ
ତାନି ସିଂଗାସାଣିତା କୁରିକିହାଲି ତାନି ତାଣା ଆଞ୍ଜାମାଚେସି ଇଞ୍ଜା
ପୁଞ୍ଜାମାଚେସି □

୩୧ ଦାଞ୍ଜୁଦ ଇଦାଆଁ ପୁଞ୍ଜାମାଚାକି, କ୍ରୀସ୍ତତି ଖେଣ୍ଡେ ନିଜିନି କାତା
ଖେସାମାଚେସି □”

“ଇଚିହ୍ନଂ ଏଞ୍ଜାସି ହାତାରି ତାଣା ତୟାଆତେସି;

ଇଞ୍ଜା ଏଞ୍ଜାଣି ଆଞ୍ଜା ମାହ୍ଣି ମାଣ୍ଡାତା ସୀରୁଆତେ □”

୩୨ ମାହାପୁରୁ ଇ ଜୀସୁଇଁ ଅଡ଼େ ଖେଣ୍ଡେ ହାକିଟି ନିକହାମାନେସି
ଇଦାଣି ତାକି ମାନ୍ଦୁରାରେ ସାକି □

୩୩ ଏଦାଆଁତାକି ଆଦା ମାହାପୁରୁ ଜୀସୁଇଁ କାଜାସି କିହାନା ତାନି
ଟିଃନିଞ୍ଜାକି କୁରିକିହାନା ତାନିତଲେ ସାଲଞ୍ଜି କିହାଲି ହୀତେସି, ଇଞ୍ଜା
ଏଞ୍ଜାସି ମାଞ୍ଜେ ଆଞ୍ଜାମାଚି ସୁଦୁଜୀଞ୍ଜୁ ହିୟାତେସି, ଇଦି ମୀରୁ ବାରେ
ଆମିନିଗାଟାଣି ମେସିମାଞ୍ଜେରି ଇଞ୍ଜା ଖେଞ୍ଜିମାଞ୍ଜେରି □

୩୪ ଇଚିହ୍ନଂ ଦାଞ୍ଜୁଦ ଲାକପୁରୁ ହାଜାହିଲିଆତେସି; ଏଞ୍ଜାସି ତାନୁଏ
ଖେସାମାଚେସି,

“ପ୍ରୁ ନା ପ୍ରୁଇଁ ଏଲେଇଚେସି;

୩୫ ନାନୁ ନୀ ସାତୁୟାଣି ନୀ କତାୟା ତୁଇ ଇଟାଆ ପାତେକା,

ନୀନୁ ନା ଟିଃନିଞ୍ଜାକି କୁଗାମାନାମୁ □”

୩୬ “ଇଦାଆଁତାକି ବାରେ ଇସ୍ରାୟେଲତି ଲକୁ ସାତେଏ ପୁନାପେରି,
ଇଚିହ୍ନଂ ଆମିନି ଜୀସୁଇଁ କୁସତା ପାୟିତେରି, ସାତେଏ ଏଞ୍ଜାଣାଇଁ
ମାହାପୁରୁ, ପ୍ରୁ ଅଡ଼େ ମସିହା ପାଣା ହୀତେସି □”

୩୭ ଇ କାତା ଖେଞ୍ଜାନା ଲକୁତି ହିୟାଁ ତୀହାହାଚେ, ଇଞ୍ଜା ଏଞ୍ଜାରି
ପିତର ଅଡ଼େ ଏମ୍ପାଆଁ ମାଚି ପାଣ୍ଡୁଞ୍ଜି ଆଡ଼ାରାଇଁ ଏଲେଇଚେରି,
“ତାୟିୟାଁ ମାନ୍ଦୁଏନାଆଁ କିନମି ?”

୩୮ ପିତର ଏଞ୍ଜାରାଇଁ ଏଲେଇଚେସି, “ମୀରୁ ମୀ ହିୟାଁ ଖେବ୍‌ହା
କତାଦୁ, ଅଡ଼େ ଜାହାରା ପାପୁତି ମ୍ଲେକ୍‌ହାଲି ବାରେଜାଣା ଜୀସୁ କ୍ରୀସ୍ତ

ଦରୁତଲେ ବାପ୍ତିସ୍ତା[†] ଅଦୁ; ଆତିହିଁଦେଁ ମୀରୁ ସୁଦୁଜୀଝୁତି ଦାନା
ବେଟାଆଦେରି □

୩୯ ଇତିହିଁ ମାହାପୁରୁ ଆଞ୍ଜାମାନାୟି ମିଙ୍ଗେତାକି, ଇଞ୍ଜା ମୀ
ମୀରକା ମାସକା ତାକି, ଅଡ଼େ ହେକତି ଏତେକା ଲକୁ ମା ପୁରୁ
ମାହାପୁରୁ ତାନି ତାଣା ହାଡ଼ିନେସି, ଏ ବାରେ ଲକୁତାକି ଆନେ □”

୪୦ ଅଡ଼େ ପିତର ଏଝାରାଇଁ ହାରେକା କାତାତଲେ ବାତିମାଲିହିଁ
ଅଡ଼େ ଏଝାରାଇଁ ଜାପୁନି ହାଡ଼ା ଝେସିହିଁ ସାକି ହୀତେସି, “ଇ
କୁରୁଗାଟି କୁଡ଼ାତି ଲକୁଟିଏ ମୀରୁ ଗେଲ୍ପି ଆଦୁ □”

୪୧ ହାରେକା ଲକୁ ଏଝାଣି ହାଡ଼ା ନାମିତେରି ଇଞ୍ଜା ବାପ୍ତିସ୍ତା[‡]
ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକୁ କୁଲମି ତଲେ
ଆଣ୍ଡିତେରି □

୪୨ ଏ ଦିନାଟିଏ ଏଝାରି ପାଣ୍ଡୁଝି ଆଡ଼ାରି ଜାପୁନି ତାଣା,
ଏଝାରିତଲେ ଆଣ୍ଡାନା ରୁଟି ଡିକ୍‌ହାଲି, ପ୍ରାତାନା କିହାଲି ଆଣ୍ଡୁଝି ଆହ୍ନି
ଡ଼ୟିତେରି □

ନାମୁଗାଟାରି ମାଣ୍ଡକି

୪୩ ପାଣ୍ଡୁଝି ଆଡ଼ାରି ତାଣାଟି ହାରେ ହାରେକା କାବାଆନି କାମା
ଇଞ୍ଜା ସିନାୟା ତଞ୍ଜାଆହାଲି ମାଟ୍‌ହେ; ଅଡ଼େ, ଲକୁ ବାରେ ଆଜାଲି
ମାଟ୍‌ହେରି □

୪୪ ☆ସାମା ବାରେ ନାମିତାରି, ଏଝାରି ବାରେଜାଣା ରଣ୍ଡିଏ ତାଣା
ଡ଼ୟାନା ବାରେ ଦନଡି ବାରେତାୟି ଇଞ୍ଜା ଅଣ୍ଡପିତେରି,

୪୫ ଅଡ଼େ ଏଝାରି ଜାହାରା ଦନଡି ଆସ୍ତି ମାଟାଣି ପାର୍‌ତାନା,
ଆମ୍ବାଆରାକି ଏନାୟି ଲଡ଼ାମାନେ, ଏଲେକିହିଁ ବାରେତାକି
ବାଡ଼ିକିହ୍ନା ହୀହାଲି ମାଟ୍‌ହେରି □

୪୬ ଅଡ଼େ, ଏଝାରି ରଣ୍ଡିଏ ହିୟା ଆହ୍ନି ବାରେଦିନା ପ୍ରାତାନା ଇଲୁଡା
ରୁଣ୍ଡା ଆହାନା ଡ଼ୟିମାରେରି, ଇଞ୍ଜା ଇଲୁତାକି ଇଲୁ ରୁଟି ଡିକ୍‌ହିଁ
ରାହ୍ନା ଅଡ଼େ ହିଡ଼ଡି ହିୟା ତଲେ ତିଞ୍ଜି ଉଣ୍ଡିହିଁ,

† ୨:୩୮ ୨:୩୮ ମୁଞ୍ଜିନାୟି ‡ ୨:୪୧ ୨:୪୧ ମୁଞ୍ଜିନାୟି ☆ ୨:୪୪ ୨:୪୪ କାମା
୪:୩୨-୩୫

୪୭ ମାହାପୁରୁଷ ଜହରା କିହିମାରେରି ଇଞ୍ଜା ବାରେ ଲକ୍ଷ୍ମି ଜୀବୁ ନନାରି ଆହିମାରେରି □ ଅଡ଼େ ପ୍ରବୁ ତାଣା ଗେଲୁପି ଆହିମାନି ଲକ୍ଷ୍ମି ବାରେଦିନା କୁଲମି ତଲେ କାଲହାଲି ମାଟ୍‌ହେରି □

୩

ପିତର ସଟାକ୍ ନେହୁଁକିନାୟି

୧ ପିତର ଅଡ଼େ ଜହନ ର ଦିନା ପ୍ରାତାନା କିନି କାଟୁତା ଇଚିହୁଁ ତାନି ଗଂଟା ବେଲାତା ପ୍ରାତାନା ଇଲୁତା ହାଜିମାରେରି □

୨ ଏଚିବେଲାତା ଜାର୍ନାଟିଏ ସଟା ରଅସି ଡେକି କିଝି ଆହୁଁ “ଅଜିତି” ଦରୁଗାଟି ଦୁଝେରିତା ଇଟ୍‌ଝି ଆହିମାରେସି; ଇଞ୍ଜା ଏଝାସି ପ୍ରାତାନା ଇଲୁତା ଝାନି ଲକ୍ଷ୍ମି ରାସିମାରେସି □

୩ ଅଡ଼େ ଏଝାସି ପିତର ଇଞ୍ଜା ଜହନକ୍ ପ୍ରାତାନା ଇଲୁ ବିତ୍ରା ହାଜିମାନାଣି ମେସାନା ଏଝାରାକ୍ ରାସାଲି ମାଟ୍‌ହେସି □

୪ ପିତର ଅଡ଼େ ଜହନ ଏଝାଣାକ୍ ଆଚେ ସିନିକିଡେରି, ଇଞ୍ଜା ପିତର ଏଲେଇଚେସି “ମା ଝାକି ସିନିକିୟାମୁ □”

୫ ଏମ୍‌ଗାଟିଏ ଏଝାସି ଏଝାରି ତାଣାଟି ଇଚାଣି ବେଟାଆହାଲି ଏଝାରି ଝାକି ସିନିକିଡେସି □

୬ ସାମା ପିତର ଏଲେଇଚେସି, “ନା ତାଣା ବାଂଟାରା କି ଝେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାକ୍; ନାଜ୍‌ରିତ ଜୀସୁ କ୍ରୀସୁ ଦରୁତଲେ ହୁକୁମି ହାହିମାଞ୍ଜାକ୍ ନିଙ୍ଗାନା ତାକାମୁ!”

୭ ଅଡ଼େ, ଏଝାସି ଏଝାଣି ଚିଝନି କେୟୁ ଆସାନା ଏଝାଣାକ୍ ନିକ୍‌ହେସି, ଏଚେଟିଏ ଏ ଦେବୁଣିଏ ଏଝାଣି କଡାୟାତି ହାୟୁଲିକା ବାଡ଼ୟୁ ଆଡୁ;

୮ ଏଝାସି ଡେଝୁଁ ଡେଝୁଁ ତାନି କଡାତଲେ ନିଚେସି, ଅଡ଼େ ତାକାଲି ମାଟ୍‌ହେସି □ ଏଚେଟିଏ ଏଝାସି ଏଝାରିତଲେ ପ୍ରାତାନା ଇଲୁତା ତାକହୁଁ ଅଡ଼େ ଡେଝିହୁଁ ଇଞ୍ଜା ମାହାପୁରୁକ୍ ଗାଝୁରମି କିହୁଁ ହାଚେସି □

୯ ଏମ୍‌ଗାଆଁ ମାନି ଲକ୍ଷ୍ମି ବାରେ ଏଝାଣି ତାକିନାଣି ଅଡ଼େ ମାହାପୁରୁଷ ଗାଝୁରମି କିହିମାନାଣି ମେସେରି;

୧୦ ଅଡ଼େ ଆନିଗାଟାସି ପ୍ରାତାନା ଇଲୁତି ଅଜିତି ଦୁଝେରିତା କୁଗାନା ରାସିମାଚେସି, ଏଝାସିଏ ଇଝାସି ଇଞ୍ଜି ପୁଚେରି, ଏଝାଣାକି ଏନାଆଁ କିଝି ଆହାମାଚେ ଏଦାଆଁ ମେସାନା ଆତାଜାକା ଆହାନା କାବା ଆଡେରି □

ପ୍ରାତାନା ଇଲୁତା ପିତର ଝେକନାୟି

୧୧ ଏଝାସି ପିତର ଇଞ୍ଜା ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକୁ ଆତାଜାକା ଆହାନା ଏଝାରି ତାଗେ ହଟାଚେରି □

୧୨ ପିତର ଏଝାରାଇଁ ମେସାନା ଏଲେଇଚେସି, “ଇସାୟେଲ ଲକୁଚେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମ୍ମୁ ମା ବାଡ଼ୁଲୁ କି ମାହାପୁରୁ ଆଜିତଲେ ଇଝାଣାକି ତାକାଲି ବାଡ଼ୁଲୁ ହାହାମାନମି, ଏଦାଆଁ ଅଶ୍ପାମା ମାଞ୍ଜେ ରଣ୍ଡିଏ ଅଶ୍ପୁ ତଲେ ଏନାଆଁତାକି ସିନିକିହିମାଞ୍ଜାଦେରି ?

୧୩ ଅବ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟାତି ମାହାପୁରୁ, ତାନି ହଲେଏସି ଜୀସୁଇଁ ମାହାପୁରୁତି ଗାଝୁରମି ହାହାମାନେସି □ ସାମା ଜୀସୁଇଁ ମୀରୁଏ ସାଲୁଝି କିନାରି କେନ୍ଦୁତା ହେର୍ପିଚେରି, ଏତିବେଲା ପିଲାତ ଜୀସୁଇଁ ପିସାଲି ଅଶ୍ପାମା ମାଚିହିଁ ଜିକେଏ, ଏଝାଣାଇଁ ମୀରୁ ପିଲାତ ନକିତା ଅପାଆଚେରି □

୧୪ ☆ଏଝାସି ସୁଦୁ ଅଡ଼େ ଦାମ୍ବୁଗାଟାସି ମାଚେସି, ସାମା ମୀରୁ ଏଝାଣାଇଁ ଅପାଆଚେରି, ଅଡ଼େ ଏଝାଣି ଟାନ୍ଦୁତା ର ଲକୁଣି ପାୟିନାଣାଇଁ ପିସାଲି ପିଲାତଇଁ ବାଡିମାଲିଚେରି,

୧୫ ଆମ୍ବାଆସି ଜୀଝୁତି ଜିରୁ ତହ୍ନାସି ଏଝାଣାଇଁ ମୀରୁ ପାୟିଚେରି; ଏଝାଣାଇଁ ମାହାପୁରୁ ହାଡାରି ତାଣାଟି ନିକହାମାନେସି, ମାମ୍ମୁ ଛଦାଣି ସାକି □

୧୬ ଏଝାଣି ଦରୁତି ବାଡ଼ୁଲୁ ଇ ସଟାଇଁ ନେହିଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜି ପୁଞ୍ଜାମାଞ୍ଜେରି, ଏଝାଣି

☆ ୩:୧୪ ୩:୧୪ ମାତି ୨୭:୧୫-୨୩; ମାର୍କ ୧୫:୭-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

ଦରୁତଲେ ନାମିତାକି ଆହାମାନେ □ ଜୀସୁଇଁ ନାମିତାକି ଏଝାସି ନେହଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି □”

୧୭ “ଅଡ଼େ ନୀର୍ବିଁ ଇସାୟେଲତି ତାୟିୟାଁ ଅଡ଼େ ତାଜିସ୍ତାତେରି, ମୀ କାଜାରି ଏନିକଁ, ମୀରୁ ଜିକେଏ ଏଲେକଁ ବୁଦି ହିଲାଆକି ଇଦାଆଁ କିହାମାନେରି ଇଞ୍ଜିଁ ନାନୁ ପୁଞ୍ଜିମାଇଁ □

୧୮ ତଲି କାଲାଟିଏ ମାହାପୁରୁ ଅଣ୍ପୁତି ବଲୁ ଝେହ୍ନାରି ତାଣାଟି ମାହାପୁରୁ ଝେସାମାଚେସି ମସିହାତି ଦୁକୁ ପାଣ୍ଡନାୟି ମାନେ; ଏ ବାରେ ଏଝାସି ଇଲେକଁ ପୁରା କିହାମାନେସି □

୧୯ ଇଚିହଁ, ଏନିକଁ ମୀ ପାପୁ ମେଣ୍ଡିନେ, ଏଦାଆଁତାକି ମନ ଝେଟ୍‌ହାନା ମାହାପୁରୁ ତାଣା ଝେଣ୍ଡା ଝାଦୁ,

୨୦ ପ୍ରବୁ ତାଣାଟି ମୀରୁ ଜୀସୁତି ବାଡ଼ୟୁ ବେଟାଆଡ଼େରି, ମାହାପୁରୁ ମିଙ୍ଗେତାକି ତଲିଏ ଆଚାମାନି ମସିହା ଜୀସୁଇଁ ପାଣ୍ଡାନେସି □

୨୧ ବାରେ କାତାତି ଝେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣ୍ପୁତି ବଲୁ ଝେହ୍ନାରି ତାଣାଟି ଝେକ୍‌ହା ମାଚେସି, ଏ କାଲା ଝାଆ ପାତେକା ଏଝାଣାକି ସାତେଏ ଲାକପୁରୁ ହାଜାଲି ଆନେ □

୨୨ ମସା ଝେସାମାଚେସି, ‘ପ୍ରବୁ ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହେଁକି ର ମାହାପୁରୁ ଅଣ୍ପୁତି ବଲୁ ଝେହ୍ନାଣାଇଁ ନିକ୍‌ନେସି; ଏନା ଏନାଆଁ ମିଙ୍ଗେ ଝେସ୍ତାନେସି, ଏ ବାରେ ମୀରୁ ଏଝାଣି କାତା ଝେଞ୍ଜେରି □

୨୩ ଆମିନିଗାଟାସି ମାହାପୁରୁ ଅଣ୍ପୁତି ବଲୁ ଝେହ୍ନାରି କାତା ନାମଅରି ଏଝାରି ମାହାପୁରୁତି ଲକୁ ତାଣାଟି ଏଟକା କିଞ୍ଜିଆନେରି ଅଡ଼େ ନାସା କିଞ୍ଜିଆନେରି □’

୨୪ ସାମୁୟେଲ ଇଞ୍ଜାଁ ତାନି ତାୟୁତି ଏଚରଜାଣା ମାହାପୁରୁ ଅଣ୍ପୁତି ବଲୁ ଝେହ୍ନାରି ଝେସାମାନେରି, ଏଝାରି ବାରେ ଇ କାଲାତା ଆହିମାନି କାତା ଝେସାମାନେରି □

୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣ୍ପୁତି ବଲୁ ଝେହ୍ନାରି ତାଣାଟି ମିଙ୍ଗେତାକି ନେହେଁ, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଞ୍ଜେରି □ ଏନିକଁ ଏଝାସି ଅଗ୍ରାହାମଇଁ ଏଲେଇଚେସି, ‘ନାନୁ ମୀ କୁଡାଟି ବାରେ ଦାରତିତି ଲକୁକି ବର ହାଇଁ

□’

୨୭ ମାହାପୁରୁ ତଲିଏ ତାନି ହଲେଏଣାଇଁ ମିଙ୍ଗେତାକି ବାଟି କିହାନା ପାଣ୍ଡାତେସି, ଏନିକିହିଁ ଏଞ୍ଜାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁଟି ଖେଟ୍‌ହାନା ବର ହିୟାନେସି □”

୪

ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଖେସିମାଟି ବେଲାତା ପୂଜେରାଜା, ମାହାପୁରୁ ଇଲୁତି କାଜାରି ଇଞ୍ଜା ସାଦୁକିୟାଁ ଏଞ୍ଜାରି ନକିତା ଖାଡ଼େରି □

୨ ଏଞ୍ଜାରି କପା ଆହିମାଚେରି, ଇଚିହିଁ ପାଣ୍ଡୁଞ୍ଜି ଆହାମାନାରି ଲକୁଣି ଜାପୁହି ମାଚେରି, ଇଞ୍ଜା ଜୀସୁତି କାତା ଆସାନା ହାଡ଼ାରି ବିତ୍ତାଟି ଖେଣ୍ଡେ ନିଙ୍ଗିତି କାତା ଖେକ୍‌ହି ମାଚେରି □

୩ ଏଚିବେଲା ମିଡ଼ଅଲା ଆହିମାଚେ, ଏଦାଆଁତାକି ଏଞ୍ଜାରି ସୀସୁୟାଣି ଦସପାନା ଅର ନେରୁ ପାତେକା କାୟିଦି ଇଲୁତା ଇଚିତେରି □

୪ ସାମା ଏଚେକା ଲକୁ ବଲୁ ଖେଚାରି ନାମିତେରି, ଇଞ୍ଜା ଖାରୁଇ ଆବାୟାଁ ପାସାମାଣା ଆଡ଼େରି □

୫ ତାନି ଅର ଦିନା ଜୀହୁଦିଙ୍ଗାତି କାଜାରି, ଇଞ୍ଜା ପ୍ରାଚିନାଜା, ଜାପୁନାରି ଅଡ଼େ ମୋରାପୁନାରି ଜିରୁସାଲମତା କୂଡ଼ା ଆଡ଼େରି □

୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକ୍‌ଜାଣ୍ଡାରତି କାଜା ପୂଜେରାଜା କୂଡ଼ାତି ବାରେ ଲକୁ କୂଡ଼ା ଆଡ଼େରି □

୭ ଏଞ୍ଜାରି ପାଣ୍ଡୁଞ୍ଜି ଆଡ଼ାରାଇଁ ମାଦିଏ ନିପୁହାନା ଖେଚେରି, “ଏନିକିହିଁ କିତେରି ? ଏନି ବାଡ଼ୁୟୁ ଇଞ୍ଜା ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି ?”

୮ ଏମ୍ବାଟିଏ ପିତର ସୁରୁଜୀଞ୍ଜୁତା ନେଞ୍ଜାନା ଏଞ୍ଜାରାଇଁ ଏଲେଇଚେସି, “ଲକୁତି କାଜାତେରି ଇଞ୍ଜା ପ୍ରାଚିନାଜାତେରି,

୯ ନୀଞ୍ଜୁ ମାନ୍ନୁ ସୁଗାକି କିହାମାନି ନେହୁଁ କାମାତାକି ମୀରୁ ଖେଞ୍ଜି ମାଞ୍ଜାଦେରି, ଏଞ୍ଜାସି ଏନିକିହୁଁ ନେହୁଁ ଆଡ଼େସି ଇଞ୍ଜୁଁ ପୁଞ୍ଜାଲି ଅଣ୍ଡିମାଞ୍ଜେରି,

୧୦ ଆତିହୁଁ ମୀରୁ ବାରେଜାଣା ତେରି ପୁନିକାତା, ଇସ୍ତାୟେଲତି ବାରେ ଲକୁ ପୁନାୟିମାନେ, ଆମିନି ନାଜରିତ ଜୀସୁ କ୍ରୀସ୍ତୁଁ ମୀରୁ କୁସତା ପାୟିତେରି, ଆମ୍ବାଆରାୟି ମାହାପୁରୁ ହାକିଟି ନିକହାମାନେସି ଏ ଜୀସୁ ଦରୁଟି ଇ ମାଣ୍ଡସି ନେହୁଁ ଆହାନା ମୀ ନକିତା ନିଚାମାନେସି □”

୧୧ ଜୀସୁ ରଅସିଏ, ଦାମ୍ବୁ ସାଡ଼ସ୍ତେରି ଖେସିମାଞ୍ଜାନେ,
“ଇଲୁ କେପିନାତେରି ମୀରୁ, ମୀ ତାଣାଟି ଆମିନି ଖାଲି ଲାଗେଏତାୟି ଆହାମାଗେ,
ସାମା ଆମିନାୟି କନତି କାଜା ଖାଲି ଆଡ଼େ, ଏଞ୍ଜାସି ଏ ଖାଲି □”

୧୨ ଏଞ୍ଜାଣି ପିସ୍ପେ ଅଡ଼େ ଆମ୍ବାଆରି ତାଣା ଗେଲ୍ପିନାୟି ହିଲେଏ; ଇତିହୁଁ ଆମ୍ବାଆରି ତାଣାଟି ମୀରୁ ଗେଲ୍ପି ଆନାୟି ଆନେ, ହାଗୁ ଡଇ ମାଣ୍ଡସିୟା ବିତ୍ରା ଏନି ଦରୁ ହୀପ୍‌କି ଆହା ହିଲେଏ □

୧୩ ଏଞ୍ଜାରି ପିତର ଅଡ଼େ ଜହନତି ସାସା ମେସାନା ଇଞ୍ଜାଁ ଏଞ୍ଜାରି ଏନାଆଁ ପୁନାଆତାରି ଅଡ଼େ ବୁଦି ହିଲାଆ ଲକୁ, ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜାଁ ଏଞ୍ଜାରି ଜୀସୁତଲେ ମାଚେରି ଇଞ୍ଜୁଁ ପୁଚେରି,

୧୪ ସାମା ଏ ନେହୁଁ ଆହାମାଚାସି ଜହନ ଇଞ୍ଜାଁ ପିତର ତଲେ ନିଚାମାଚାଣି ମେସାନା ଏଞ୍ଜାରି କପାଟି ଏନାଆଁ ଜଲ୍ଲାଲି ଆଡ଼ାଆତେରି □

୧୫ ତାନ୍ନୁ ଏଞ୍ଜାରାୟି ଚେରଣି ମାଣ୍ଡାଟି ହଡ଼ା ହାଜାଲି ହୁକୁମି ହୀହାନା ଏଞ୍ଜାରି ତାନ୍ନୁ ତାନ୍ନୁସୁ ଖେସ୍ପି ଆଡ଼େରି

୧୬ “ଇ ଲକୁଣି ଏନାଆଁ କିନାୟି ?” ଏଞ୍ଜାରି ଏଲେଇଚେରି,
“ଇତିହୁଁ ଇଞ୍ଜାରି ତାଣାଟି କାବାଆନି କାମା କିଞ୍ଜିଆହାମାନେ, ଇଦି ଜିରୁସାଲମତି ବାରେଜାଣା ନକିତା ତଞ୍ଜା ଆହାମାନେ, ଇଞ୍ଜାଁ ମୀରୁ ଏଦାଆଁ ଆଏ ଇଞ୍ଜାଲି ଆଡ଼ାଆୟି;

୧୭ ସାମା ଇ କାତା ଲକୁତାଣା ଏନିକିଁ ଗାତି ଖେଞ୍ଜେଏ,

ଏଦାଆଁତାକି ଏଞ୍ଜରାକ୍ ଜୀସୁ ଦରୁ ଏଚେଲା ଆମ୍ବାଆରି ନକିତା
ଆସାଲି ଏଞ୍ଜରାକ୍ କାହିକିନାୟି ମାନେ □”

୧୮ ତାୟୁ ଏଞ୍ଜରି ଜହନ ଅଡ଼େ ପିତରକ୍ ହାଟାନା ଜୀସୁତି ଦରୁ
ଝେହୁଆଦୁ କି ଜାପୁଆଦୁ ଇଞ୍ଜି ହୁକୁମି ହୀତେରି □

୧୯ ସାମା ପିତର ଅଡ଼େ ଜହନ ଏଞ୍ଜରାକ୍ ଏଲେଇଚେରି,
“ମାହାପୁରୁ କାତା ଝେନିକିହାଁ ମୀ କାତା ଝେନାୟି ମାହାପୁରୁ ନକିତା
ନେହେଁ କି ଆଏ, ଏଦାଆଁ ମୀରୁ ଅଣ୍ପା କତାଦୁ □

୨୦ ଇଚିହୁଁ ମାମ୍ବୁ ଏଦାଆଁ ମେସାମାନମି ଇଞ୍ଜା ଝେଞ୍ଜାମାନମି, ଏ
ବାରେ ଝେହୁଆନା ଡ଼ୟାଲି ଆଡ଼ଅମି □”

୨୧ ସାମା ଏ ବେରଣି ମାଣ୍ଡାତାରି ଏଞ୍ଜରାକ୍ ଅଡ଼େ ହାରେକା
ଆଜି କିହାନା ପିସ୍ତେରି, ଏଞ୍ଜରାକ୍ ତଣ୍ଡୁ ହାହାଲି ଆଏ ଇଞ୍ଜି
ଏଞ୍ଜରି ପୁଚେରି, ଏଦାଆଁତାକି ଇଚିହୁଁ ଏ କାମାତାକି ଲକୁ ବାରେ
ମାହାପୁରୁକ୍ ଜହରା କିତେରି □

୨୨ ଇଚିହୁଁ ଆମିନିଗାଟାଣି ତାଣା କାବାଆନି ନେହୁଁ କାମା କିଞ୍ଜି
ଆହାମାଚେ, ଏଞ୍ଜସି ରୀ କଡ଼ି ବାର୍ସାଟିଏ ଲାକ ମାଚେସି □

ପାଣ୍ଡୁଞ୍ଜି ଆହାମାନାରି ବାଡ଼ୁୟୁ ତାକି ପ୍ରାଡାନା

୨୩ ପିତର ଅଡ଼େ ଜହନ ପିସ୍ପିଆଡ଼ି ଦେବୁଣିଏ ତାନି ତଢେସିକା
ତାଣା ହାଚେରି ଇଞ୍ଜା କାଜା ପୂଜେରାକା ଅଡ଼େ ପ୍ରାଟିନାକା ଏଦାଆଁ
ଝେସାମାଚେରି, ଏ ବାରେ ଏଞ୍ଜରାକ୍ ଝେସ୍ତେରି □

୨୪ ଏଞ୍ଜରି ଏଦାଆଁ ଝେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା
କାଜା ହାଡ଼ାତଲେ ପ୍ରାଡାନା କିହୁଁ ଏଲେଇଚେରି, “ପ୍ରୁ ନୀନୁ
ହାଗୁ, ଦାରତି, ସାମ୍ପୁରି ଇଞ୍ଜା ଏ ବାରେ ତାଣା ମାନାଣି ବାରେ ଗାଡ଼ି
କିହାମାଞ୍ଜି □

୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଢେଏଣା ଗୁଡ଼ିତି,
ଇ କାତା ଝେସାମାଟି;

‘ଜୀହୁଦିଆଆତାରି ଏଦାଆଁତାକି କାର୍ବି ଆଡ଼େରି;

ଇଞ୍ଜା ଲକୁ ଏଦାଆଁତାକି ଉଜେଏତାଣି ଅଣ୍ପିତେରି ?

୨୬ ପ୍ରୁ ଅଡ଼େ ତାନି ବର ବେଟାଆହାମାନି ମସିହା କପାଟି,
ଦାରତିତି ରାଜାୟାଁ ନିଜିତେରି,

ଇଞ୍ଜା ସାଲଞ୍ଜି କିନାରି କୂଡ଼ା ଆଡ଼େରି □' "

୨୭ ଇଚିହ୍ନ ନୀ ସୁଦୁଗାଟି ହଢ଼େଲଏସି ଜୀସୁଇଁ ବର ହାତି, ସାତେଏ ଏଞ୍ଜାଣି କପାଟି ହେରଦ ଅଡ଼େ ପଡ଼ିୟ ପିଲାତ ଇ ରିଆରି ଜୀହୁଦିଆଆଡ଼ାରି ଅଡ଼େ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିତେରି,

୨୮ ମୀ ଅଣ୍ଡୁ ତଲେ ଏନାୟି ବାରେ ଗଟଞ୍ଜି ଆନେ ଇଞ୍ଜା ତଲିଟିଏ କିଞ୍ଜି ଆହାମାତେ, ଏଦାଆଁ କିହାଲି କୂଡ଼ା ଆଡ଼େରି □

୨୯ ଅଡ଼େ ନୀଏଁ, ଏ ପ୍ରବୁ, ଏଞ୍ଜାରି ମାଞ୍ଜେ ଆଜି କିହିମାଞ୍ଜାନାଣି ସିନିକିୟାମୁ; ଅଡ଼େ ନୀ ହଲିୟାଞ୍ଜାଣି ହାରେକା ସାସାତଲେ ନୀ ବଲୁ ଝେସାଲି ବାଡ଼ୁୟ ହାମୁ,

୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଢ଼େଲଏସି ଜୀସୁତି ଦରୁତଲେ ନେହ୍ନ କିହାଲି ଅଡ଼େ ସିନାୟାଁ ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟୁ ଦାସା ତୟାମୁ □

୩୧ ଏଞ୍ଜାରି ପ୍ରାଡ଼ାନା ରାପୁହି ତାୟୁ, ଆମିନି ଗାୟୁତା ରୁଣ୍ଡା ଆହାମାତେରି, ଏଦି ଝାଡ଼ିତେ □ ଇଞ୍ଜା ବାରେଜାଣା ସୁଦୁଜୀଝୁ ତଲେ ନେଞ୍ଜାନା ବାଡ଼ୁୟ ତଲେ ମାହାପୁରୁତି ବଲୁ ଝେକହାଲି ମାଟ୍‌ହେରି □

ନାମୁଗାଟାରି ଦନଡ଼ି ସମାନା ବାଗା ବେଟାଆଡ଼େରି

୩୨ ✧ ନାମୁଗାଟି ଲକୁ ରଣ୍ଡିଏ ହିୟାଁ ରଣ୍ଡିଏ ମନଡ଼ଲେ ମାତେରି; ଏଞ୍ଜାରି ବିତ୍ରାଟି ଆମ୍ବାଆରି ଜିକେଏ ତାମି ଦନଡ଼ି ମାଦି ଇଞ୍ଜା ଅଣ୍ଡି ହିଲାଆତେରି, ସାମା ଏଞ୍ଜାରିଝାୟି ବାରେ ସମାନା ଇଞ୍ଜା ଅଣ୍ଡିମାତେରି □

୩୩ ପାଣ୍ଡୁଞ୍ଜି ଆହାମାନାରି ଗାଡ଼ି ବାଡ଼ୁୟ ତଲେ ପ୍ରବୁ ଜୀସୁତି ଝେଣ୍ଡେ ନିଜାଡ଼ି କାତା ଝେସାଲି ମାଟ୍‌ହେରି, ଇଞ୍ଜା ବାରେତି ଲାକ ମାହାପୁରୁତି ହାରେକା କାର୍ମା ମାତେ □

୩୪ ଇଚିହ୍ନ ଏଞ୍ଜାରି ବିତ୍ରା ଆମ୍ବାଆରାକି ଏନାୟି ଡ଼ଣା ଆହି ହିଲାଆତେ, ଇଚିହ୍ନ ଏତେକା ଲକୁତି ବୁମି ଇଞ୍ଜା ଇଲକା ମାଟୁ ପାରତି ମାତେରି

୩୫ ଅଡ଼େ ପାଣ୍ଡୁଞ୍ଜି ଆଡ଼ାରି କଡ଼ାଁ ଡ଼ଇକା ଏ ଡ଼ାବୁୟାଁ ହୀହିମାରେରି,
ଅଡ଼େ ବାରେ ଲକ୍ଷୁଡ଼ାକି ତାମି ଲଡ଼ାମାନି ଲେହେଁ ଏ ଡ଼ାବୁୟାଁ
ବାଡ଼ିକିଞ୍ଜି ଆହିମାରେ □

୩୬ କୁପ୍ପ ଇନି ଟାୟୁଡ଼ା ଜାନାଁ ଆହାମାଟି ଲେବି କୁଡ଼ାତି ଜସେପ,
ଆମିନାଣାଇଁ ପାଣ୍ଡୁଞ୍ଜି ଆଡ଼ାରି ବର୍ନବା ଇଞ୍ଜିଁ ମାରେରି, ଇ ଦରୁ ଅର୍ତ୍ତ
“ବାସୁଁ ହୀନାସି,”

୩୭ ଏଞ୍ଜାଣିଞ୍ଜାୟି ଇଚାୟି ବୁମି ମାରେ, ଏଞ୍ଜାସି ଏଡ଼ାଆଁ ପାର୍ଚାନା
ଏମ୍ବାତି ଟାକାୟାଁ ତାଚାନା ପାଣ୍ଡୁଞ୍ଜି ଆଡ଼ାରି କଡ଼ାୟାଁ ଡ଼ଇ ଇଚିତେସି
□



ହନନିୟ ଅଡ଼େ ସପିରା

୧ ହନନିୟ ଦରୁଗାଟାସି ରଅସି ମାରେସି, ଏଞ୍ଜାସି ତାନି ତକ୍ତି ସପିରା
ତଲେ ଇଚାଣି ବୁମି ପାର୍ଚେସି □

୨ ହନନିୟ ତାନି ତକ୍ତି ତଲେ ଏ ଟାକାୟାଁ ବିତ୍ରାଟି କଚେକା ଡ଼କୁହା
ଇଚାନା କଚେକା ତାଚାନା ପାଣ୍ଡୁଞ୍ଜି ଆଡ଼ାରାକି ହୀତେସି □

୩ ପିତର ଏଞ୍ଜାଣାଇଁ ଏଲେଇଚେସି, “ହନନିୟ, ସୁଦୁଜାଞ୍ଜୁ ନକିତା
ମିଚି ଜଲ୍ଲାଲି ଇଞ୍ଜାଁ ବୁମି ପାର୍ଚାନା କଚେକା ଡ଼କୁହା ଇଚାଲି
ସୟତାନ ଏନାଆଁତାକି ମୀ ହିୟାଁତି ଲକ୍ଷାମାନେ ?

୪ ପାର୍ଚି ନଚେଏ ଏଡ଼ି ନୀ ଅଦିକାରାତା ହିଲାଆତେ କି ? ପାର୍ଚି
ଡ଼ାୟୁ ଜିକେଏ ଏମ୍ବାତି ଟାକାୟାଁ ଜିକେଏ ନୀଞ୍ଜି ଆହାହିଲାଆଡୁ କି ?
ଆତିହୁଁ ନୀନୁ ଏନିକଁ ନୀ ହିୟାଁତା ଇ ଅଣ୍ଡୁ ଅଣ୍ଡପିତ ? ଏଡ଼ାଆଁ
ନୀନୁ ମାଣସି ନକିତା ମିଚି ଜଲ୍ଲିମାଞ୍ଜି ଏଡ଼ି ଆଏ, ସାମା ମାହାପୁରୁ
ନକିତା ମିଚି ଜଲ୍ଲିମାଞ୍ଜି □”

୫ ହନନିୟ ଇ ହାଡ଼ା ଷ୍ଟେଣ୍ଡାୟିଏ ଡ଼ଇ ତରଗାନା ହାହାହାଚେସି;
ଏମ୍ବାଆଁ ଏଚେକା ଲକୁ ଇ କାତା ଷ୍ଟେଚେରି, ଏଞ୍ଜାରି ବାରେ ହାରେକା
ଆଜିତେରି □

୬ ଅଡ଼େ, ଦାଂଗଣାୟାଁ ବିତ୍ରା ଷ୍ଟାହାନା ହିମ୍ବୁରି ପ୍ଟାକ୍‌ହେରି ଇଞ୍ଜାଁ
ପାଞ୍ଜାତା ଅହାନା ମାହ୍‌ଣି ମାଣ୍ଡାତା ମୁସ୍ତେରି □

୭ ତାନି ଗଂଗା ତାୟୁ ତାନି ଡକ୍ତ୍ର ଖାଡ଼େ, ସାମା ଏଦାଆଁ ଆହାମାନେ, ଏଦାଆଁ ଏଦି ପୁଞ୍ଜା ହିଲ୍ଲାଆଡେ □

୮ ପିତର ଏଦାନି ଝେରେସି, “ନୀନୁ ଅଡ଼େ ନୀ ଡକ୍ତ୍ରା ଇରେକା ଟାକାୟାଁତାକି କି ମୀ ବୁମି ପାର୍ଡେରି ?” ଏଦି ଏଲେଇରେ, “ହାଅ ଏରେକା ତାକିଏ □”

୯ ପିତର ଏଦାନି ଏଲେଇରେସି, “ପ୍ରବୁତି ଜୀଝୁତି ତାୟିପାରି କିହାଲି ମାରୁ ଏଦାଆଁତାକି ରଣ୍ଡିଏ କାତା ଆଡ଼େରି ? ମେହ୍ମୁ ଆମିନି ଗାଟାରି ନୀ ଡକ୍ତ୍ରାଲ୍ ମୁସାନା ଖାହିମାନେରି, ଏଞ୍ଜାରି ଦୁଝେରିତା ଖାଡ଼େରିଏ, ଇଞ୍ଜା ଏଞ୍ଜାରି ନିଙ୍ଗେ ପାଙ୍ଗାତା ଡେକା ଅୟାନେରି □”

୧୦ ଏ କାତା ଝେଣ୍ଡୁନିଏ ଏଦି ପିତର କର୍ତ୍ତା ଡ଼ଇ ତରଗାନା ହାହାହାରେ, ଇଞ୍ଜା ଦାଂଗ୍‌ଣାୟାଁ ବିତ୍ରା ଖାହାନା ହାହାମାନାଣି ମେସ୍ତେରି ଇଞ୍ଜା ପାଙ୍ଗାତା ଡେକା ଅହାନା ତାନି ଡକ୍ତ୍ରା ଟଟତା ମୁସ୍ତେରି □

୧୧ ଏମ୍ବାଟିଏ ବାରେ କୁଲମି ଇଞ୍ଜା ଏରେକା ଲକୁ ଇ ବାରେ କାତା ଝେରେରି, ଏଞ୍ଜାରି ବାରେ ହାରେକା ଆଜିତେରି □

କାବାଆନି ସିନାୟାଁ

୧୨ ପାଣ୍ଡୁଝି ଆଡ଼ାରି ତାଣାଟି ହାରେକା କାବାଆନି କାମାୟାଁ ଅଡ଼େ ସିନାୟାଁ ଆହାଲି ମାଟ୍‌ହେ, ଇଞ୍ଜା ବାରେ ନାମିତାରି ରଣ୍ଡିଏ ଅଣ୍ଡୁ ତଲେ ସଲମନତି ପିଣ୍ଡାତା କୂଡ଼ା ଆହିମାରେରି,

୧୩ ସାମା ଏଟ୍‌କାତି ଲକୁ ଆମ୍ବାଆରି ଏଞ୍ଜାରିତଲେ କୂଡ଼ାଲି ସାସା କିହିହିଲ୍ଲାଆଡେରି; ଆଡ଼ିଜିକେଏ ଲକୁ ଏଞ୍ଜାରି ଗାଝୁରମି କିହିମାରେରି,

୧୪ ଇଞ୍ଜା, ହାରେ ହାରେକା ଇୟାସିକା ଅଡ଼େ ଆବାୟାଁ ନାମାହାଁ ପ୍ରବୁ ତାଣା କୂଡ଼ାଲି ଆଣ୍ଡିତେରି,

୧୫ ପାଣ୍ଡୁଝି ଆଡ଼ାରି କାମା ଦିନାତାକି ଦିନା ପାଡ଼ାଆଡେ, ଇଲ୍ଲାଆହ୍, କି ପିତର ଝାନି ବେଲ୍ଲାତା ଏନିକ୍ ତାନି ସାୟ୍ ରଗ୍ ଗାଟାରି ଲାକ ଆଡ଼ିନେ, ଏଦାଆଁତାକି ରଗ୍ ଗାଟାରାଲ୍ ଆଂଗେଣିତା ଡେକା ତାତାନା କାଟେଲି ଇଞ୍ଜା ପାସ୍‌ପନିତା ଇଟିମାରେରି □

୧୭ ଜିରୁସାଲମତି ସାରିସୁରୁ ଗାଡ଼ାୟାତି ହାରେକା ଲକୁ ରଗ
ଗାଟାରାଇ ଅଡ଼େ ବୁଡୁୟା ଆଲ୍‌ଗିତାରାଇ ତାତିହିଁ ଝାଡ଼େରି, ଅଡ଼େ
ଏଝାରି ବାରେଜାଣା ନେହିଁ ଆଡ଼େରି □

ପାଣ୍ଡୁ ଆଡ଼ାରାଇ ସାସ୍ତି

୧୭ ଏଚେଟିଏ କାଜା ପୂଜେରାଜା ଅଡ଼େ ଏଝାଣି ବାରେ ତଡ଼ ଲକୁ,
ନାୟୁତି ସାଦୁକିୟା ଗିତାରି ପାଣ୍ଡୁ ଆଡ଼ାରାଇ ତାହାରା ଆହାନା
ଏଝାରି କପାଟି ନିଜିଡେରି □

୧୮ ଏଝାରି ପାଣ୍ଡୁ ଆହାମାନାରାଇ ଆସାନା କାୟିଦି ଇଲୁତା
ଇଟିଡେରି □

୧୯ ସାମା ଲାଆୟା ବେଲତା ପୁରୁତି ର ଦୁଡୁ କାୟିଦି ଇଲୁତି
ଦାରାୟା ବାରେ ଦେଚାଡୁସ୍ତେ, ଇଞ୍ଜା ଏଝାରାଇ ପାଜାତା ତାଚାନା
ଏଲେଇଚେ,

୨୦ “ହାନ୍ତୁ, ଇଞ୍ଜା ମାହାପୁରୁ ଇଲୁତା ନିଚାନା ଲକୁଣି ଇ ଜାଝୁତି
ବାରେ କାତା ଝେହ୍‌ଦୁ □”

୨୧ ଇ କାତା ଝେଞ୍ଜାନା ଏଝାରି ଲାଇଅଲି ମାହାପୁରୁ ଇଲୁତା
ହଡାନା ଜାପୁହାଲି ମାଟ୍‌ହେରି □

ଏମ୍ବାଟିଏ କାଜା ପୂଜେରାଜା ଅଡ଼େ ତାମି ତଣେସିଜା ଝାହାନା
କୁଟିନି କାଜାରାଇ ଅଡ଼େ ଇସାୟେଲ ଲକୁତି ପ୍ରାଟିନାଜାଣି ହାଟାନା
କୁଡ଼ି କିଡେରି; ଇଞ୍ଜା ପାଣ୍ଡୁ ଆଡ଼ାରାଇ ତାଚାଲି କାୟିଦି ଇଲୁତା
ଲକୁଣି ପାଣ୍ଡୁଡେରି □

୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁ ଆଡ଼ାରାଇ
ବେଟାଆଆନା ଝେଣ୍ଡା ଝାହାନା ବେରଣି ମାଣ୍ଡାତାରାଇ ଝେସ୍ତେରି,

୨୩ “ମାମ୍ବୁ କାୟିଦି ଇଜ ହାଜାନା ସିନିକିଡମି, କାୟିଦି ଇଲୁ ଦାରା
ଆଟ୍‌ଝା ତଲେ ସୁଣ୍ଡୁଆହାମାଚେ; ଇଞ୍ଜା ଦୁଝେରିକାଣା କାଟାମାଟି
କସ୍କା ନିଚାମାଚେରି, ସାମା ଦାରା ଦେଚାଲିଏ ବିଡ୍ରା ଆମ୍ବାଆରାଇ
ଜିକେଏ ବେଟାଆଆଡମି □”

୨୪ ଇ ହାଡ଼ା ଝେଞ୍ଜାନା କାଜା ପୂଜେରାଜା ଅଡ଼େ ମାହାପୁରୁ ଇଲୁତି
କସ୍କା ମୁହେଁ କାଜାସି ପାଣ୍ଡୁ ଆଡ଼ାରାକି ଏନାଆଁ ଆଡ଼େ ଅଣ୍‌ପାନା
ଏଝାରି କାତାତା ଆଡ଼ାଜାକା ଆହାହାଚେରି □

୨୫ ଏରିବେଲା ରଥସି ଖାହାନା ଏଞ୍ଜରାଉଁ ଏଲେଇଚେସି,
“ମେହ୍‌ଦୁ ମୀରୁ ଆମିନି ଗାଟାରାଉଁ କାୟିଦି ଇଲୁତା ଇଟାମାଚେରି,
ଏଞ୍ଜରି ମାହାପୁରୁ ଇଲୁତା ଜାପୁହିମାନେରି □”

୨୬ ଏଚେଟିଏ କମ୍‌କା ମୁହେଁ କାଜାସି, କାମାକିନାରି ତଲେ ହାଜାନା
ପାଣ୍ଡୁଞ୍ଜି ଆଡ଼ାରାଉଁ ଝେଣ୍ଡେ ହାଟା ତାଚେରି, ସାମା ବାଡ଼ୁମୁ ତଲେ
ଆସ, ଇଚିହିଁ ଲକୁ ଖାଲକାତଲେ ଝେଟାନେରି ଜିକେଏ ଇଞ୍ଜି
ଆଜିମାଚେରି □

୨୭ ଏଞ୍ଜରି ଏଞ୍ଜରାଉଁ ତାଚାନା କୁଲମି ପାଞ୍ଜାତା ନିପୁହେରି,
ଏମ୍‌ଗାଟିଏ କାଜା ପୂଜେରା ଏଞ୍ଜରାଉଁ ଝେଚେସି □

୨୮ ☆ “ଇ ମାଣ୍ଡସି ଦରୁତଲେ ଆମ୍‌ଆରାଉଁ ଜିକେଏ ଝେହ୍‌ଆଦୁ
ଇଞ୍ଜି ମାମ୍‌ଜୁଣ୍ଡେ ହୁକୁମି ହାହାମାଞ୍ଜାତମି, ସାମା ସିନକିଦୁ, ମୀରୁ
ଏନାଆଁ କିହାମାଞ୍ଜେରି! ଜିରୁସାଲମତି ସାରିଞ୍ଜାକି ମୀରୁ ଏ କାତା
ଜାପୁହି ମାଞ୍ଜେରି ଇଞ୍ଜି ଏଞ୍ଜାଣାଉଁ ନେତେରିତି ଦହ୍ ମା ମୁହେଁ
ଏକହାଲି ଅଣ୍ଡିମାଞ୍ଜେରି □”

୨୯ ସାମା ପିତର ଇଞ୍ଜି ଏଟକାତି ପାଣ୍ଡୁଞ୍ଜି ଆହାମାନାରି
ଏଲେଇଚେରି, “ମାଣ୍ଡସିୟାତି ହୁକୁମି ମାନି କିନି କିହାଁ ମାହାପୁରୁତି
ହୁକୁମି ମାନି କିନାୟିମାନେ □

୩୦ ଆମିନି ଜାମୁଇଁ ମୀରୁ ପାସି ମୁଣ୍ଡାତା ଏକହାନା ପାୟାମାଚେରି,
ମା ଆକୁ ଆବାୟାତି ମାହାପୁରୁ ଏଞ୍ଜାଣାଉଁ ଝେଣ୍ଡେ ନିକହାମାନେସି □

୩୧ ଇଞ୍ଜି ଏଞ୍ଜସି ଏନିକ୍ ଇସ୍‌ୟାୟେଲତି ମନ ଝେଟପି କିହାଁ
ପାପୁ ମେଣ୍ଡି କିନେସି, ଏଡାଆଁତାକି ମାହାପୁରୁ ତାନି ଚିଃନି
କେମୁତଲେ ଏଞ୍ଜାଣାଉଁ କାଜାପାଣ୍ଡା ଇଞ୍ଜି ଗେଲପିନାଣା ଲେହେଁ
କାଜାସି କିହାମାନେସି □

୩୨ ଅଡେ, ମାମ୍‌ଜୁଇଁ ବାରେତି ସାକି, ଇଞ୍ଜି ଆମିନି ସୁଦୁଜୀଞ୍ଜୁଇଁ
ମାହାପୁରୁ ତାନି ହୁକୁମି ମାନି ଆନାରାକି ହାହାମାଞ୍ଜାନେସି, ଏଦି
ଜିକେଏ ସାକି □”

୩୩ ଇ କାତା ଝେଞ୍ଜାନା କୁଟମିତି କାଜାରି ହାରେକା କାରବି
ଆହାହାଚେରି, ଇଞ୍ଜି ଏଞ୍ଜରାଉଁ ପାୟାଲି ତାକି କାତା ଆଚେରି □

୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାଚେସି, ଏଝାସି ବେରଣିମାଣ୍ଡାତା ନିଚାନା ପାଣ୍ଡୁଝି ଆହାମାନାରାଇଁ ଗାଡ଼େକା ତାକି ପାଙ୍ଗାତା ପାଣ୍ଡାଲି ହୁକୁମି ହୀତେସି □

୩୫ ଇଞ୍ଜା ଏଝାସି ଏଝାରାଇଁ ଏଲେଇଚେସି “ଏ ଇସ୍ରାୟେଲ ଲକୁଚେରି, ଇଝାରି ତାକି ମୀରୁ ଏନାଆଁ କିହାଲି ଅଣ୍ପିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ □

୩୬ ଇଚିହିଁ ଇଦାଆଁ ନଚେଏ ତିଝୁଦା ଇନାସି ହଚାନା ତାନୁ ର କାଜା ମାଣ୍ଡସି କିହା କଡିତେସି, ଇଞ୍ଜା ସାରି ଝାଞ୍ଜା ଲକୁ ଏଝାଣିତଲେ ଆଣ୍ଡିତେରି; ଏଝାସି ପାୟୁଝି ଆଡେସି, ଇଞ୍ଜା ଏଚେକା ଲକୁ ଏଝାଣି ତାଣା ବାସୁଁ କିହାମାଚେରି, ଏଝାରି ବାରେ ଇତାଲା ଆତାଲା ଆହାଁ ଏନି କାମାତା ହୀଆତେରି □

୩୭ ଏ ଲକୁଚି ଜେଚ ଲକୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଚାନା ଲକୁଣି ତାନି ଝାକି ରେଜା ଅହାନା ତାନି ସୀସୁୟାଁ କିତେସି; ଏଝାସି ଜିକେଏ ପାୟୁଝି ଆଡେସି, ଇଞ୍ଜା ଏଚେକା ଲକୁ ଏଝାଣି ଜେଚ ଆଣ୍ଡାମାଚେରି, ଏଝାରି ବାରେ ଇତାଲା ଆତାଲା ଆହାହାଚେରି □

୩୮ ଇଞ୍ଜା ନୀଏଁ ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ଇ ଲକୁଣି ଏନାଆଁ କିଆନା ଏଝାରାଇଁ ପିସାତୁହୁଦୁ, ଇଚିହିଁ ଇ କାତା କି କାମା ମାଣ୍ଡସି ତାଣାଟି ଆହାମାନେ, ଇଚିହିଁ ଏଡି ଉଜେଏ ଆଡେ;

୩୯ ସାମା ଏଡି ମାହାପୁରୁ ତାଣାଟି ଆହାମାନେ, ଇଚିହିଁ ମୀରୁ ଏଝାରାଇଁ ଜୀଣା ଆନି ସାସା ହିଲେଏ, ଇଚିହିଁ ମୀରୁ ମାହାପୁରୁ କପାଟି ଦୁଜୁ କିହିମାଞ୍ଜେରି ଇଞ୍ଜା ତଞ୍ଜା ଆଦେରି □” ଏ ବାରେ କୁଟମି ଗମଲିୟେଲ କାତାତି ଝେଚେରି □

୪୦ ଇଞ୍ଜା ପାଣ୍ଡୁଝି ଆତାରାଇଁ ବିତ୍ରା ହାଚାନା ସାଟୁଣି ମାଡା ଝେଚାନା ଜୀସୁ ଦରୁତି କାତା ଝେହୁଆଦୁ ଇଞ୍ଜା ହୁକୁମି ହୀହାନା ପିସ୍ତେରି □

୪୧ ମାହାପୁରୁ ନକିତା ଏଝାରି ଜୀସୁ ଦରୁ ତାକି ଲାଜା ବେଟାଆହାଲି ଜଗେ ଇଞ୍ଜା ଅଣ୍ପାମାଚେରି, ଏଦାଆଁତାକି ଏଝାରି ରାହାଁ କିହିଁ କୁଟମି ବିତ୍ରାଟି ହଚାଝାଡେରି;

୪୨ ଅଡେ, ଏଝାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜା

ଇଲୁତାକି ଇଲୁ ଜାପହାଲି ଇଞ୍ଜା ଜୀସୁଏ ମସିହା, ଇ ନେହ୍ କାବୁ
ଝେକହାଲି ଉଣା ଆଆତେରି □



ସାଡ଼ା ଜାଣାତି କାମା ହେରପିନାୟି

୧ ଏମ୍ବାଟିଏ ସୀସୁୟା ହାରେ ହାରେକା ଜାଣା ଆହାଲି ମାଟ୍‌ହେରି,
ଗ୍ରିକ୍ ଜଲିନି ଜୀହୁଦି ଲକୁ ଏବ୍ରି ଜଲିନି ନାମିତି ଲକୁଣି ଲାଜା କିହାଲି
ମାଟ୍‌ହେରି, ଏନାଆଁତାକି ଇତିହ୍ ଦିନାତାକି ଦିନା କାଦିକଣ୍ଡା
ବାଟିକିନି ବେଲାତା ରାଣ୍ଡେଣିସିକାକି ହୀହି ହିଲାଆତେରି □

୨ ଏମ୍ବାଟିଏ ବାରଜାଣା ସୀସୁୟା ବାରେ ନାମିତି ଲକୁଇଁ ର ତାଣା
କୃତି କିହାନା ଏଲେଇତେରି, “ମାହାପୁରୁତି ବଲୁ ଝେକହାଲି ପିସାହ୍
ବାଟି କିହାଲି ହିକିତିହ୍ ନେହ୍ ଆଏ □

୩ ଇଦାଆଁତାକି ଏ ତାୟିୟା ଅଡେ ତାଙ୍ଗିସ୍ତା, ମୀ ବିତ୍ରାଟି ନେହ୍‌ରୀ
ଇଞ୍ଜା ଝେଜିତି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାଡ଼ା ଜାଣାଇଁ
ଆଡାଦୁ, ଏଞ୍ଜାରାକି ଇ ବାଟିକିନି କାମା ହେରପାଦୁ □

୪ ଆତିହ୍ ମାମ୍ ପ୍ରାତାନାତା ଇଞ୍ଜା ବଲୁ ଝେହ୍‌ନି ସେବା କାମାତା
ରଣ୍ଡିଏ ଅଣ୍ଡପୁ ତଲେ ଡୟିନମି □”

୫ ଇ କାତା ବାରେ ଲକୁତି କାନୁତା ନେହ୍ ତଞ୍ଜାଆଡେ,
ଇଞ୍ଜା ଏଞ୍ଜାରି ନାମୁ ଅଡେ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ
ଗାଟାଣାଇଁ ଇଞ୍ଜା ପିଲିପ, ପ୍ରକର, ନିକାନର, ତିମନ, ପାର୍ମନା,
ଅଡେ ଆନ୍ତିୟକିୟାତି ତଲି ଜୀହୁଦି ଦାମ୍‌ତା ଆଣ୍ଡାମାଟି ନିକଲାୟଇଁ
ଆଡିତେରି,

୬ ଏଞ୍ଜାରି ଏଞ୍ଜାରାଇଁ ପାଣ୍ଡୁଞ୍ଜି ଆଡାରି ତାଣା ତାତେରି, ଇଞ୍ଜା ଏଞ୍ଜାରି
ଲାକ କେସ୍ତା ଇଟାନା ପ୍ରାତାନା କିତେରି □

୭ ଏବେଟିଏ ମାହାପୁରୁତି ବଲୁ ହାରେକା ଝେଜିତେ, ଇଞ୍ଜା
ଜିରୁସାଲମତା ସୀସୁୟା ହାରେକା ପାତାଆହାଲି ମାଟ୍‌ହେରି; ଅଡେ
ପୂଜେରାଙ୍ଗା ବିତ୍ରାଟି ହାରେକା ଜାଣା କ୍ରୀସ୍ତଇଁ ନାମାଲି ମାଟ୍‌ହେରି □

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜା ବାଡ଼ୁୟ ବେଟାଆହାନା ଲକୁ ବିତ୍ରା କାଜା କାଜା କାବାଆନି କାମା ଅଡ଼େ ସିନାୟା କିହାଲି ମାଟ୍‌ହେସି
□

୯ ସାମା ଲିବର୍ତନ, କୁରିଣି ଅଡ଼େ ଆଲେକଜାଣ୍ଡ୍ରିୟା ଗାଡ଼ାୟାଣା ବାସା କିହାମାନି ଦରୁତା ଝେଙ୍ଗାମାନି ଜୀହୁଦି ଲକୁତି ପ୍ରାଡାନା ଇଲୁତି ଏଚେକା ଲକୁ ଅଡ଼େ କିଲିକିୟା ଇଞ୍ଜା ଆସିୟା ଦେସାତି ଏଟ୍‌କା ଜୀହୁଦିଙ୍ଗା ନିଙ୍ଗାନା ସ୍ତ୍ରୀପାନ ତଲେ ବାଦିବାଦା ଆଡେତରି □

୧୦ ସାମା ଏଝାସି ଆମିନି ସୁଦୁଜାଝୁ ଅଡ଼େ ବୁଦିତଲେ ଜଲିମାଚେସି, ଏଝାରି ଏ କାତାତି ଝେଣ୍ଡେ ଜଲଲି ସାସା କିହିହିଲାଆଡେତରି □

୧୧ ଏଚେଟିଏ ଏଝାରି ଏଚରଜାଣ୍ଡାତି ମାଡ଼ଝି କିହାନା ଏଲେଇଞ୍ଜି ଝେସାଲି ଜାପ୍‌ହେରି, “ମାମ୍ ଇଝାଣି ତାଣାଟି ମସା ଅଡ଼େ ମାହାପୁରୁ ନିନ୍ଦା କାତା ଜଲିମାଚାଣି ଝେଞ୍ଜାମାନମି □”

୧୨ ଅଡ଼େ, ଏଝାରି ବାରେ ଲକୁଣି, ଇଞ୍ଜା ପ୍ରାଟିନାଙ୍ଗାଣି ଅଡ଼େ ମେରା ପୁନାରାଇଁ କାରବି କିହାନା ଏଝାଣାଇଁ ବାଡ଼ୁୟ ତଲେ ଆସାନା ବେରଣିମାଣ୍ଡାତା ତାଡେତରି,

୧୩ ଇଞ୍ଜା ମିଟି ସାକି ହାନାରାଇଁ ନିପ୍‌ହାନା; ଏଝାରାଇଁ ଏଲେଇଚେରି, “ଇଝାସି ଇ ସୁଦୁ ପ୍ରାଡାନା ଇଲୁ ଇଞ୍ଜା ମସା ମେରାତି କପାଟି ଜଲଲି ଉଣା ଆହିହିଲଅସି,

୧୪ ଇଚିହିଁ ନାଜରିତ ଜାସୁ ମାହାପୁରୁ ଇଲୁତି ମ୍ଫେକ୍‌ନେସି, ଇଞ୍ଜା ମସା ମାଙ୍ଗେ ଆମିନି ମେରା ହାହାମାଞ୍ଜାନେସି, ଏ ବାରେ ତିରିମ୍ଫୁପ୍‌ନେସି ଇଞ୍ଜିଁ ଝେସିମାଚାଣି ମାମ୍ ଝେଞ୍ଜାମାନମି □”

୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଚେ ସିନିକିଡେରି, ଏଝାଣି ମ୍ଫୁମ୍ଫୁଦୁଡୁତି ମ୍ଫୁମ୍ଫୁଲେହେଁ ଉଜେଡ଼ି ତଞ୍ଜାଆଡେତ □



ସ୍ତ୍ରୀପାନ ଝେହ୍‌ନାୟି

୧ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି ?”

୨ ସ୍ତ୍ରୀପାନ ଏଲେଇରେସି, “ତାୟିୟାଁ ଅଡ଼େ ଆବାୟାଁତେରି ଖେଞ୍ଜୁ! ମା ଆବା ଅବ୍ରାହାମ ହାରଣତା ବାସାଆନି ନକେଏ ଏଚିବେଲା ଏଝାସି ମେସପଟାମିୟାଁ ଦେସାତା ମାରେସି, ଏଚିବେଲା ଗାଞ୍ଜୁରମିଗାଟି ମାହାପୁରୁ ଏଝାଶାଲ୍ ତଞ୍ଜାଆଡେସି,

୩ ଅଡ଼େ ଏଲେଇରେସି ‘ନୀନୁ ମୀ ଇଲୁ କୁଟମି ଇଞ୍ଜାଁ ମୀ ଦେସାଟି ହଟା ଖାମୁ, ଇଞ୍ଜାଁ ନାନୁ ଏମିନି ଦେସା ତସ୍ତାଲ୍ ଏ ଦେସାତା ହାଲାମୁ □’

୪ ଏଚେଟିଏ ତାନି କଲ୍ଲଦିୟାଁ ଦେସାଟି ହଟାଖାହାନା ହାରଣତା ବାସା କିତେସି, ଇଞ୍ଜାଁ ଅବ୍ରାହାମତି ଆବା ହାଡ଼ି ତାୟୁ ଏମ୍ବାଟିଏ ମୀରୁ ନୀଏଁ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଝାଶାଲ୍ ତାଟିହ୍ ଏଝାଡେସି,

୫ ଅଡ଼େ, ମାହାପୁରୁ ଅବ୍ରାହାମକି ଏମ୍ବାଆଁ ଏନି ଅଦିକାରା ହୀଆଡେସି, ଅଡ଼େ ର ପାଞ୍ଜୁଲି ଝିହ୍ନି ବୁମିଗାରି ଜିକେଏ ହୀଆଡେସି, ଇଞ୍ଜାଁ ଏଚିବେଲା ଏଝାଶାକି ପଡ଼ି ପଡ଼ା ହିଲାଆତି ଜିକେଏ ଏଝାସି ଏଝାଶାଲ୍ ଇଞ୍ଜାଁ ତାନି ଝାହିମାନି କୁଡ଼ାତାରିକି ଏଦାଆଁ ଅଦିକାରା କିହାଲିତାକି ହୀଲ୍ ଇଞ୍ଜାଁ ଆଞ୍ଜିଡେସି □

୬ ଇଞ୍ଜାଁ ମାହାପୁରୁ ଇଲେଇଞ୍ଜାଁ ଖେସେସି, ‘ତାନି କୁଡ଼ାତାରି ଏଟକା ଦେସାତା ବାସା କିନେରି ଇଞ୍ଜାଁ ଏ ଟାୟୁତି ଲକୁ ଏଝାରାଲ୍ ସାରି ଝାଞ୍ଜା ବାସା ପାତେକା ହଲିୟାଙ୍ଗା କିହାଁ ଏଝାରାଲ୍ ଖେଟି କାମା କିଝି କିହାନା ସାସ୍ତ୍ର ହୀନେରି □’

୭ ଅଡ଼େ ମାହାପୁରୁ ଏଲେଇରେସି, ନାନୁ ଏଝାରାଲ୍ ହଲିୟା କାମା କିଝିକିନାରାଲ୍ ବିଚାରା କିଲ୍; ଅଡ଼େ ତାୟୁ ମୀ କୁଡ଼ାତାରି ଏ ଦେସାଟି ହଟା ଖାନେରି ଅଡ଼େ ଇ ଟାୟୁତା ନାଞ୍ଜେ ପ୍ରାତାନା କିୟାନେରି □

୮ ଅଡ଼େ ମାହାପୁରୁ ଅବ୍ରାହାମକି ତଲୁ ଦାଃନି ରାଜିମାନା ସିନାତି ହୀଡେସି, ଇଞ୍ଜାଁ ଏଲେକିହ୍ ଏ ଅବ୍ରାହାମ ଇସାହାକଲ୍ ଜାନି କିହାନା ଆଟାଦିନା ଆହାଲିଏ ଏଝାଶା ତଲୁ ଦାଡେସି; ଇସାହାକ ଜାକୁବଲ୍, ଅଡ଼େ ଜାକୁବ ବାରଜାଶା ଝେଜିତି ଆକୁ ଆବାୟାଁଶି ଜାନି କିହାନା ତଲୁ ଦାପିକିଡେସି □”

୯ “ଜାକୁବ ମୀରଏସି ଜସେପଲ୍ ତାମି ତାୟିୟାଁ ତାହାରା ଆହାନା ମିସର ଦେସାତା ଅଝିଆୟାଲି ଏଝାଶାଲ୍ ପାରଡେରି; ସାମା

ମାହାପୁରୁ ଏଞ୍ଜାଣିତଲେ ମାଚେସି,

୧୦ ଅଡ଼େ ବାରେ କସ୍ତଟି ଜସେପଇଁ ଗେଲ୍‌ପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହାତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜା ତାମି ଇଲୁଟି ସାଲୁଞ୍ଜି କିହାଲି ଅଦିକାରା ହାତେସି □

୧୧ ତାୟୁ ମିସର ଇଞ୍ଜା କିଶାନ ଦେସାତା କାରୁଞ୍ଜୁ କାଡ଼ାରା ଆଡେ, ଲକୁ ହାରେକା କସ୍ତ ଆଡେରି, ମା ଆକୁ ଆବାୟା ତିଞ୍ଜାଲି କାଦିକଣ୍ଡା ବେଟାଆଆଡେରି,

୧୨ ସାମା ମିସର ଦେସାତା ଆର୍ନା ମାନେ ଇଞ୍ଜା ଶ୍ରେଞ୍ଜାନା, ଜାକୁବ ତାନି ମୀରକା ଇଚିହାଁ ମା ଆକୁ ଆବାୟାଣି ତଲିଏ ପାଣ୍ଡିତେସି □

୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କଡିତେସି, ଇଞ୍ଜା ମିସରତି ରାଜା ପାର ଜସେପ କୁଡ଼ାତାରି ଇଞ୍ଜା ପୁରେସି □

୧୪ ଏମ୍ବାଟିଏ ଜସେପ ତାମି ଆବା ଜାକୁବ ଇଞ୍ଜା ତାନିକଡ଼ି ପନ୍ଦର ଜାଣା ତାମି କୁଟମିତି ହାଟାଲି ପାଣ୍ଡିତେସି,

୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡ଼େ ତାନି ମୀରକା ଏମ୍ବାଆଁ ହାଡେରି □

୧୬ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଞ୍ଜିଆଡେ, ଇଞ୍ଜା ଅବ୍ରାହାମ ଏମ୍ବାଆଁ ହମର ମୀରକା ତାଣାଟି ଆମିନି ମାହାଣି ମାଣ୍ଡା ଟାକାୟାଁ ହାହାଁ କତାମାଚେସି, ଏମ୍ବାଆଁ ମୁସ୍‌ପି ଆଡେରି □”

୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାରେକା ଗାଡ଼ି ପାତା ଆଡେରି □

୧୮ ତାୟୁ ମିସର ଦେସାତା ଅଡ଼େ ର ରାଜା ଆଡେସି, ଏଞ୍ଜାସି ଜସେପଇଁ ପୁଞ୍ଜା ହିଲାଆଡେସି □

୧୯ ଏଞ୍ଜାସି ମା ଆକୁ ଆବାଣି ଶ୍ରେପିକିତେସି ଅଡ଼େ ସାସି ହାତେସି, ତାମି କକାରି ହାପାରିଞ୍ଜା ଇଞ୍ଜା ଇଲୁଟି ପାଙ୍ଗାତା କୁଡୁସାଲି ହୁକୁମି ହାତେସି □

୨୦ ଏତିବେଲାତା ମସା ଜାର୍ନା ଆଡେସି, ଏଞ୍ଜାସି ମାହାପୁରୁ ନକିତା

ହାରେକା ଅଜିତାସି ଇଞ୍ଜା ତାନି ଲେଞ୍ଜୁ ପାତେକା ତାନି ଆବା ଇଜ ପହିକିଞ୍ଜି ଆଡେସି □

୨୧ ତାମୁ ଏଚିବେଲା ଏଞ୍ଜାସି ପାଙ୍ଗାତା ମେଡ଼ପି ଆଡେସି, ଏଚିବେଲା ପାର ରାଜା ମାଙ୍ଗା ଏଞ୍ଜାଣାଇଁ ଅହାନା ତାନି ମୀରୁଏଣା ଲେହେଁ ପହିକିତେ □

୨୨ ଅଡେ ମସା ମିସର ଲକୁଡି ବାରେ ବୁଦି ଜାପାନା କାତାତା ଅଡେ କାମାତା ଖେଞ୍ଜିତେସି □”

୨୩ “ମସାକି ରୀ କଡ଼ି ବାର୍ଯ୍ୟା ଆୟାଲିଏ ତାନି ତାୟିୟାଁ ଇଚିହୁଁ ଇସ୍ତାୟେଲ ଲକୁଡି ମାସ୍କା ମୀରକାଣି ଏନିକିହୁଁ ଲେମ୍ବୁଞ୍ଜି ଆହିମାନେ ଇଞ୍ଜୁଁ ପୁଞ୍ଜାଲି ଅଣ୍ଡିପିତେସି □

୨୪ ଏଞ୍ଜାସି ରଅଣାଇଁ ମିସରତାସି ଗଡ଼ହା କିହିମାତାଣି ମେସ୍ତେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡେ ବାଦୁଲି ଅହାନା ଏଞ୍ଜାଣାଇଁ ପାୟିତେସି □

୨୫ ଏଞ୍ଜାଣି କେମୁଟି ମାହାପୁରୁ ତାନି ତାୟିୟାଁଣି ଗେଲପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡ଼ିନେରି ଇଞ୍ଜୁଁ ଅଣ୍ଡିପିମାଚେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆତେରି □

୨୬ ତାନି ଅର ଦିନା ଇସ୍ତାୟେଲ ଲକୁ ରିଆରି ମାଡ଼ା ଆହିମାତାଣି ମେସ୍ତେସି, ଇଞ୍ଜା ଏଞ୍ଜାରାଇଁ ଆଶୁଞ୍ଜି କିହାଲି ମାଦି ଆହୁଁ ଏଲେଇଚେସି, ‘ଆଡେ, ମୀରୁତ ଇସ୍ତାୟେଲ ତାୟିୟାଁତେରି; ଏନାଆଁତାକି ଇଲେଆହୁଁ ଗଡ଼ହା ଆହିମାଞ୍ଜେରି ?’

୨୭ ସାମା ଆମିନିଗାଟାସି ପାଡ଼ିତାଣାଇଁ ଲାଗେଏ କିହିମାଚେସି, ଏଞ୍ଜାସି ମସାକି ମେଡାନା ଏଲେଇଚେସି, ‘ଆମ୍ବାଆସି ନିଙ୍ଗେ ମା ଲାକ ସାଲୁଞ୍ଜି କିହାଲି ଅଡେ ନାହାଁୟି କିହାଲି ହିୟାତେସି ?’

୨୮ ‘ରେୱଏନି ଏନିକିଁ ମିସର ତାଣାଇଁ ପାୟାମାତି, ଏଲେକିହୁଁ କି ନୀନୁ ନାଙ୍ଗେ ପାୟାଲି ଅଣ୍ଡିପିମାଞ୍ଜାଦି ?’

୨୯ ଇ କାତା ଖେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜା ଏମ୍ବାଆଁ ରୀ ମୀରକା ଜାର୍ନା ଆଡେରି □”

୩୦ ତାମୁ ରୀ କଡ଼ି ବାର୍ଯ୍ୟା ଆୟାଲିଏ, ସିନୟ ହରୁ ତାଗେତି ଜାଡ଼ାତା ର ଦୂତୁ ର ବୂଟାତା ହିତୁ ଡ଼ାଞ୍ଜାନା ତଞ୍ଜାଆଡେସି □

୩୧ ମସା ଏଦାଆଁ ମେସାନା ଆତାଜାକା ଆଡେସି, ଇଞ୍ଜା ନେହଁକଁ ସିନିକିହାଲି ତାଗେ ହାଜିମାଟି ବେଲାତା ପ୍ରବୁତି ଇ ହାଡ଼ା ଖେରେସି,

୩୨ “ନାନୁ ମୀ ଆକୁ ଆବାୟାଁ ମାହାପୁରୁ, ଅବାହାମତି, ଇସାହାକ ଅଡ଼େ ଜାକୁବତି ମାହାପୁରୁ” ଏରେଟିଏ ମସା ଆଜିତାକି ନେହଁକଁ ସିନିକିହାଲି ସାସା କିଆଡେସି □

୩୩ ପ୍ରବୁ ଏଞ୍ଜାଣାଇଁ ଏଲେଇରେସି, “ନୀ କତାତି ସେପୁୟାଁ ହୁକୁମି, ଇଚିହଁ ନାନୁ ଆମିନି ଟାୟୁତା ନିଗାମାଞ୍ଜି ଏଡ଼ି ସୁଦୁଗାଟି ଟାୟୁ □

୩୪ ମିସରତା ନା ଆମିନି ଲକୁ ମାନେରି, ନାନୁ ଏଞ୍ଜାରି କସୁ ମେସାମାଇଁ, ଅଡ଼େ ଏଞ୍ଜାରି ଡ଼ାହିମାନାଣି ଖେଞ୍ଜାମାଇଁ, ଇଞ୍ଜା ଏଞ୍ଜାରାଇଁ ଗେଲପାଲି ରେଟା ଖାହାମାଇଁ; ଇଞ୍ଜା ନୀଏଁ ଖାପୁ ନାନୁ ନିଙ୍ଗେ ମିସର ଦେସାତା ପାଣ୍ଡାଇଁ □”

୩୫ “ମସାଇଁ ଇସାୟେଲତି ଲକୁ ଅପାଆଡେରି □ ଏଞ୍ଜାରି ଏଞ୍ଜାଣାଇଁ ଏଲେଇରେରି, ‘ମାଙ୍ଗେ ସାଲୁଝି କିହାଲି ଅଡ଼େ ନୀହାୟି କିହାଲି ଆମିନି ଅଦିକାରା ବେଟାଆଡ଼ି ? ଏଞ୍ଜାଣାଇଁ ମାହାପୁରୁ ଲକୁଣି ସାଲୁଝି କିହାଲି ଅଡ଼େ ମୁକଲୁଝି କିହାଲି ଦୂତୁତି ସାୟେମି ତଲେ ହିତୁ ଡ଼ାଞ୍ଜିମାନି ବୁଗାତା ତଞ୍ଜାଆହାନା ପାଣ୍ଡାଡେସି □

୩୬ ଏଞ୍ଜାସି ଲକୁଣି ମିସର ଦେସାଟି, ସୁପ ସାମ୍ପୁରି, ଇଞ୍ଜା ରୀ କଡ଼ି ବାର୍ଯ୍ୟା ପାଡେକା ବାଟାତା ହାରେକା କାବାଆନି କାମା ଅଡ଼େ ସିନାୟାଁ ତସାହାଁ ଏଞ୍ଜାରାଇଁ ହପ୍‌ହା ତାଡେସି □

୩୭ ଏ ମସା ତାନୁଏ ଇସାୟେଲ ମୀରକାଣି ଏଲେଇରେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହେଁକି ର ମାହାପୁରୁ ଅଣ୍ପୁତି ବଲୁ ଖେହ୍‌ନାଣାଇଁ ହିୟାନେସି □’

୩୮ ଏ ମସା ବାଠଲି ବାଟାତା କୁଡ଼ା ଆହାମାନି ଇସାୟେଲ ଲକୁତଲେ ମାରେସି □ ସିନୟ ହରୁତା ତାନିତଲେ କାତା ଆହିମାଟି ଦୂତୁ ଇଞ୍ଜା ମା ଆକୁ ଆବାୟାଁ ବିତ୍ରା ମାଦିତାସି ମାରେସି; ଏଞ୍ଜାସି ମିଙ୍ଗେ ହୀହାଲିତାକି ମାହାପୁରୁ ତାଣାଟି ଜୀଞ୍ଜୁତି ବଲୁ ବେଟାଆଡେସି □”

୩୯ “ସାମା ମା ଆକୁ ଆବାୟାଁ ଏଞ୍ଜାଣି କାତା ଆହ୍‌ଆନା ଏଞ୍ଜାଣାଇଁ ଅପାଆଡେରି, ଅଡ଼େ ମିସର ଦେସାତା ଖେଣ୍ଡା ହାଜାଲି ମନ୍ କିଡେରି,

୪୦ ଏଦାଆଁତାକି ଏଞ୍ଜାରି ହାରଣାଇଁ ଏଲେଇଚେରି □ ‘ମା ନକି ନକିତା ହାଜାଲି ମାଜୋତାକି ପେଣ୍ଟକାଣି କେପାମ୍ବୁ, ଇତିହିଁ ମାଜୋ ମିସର ଦେସାଟି ହପ୍ତହା ତାତାତି ମସାକି ଏଦାଆଁ ଆଡେ ମାମ୍ବୁ ପୁଞ୍ଜାହିଲଅମି □’

୪୧ ଅଡେ, ଏଚିବେଲାତା ଏଞ୍ଜାରି ର କଡ଼ି ତାଲୁଡି ବମା କେପାନା ଏ ବମା ତାକି ପୂଜା ହୀହାନା ତାମି କେୟୁଟି କେପିତି ଆସ୍ତି ତାକି ରାହ୍ନା କିତେରି □

୪୨ ସାମା ମାହାପୁରୁ ଏଞ୍ଜାରି ତାଣାଟି ଏଟ୍ଟକା ଆହାନା ଏଞ୍ଜାରାଇଁ ହାଗୁଲାଇକତି ହୁକାୟାଣି ସେବା କିୟାଲି ପିସ୍ତେସି, ଏନିକିଁ ମାହାପୁରୁ ଅଣ୍ଟପୁଡି ବଲୁ ଖେହନାରି ପତିତା ରାସ୍ତକି ଆହାମାନେ;

‘ଏ ଇସ୍ତାୟେଲ କୃତାତେରି,

ବାଟାତା ରୀ କଡ଼ି ବାସୀ ପାତେକା ମୀରୁ ନାଜୋତାକି କଡ଼ି ଗରି ପୂଜା କିହାହିଲାଆଡେରି □

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାଚେରି,

ଏ ମଲକ ପେନୁଡି ତୁମ୍ବୁ ଅଡେ ରମ୍ପାନ୍ ପେନୁଡି ହୁକାତି ମୀରୁ ଆସାନା ସେବା କିତେରି,

ଏଦାଆଁତାକି ନାନୁ ମିଜୋ ବାବିଲନ ଆତାଲା ବାସା ଆୟାଲି ପାଣ୍ଡାଇଁ □ ”

୪୪ “ନୀନୁ ଏନିକିଁ ମେସାମାଞ୍ଜି, ଏଲେକିହିଁଏ ସାକି ହୀନି ତୁମ୍ବୁ ଇଲୁ କେପାମ୍ବୁ ଇଞ୍ଜିଁ ମସାକି ଆମ୍ବାଆସି ଖେସାମାଚେସି, ଏଞ୍ଜାଣି ହୁକୁମି ତଲେ ମା ଆକୁୟାଁ ବାଟାତା ସାକି ହୀନି ତୁମ୍ବୁ ଇଲେ କେପାମାଚେରି □

୪୫ ତାୟୁ ମା ଆକୁ ଆବାୟାଁ ଏଦାଆଁ ତାମି ଆବାୟାଁ ତାଣାଟି ବେଟାଆଡେରି ଇଞ୍ଜାଁ ଜିହସୁୟ ତଲେ ତାକିମାଟିବେଲା ଏଞ୍ଜାରି ଏଦାଆଁ ଡେକା ଅଡେରି, ଏମ୍ବାଟିଏ ମାହାପୁରୁ ଏଞ୍ଜାରି ନକିତା ମାଟି ବାରେ କୃତାତି ଲକୁଣି ପେର୍ହା ତୁସାଲିଏ, ଇସ୍ତାୟେଲ ଲକୁ ଇଞ୍ଜାରି ଦେସା ଜୀଣାଆହାନା ଇ କୃତାଆନି ତୁମ୍ବୁ ଇଲୁ ଏମ୍ବାଆଁ ତାଚାନା ଇତିତେରି, ଇଞ୍ଜାଁ ଏଡି ଦାଞ୍ଜୁଦ ରାଜା ପାତେକା ଏମ୍ବାଆଁ ଡୟିତେ □

୪୭ ଦାସୁଦ ମାହାପୁରୁ ନକ୍ତିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଟାୟୁ କିହାଲି ପ୍ରାତାନା କିତେସି □

୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି □”

୪୮ “ସାମା ବାଡୁୟୁ ଗାଟି ମାହାପୁରୁ ମାଣ୍ଠି କେୟୁତଲେ କେପିତି ଇଲୁତା ବାସା କିଅସି; ଏନିକି ମାହାପୁରୁ ଅଣ୍ଠପୁତି ବଲୁ ଝେହନାରି ଝେସାମାନେରି □”

୪୯ ପ୍ରୁ ଏଲେଇଞ୍ଜା ମାନେସି, “ଲକପୁରୁ ନା ସିଂଗାସାଣି,
ଦାରତି ନା କତା ଇଟିନି ଟାୟୁ,

ମୀରୁ ନା ତାକି ଏନିଲେହେତି ଇଲୁ କେପିଦେରି ?

ଇଞ୍ଜା ନା ଜମିନି ଟାୟୁ ଏମିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇଚେସି, “ମୀରୁ ଏଚେକା ମୁଣ୍ଡି ଗାଟାତେରି, ଇଞ୍ଜା ଅଟ୍‌ହା କତାଆତି ହିୟା ଗାଟାତେରି ଅଡ଼େ ମାହାପୁରୁତି ବଲୁ ତାକି କାର୍କା ଝେନାଆ ଗାଟାତେରି, ମୀରୁ କାଲେଏ ସୁଦୁଜାସୁତି କସ୍ତ୍ର ହାହିମାଞ୍ଜେରି; ମୀ ଆକୁ ଆବାୟା ଏନିକି ମୀରୁ ଜିକେଏ ଏଲେତାତେରି □

୫୨ ମାହାପୁରୁ ଅଣ୍ଠପୁତି ବଲୁ ଝେହନାରାଇଁ ଆମ୍ବାଆରାଇଁ ଜିକେଏ ମୀ ଆକୁ ଆବାୟା ନିନ୍ଦା କିହାହିଲାଆତେରି ? ଆମିନି ଗାଟାରି ଏ ଦାମ୍‌ଗାଟାସି ଝାନ୍ତି କାତା ନକେଏ ଝେସାମାଚେରି, ଏଞ୍ଜାରାଇଁ ଏଞ୍ଜାରି ପାୟିତେରି; ନୀଏଁ ମୀରୁ ଏଞ୍ଜାଣାଇଁ ସାତୁୟା କେୟୁତା ହେର୍‌ପାନା ପାୟିତେରି □

୫୩ ମୀରୁ ମାହାପୁରୁତି ଦେରା ବେଟାଆହା ମାଚେରି, ଏ ଦେରା ଦୁତୁୟା ତାଣାଟି ହାପକି ଆହାମାଚେ, ଆଡ଼ିଜିକେଏ ମୀରୁ ଏଦାଆଁ ନାମାଆତେରି □”

ଝାଲକାତଲେ ସ୍ତ୍ରୀପାନଇଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଝେସେସି, ଏମ୍ବାଆଁ ମାଟି ପାରୁସି ଇଞ୍ଜା ବାରେ କୁଡ଼ା ଆହାମାଚାରି କାର୍‌ବି ଆହାଁ ପାଲକା ଟୀଟି କିହାଲି ମାଟ୍‌ହେରି □

୫୫ ସାମା ସ୍ତ୍ରୀପାନ ସୁଦୁଜୀଘ୍ନ ତଲେ ନେଞ୍ଜାନା ଲାକପୁରୁ
 ଝାକି ସିନିକିତେସି, ଇଞ୍ଜା ମାହାପୁରୁତି ଗାଝୁରମି ଅଡ଼େ ଜୀସୁଲ
 ମାହାପୁରୁତି ଚିଃନିଝାକି ନିଚାମାନାଣି ମେସାନା ଏଲେଇଚେସି □

୫୬ “ମେହ୍ନୁ ନାନୁ ଲାକପୁରୁ ଦେପିଆହାମାନାଣି ଅଡ଼େ ମାଣ୍ଠସି
 ମୀର୍ଏସି ମାହାପୁରୁତି ଚିଃନିଝାକି ନିଚାମାନାଣି ମେସିମାଲ୍ □”

୫୭ ଏ କାତା ଝେନାଆପ ଇଞ୍ଜା କାଲ୍ଝି ଆହ୍ ବେରଣି
 ମାଣ୍ଠାତାରି କୀର୍କା ମୁଚାକଡିତେରି □ ତାୟୁ ବାରେଜାଣା ରୁଣ୍ଠା ଆହାନା
 ଏଝାଣାଲ୍ ମୁଚିତେରି □

୫୮ ଅଡ଼େ ଏଝାରି ଏଝାଣାଲ୍ ଗାଡ଼ାଟିଏ ପାଞ୍ଜାତା ରେଜା ଅହାନା
 ଏଝାଣାଲ୍ ଝାଲ୍‌କାତଲେ ଝେଚାଲି ମାଟ୍‌ହେରି; ଅଡ଼େ ସାକିୟା
 ବିତ୍ତାଟି ସାଝୁଲ କତାୟା ତଲ ହିମ୍‌ରିକା କାଟିମାଚେସି □

୫୯ ଏଚିବେଲା ଏଝାରି ସ୍ତ୍ରୀପାନଲ୍ ଝାଲ୍‌କା ଝେଚି ମାଚେରି,
 ଏଚିବେଲା ଏଝାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି,
 “ପ୍ରୁ ଜୀସୁ, ନା ଜୀଝୁତି ଅହାକତାମୁ □”

୬୦ ଇଞ୍ଜା ଏଝାସି ମେଣ୍ଠାକୁତାନା କାଜା ଗିୟାତଲେ ଏଲେଇଚେସି,
 “ପ୍ରୁ! ଇ ପାପୁ ଇଝାରି ତାଣା ଲେକା କିଆନି” ଏଲେଇଞ୍ଜାହା
 ହାଡେସି □

୮

ସାଝୁଲ କ୍ରୀସ୍ତାନା କୁଲମିତି ସାସ୍ତି ହାନାୟି

୧ ସ୍ତ୍ରୀପାନଲ୍ ପାୟିତାୟି ନେହେଁ ଆଡେ ଇଞ୍ଜା ସାଝୁଲ
 ଅଶ୍‌ପିମାଚେସି □ ଏ ଦିନାଟିଏ ଜିରୁସାଲମତା ମାନି କୁଲମିକାକି
 ହାରେକା ନିନ୍ଦା ସାସ୍ତି ଝାଡେ; ଏମ୍‌ଗାଟିଏ ପାଣ୍ଠୁଝି ଆହାମାନାରି ପିସ୍‌ପେ
 ବାରେ ନାମିତାରି, ଜୀହୁଦା ଦେସା ଇଞ୍ଜା ସମିରଣ ନାସ୍‌କା ସାରିସୁଚୁ
 ଇତାଲା ଆତାଲା ଆଡେରି □

୨ ଆଡିଜିକେଏ ଏଚେକା ନାମୁଗାଟି ଲକୁ ସ୍ତ୍ରୀପାନଲ୍ ମୁସ୍ତେରି ଇଞ୍ଜା
 ହାରେକା ଦୁକୁତଲେ ଡୀଡେରି □

୩ ☆ ସାମା ସାଞ୍ଜୁଲ କୁଲମିତା ହାଜିହଁ ଇଲୁତାକି ଇଲୁ ହଡ଼ିହଁ ନାମିତି ଆୟାସିକା, ଆବାଣି ରେଜା ତାଚାନା କାୟିଦି ଇଲୁତା ହେରପିହଁ କୁଲମିତି ନାସା କିହାଲି ମାଟ୍‌ହେସି □

ସମିରଣତା ନେହଁ କାରୁ ଝେକ୍‌ନାୟି

୪ ଏମ୍‌ଗାଟିଏ ଆମିନି ଗାଟାରି ଇତାଲା ଆତାଲା ଆହାମାଚେରି, ଏଞ୍ଜାରି ସାରିସୁଟୁ ରେଜି ରେଜି ନେହଁ କାରୁ ଝେକ୍‌ହେରି □

୫ ଇଞ୍ଜା ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାତି କାତା ଝେକ୍‌ହେସି □

୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜା ଏଞ୍ଜାସି କିହାମାନି କାବାଆନି କାମା ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି କାତାତି ଝେଞ୍ଜିମାଚେରି □

୭ ଇଚିହଁ ଆଲଗାମାଟି ପଲ୍‌ଆ ବୁଟୁ ହାରେକା ଲକୁ ତାଣାଟି କାଜା ଗିୟାଁତଲେ କିରଡ଼ିହଁ ହଟାହାରୁ, ଇଞ୍ଜା ଟଟ ଝାୟିତାରି ଅଡ଼େ ସପାୟାଁ ହାରେକା ଜାଣା ନେହଁ ଆଚେରି □

୮ ଏଦାଆଁତାକି ଏ ଗାଡ଼ାତା ହାରେକା କାଜା ରାହାଁ ଆଡେ □

୯ ସାମା ସିମନ ଦରୁଗାଗାସି ରଅସି ଇ ନଚେଏ ଏ ଗାଡ଼ାତା ଗାରଡ଼ି କିହଁ ନାନୁ କାଜାତେଏଁ ଇଞ୍ଜାଁ ଝେସା କଡ଼ିହଁ ସମିରଣତି ଲକୁଣି କାବା କିହିମାଚେସି □

୧୦ ମାହାପୁରୁତି ଆମିନି ବାଡ଼ୁୟୁତି କାଜାୟି ଇଞ୍ଜାଁ ଇଣ୍ଡି ଆନେ, ଉଣାଟିଏ କାଜାରି ପାଚେକା ବାରେଜାଣା ଇଞ୍ଜାସିଏ ଏଞ୍ଜାସି ଇଞ୍ଜାଁ ଏଞ୍ଜାଣାକ୍ ମାନି କିହିମାଚେରି □

୧୧ ଏଞ୍ଜାରି ଏଞ୍ଜାଣାକ୍ ମାନି କିହିମାନାୟି ଆଡେ, ହାରେକା ଦିନାଟିଏ ତାନି ଗାରଡ଼ି କାମା ତଲେ ଏଞ୍ଜାରାକ୍ କାବା କିହିମାଚେସି □

୧୨ ସାମା ପିଲିପ ମାହାପୁରୁତି ରାଜି ଇଞ୍ଜାଁ ଜୀସୁ କ୍ରୀସୁ ଦରୁତି ନେହଁ କାରୁ ଝେକ୍‌ହାଲିଏ ଏଞ୍ଜାରି ଏଚିବେଲା ଏଞ୍ଜାଣି କାତାତା ନାମିଚେରି, ଇଞ୍ଜାଁ ଆୟାସିକା ଅଡ଼େ ଆବାୟାଁ ବାପ୍ତିସ୍ମ* ଅହାଲି ମାଟ୍‌ହେରି □

☆ ଟ:୩ ଟ:୩ କାମା ୨୨:୪,୫; ୨୭:୯-୧୧

* ଟ:୧୨ ଟ:୧୨ ମୁଞ୍ଜିନାୟି

୧୩ ଅଡ଼େ ସିମନ ତାନୁଏ ନାମିତେସି ଇଞ୍ଜା ବାପ୍ତିସ୍ତା[†] ଅଡ଼େସି, ଇଞ୍ଜା ପିଲିପ ତଲେ ଡ଼ୟିତେସି, ଅଡ଼େ ହାରେକା ସିନାୟା ଇଞ୍ଜା ହାରେକା ବାଡ଼୍‌ୟୁତି କାବାଆନି କାମାୟା ମେସାନା କାବା ଆହାହାରେସି □

୧୪ ସମିରଣତି ଲକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜା ଜିରୁସାଲମତା ମାନି ପାଣ୍ଡୁ଼ି ଆଡ଼ାରି ଖେଚେରି, ଏମ୍ବାଟିଏ ଏଞ୍ଜାରି ପିତର ଅଡ଼େ ଜହନଇଁ ଏଞ୍ଜାରିତାଣା ପାଣ୍ଡୁତେରି □

୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକି[‡] ସୁଦୁଜୀ଼ୁ ବେଟାଆନେରି, ଏଦାଆଁତାକି ଏଞ୍ଜାରି ତାକି ପ୍ରାଡ଼ାନା କିତେରି □

୧୬ ଇଚିହ[~] ନୀର୍ସ ପାଡେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀ଼ୁ ରେଟା ହିଲାଆଡେ, ଇଚିହ[~] ଏଞ୍ଜାରି ଖାରଇ ପ୍ରବୁ ଜୀସୁ ଦରୁତଲେ ବାପ୍ତିସ୍ତା[‡] ଅହାମାତେରି □

୧୭ ପିତର ଅଡ଼େ ଜହନ ଏଞ୍ଜାରି ଲାକ କେୟୁ ଇଚିତେରି ଇଞ୍ଜା ଏଞ୍ଜାରି ସୁଦୁଜୀ଼ୁ ବେଟାଆଡେରି □

୧୮ ପାଣ୍ଡୁ଼ି ଆଡ଼ାରି କେୟୁ ଇଚିସାରେ ସୁଦୁଜୀ଼ୁ ଖାହିମାନାଣି ମେସାନା, ସିମନ ଏଞ୍ଜାରାକି ଟାକାୟା ହୀହାନା ଏଲେଇଚେସି,

୧୯ “ନାଲୋ ଜିକେଏ ଇ ବାଡ଼୍‌ୟୁ ହିୟାଦୁ, ଏନିକି[~] ନାନୁ ଆମିନି ଗାଟାଣା ଲାକ କେୟୁ ଇଚିଇଁ ଏଞ୍ଜାସି ସୁଦୁଜୀ଼ୁ ବେଟାଆନେସି □”

୨୦ ସାମା ପିତର ଏଞ୍ଜାଣାଇଁ ଏଲେଇଚେସି “ନୀ ଟାକାୟା ନୀ ତଲେ ନସ୍ତ୍ର ଆପୁ, ଇଚିହ[~] ନୀନୁ ଟାକାୟା ହୀହାନା ମାହାପୁରୁତି ଦାନା କତାଲି ଅଶ୍‌ପିତି □

୨୧ ଇ କାମାତା ନୀଦି ଏନି ବାଗା କି ଅଦିକାରା ହିଲେଏ, ଇଚିହ[~] ମାହାପୁରୁ ତାଣା ନୀ ହିୟା ଟିକାଣା ହିଲେଏ □

୨୨ ଇଦାଆଁତାକି ନୀ ଲାଗେଏତି ଅଶ୍‌ପୁଟି ମନ ଖେଟ୍‌ହାଁ ପ୍ରବୁ ତାଣା ପ୍ରାଡ଼ାନା କିମୁ, ଏନିଆଡ଼ିହ[~] ନୀ ହିୟାତା ମାନି ଲାଗେଏତି ଅଶ୍‌ପୁ ମ୍ଲେକ୍‌ନେସି;

୨୩ ଇଚିହ[~] ନାନୁ ମେସିମାଞ୍ଜାଇଁ ନୀ ହିୟା ବିତ୍ରା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି □”

† ୮:୧୩ ୮:୧୩ ମୁଞ୍ଜିନାୟି ‡ ୮:୧୭ ୮:୧୭ ମୁଞ୍ଜିନାୟି

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି,
 “ମୀରୁ କାର୍ମା ଅଣ୍ଠାପାନା ନା ତାକି ପ୍ରବୁ ତାଣା ପ୍ରାତାନା କିଦୁ, ମୀରୁ
 ଏନାଆଁ ଜଲିତେରି ଏ ବାରେ ଏନିକ୍ ନାଙ୍ଗେତାକି ଏଲେଆହ୍
 ଆଏ □”

୨୫ ଇଲେକିହ୍ ପିତର ଅଡ଼େ ଜହନ ସାକି ହାହ୍ ପ୍ରବୁତି ବଲୁ
 ଝେସିହ୍, ହାରେକା ସମିରଣ ନାସ୍କାଣା ନେହ୍ କାବୁ ଝେସି
 ଝେସିହ୍ ଜିରୁସାଲମତା ଝେଣ୍ଟା ହାଚେରି □

ପିଲିପ ଅଡ଼େ ଇତିୟପିୟାତି କାମାକିନସି

୨୬ ତାୟୁ ପ୍ରବୁତି ର ଦୁରୁ ପିଲିପଇଁ ଏଲେଇଚେସି, “ନିଙ୍ଗାମୁ ଇଞ୍ଜା
 ଚିଃନି ଖାକିତି ଆମିନି ଜିରୁ ଜିରୁସାଲମତିଏ ଗଜା ଖାକି ମାନେ ଏ
 ଜିରୁତା ହାଲାମୁ □” ଏ ଜିରୁଟି ଅଡ଼େ ଲକୁ ତାକିହିଲଅରିଃ □

୨୭ ଏମ୍ବାଟିଏ ଏଝାସି ନିଙ୍ଗାନା ହାଚେସି, ଇତିୟପିୟା ଦେସାତି
 କାଣ୍ଟାକି ଦରୁଗାଟି ରାଣିନି ତ୍ଵଇ ର କାଜାପାଣା ବେଟାଆହାମାନି
 ପେକ୍ଵ ଆମିନିଗାଟାସି ଇତିୟପିୟା ରାଣିନି ବାରେ ଦନତି ଗୁମ୍ଫା
 ମାଚେସି, ଏଝାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା
 ଝାହାମାଚେସି;

୨୮ ଏଝାସି ମାହାପୁରୁ ଅଣ୍ଠାପୁତି ବଲୁ ଝେହ୍ନି ଜିସାୟତି ପତି କାଜା
 ଗିୟାତଲେ ପଡ଼ଝି ଆହ୍ ରାତାତା କୁଗାନା ଝେଣ୍ଟା ହାଜିମାଚେସି □

୨୯ ଏଚିବେଲା ସୁଦୁଜୀଝୁ ପିଲିପଇଁ ଏଲେଇଚେ, “ନକିତା ହାଜାନା
 ରାତାତା ହାଜିମାନାଣି ତାଣା ହାଲାମୁ;”

୩୦ ଏଚେଟିଏ ପିଲିପ ହଟି ହଟି ହାଜାନା ଜିସାୟତି ପତି କାଜା
 ଗିୟାତଲେ ମାହାପୁରୁ ଅଣ୍ଠାପୁତି ବଲୁ ପଡ଼ଝି ଆହିମାନାଣି ଝେଞ୍ଜାନା
 ଝେଚେସି, “ନୀନୁ ଆମିନିଗାଟାଣି ପଡ଼ଝି ଆହିମାଞ୍ଜି ଏଦାଆଁ ପୁଞ୍ଜାଲି
 ଆଡ଼ିମାଞ୍ଜି କି ?”

୩୧ ପେକ୍ଵ ଏଲେଇଚେସି, “ଆମ୍ବାଆସି ନାଙ୍ଗେ ଝେସ୍ତାଆସାରେ
 ନୀନୁ ଏନିକ୍ ପୁଇଁ ?” ଇଞ୍ଜା ଏଝାସି ପିଲିପଇଁ ରାତାତା ହଚାନା
 ତାନିତଲେ କୁଗାଲି ଏଲେଇଚେସି □

୩୨ ଏଝାସି ଦାମ୍ଫୁ ପତିତା ପଡ଼ଝି ଆହିମାଟି କାତା ଇଦି;
 “ଏଝାସି ପାୟିଝିଆନି ମେଣ୍ଟା ତାଲୁ ଲେହେଁ ଅଝିଆଡ଼େସି,

§ ୮:୨୬ ୮:୨୭ ଲକୁ ହିଲାଆ ଗାୟୁ

ଇଞ୍ଜା ମେଣ୍ଡା ଡାକୁ ବାଣାୟାଁ ଦାଃନି ବେଲତା ମେଣ୍ଡା ଡାକୁ
ଏନିକିଁ ଡାଆନା ପାଲେଏ ଡ଼ୟିନେ,
ଏଲେକିହିଁଏ ଏଞ୍ଜାସି ତାନି ଗୁଡି ଏକ୍‌ଆତେସି □

୩୩ ଏଞ୍ଜାଣାଇଁ ଉଣା କିହାଁ ନୀହାଁୟି କିଆତେରି,
ଏଞ୍ଜାଣି କୁଡାତି କାତା ଆମ୍ବାଆସି ଝେସାଲି ଆଡ଼ଅସି,
ଇତିହିଁ ତାନି ଜୀଞ୍ଜୁ ଦାରତିତା ରାଡେ □”

୩୪ ଏ ପେଜୁ ପିଲିପଇଁ ଏଲେଇଚେସି, “ନାଙ୍ଗେ ଝେସ୍ତାମ୍ବୁ,
ମାହାପୁରୁ ଅଣ୍‌ପୁଡି ବଲୁ ଝେହ୍‌ନାସି ଆମ୍ବାଆରି କାତା ଝେସିମାନେସି
? ତାନି କାତା କି ଅର ରଅଣି କାତା ?”

୩୫ ଏମ୍ବାଟିଏ ପିଲିପ ଗୁଡି ଦେଚାନା ଦାମ୍ବୁ ସାସ୍ତେରିଟିଏ ମାଟ୍‌ହାନା
ଏଞ୍ଜାଣି ତାଣା ଜୀସୁଡି ନେହିଁ କାରୁ ଝେସ୍ତେସି □

୩୬ ଏଞ୍ଜାରି ଜିରୁତା ହାଜିମାଚାଟି ଏମ୍ବୁ ମାନି ର. ଟାୟୁତା
ଏଗାହାଚେରି; ଏଚେଟିଏ ପେଜୁ ଏଲେଇଚେସି,

୩୭ “ଇମ୍ବାଆଁ ଏମ୍ବୁ ମାନୁ, ଏନାଆଁ ନାନୁ ବାପ୍ତିସ୍ତ* ଅହାଲି ଆଡ଼ିଇଁ
?”

୩୮ ଇଞ୍ଜା ଏଞ୍ଜାସି ରାତା ନିପ୍‌ହାଲି ହୁକୁମି ହୀତେସି, ଇଞ୍ଜା ପିଲିପ
ଅଡେ ପେଜୁ ଏମ୍ବୁଣାଁ ରେଡେରି, ଇଞ୍ଜା ପିଲିପ ଏଞ୍ଜାଣାଇଁ ବାପ୍ତିସ୍ତ‡
ହୀତେସି □

୩୯ ଏଞ୍ଜାରି ଏମ୍ବୁଟି ହଚା ଝାଡି ତାୟୁ, ପ୍ରବୁଡି ସୁବୁଜୀଞ୍ଜୁ ପିଲିପଇଁ
ଅହିଁ ହାଚେ, ଇଞ୍ଜା ପେଜୁ ଅଡେ ଏଞ୍ଜାଣାଇଁ ମେହ୍‌ଆତେସି;
ଆଡ଼ିଜିକେଏ ରାହାଁ କିହିଁ ତାନି ଜିରୁତା ହାଚେସି □

୪୦ ସାମା ପିଲିପ ଅସଦଦ୍ ଗାଡାତା ତଞ୍ଜାଆଡେସି; ଇଞ୍ଜା ଏଞ୍ଜାସି
ଗାଡାତାକି ଗାଡାତା ହାଜାହାଁ ନେହିଁ କାରୁ ଝେସ୍ତେସି ଇଞ୍ଜା
କାୟିସରିୟାତା ଏଗାହାଚେସି □

* ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନୀନୁ ବାରେ
ହିୟାଁ ତଲେ ନାନିସାରେ ଅହାଲି ଆଡ଼ିଦି” ଏମ୍ବାଟିଏ ଏଞ୍ଜାସି ଏଲେଇଚେସି, “ଜୀସୁ ଜ୍ରାସ୍ତ
ମାହାପୁରୁଡି ମାର୍‌ସସି ଇଦାଆଁ ନାନୁ ନାନିମାଇଁ □” ‡ ୮:୩୮ ୮:୩୮ ମୁଞ୍ଜିନାୟି



ସାଞ୍ଜୁଲ ମନ ଖେଟ୍ଟନାୟି

(କାମା ୨୨:୭-୧୭; ୨୭:୧୨-୧୮)

^୧ ସାମା ସାଞ୍ଜୁଲ ନୀର୍ବ ପାତେକା ପ୍ରବୁତି ସୀସୁୟାଁ କପାଟି ଆଜି ତସାନା ଅଡ଼େ ଜୀଞ୍ଜୁ ନାସାକିନି କାତାୟାଁ ଜଳିହୁଁ କାଜା ପୂଜେରାଙ୍ଗା ତାଣା ହାଚେସି □

^୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସ୍ତିହୁଁ, ବାରେଜାଣାତି ଦସ୍ପାନା ଜିରୁସାଲମତା ତାତାଲି ଆଡ଼ିମାନେସି, ଏନାଆଁତାକି ଏଞ୍ଜାସି କାଜା ପୂଜେରାଙ୍ଗା ତାଣା ହାଜାନା ଦମେସକତା ମାନି ଜୀହୁଦି ଲକୁଡ଼ି କୁଟମି ଇଲ୍‌କାଣା* ହିୟାଲି ଏଞ୍ଜାରି ତାଣାଟି ଆକୁ ରୀସ୍ତେସି □

^୩ ସାଞ୍ଜୁଲ ଦମେସକ ତାଗେ ଖାହିମାଚାଟି ଦେବୁଣିଏ ର ଉଜେଡ଼ି ହାଗୁଲାଇଟି ତାନି ସାରିଞ୍ଜାକି ମ୍ଲୁସ୍ତେ □

^୪ ଏମ୍ବାଟିଏ ଏଞ୍ଜାସି ବୁମିତା ତରଗା ହାଚେସି ଇଞ୍ଜା ତାଙ୍ଗେତାକି ଇ ହାଡ଼ା ଖେଚେସି, “ଏ ସାଞ୍ଜୁଲ, ଏ ସାଞ୍ଜୁଲ! ନୀନୁ ଏନାଆଁତାକି ନାଙ୍ଗେ ନିନ୍ଦା କିହିମାଞ୍ଜାଦି ?”

^୫ ଏଞ୍ଜାସି ଏଲେଇଚେସି, “ପ୍ରବୁ, ନୀନୁ ଆମ୍ବାଆତି ?” ଏଞ୍ଜାସି ଏଲେଇଚେସି, “ନୀନୁ ଆମ୍ବାଆରାଇଁ ନିନ୍ଦା କିହିମାଞ୍ଜା ଏ ଜୀସୁଚେଏଁ ନୀନୁ □

^୬ ସାମା ନିଙ୍ଗାମୁ ଇଞ୍ଜା ଗାଡ଼ାତା ହାଲାମୁ, ଏନାଆଁ କିହାଲି ଆନେ, ଏମ୍ବାଆଁ ନିଙ୍ଗେ ଖେସ୍ପି ଆୟାନେ □”

^୭ ଏଞ୍ଜାଣିତଲେ ଆମିନି ଲକୁ ହାଜିମାଚେରି, ଏଞ୍ଜାରି ଏ ହାଡ଼ା ଖେଞ୍ଜାନା ଆମ୍ବାଆରାଇଁ ମେହ୍‌ଆଚେରି, ଇଞ୍ଜା ଆତାଜାକା ଆହାହାଚେରି □

^୮ ଅଡ଼େ ସାଞ୍ଜୁଲ ବୁମିଟି ନିଙ୍ଗାନା ତାନି କାଣକା ଦେତେସି, ସାମା ଏଞ୍ଜାସି ଏନାଆଁ ମେସାଲି ଆଡ଼ାଆଚେସି □ ଇଞ୍ଜା ଏଞ୍ଜାରି ତାନି କେନ୍ଦୁ ଆସାନା ଦମେସକତା ଅଡ଼େରି □

^୯ ଅଡ଼େ ତାନିଦିନା ପାତେକା ଏଞ୍ଜାସି ଏନାଆଁ ମେସାଲି ଆଡ଼ାଆଚେସି, ଅଡ଼େ ଏନାଆଁ ତିନାଆଚେସି ଏନାଆଁ ଗହ୍‌ଆଚେସି □

* ୯:୭ ୯:୭ ସିନଗର

୧୦ ଦମେସକତା ହନନିୟ ଦରୁଗାଟାସି ର ସୀସୁ ମାଚେସି; ପ୍ରବୁ ଏଞ୍ଜାଣାଇଁ ତଞ୍ଜାଆହାଁ ଏଲେଇଚେସି, “ଏ ହନନିୟ!” ଏଞ୍ଜାସି ଏଲେଇଚେସି, “ଏ ପ୍ରବୁ ନାଙ୍ଗେ ଖେସ୍ତାମ୍ବୁ □”

୧୧ ଏଚେଟିଏ ପ୍ରବୁ ଏଞ୍ଜାଣାଇଁ ଏଲେଇଚେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା ତାର୍ସ ଗାଡ଼ାତି ସାଞ୍ଜୁଲ ଇନାଣାଇଁ ପାରାମ୍ବୁ; ଇତିହାଁ ଏଞ୍ଜାସି ପ୍ରାଡ଼ାନା କିହିମାନେସି;

୧୨ ଅଡ଼େ, ଏଞ୍ଜାସି ସେୟାଁଣା ହାପାନା ମେସାମାନେସି, ହନନିୟ ଇନାସି ର ମାଣସି ଖାହାନା ତାନି ଲାକ କେୟୁ ଇତିମାନେସି, ଏନିକାଁ ଏଞ୍ଜାସି ମେସାଲି ଆଡ଼ିମାନେସି □”

୧୩ ହନନିୟ ଏଲେଇଚେସି, “ପ୍ରବୁ, ଜିରୁସାଲମତା ମାହାପୁରୁ ଲକୁଇଁ କିଞ୍ଜାସି ଏଚେକା ନିୟା କିହାମାନେସି ଇଞ୍ଜାଁ ନାନୁ ହାଚେକା ଲକୁ ତାଣାଟି ଇ ଲକୁତି କାତା ଖେଞ୍ଜାମାଇଁ □

୧୪ ଅଡ଼େ ଇ ଚାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାତି ଦସା ଅୟାଲି ଏଞ୍ଜାସି କାଜା ପୂଜେରାଙ୍ଗା ତାଣାଟି ଅଦିକାରା ଆକୁ ବେଟାଆହାମାନେସି □”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ହାଲମ୍ବୁ; ଇତିହାଁ ଏଞ୍ଜାସି ଏଚକା କୃଡ଼ାତି ରାଜାୟାଁ ଅଡ଼େ ଇସାୟେଲ ଲକୁତି ମାସକା ମୀରକା ନକିତା ନା ଦରୁ ଖେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆଚାମାଇଁ;

୧୬ ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆଚେସି, ଏଦାଆଁ ନାନୁ ଏଞ୍ଜାଣାଇଁ ଖେହଇଁ □”

୧୭ ଏଚେଟିଏ ହନନିୟ ହାଜାନା, ଏ ଇଲୁତା ହଚେସି, ଇଞ୍ଜା ତାନି ଲାକ କେୟୁ ଇଚାନା ଏଲେଇଚେସି, “ତାୟି ସାଞ୍ଜୁଲ, ଇମ୍ପାଆଁ ଖାନ୍ତି ଜିରୁତା ଆମିନି ପ୍ରବୁ ଜୀସୁ ନିଙ୍ଗେ ତଞ୍ଜା ଆୟାଚେସି, ଏଞ୍ଜାସି ନାଙ୍ଗେ ପାଣ୍ଡାମାଞ୍ଜାନେସି, ନାନୁ ଏନିକାଁ ଖେଣ୍ଡେ ମେହମ୍ବୁ ଇଞ୍ଜାଁ ସୁଦୁଜୀହୁ ବେଟାଆମ୍ବୁ □”

୧୮ ଏ ଦେରୁଣିଏ ଏଞ୍ଜାଣି କାଣକାଟି ମୀନୁ ହିପି ଲେହେଁତାୟି ତୁଲିଚେ, ଇଞ୍ଜାଁ ଏଞ୍ଜାସି ଖେଣ୍ଡେ ମେସାଲି ଆଡ଼ିଚେସି, ଅଡ଼େ ନିଙ୍ଗାନା ବାପ୍ତିସ୍ତାଁ ଅଚେସି,

୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୁୟୁ ବେଟାଆଡ଼େସି, ଏଚେଟିଏ ସାଞ୍ଜୁଲ ଏଚରଦିନା ସୀସୁୟାଁ ତଲେ ଦମେସକତା ଡ଼ୟିଡେସି □

ଦମେସକତା ସାଞ୍ଜୁଲ ୱେକନାୟି □

୨୦ ଅଡ଼େ, ଜୀସୁ ମାହାପୁରୁତି ମୀରଏସି ଇଞ୍ଜି ଆବୁଞ୍ଜା ତଲେ ଜୀହୁଦି ଲକ୍ଷୁତି କୁଟମି ଇଲକାଣା‡ ୱେସାଲି ମାରୁହେସି □

୨୧ ଅଡ଼େ, ଆମିନି ଗାଗାରି ତାନି ହାଡ଼ା ୱେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାଡାନା କିନି ଲକ୍ଷୁଣି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାରାଇଁ ଦସ୍‌ପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ୱାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ୱେକନାୟି ହାଚେରକା ବାଡ଼ୁୟୁ ଗାଗାୟି ମାଚେ, ଅଡ଼େ ଏଞ୍ଜାସି ପାରମାଣା କିହାଁ ୱେସ୍ତେସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକ୍ଷୁଣି ୱେଣ୍ଡେ ୱେସାଲି ଆଡ଼ାଆଚେରି □

୨୩ ☆ଏଚରଦିନା ହାଚି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି;

୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟିଁ ତୁ ହାଚେ, ଅଡ଼େ ଏଞ୍ଜାରି ଏନିକିଁ ସାଞ୍ଜୁଲାଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଞ୍ଜେରିକାଣା କାଡ଼ିହଁ ଡ଼ୟିଡେସି □

୨୫ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ଡାଲିତା ରସାହାଁ କଟା କାଡ଼ିଚି ଡ଼ଇ ରେପ୍‌ହେରି □

ଜିରୁସାଲମତା ସାଞ୍ଜୁଲ

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡିମାଚେସି; ସାମା ଏଞ୍ଜାସି ର ସୀସୁ ଇଞ୍ଜିଁ ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି □

୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଞ୍ଜି ଆଡ଼ାରି ତାଣା ତାଚେସି, ଇଞ୍ଜା ଜିରୁତା ଏଞ୍ଜାସି ଏନିକିଁ ପ୍ରବୁଇଁ ମେସ୍ତେସି ଇଞ୍ଜା

ପ୍ରଭୁ ଏନାଆଁ ତାଙ୍ଗେ ହାଡ଼ା ଆଡେସି, ଦମେସକତା ଜୀସୁ ଦରୁତି
ସାସାତଲେ ସାଞ୍ଜୁଲ ଏନିକ୍ ସେସାମାରେସି, ଇ ବାରେ କାତା
ଏଞ୍ଜାରି ନକିତା ଖେସେସି □

୨୮ ଅଡେ ସାଞ୍ଜୁଲ ଏଞ୍ଜାରିତଲେ ଡୟିତେସି ଅଡେ ଜିରୁସାଲମତି
ବାରେଞ୍ଜାକି ହାଜାନା ସାସାତଲେ ପ୍ରଭୁତି ଦରୁ ଖେକ୍‌ହେସି □

୨୯ ଇଞ୍ଜା ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକୁତଲେ ବାଦିବାଦା
କିହିମାରେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାରେରି
□

୩୦ ନାମିତି ତାୟିୟା ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା
ଅହାନା ଏମ୍ବାଟି ଏଞ୍ଜାଣାଇଁ ତାର୍ସତା ପାଣ୍ଡିତେରି □

୩୧ ଇଲେଆହ୍ ଏ ବାରେ ଜୀହୁଦା ରାଜି, ଗାଲିଲି ଅଡେ
ସମିରଣତି କୁଲମି ବାର୍ସୁ ଆହାନା ପ୍ରଭୁଇଁ ଆଜାନା ହିଡ଼ଡ଼ି ଜୀଞ୍ଜୁତଲେ
ମାରେରି, ଇଞ୍ଜା ସୁଦୁଜୀଞ୍ଜୁତି ସାୟେମି ତଲେ ପାତାଆହାଲି
ମାଟ୍‌ହେରି □

ଲୁଦ ଅଡେ ଜାପତା ପିତର

୩୨ ଏରେଟିଏ ପିତର ବାରେ ରାଜିତା ରେଜି ରେଜିହ୍ ଲୁଦତା
ଡୟିନି ମାହାପୁରୁ ଲକୁଣି ଆଣ୍ଡାଲି ହାରେସି □

୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଟି ରଅଣାଇଁ ବେଟାଆଡେସି,
ଏଞ୍ଜାସି ଆଟା ବାର୍ସା ପାତେକା ଟଟ ଖାୟିତି ରଗ ଆହାନା କାଟେଲିଟି
ନିଙ୍ଗାଲି ଆଡ଼ିହିଲାଆତେସି □

୩୪ ପିତର ଏଞ୍ଜାଣାଇଁ ଏଲେଇରେସି, “ଏନିୟ, ଜୀସୁ କ୍ରୀସ୍ତ ନିଙ୍ଗେ
ନେହ୍ କିହାମାଞ୍ଜାନେସି; ନିଙ୍ଗାମୁ ନୀ ପାସ୍‌ପନି ମୁଦା କିମୁ”
ଏରେଟିଏ ଏଞ୍ଜାସି ଏ ଦେବୁଣିଏ ନିଙ୍ଗିତେସି □

୩୫ ଏରେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକୁ
ଏଞ୍ଜାଣାଇଁ ମେସାନା, ପ୍ରଭୁ ତାଣା ହିୟା ଖେଟ୍‌ହେରି □

ଦର୍କା ଖେଣ୍ଡେ ନୀଡିନାୟି

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା
ମାଟେ, ଗ୍ରିକ୍ ତଲେ ଦର୍କା ଇଟିସାରେ ତାନି ଦରୁ “ର କୁର୍ସୁ □” ଏଡି

ବାରେବେଲା ନେହଁ କାମା କିହଁ, ହିଲାଆ ଗାଟାରାକି ସାଢ଼େମି କିହିମାତେ □

୩୭ ଏଚିବେଲାତା ଏଦି ନଚେରି ଆହାନା ହାହାହାତେ, ଲକୁ ଏଦାନି ଏୟୁ ମାଡ଼ହାନା ଲାକନି ପାରୁତି ର ବାକ୍ରାତା ତ୍ରିପୁହୁ □

୩୮ ଇଞ୍ଜା ଲୁଦ ଜାପ ତାଗେ ମାଟାକି ସୀସୁୟା ପିତର ଜାପତା ମାନେସି ଇଞ୍ଜା ଝେଞ୍ଜାନା, ରୀ ଲକୁଣି ଏଞ୍ଜାଣି ତାଣା ପାଣ୍ଡାନା ଇ କାତା ବାତିମାଲିତେରି, “ମା ତାଣା ଝାହାଲି ଝେଡ଼ା କିଆନି □”

୩୯ ପିତର ନିଞ୍ଜାନା ଏଞ୍ଜାରିତଲେ ହାଚେସି, ଏମ୍ପାଆଁ ଏଞ୍ଜାସି ଝାହାଲିଏ ଏଞ୍ଜାଣାଲ୍ ଲାକନି ପାରୁତି ବାକ୍ରାତା ଅଡେରି, ଅଡେ ରାଣ୍ଡେଣିସିକା ସାରିସୁରୁ ମୁଟାନା ଡ଼ାହି ଡ଼ାହଁ ଦର୍କା ନୀତାମାଟି ବେଲାତା କେପାମାଟି ହିମ୍ପୁରିକା ବାରେ ଏଞ୍ଜାଣାଲ୍ ତସୁ □

୪୦ ସାମା ପିତର ବାରେଜାଣାଟି ପାଞ୍ଜାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇଞ୍ଜା ମାଡ଼ହା ଝାକି ତିରୁଞ୍ଜାନା ଏଲେଇଚେସି, “ଟାବିତା, ନିଞ୍ଜାମୁ” ଏଚେଟିଏ ଏଦି କାଣ୍ଟକା ଦେଟାନା ପିତରଇଁ ମେସ୍ତେ ଇଞ୍ଜା ନିଞ୍ଜାନା କୁଟିତେ □

୪୧ ଇଞ୍ଜା ପିତର କେୟୁ ଦାସାନା ଦର୍କାଲ୍ ନିକ୍ହେସି, ଇଞ୍ଜା ମାହାପୁରୁ ଲକୁ ଅଡେ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ତସ୍ତେସି □

୪୨ ଇ କାତା ଜାପତି ସାରିସୁରୁ ଝେଞ୍ଜାହାତେ ଅଡେ ହାରେକା ଲକୁ ପ୍ରୁରୁଲ୍ ନାମିତେରି □

୪୩ ଅଡେ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍ଲକା କାମାକିନାଣି ଇଜ ଡ଼ୟିତେସି □

୧୦

ପିତର ଅଡେ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାଚେସି, ଏଞ୍ଜାସି ଇତାଲିକ ଦରୁଗାଟି ରମିୟ ରିଜାରି କସ୍କାତି ପାସାକଡ଼ି କସ୍କା ମୁହେଁ କାଜାସି ମାଚେସି □

୨ ଏଞ୍ଜାସି ର ଦାମ୍ବୁ ଲକୁ ମାଚେସି; ତାମି ଇଲୁ କୁଟମି ତଲେ ମାହାପୁରୁଇଁ ଆଜିମାଚେସି, ଏଞ୍ଜାସି କାକୁଲି ଲକୁତାକି

ଦାନା ହାହିମାରେସି, ଅଡ଼େ ମାହାପୁରୁ ତାଣା କାଲେଏ ପ୍ରାଡାନା
କିହିମାରେସି □

୩ ର ଦିନା ମିଡ଼ୁଅଲ୍ଲା ତାନି ଗଂଟା ବେଲ୍ଲାତା ଏଞ୍ଜାସି ସେୟାଣା
ହାପାନାତା ତୀରପୁତଲେ ମେସ୍ତେସି, ର ମାହାପୁରୁତି ଦୂତୁ ଝାହାନା
ଏଞ୍ଜାଣାଇଁ ଏଲେଇରେସି, “କର୍ନଲିୟ □”

୪ ଏଞ୍ଜାସି ଆଜିତଲେ ଦୂତୁ ଝାକି ସିନକିତେସି ଅଡ଼େ ଝେତେସି,
“ଇଦି ଏନାୟି ପ୍ରୁ ?” ଦୂତୁ ଏଞ୍ଜାଣାଇଁ ଏଲେଇରେସି, “ନୀ ପ୍ରାଡାନା
ଅଡ଼େ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ □

୫ ନୀଏଁ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାଟି
ଲକୁଇଁ ହାଟାତାମୁ, ଏଞ୍ଜାଣି ହାଟା ଦରୁ ପିତର ଇନେରି;

୬ ଏଞ୍ଜାସି ସିମନ ଦରୁଗାଟି ର ତଲ୍ଲକା କାମାକିନାଣି ଇଜ
ଗତାଗାଟାସି ଆହାମାନେସି, ଏଞ୍ଜାଣି ଇଲୁ ସାମ୍ବୁରି ଗାରୁତା □”

୭ ତାନିତଲେ କାତା ଆହିମାଟି ଦୂତୁ ହାଜାଲିଏ, ଏଞ୍ଜାସି ତାନି
ଇଜ କାମା କିନି ରୀ ହଲିୟାଙ୍ଗାଣି ଇଞ୍ଜା ତାଙ୍ଗେ ସେବାକିନି ରିଜାରି
କସ୍ତା ବିତ୍ରାଟି ର ଦାମ୍ବୁତି କହ୍‌ଏଁଣାଇଁ ହାଟିତେସି,

୮ ଅଡ଼େ ଏଞ୍ଜାସି ଏଞ୍ଜାରାଇଁ ଏମ୍ବାଆଁ ଆହାମାଟି ବାରେ କାତା
ଝେସାନା ଜାପତା ପାଣ୍ଡିତେସି □

ପିତର ସେୟାଣା ହାପାନା ହେଣନାୟି

୯ ଅର ଦିନା ଏଞ୍ଜାରି ହାଜି ହାଜିହିଁ ଏ ଗାଡ଼ାତି ତାଗେ ଆତେରି,
ଏଟିବେଲ୍ଲା ପିତର ମାଦେନା ବାର ଗଂଟା ବେଲ୍ଲାତା ପ୍ରାଡାନା କିହାଲି
ଇଲୁ ଲାକ ହାରେସି,

୧୦ ଏଞ୍ଜାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ କିତେସି;
ସାମା ଏଞ୍ଜାରି ରାନ୍ଦା ଝାଜିମାଟି ବେଲ୍ଲାତା, ଏଞ୍ଜାସି ସେୟାଣା ହାପାନା
ମେସ୍ତେସି,

୧୧ ଲାକପୁରୁ ଦେପିଆହାମାନେ, ଇଞ୍ଜା ଏନିକିଁ ର ହିମ୍ବୁରିତି ସାରି
କନତା ଆସ୍ପି ଆହାନା ଦାର୍ଡି ଲାକ ରେଟା ଝାହିମାନେ;

୧୨ ଏମ୍ବାଆଁ ଦାର୍ଡିତି ବାରେ କୁଡ଼ାତି ସାରିଗଟା କଡା ଗାଟି ଜଡ଼
ଜୀଝେଡ଼ିକା, ରାସ୍ତା ତ୍ରଗିୟାଁ ଅଡ଼େ ହାଗୁତି ପଗାୟାଁ ମାନୁ □

୧୩ ଇଞ୍ଜା ଏଞ୍ଜାଣାକି ଇ ହାଡ଼ା ଆଡେ, “ପିତର; ନିଙ୍ଗାମୁ, ପାୟାନା
ତିନାମୁ □”

୧୪ ସାମା ପିତର ଏଲେଇଚେସି, “ଆଏ ପ୍ରବୁ, ନାନୁ ଏଚେଲାଞ୍ଜା ଏନ୍ ଲାଗେଏ ପଲେଏତି ଦିଶ୍‌ସୁ ତିଞ୍ଜାହିଲଅଁ”

୧୫ ଅଡେ ର ପାଲି ଇ ହାଡ଼ା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି”

୧୬ ଇଲେକିହଁ ତାନି ପାଲି ଆଡେ, ତାୟୁ ଏ ହିମ୍ବରି ଲାକପୁରୁ ଅଞ୍ଜିଆଡେ

୧୭ ପିତର ଏନାଆଁ ସେୟାଣା ହାପାନା ହେଣ୍ଡାମାଚେସି, ଏଦି ଏନାୟି, ଇଞ୍ଜି ଅଣ୍ପିହଁ ଆତାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡୁଞ୍ଜି ଆହାମାନାରି ସିମନ ଇଲୁ ପାରିହଁ ଦୁଞ୍ଜେରିତା ନିକା ଖାଡେରି,

୧୮ ଇଞ୍ଜା ଏଞ୍ଜାରି ଖେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗଡେଏସି ମାନେସି କି?”

୧୯ ପିତର ଏ ସେୟାଣା ହାପାନା ହେଟାଣି ଅଣ୍ପିମାଟି ବେଲାତା ଜୀଞ୍ଜୁ ଏଞ୍ଜାଣାଈଁ ଏଲେଇଚେ, “ମେହ୍‌ମୁ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି

୨୦ ଏଦାଆଁତାକି ତିୟାରା ଆମୁ ଅଡେ ଡଇ ହାଲାମୁ, ଅଡେ ଆନାମାନା ଆଆନା ଏଞ୍ଜାରିତଲେ ହାଲାମୁ, ଏନାଆଁତାକି ଇଚିହଁ ନାନୁ ଏଞ୍ଜାରାଇଁ ପାଣ୍ଡାମାଞ୍ଜାଇଁ

୨୧ ଏଚେଟିଏ ପିତର ଏ ଲକୁତାଣା ରେଟାଞ୍ଜାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଞ୍ଜାଚେଏଁ ଫୀରୁ ଏନାଆଁତାକି ଖାହାମାଞ୍ଜେରି?”

୨୨ ଏଞ୍ଜାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସ୍‌କା ମୁହେଁ କାଜାସି ମାଙ୍ଗେ ପାଣ୍ଡାମାଞ୍ଜାନେସି, ଏଞ୍ଜାସି ର ସୁଦୁ, ଦାମ୍‌ଗାଟାସି ଇଞ୍ଜା ମାହାପୁରୁଈଁ ଆଜିନାସି, ଅଡେ ବାରେ ଜୀହୁଦି କୁଡ଼ାତା ଖେଙ୍ଗିତାସି, ଏଞ୍ଜାସି ନିଙ୍ଗେ ତାନି ଇଜ ହାଟାନା ନୀ ଜାପନାଣି ଖେଞ୍ଜାଲିତାକି ମାହାପୁରୁତି ଦୁଡୁ ତାଣାଟି ହୁକୁମି ବେଟା ଆହାମାନେସି”

୨୩ ପିତର ବିତ୍ତା ହାଟା ଅହାନା ଏଞ୍ଜାରାଇଁ ସେବା କିଚେସି ଅର ନେରୁ ନିଙ୍ଗାନା ତିୟାରା ଆହାନା ଏଞ୍ଜାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଞ୍ଜାରିତଲେ ହାଚେରି

୨୪ ଅର ନେତୁ ଏଞ୍ଜାରି କାୟିସରିୟାତା ଏତେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜା ଅଡ଼େ ଜାରୁତି ତ଼ଣେସିଙ୍ଗାଣି ହାଟାହାଁ କୁଡ଼ି କିହାନା ଏଞ୍ଜାରାଇଁ କାଟିମାରେରି □

୨୫ ପିତର ବିତ୍ରା ହାଜାଲିଏ କର୍ନଲିୟ ଏଞ୍ଜାଣି କଡ଼ାଁ ତୁଇ ମୁନୁ କୁତାନା ଜହରା କିତେସି □

୨୬ ସାମା ପିତର ତାଙ୍ଗେ ନିକ୍‌ହାନା ଏଲେଇରେସି, “ନିଙ୍ଗାମୁ, ନାନୁ ଜିକେଏ ର ମାଣସିତେଏଁ □”

୨୭ ଏରେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିତ୍ରା ହାଜାନା ଏମ୍ବାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି □

୨୮ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇରେସି, “ଏଟକା କୁଡ଼ାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜୀହୁଦି ଲକୁତାକି ଏନିକିହୁଁ ମେରା ହିଲେଏ, ଏଦାଆଁ ମୀରୁ ନେହୁଁକୁଁ ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହୁଁ ଇନାଆନି ଇଞ୍ଜୁଁ ମାହାପୁରୁ ନାଙ୍ଗେ ତସାମାଞ୍ଜାନେସି □

୨୯ ଏଦାଆଁତାକି ହାଟନିଏ ନାନୁ ଏନାଆଁ ଅଣ୍ପାଆନା ଝାଡ଼େଏଁ □ ଇଦାଆଁତାକି ନାନୁ ଝେଞ୍ଜିମାଞ୍ଜାଇଁ, ଏନାଆଁ କିହାଲି ମୀରୁ ନାଙ୍ଗେ ହାଟାତେରି ?”

୩୦ କର୍ନଲିୟ ଏଲେଇରେସି, “ତାନିଦିନା ନଟକଏ ଇ ବେଲାତା ମିଡ଼ଅଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାରେଏଁ; ମେହମୁ ଏମ୍ବାଆଁ ଉଜେଡ଼ିଗାଟି ଦବ୍‌ଲା ହିମ୍ବରିକା ତୁର୍‌ହାମାନି ର ଲକୁ ନା ନକିତା ନିତେସି,

୩୧ ଅଡ଼େ ଏଞ୍ଜାସି ଏଲେଇଞ୍ଜାତେସି, ‘କର୍ନଲିୟ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜା ହିଲାଆ ଗାଟାରାକି ନୀ ଦାନା ହାନାୟି ବାରେ ମାହାପୁରୁ ନକିତା ନେହୁଁ ତଞ୍ଜା ଆହାମାନେ □

୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଣ୍ଡାମୁ, ଏଞ୍ଜାସି ସାମ୍ବୁରି ଗାଟୁତା ତୁୟିନି ତଲ୍ଲକା କାମା କିନି ସିମନ ଇଜ ଗତାଗାଟାସି ଆହାମାନେସି □’

୩୩ ଏଦାଆଁତାକି ଖେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାତେଏଁ,
ଅଡ଼େ ନାନୁ ଖାହାମାଞ୍ଜି ନେହଁ କିହାମାଞ୍ଜି, ଇଚିହଁ ପ୍ରବୁ ନିଜେ
ଏନାଆଁ ହୁକୁମି ହୀହାମାଞ୍ଜାନେସି, ଏଦାଆଁ ଖେଞ୍ଜାଲିତାକି ମାମ୍ବୁରୁରେ
ମାହାପୁରୁ ନକିତା କୃତା ଆହାମାନମି □”

ପିତର ଜାପ୍‌ନାୟି

୩୪ ଏଚେଟିଏ ପିତର ଗୂତି ଏକ୍‌ହାନା ଏଲେଇଚେସି, “ମାହାପୁରୁ
ସାତେଏ ବାରେ ଲକୁଣି ପାର୍ଡ଼ା ବାଟି କିଅସି,

୩୫ ଆମିନି ଲକୁ ଏଞ୍ଜାଣାକ୍ ଆଜିନେରି ଅଡ଼େ ଏଞ୍ଜାସି ଅପିନି
ଲେହେଁ ନେହଁ କାମା କିନେରି ଏଞ୍ଜାରି ଆମିନି କୃତାତାରି ଇଚିହଁ
ଜିକେଏ, ଏଞ୍ଜାସି ଆବିନେସି □

୩୬ ଏଞ୍ଜାସି ଜୀସୁ କ୍ରୀସୁ ତାଣାଟି ହିଡ଼ଡ଼ିତି ନେହଁ କାରୁ ଖେସାନା
ଇସ୍ତାୟେଲ ମୀରକା ନକିତା ଇ ବଲୁ ପାଣ୍ଡିତେସି; ଏ ଜୀସୁ କ୍ରୀସୁ
ବାରେତି ପ୍ରବୁ □

୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମ* କାତା ଖେକ୍‌ହି ତାଣାଟିଏ
ଏ ନେହଁ କାରୁ ଗାଲିଲିଟିଏ ମାଟ୍‌ହାନା ବାରେ ଜୀହୁଦା ରାଜିତି
ଲକୁତାଣା ଖେଙ୍ଗାମାନେ,

୩୮ ଇଚିହଁ ନାକ୍‌ରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକ୍
ମାହାପୁରୁ ଏଞ୍ଜାଣାକି ସୁଦୁଜୀସୁ ଇଞ୍ଜା ବାଡ଼ୟୁ ହୀହାନା ବର ହୀତେସି,
ଇଞ୍ଜା ନେହଁ କାମା କିହଁ ସୟତାନ ପାନ୍ଦାତା ଦସପି ଆହାମାନି
ଲକୁଣି ନେହଁ କିହଁ ବାରେଖାକି ରେଚେସି, ଇଚିହଁ ମାହାପୁରୁ
ଏଞ୍ଜାଣିତଲେ ମାଚେସି □

୩୯ ଏଞ୍ଜାସି ଜୀହୁଦି ଲକୁତି ଦେସାତା ଅଡ଼େ ଜିରୁସାଲମତା ଏନା
ଏନାଆଁ କିଚେସି, ମାମ୍ବୁଏ ବାରେତି ସାକି; ଏଞ୍ଜାରି ଏଞ୍ଜାଣାକ୍ ପାସି
ମୁଣ୍ଡାତା ଏକ୍‌ହାନା ପାୟିତେରି □

୪୦ ସାମା ମାହାପୁରୁ ଏଞ୍ଜାଣାକ୍ ତାନି ଦିନାତା ନିକ୍‌ହେସି ଅଡ଼େ
ତଞ୍ଜାଆଞ୍ଜି କିଚେସି;

* ୧୦:୩୭ ୧୦:୩୭ ମୁଞ୍ଜିନାୟି

୪୧ ବାରେଜାଣା ତାକି ଆଏ, ଖାରଇ ମାହାପୁରୁ ଆଡ଼ିତି ସାକି, ଇଚିହିଁ ମା ନକିତା ତଞ୍ଜାଆଡେସି □ ମାହାପୁରୁ ଏଞ୍ଜାଣାଇଁ ହାକିଟି ନିକହି କେତ ମାମ୍ମୁ ଏଞ୍ଜାଣିତଲେ ତିଚମି ଉଚମି □

୪୨ ଅଡେ ଲକୁ ନକିତା ଇ ନେହିଁ କାରୁ ଝେକହାଲି, ଇଞ୍ଜା ହାଡାରି ଅଡେ ଜୀଝୁତା ନୀତାମାନାରି ନୀହାୟି କିନାସି ଆହାଲି ମାହାପୁରୁ ଏଞ୍ଜାଣାଇଁ ଆଚାମାନେସି ଇଞ୍ଜାଁ ସାକି ହୀହାଲି ଏଞ୍ଜାସି ମାଞେ ହୁକୁମି ହିୟାଡେସି □

୪୩ ଆମ୍ବାଆସି ଏଞ୍ଜାଣି ତାଣା ନାମିନେସି, ଏଞ୍ଜାସି ଏଞ୍ଜାଣି ଦରୁତଲେ ପାପୁ ମ୍ବେପକି ଆନେସି, ଇଦାଆଁ ବାରେ ମାହାପୁରୁ ଅଣପୁତି ବକୁ ଝେହନାରି ଏଞ୍ଜାଣି କାତାତି ସାକି ହୀହାମାନେରି □”

ଜୀହୁଦିଆଆତି ଲକୁ ସୁଦୁଜୀଝୁ ବେଟାଆନାୟି

୪୪ ପିତର ଇ ବାରେ କାତା ଝେସିମାଟି ବେଲାତା ଆମିନି ଗାଟାରି ତାନି ବକୁ ଝେଞ୍ଜିମାଚେରି, ଏ ବାରେଜାଣାତି ମୁହେଁ ସୁଦୁଜୀଝୁ ରେଚାଞ୍ଜାଡେ □

୪୫ ଜୀହୁଦିଆଆତି ଲକୁତାଣା ଜିକେଏ ସୁଦୁଜୀଝୁ ରେଚା ଞ୍ଜାଡାଣି ମେସାନା ପିତର ତଲେ ଜାପଟି ଞ୍ଜାହାମାଟି ତଲୁ ଦାପି ଆଡି ନାମିତି ଜୀହୁଦିୟାଁ, ଏଞ୍ଜାରି ବାରେଜାଣା କାବା ଆଡେରି □

୪୬ ଇଚିହିଁ ଏଞ୍ଜାରି ଏଚକା ଏଚକା ହାଡାତଲେ କାତା ଆହିମାଚାଣି ଇଞ୍ଜାଁ ମାହାପୁରୁତି ଜହରା କିହିମାନାଣି ଝେଚେରି □ ଏଚିବେଲା ପିତର ଏଲେଇଚେସି □

୪୭ “ଇଞ୍ଜାରି ଆମିନି ଲକୁ ମା ଲେହେଁ ସୁଦୁଜୀଝୁ ବେଟାଆହାମାନେରି, ଇଞ୍ଜାରି ଏୟୁତଲେ ବାପ୍ତିସ୍ମାଁ ବେଟାଆହାଲି ଆମ୍ବାଆସି କାହି କିୟାଲି ଆଡିମାନେସି ?”

୪୮ ଇଞ୍ଜାଁ, ଏଞ୍ଜାସି ଏଞ୍ଜାରାଇଁ ଜୀସୁ କ୍ରୀସ୍ତ ଦରୁତଲେ ବାପ୍ତିସ୍ମାଁ ହୀହାଲି ହୁକୁମି ହୀଡେସି, ତାୟୁ ଏଞ୍ଜାରି ଏଚରଦିନା ଡୟାଲି ଏଞ୍ଜାଣାଇଁ ବାଡିମାଲିଚେରି □

୧୧

ପିତର କାମାତି କାତା ଜିରୁସାଲମ କୁଲମିତା ଝେହ୍ନାୟି

^୧ ଜୀହୁଦିଆଆଡାରି ଜିକେଏ ମାହାପୁରୁତି ବଲୁ ନାମିତେରି, ଈ କାତା ପାଣ୍ଡୁଝି ଆଡାରି ଇଞ୍ଜା ଜୀହୁଦା ରାଜିତା ମାନି ତାୟିୟାଁ ଝେରେରି □

^୨ ପିତର ଏରିବେଲା ଜିରୁସାଲମତା ଝାଡେସି, ଏରିବେଲା ତଲୁ ଦାପି ଆଡି ସୀସୁୟାଁ ପିତର ତଲେ ବାଦିବାଦା ଆଡେରି,

^୩ “ନାନୁ ଜୀହୁଦିଆଆଡି ଲକୁ ଇଲକାଣା ହାଜାନା ଏଝାରିତଲେ ତିଞ୍ଜାମାଞ୍ଜି □”

^୪ ସାମା ପିତର ଈ ବାରେ କାତାତି ମୁଲୁଟିଏ ଝେସାଲି ମାଟ୍‌ହାନା ଏଲେଇରେସି □

^୫ “ନାନୁ ଜାପ ଗାଡାତା ପ୍ରାଡାନା କିହିମାଚେଏଁ, ଇଞ୍ଜା ସେୟାଁଣା ହାପାନାତା ମେସ୍ତେଏଁ, ଏନିକିଁ ର କାଜା ହିମ୍ବରିତି ସାରି କନତା ଆସାହାଁ ଲାକପୁରୁଟି ଡଇ ରେଟା ଝାହିମାଚେ, ଅଡେ ଏଡି ନା ପାତେକା ଝାଡେ;”

^୬ ନାନୁ ଏମ୍ବାଆଁ ସିନିକିହାନା ଅଣ୍‌ପାଲି ମାଟ୍‌ହେଏଁ, ଏମ୍ବାଆଁ ଦାରତିତି ସାରିଗଟା କତାୟାଁ ତଲେ ତାକିନି ନାସ୍‌କାତି ଜନ୍ତ ଇଞ୍ଜା ଜାଡାତି ଜନ୍ତ ତୁରିୟାଁ ରାସ୍‌କା ଅଡେ ହାଗୁତି ପଟାୟାଁ ମେସ୍ତେଏଁ,

^୭ ଅଡେ ନାଜେ ଝେସାମାଞ୍ଜାନି ଈ ହାଡା ଜିକେଏ ଝେଚେଏଁ, ‘ପିତର; ନିଜାମ୍ବୁ, ପାୟାନା ତିନାମ୍ବୁ!’

^୮ ସାମା ନାନୁ ଏଲେଇଚେଏଁ, ‘ଆଏ ପ୍ରୁ! ଡୀଗାଆଗାଟି ଲାଗେଏ ପଲେଏତି କାଦି ନାନୁ ଏଚେଲାଝା ନା ଗୁତିତା ଅହାହିଲଅଁ □’

^୯ ସାମା ଅର ଦେବା ଲାକପୁରୁଟି ଈ ହାଡା ଝେସ୍ତାଡେ, ‘ମାହାପୁରୁ ଏନାଆଁ ସୁଦୁ କିହାମାନେସି, ଏଡାଆଁ ନାନୁ ଲାଗେଏତାୟି ଇନାଆନି □’

^{୧୦} ଇଲାଆହୁଁ ତାନି ପାଲି ଆଡେ, ଅଡେ ଡାୟୁ ଏ ବାରେ ଝେଣ୍ଡେ ଲାକପୁରୁ ଅଝିଆଡେ □

^{୧୧} ଅଡେ ମେହ୍‌ଦୁ, ଦେବୁଣିଏ ତାନି ଜାଣା ଲକୁ ମାମ୍ବୁଆମିନି ଇଲୁତା ମାଚମି ଏମ୍ବାଆଁ ଝାହାନା ନିତେରି, ଏଝାରି କାୟିସରିୟାଟିଏ ନା ଡାଣା ପାଣ୍ଡୁଝି ଆହାମାଚେରି □

୧୨ ଇଞ୍ଜା ଆନାମାନା ଆଆନା ଏଞ୍ଜାରିତଲେ ହାଜାଲି ଜୀଞ୍ଜୁ ନାଞ୍ଜେ
ଞ୍ଜେସ୍ତାତେ, ଅଡ଼େ ଇ ସ ଜାଣା ତାୟିୟା ଜିକେଏ ନା ତଲେ ଜାପଟି
କାୟିସରିୟାତା ଞ୍ଜାଡ଼େରି, ଇଞ୍ଜା ମାନ୍ୟୁଏ କର୍ନଲିୟ ଇଜ ହାଚମି □

୧୩ ଏଞ୍ଜାସି ଏନିକ୍ ର ଦୂତୁଇଁ ସେୟାଣା ହାପାନାତା
ମେସାମାରେସି, ଏଦାଆଁ ମାଞ୍ଜେ ଞ୍ଜେସ୍ତାତେସି, ଏ ଦୂତୁ ଏନିକ୍
ଏଞ୍ଜାଣି ଇଜ ନିଚାନା ଞ୍ଜେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି
ସିମନଇଁ ହାଟାତାମ୍ବୁ;

୧୪ ଏଞ୍ଜାସି ମିଞ୍ଜେ ଞ୍ଜେସ୍ତାନି କାତାତଲେ ‘ମୀରୁ ଅଡ଼େ ମୀ ବାରେ
କୁଟମି ଗେଲ୍ପି ଆଡ଼େରି □’

୧୫ ତାୟୁ ନାନ୍ତୁ ଜଲାଲି ମାଟ୍‌ହାଲିଏ ସୁଦୁଜୀଞ୍ଜୁ ମା ଲାକ ଏନିକ୍
ରେଚାଞ୍ଜାଡ଼େ, ଏଲେକ୍ ଏଞ୍ଜାରି ଲାକ ଜିକେଏ ରେଚାଞ୍ଜାଡ଼େ □

୧୬ ☆ଏଚିବେଲ୍ମା ପ୍ରୁ ଞ୍ଜେସ୍ତି ଇ ହାଡା ନା ଅଣ୍‌ପୁତା ଞ୍ଜାଡ଼େ; ‘ଜହନ
ଏୟୁତଲେ ବାପ୍ତିସ୍ମ* ହୀତେସି ସାତା, ସାମା ମୀରୁ ସୁଦୁଜୀଞ୍ଜୁ ତଲେ
ବାପ୍ତିସ୍ମ† ଆଡ଼େରି □’

୧୭ ଇଚିହ୍ ମୀରୁ ପ୍ରୁ ଜୀସୁ କ୍ରୀସ୍ତ ତାଣା ନାମିତି ବେଲ୍ମାତା
ମାହାପୁରୁ ଏନିକ୍ ମାଞ୍ଜେ ଆମିନି ଦାନା ହୀହାମାଞ୍ଜାତେସି,
ଏଲେକିହ୍ ଏ ଏଞ୍ଜାରାକି ଜିକେଏ ସମାନା ଦାନା ହୀତେସି; ନାନ୍ତୁ
ଆମ୍ବାଆତେଏଁ ମାହାପୁରୁଇଁ କାହିଁ କିହାଲି ଆଡ଼ିଇଁ □”

୧୮ ଏଞ୍ଜାରି ଇ ବାରେ କାତା ଞ୍ଜେଞ୍ଜାଲିଏ ଏଞ୍ଜାରି ପାଲେଏ ଆଡ଼େରି,
ଇଞ୍ଜା ମାହାପୁରୁଇଁ ଜହରା କିହ୍ ଏଲେଇଚେରି, “ଆଡିହ୍
ମାହାପୁରୁ ଜୀହୁଦିଆଆଡି ଲକୁକି ଜିକେଏ ହିୟାଁ ଞ୍ଜେଟ୍‌ହାଲି ଅଡ଼େ
ନୀତାଲି ପାରୁ ହୀହାମାନେସି □”

ଆନ୍ତିୟକିୟା କୁଲମି

୧୯ ☆ଏଚେଟିଏ ସ୍ତ୍ରୀପାନ ହାଡି ତାୟୁ, ଏଚେକା ନାମ୍ବଗାଟାରି କସ୍ତ
ନିନ୍ଦା ଆଡାକି ଆଲାରା ଆହାମାଟାରି ବିତ୍ରାଟି, ପୟିନିକିୟା, କୁପ୍
ଅଡ଼େ ଆନ୍ତିୟକିୟା ପାତେକା ରେଜାନା ଞ୍ଜାରୁଇ ଜୀହୁଦି ଲକୁ ପିସ୍‌ପେ
ଅଡ଼େ ଆମ୍ବାଆରି ତାଣା ନେହ୍ କାରୁ ଞ୍ଜେସିହିଲ୍ମାଆଡ଼େରି □

☆ ୧୧:୧୭ ୧୧:୧୭ କାମା ୧:୫ * ୧୧:୧୭ ୧୧:୧୭ମୁଞ୍ଜିନାୟି † ୧୧:୧୭
୧୧:୧୭ମୁଞ୍ଜିନାୟି ☆ ୧୧:୧୯ ୧୧:୧୯ କାମା ୮:୧-୪

୨୦ ସାମା ଏଞ୍ଜାରି ବିତ୍ରାଟି ଏଚରଜାଣା କୁପ୍ର ଅଡ଼େ କୁରିଣିୟ ଲକୁ ଆନ୍ତ୍ରିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଝେସିହିଁ ପ୍ରବୁ ଜୀସୁତି ନେହିଁ କାରୁ ଝେକ୍‌ହେରି □

୨୧ ଅଡ଼େ, ଏଞ୍ଜାରିତଲେ ପ୍ରବୁତି ବାଡ଼ୟୁ ମାଚେ, ଅଡ଼େ ହାରେ ହାରେକା ଲକୁ ନାମାହାଁ ପ୍ରବୁ ଖାକି ଝେଣ୍ଡାଞ୍ଜାଡ଼େରି □

୨୨ ଏଞ୍ଜାରି ହାଡ଼ା ଜିରୁସାଲମତି କୁଲମିତା ଏଗାହାଚେ, ଏମ୍ପାଟିଏ ଏଞ୍ଜାରି ଆନ୍ତ୍ରିୟକିୟା ପାତେକା ବର୍ନବାଇଁ ପାଣ୍ଡାତେରି □

୨୩ ଏଞ୍ଜାସି ଏମ୍ପାଆଁ ଏଜାନା ମାହାପୁରୁତି କାର୍ନାମେସାନା ରାହାଁ ଆଡ଼େସି, ଇଞ୍ଜା ଏଞ୍ଜାରି ଏନିକ୍ ହିୟାତା ରଣ୍ଡିଏ ରାହାଁତଲେ ପ୍ରବୁ ତାଣା ମାନାପେରି ଇଞ୍ଜା ଏଞ୍ଜାରାକି ବାର୍ସୁ ହୀତେସି □

୨୪ ବର୍ନବା ର ନେହିଁ ଲକୁ, ନାମୁତା ଇଞ୍ଜା ସୁଦୁଜୀଝୁ ବେଟାଆହାମାନାସି ମାଚେସି, ଇଞ୍ଜା ଇଲେତି ବଲୁ ଝେକ୍‌ନି ତାଣା ହାରେକା ଲକୁ ପ୍ରବୁ ତାଣା ଆଣ୍ଡିତେରି □

୨୫ ତାୟୁ ବର୍ନବା ସାଝୁଲଇଁ ପାରାଲି ତାର୍ସ ଗାଡ଼ାତା ହାଚେସି,

୨୬ ଇଞ୍ଜା, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତ୍ରିୟକିୟାତା ତାଟିହିଁ ଖାଡ଼େସି, ଏଞ୍ଜାରି ର ବାର୍ସା ପାତେକା କୁଲମି ତଲେ ମାଞ୍ଜାନା ହାରେକା ଲକୁଣି ଜାପ୍‌ହେରି, ଅଡ଼େ ଆନ୍ତ୍ରିୟକିୟାତି ସୀସୁୟାଁ ତଲିଏ କ୍ରୀସ୍ତାନା ଇଞ୍ଜା ଝେଞ୍ଜିତେରି □

୨୭ ଏଚିବେଲାତା ଏଚରଜାଣା ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ଜିରୁସାଲମତି ଆନ୍ତ୍ରିୟକିୟାତା ଖାଡ଼େରି □

୨୮ ☆ଏଞ୍ଜାରି ବିତ୍ରାଟି ଆଗାବ ଦରୁଗାଟି ର ଲକୁ ନିଜ୍ଞାନା ବାରେ ଦାର୍ତ୍ତିତା କାଜା କାଡ଼ାରା ଆନେ ଇଞ୍ଜା ଜୀଝୁତି ବାଡ଼ୟୁ ତଲେ ଝେସ୍ତେସି; ଏଡି କ୍ଲାଝୁଦିୟା ସାଲଝି କିନାଣି ବେଲାତା ଆଡ଼େ □

୨୯ ଏମ୍ପାଟିଏ ସୀସୁୟାଁ ତାମ୍ପୁ ତୁମି ଆଡ଼ିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାକି ସାୟେମି କିୟାଲି ତୀରି କିତେରି,

୩୦ ଅଡ଼େ, ଏଞ୍ଜାରି ଜିକେଏ ଟାକାୟାଁ କୁଡ଼ି କିହାନା ଏ କୁଲମିତି ପ୍ରାଟିନାଜ୍ଞା କେୟୁତା ହୀହାଲି ବର୍ନବା ଅଡ଼େ, ସାଝୁଲ କେୟୁତା ଟାକାୟାଁ ପାଣ୍ଡିତେରି □

୧୨

ହାରେକା ସାସ୍ତି ପାଶ୍ଚାତାନ୍ତ

^୧ ଏତିବେଳାତା ରାଜା ହେରଦ କୁଲମିତି ଏତର ଜାଣାଇଁ ସାସ୍ତି ହୀହାଲି ମାଟ୍‌ହେସି □

^୨ ଏଝାସି ଜହନତି ତାୟି ଜାକୁବଇଁ କାଶ୍ଚାତଲେ ପାୟି କିତେସି □

^୩ ଅଡ଼େ, ଜୀହୁଦି ଲକୁ ଏଝାଣି ତାକି ରାହାଁ ଆହାମାନାଣି ମେସାନା ଏଝାସି ପିତରଇଁ ଜିକେଏ ଆସ୍ତେସି, ଏତିବେଳାତା ପୁଲ୍ଲା ଆଶ୍ଚାଆତି ରୁଟି ତିନି ପାର୍ଶୁ ମାଟେ □

^୪ ଏଚେଟିଏ ଏଝାସି ପିତରଇଁ ଦସ୍‌ପାନା କାୟିଦି ଇଲୁତା ଇଟିତେସି, ଇଞ୍ଜା ପିସ୍‌ପିଆନି ପାର୍ଶୁ ରାଡ଼ି ତାୟୁ ଏଝାଣାଇଁ ବାରେ ଲକୁ ନକିତା ତାଚାଲି ଅଶ୍‌ପାନା ଏଝାଣାଇଁ କାଚାଲି ସାରି ଜାଣା ଲାକା ସାରି ଗତି କସ୍‌କା କେୟୁତା ହେର୍‌ପିତେସି □

^୫ ପିତରଇଁ କାୟିଦିତା ସୁଶ୍ଚିତେରି, ସାମା ଏଝାଣି ତାକି କୁଲମି ରଶ୍ଚିଏ ହିୟାଁ ତଲେ ମାହାପୁରୁ ତାଣା ପ୍ରାତାନା କିହିମାଟେରି □

ପିତର କାୟିଦି ଇଲୁଟି ଗେଲ୍‌ପି ଆନାୟି

^୬ ତାୟୁ ହେରଦ ଆମିନି ଦିନା ପିତରଇଁ ହପ୍‌ହାଲି ଅଶ୍‌ପାମାଟେସି, ଏ ନେରୁ ଲାଆଁୟାଁ ପିତର ରୀ ହିକ୍‌ଶିୟାଁ ତଲେ ଦସ୍‌ପି ଆହାନା ରୀ କସ୍‌କା ମାଦି ତୁରାମାଟେସି, ଅଡ଼େ କାଃଆନାରି କାୟିଦି ଇଲୁ ଦୁଝେରିତା କାଚାମାଟେରି □

^୭ ଅଡ଼େ ମେହ୍‌ଦୁ, ଦେବୁଶିଏ ପ୍ରବୁତି ର ଦୁତୁ ଏମ୍‌ଆଁ ତଞ୍ଜାଆଡ଼େ, ଇଞ୍ଜା ଇଲୁ ବିତ୍ରା ଉଜେଡ଼ି ଆହାହାଟେ, ଅଡ଼େ ପିତରଇଁ ବମିତା ତୀଗାହାଁ ନିକ୍‌ହାନା ଏଲେଇଟେ, “ତବେ ନିଜ୍‌ମାମୁ,” ଏମ୍‌ଟିଏ ଏଝାଣି କେସ୍‌ସାତି ହିକ୍‌ଶିୟାଁ ହୁଜ୍‌ମାହାତୁ □

^୮ ଏଚେଟିଏ ଦୁତୁ ଏଝାଣାଇଁ ଏଲେଇଟେ, “ଚେତେଲି ରୁପା କତାମୁ ଇଞ୍ଜା ସେପୁୟାଁ ତୁରମୁ” ଇଞ୍ଜା ପିତର ଏଲେକିତେସି, ଅଡ଼େ ଦୁତୁ ଏଲେଇଟେ, “ନୀ ହିମ୍‌ରି ପର୍‌ହାନା ନା ଜେଟ ଜେଟ ଝାମୁ □”

^୯ ପିତର ହଚାନା ଏଝାଣି ଜେଟ ଜେଟ ହାଟେସି; ସାମା ଦୁତୁ ତାଣାଟି ଏନାଆଁ କିଝିଆଡ଼େ, ଏଦି ସାତେଏ ଏଦାଆଁ ପୁନାଆନା ଏଝାସି ହାପାନା ହେଶ୍ଚିମାଇଁ ଇଞ୍ଜା ଅଶ୍‌ପିମାଟେସି □

୧୦ ଏତିବେଲାତା ଏଞ୍ଜାରି ନକିତି ଅଡ଼େ ଏଦାଣି ତାୟୁ କାଡ଼ାମାତାରାଇଁ ଗାଣ୍ଡାନା ଆମିନି ଲହ୍ ଦୁଝେରି ହାହାନା ଗାଡ଼ାତା ହଡ଼ାଲି ଆନେ, ଏଦାଆଁ ତାଗେ ଝାହାଲିଏ, ଏରେତା ଏ ଦୁଝେରି ତାନୁ ତାନୁଏ ଏଞ୍ଜାରାକି ଦେପି ଆହାହାଚେ, ଅଡ଼େ ଏଞ୍ଜାରି ହଡ଼ା ହାଜାନା ର ଆଂଗେଣି ମୁଟ୍‌ହାମାନି ପାତେକା ହାରେରି, ଇଞ୍ଜା ଦେବୁଣିଏ ଏ ଦୂତୁ ଏଞ୍ଜାଣାଇଁ ପିସା ହାଚେ □

୧୧ ଏରେଟିଏ ପିତର ସେଡ଼ନା ଆହାନା ଏଲେଇରେସି, “ପ୍ରବୁ ତାନି ଦୂତୁଇଁ ପାଣ୍ଡାନା ହେରଦ କେୟୁଟି ଅଡ଼େ ବାରେ ଜୀହୁଦି ଲକୁ ଅଣ୍ଡିମାଟି ତାଣ୍ଡାଟି ପିସ୍‌ପି କିହାଁ ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁରେଏଁ □”

୧୨ ଏଞ୍ଜାସି ଇ କାତା ଅଣ୍ଡିହ୍ ମାର୍କ ଦରୁଗାଟି ଜହନ ତାମି ଇୟା ମରିୟମନି ଇଜ ହାଚେସି; ଏମ୍‌ଆଁ ହାରେକା ଲକୁ ରୁଣ୍ଡା ଆହାନା ପ୍ରାତାନା କିହିମାଚେରି □

୧୩ ପିତର ପାଙ୍ଗାଟି ଦୁଝେରିତା ଝେଟାଲିଏ, ରଦା ଦରୁଗାଟି ର ହଲେଣି ଆମ୍‌ଆତେରି ଇଞ୍ଜାଁ ଝେଞ୍ଜାଲି ହାଚେ □

୧୪ ଏଦି ପିତରତି ହାଡ଼ା ଝେଞ୍ଜାନା ରାହାଁତାକି ଦାରା ଦେଝାନା ବିତ୍ରା ଦାବ୍‌ଡ଼ି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜାଁ ଝେସ୍ତେ □

୧୫ ଏଞ୍ଜାରି ଏଦାନି ଏଲେଇଚେରି, “ନୀନୁ ବାୟା ଆଡ଼ିକି ଇଞ୍ଜାଁ ଇଚେରି,” ସାମା ଏଦି ଏଦାଆଁ ସାତା ଇଞ୍ଜାଁ ଗାଡ଼ିକିହ୍ ଝେସ୍ତେ, ଇଞ୍ଜାଁ ଏଞ୍ଜାରି ଏଲେଇଚେରି, “ଏଦି ଏଞ୍ଜାଣି ଦୂତୁ □”

୧୬ ସାମା ପିତର ଦାରାତା ଅଲେ ଅଲେ ଝେଟିମାଚାକି, ଏଞ୍ଜାରି ଦାରା ଦେଚାନା ଏଞ୍ଜାଣାଇଁ ମେସାନା କାବା ଆଚେରି □

୧୭ ସାମା ଏଞ୍ଜାସି ଏଞ୍ଜାରାଇଁ ପାଲେଏ ମାଞ୍ଜାଲି କେୟୁ ଜୀଞ୍ଜିତେସି, ଇଞ୍ଜାଁ ପ୍ରବୁ ଏଞ୍ଜାଣାଇଁ ଏନିକ୍ କାୟିଦି ଇଲୁଟି ହପ୍‌ହା ତାତେସି ଏଞ୍ଜାରାଇଁ ଝେସ୍ତେସି, ଅଡ଼େ ଏଞ୍ଜାସି ଏଲେଇଚେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଁଇଁ ଝେହ୍‌ଦୁ,” ଇଞ୍ଜାଁ ଏଞ୍ଜାସି ତାକିହ୍ ଅର ଟାୟୁତା ହାଜାତୁସ୍ତେସି □

୧୮ ଲାଇଁ ଝେୟାଲିଏ ପିତର ଆୟିୟା ହାଚେସି ଇଞ୍ଜାଁ କାପୁ କାଝ୍‌ଆନି କସ୍‌କା କାବାଆହାନା ହାରେକା ବିଲ୍‌କି ଆଚେରି ?

୧୯ ଅଡ଼େ, ହେରଦ ଏଞ୍ଜାଣାଇଁ ପାରି କିହାନା ପ୍ଲାଃଆଲିଏ, କାପୁ କାଃନାରାଇଁ ଝେଟି ତାୟୁ, ଏଞ୍ଜାରାଇଁ ପାୟାଲି ହୁକୁମି ହୀତେସି □ ଏଦାଆଁ ତାୟୁ ହେରଦ ଜୀହୁଦା ରାଜିଟି କାୟିସରିୟାତା ହାଜାନା ଏମ୍ପାଆଁ ଡ଼ୟିତେସି □

ହେରଦ ହାନାୟି

୨୦ ଏଚିବେଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡ଼େ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣା ଖାଡ଼େରି, ଇଞ୍ଜା ରାଜା ଇଲୁତି ର୍ଲାସ୍ତସ୍ ଇନି ସାଲୁଝି କିନାଣାଇଁ ତାମି ଖାକି କିହାନା, ରାଜାଇଁ ହିଡ଼ଡ଼ି ତାକି ବାଡ଼ିମାଲିତେରି, ଇଚିହ୍ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆର୍ନା ହାଜିମାଚେ □

୨୧ ଏଚେଟିଏ ହେରଦ ତୀରିକିତି ଦିନାତା ରାଜା ହୁଚିନି ହିମ୍ପୁରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଝେସ୍ତେସି;

୨୨ ଏଚେଟିଏ ଲକୁ କାଲୁଝି ଆହ୍ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡସିତି ଗିୟାଁ ଆଏ □”

୨୩ ଏ ଦେବୁଣିଏ ପ୍ରବୁତି ର ଦୁତୁ ହେରଦଇଁ ତୀରିତେ, ଇଚିହ୍ ଏଞ୍ଜାସି ମାହାପୁରୁଇଁ ଜହରା କିଆତେସି, ଇଞ୍ଜା ଏଞ୍ଜାଣାଇଁ ପଡ଼ୁଲୁଲି ତିଞ୍ଜାଲିଏ ଏଞ୍ଜାସି ହାଡ଼େସି □

୨୪ ସାମା ମାହାପୁରୁତି ବଲୁ ପାତାଆହାନା ହାଚେରକା ଝେଜିତେ □

୨୫ ତାୟୁ ବର୍ନବା ଅଡ଼େ ସାଞ୍ଜୁଲ ତାମି ସେବା କାମା ରାପୁହାନା ଜହନ ଇନି ମାର୍କଇଁ ତଡ଼ କିହାନା ଜିରୁସାଲମଟି ଝେଶ୍ଟା ହାଚେରି □

୧୩

ବର୍ନବା ଅଡ଼େ ସାଞ୍ଜୁଲଇଁ ଆଚାନା ପାଣ୍ଡିନାୟି

୧ ଏଚିବେଲା ଆକ୍ରିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାତି ଲୁକିୟ, ହେରଦ ରାଜା ତାୟିଲେହେଁ ପାତାଆଡ଼ି ମନହେମ ଅଡ଼େ ସାଞ୍ଜୁଲ, ଆକ୍ରିୟକିୟାତା ମାଟି କୁଲମିତା ମାହାପୁରୁ ଅଣ୍ପୁତି ବଲୁ ଝେହ୍ନାରି ଅଡ଼େ ଜାପୁନାରି ମାଚେରି □

୨ ଏଞ୍ଜାରି ପ୍ରବୃତ୍ତି ସେବା ଅଡ଼େ ଉପାସା କିହିମାଚାଟି, ସୁଦୁଜୀଝୁ ଏଞ୍ଜାରାଇଁ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡ଼େ ସାଝୁଲାଇଁ ହାଟାମାଇଁ, ଏ କାମାତାକି ଏଞ୍ଜାରାଇଁ ଏଟ୍‌କା କିଦୁ □”

୩ ଏଚେଟିଏ ଏଞ୍ଜାରି ଉପାସା ଅଡ଼େ ପ୍ରାତାନା କିତି ତାୟୁ ଏଞ୍ଜାରି ତାର୍କାଣା କେସ୍‌ଲା ଇଟାନା ଏଞ୍ଜାରାଇଁ ହେର୍‌ପାନା ପାଣ୍ଡିତେରି □

କୁପ୍ରତା କାମା

୪ ଇଲେଆହିଁ ବର୍ନବା ଅଡ଼େ ସାଝୁଲ ସୁଦୁଜୀଝୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜା ର ସାମଦୁରି ଜାଜାତା ହଟାନା କୁପ୍ରତା ହାଚେରି □

୫ ଏଞ୍ଜାରି ସାଲମି ଗାଡ଼ାତା ଏଗାହାଜାଲିଏ ଜୀହୁଦି ଲକୁତି ବାରେ ଜୀହୁଦି ଲକୁତି କୁଟମି ଇଲକାଣା* ମାହାପୁରୁତି ବଲୁ ଝେକ୍‌ହାଲି ମାଟ୍‌ହେରି; ଅଡ଼େ, ଜହନ ମାର୍କ ଜିକେଏ ସାଝେମି କିୟାଲି ଏଞ୍ଜାରିତଲେ ମାଚେସି □

୬ ଇଞ୍ଜା ଏଞ୍ଜାରି ଏ ଦେସା ମାଦିଟି ରେଜିହିଁ ପାପସ୍ ଗାଡ଼ାତା ହାଚେରି; ଏମ୍‌ଆଁ ଏଞ୍ଜାରି ବାର୍-ଜୀସୁ, ଦରୁଗାଟି ର ଜୀହୁଦି ଗାର୍ଡ଼ି ଗାଟାଣାଇଁ ବେଟାଆଡ଼େରି, ଏଞ୍ଜାସି ମିଟି ମାହାପୁରୁ ବଲୁ ଝେହ୍‌ନାସି □

୭ ଏ ଦେସା ସାଲଝି କିନି ସେଗିୟ ପାଝୁଲ ତଲେ ମାଚେସି, ଏ ସାଲଝି କିନାସି ର ବୁଦିଗାଟାସି, ଏଞ୍ଜାସି ସାଝୁଲ ଅଡ଼େ ବର୍ନବାଇଁ ହାଟି କିହାନା ମାହାପୁରୁତି କାତା ଝେଞ୍ଜାଲି ଅଣ୍‌ପିମାଚେସି □

୮ ସାମା ଏ ଗାର୍ଡ଼ିଗାଟି “ଏଲିମା” ଇଦି ଗିକ୍ ଦରୁ ଏ ସାଲଝି କିନାଣାଇଁ ନାମୁଟି ପିସ୍‌ପିକିନି ଅଣ୍‌ପୁ ତଲେ ଏଞ୍ଜାରାଇଁ ବାଦା ହାଚେସି □

୯ ସାମା ସାଝୁଲ ଆମ୍‌ଆରାଇଁ ପାଝୁଲ ଜିକେଏ ଇନେରି, ସୁଦୁଜୀଝୁଟି ନେଞ୍ଜାନା; ଏଲିମାଇଁ ସିନିକିତେସି,

୧୦ ଅଡ଼େ ଏଲେଇଚେସି, “ଆଡ଼େ ସୟତାନ ମାର୍‌ଏଣାଟି, ବାରେଲେହେଁଟି ନାଡ଼ିକିନି ଲାଗେଏତି ଅଣ୍‌ପୁତା ନେଞ୍ଜାମାନାଟି,

* ୧୩:୫ ୧୩:୫ ସିନଗଗ

ଅଡ଼େ ବାରେ ନେହଁ କାମାତି ସାତୁ, ନୀନୁ ପ୍ରବୁତି ସଲକେ ଜିରୁତି
ଲୀଗେଏ କିହାଲି ପିହୁଅତି କି ?

୧୧ ଅଡ଼େ ନୀଏଁ ମେହୁମୁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜା
ନୀନୁ କାଣା ଆହାନା ଗାଡ଼େକା ତାକି ଝେଡ଼ାତି ଉଜେଡ଼ି ମେହୁଅତି
□” ଏ ଦେବୁଣିଏ ଏଲିମା କାଣ୍‌କାତା ଦୁନ୍ଦା ପଜିତି ଲେହେଁ ଆଡ଼େ
ଇଞ୍ଜା ତାନି କେୟୁ ଆସାଁ ଜିରୁ ତସାଲି ରଅଣାଇଁ ପାରିତେସି □

୧୨ ଇଦାଆଁ ମେସାନା ସାଲୁଝି କିନାସି ପ୍ରବୁତି ଜାପୁନାଣି ଝେଞ୍ଜାନା
କାବାଆହାନା ନାନିତେସି □

ପିସିଦିୟାତି ଆନ୍ତ୍ରିୟକିୟାତା କାମା

୧୩ ତାୟୁ ପାଞ୍ଜୁଲ ଅଡ଼େ ତାନି ତଢ଼େସିଙ୍ଗା ପାପସିଏ ସାମ୍‌ଦୁରି
ଜିରୁତି ହାଜାନା ପଂପୁଲିୟା ଗାଡ଼ାତି ପଗଂତା ଝାଡ଼େରି; ସାମା
ଜହନ ମାର୍କ ଏଝାରାଇଁ ପିସାନା ଜିରୁସାଲମତା ଝେଣ୍ଡାହାଚେସି □

୧୪ ଏଝାରି ପଗଂତି ହାଜାନା ପିସିଦିୟାତି ଆନ୍ତ୍ରିୟକିୟାତା
ଏଗାହାଚେରି, ଅଡ଼େ ଜମିନି ଦିନା ଜୀହୁଦି ଲକୁତି କୁଟମି ଇଲୁତା†
ହାଜାନା କୁଗିତେରି □

୧୫ ଅଡ଼େ, ମସା ରାଡ଼ିତି ମେରା ଇଞ୍ଜା ମାହାପୁରୁ ଅଶ୍‌ପୁତି ବଲୁ
ଝେହୁନାରି ପତି ପଡ଼ଝି ଆଡ଼ି ତାୟୁ, ପ୍ରାତାନା ଇଲୁତି କାଜାରି
ଏଝାରିତାଣା ଏଲେଇଞ୍ଜି ଝେସା ପାଣ୍ଡିତେରି; “ତାୟିୟା, ଲକୁତାକି
ବାର୍ଣ୍ଣୁ ହାନି କାତା ମାଚିହଁ ଝେହୁଦୁ □”

୧୬ ଏଚେଟିଏ ପାଞ୍ଜୁଲ ନିତାନା ଲକୁଣି କେୟୁ ତସିହଁ
ଏଲେଇଚେସି; “ଇସ୍ରାୟେଲ ଲକୁତେରି ଇଞ୍ଜା ଜୀହୁଦିଆଆତି
ଲକୁତେରି ଅଡ଼େ ମାହାପୁରୁଇଁ ଆଜିନାତେରି ନା କାତା ଝେଞ୍ଜୁ □”

୧୭ ଇ ଇସ୍ରାୟେଲ କୁଡ଼ାତି ମାହାପୁରୁ ମା ଆକୁ ଆବାୟାଣି
ଆଡ଼ିତେସି, ଅଡ଼େ ଏଝାରି ମିସର ଦେସାତା ବାସା କିହାମାନି
ବେଲ୍‌ଲାତା, ଏଝାରାଇଁ ପାତି କିତେସି, ଇଞ୍ଜା ବାଡ଼ୁୟୁ ଗାତି
କେୟୁତଲେ ଏଝାରାଇଁ ହପୁହା ତାତେସି,

୧୮ ତାୟୁ ରା କଡ଼ି ବାର୍ଣା ପାତେକା ବାଃଲି ବାଟାତା ଏଝାସି ଏଝାରି
ଲେମ୍‌ନାଣି ଅରୁହିତେସି □

† ୧୩:୧୪ ୧୩:୧୪ ସିନଗର

୧୯ ଏଞ୍ଜାସି କିଣାନ ଦେସାତି ସାତାଗଟା କୃତାତି ଲକୁଣି ନାସା କିହାନା ତାନି ଆଚାମାନି ଲକୁକି ଏ ଦେସାତି ଅଦିକାରା ହୀତେସି □

୨୦ ସାରି ଖାଞ୍ଜା ରୀ କଡ଼ି ଦସ ବାର୍ସା ବିତ୍ରା ଇ ବାରେ ଆଡେ □ ଏରେଟିଏ ମାହାପୁରୁ ଅଣ୍ଟପୁତି ବଲୁ ଖେହ୍ନି ସାମୁୟେଲ ପାତେକା ବିଚାରା କିନାରାଇ ଆଡ଼ିତେସି □

୨୧ ଏମ୍ବାଟିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜିଁ ରାସାଲିଏ ମାହାପୁରୁ ରୀ କଡ଼ି ବାର୍ସା ପାତେକା ବିନ୍ୟାମିନ୍ କୃତାତି କିସ ମୀରୁଏସି ସାଞ୍ଜୁଲଇଁ ରାଜା ଆହାଲି ହୀତେସି □

୨୨ ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସପି କିହାନା, ଏଞ୍ଜାରି ରାଜା ଆହାଲିତାକି ଦାଞ୍ଜୁଦଇଁ ଆଡ଼ିତେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହୀହାନା ଏଲେଇତେସି; “ନାନ୍ତୁ ଜିସି ମୀରୁଏସି ଦାଞ୍ଜୁଦଇଁ ବେଟାଆହାମାଇଁ, ଏଞ୍ଜାସି ନା ହିୟାତି ଅଣ୍ଟପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାନଞ୍ଜି ଆନେସି □”

୨୩ ଏଞ୍ଜାଣି କୃତାତି ମାହାପୁରୁ ଆଞ୍ଜାମାତି ଲେହେଁ ଇସ୍ରାୟେଲ ଲକୁତାକି ର ଗେଲ୍ପିନାଣାଇଁ ଇଚିହଁ ଜୀସୁଇଁ ଜାନି କିହାମାନେସି □

୨୪ ✧ଜୀସୁ ତାନି କାମା ମାଟ୍ଟି ନଡ଼େଏ, ଜହନ ଇସ୍ରାୟେଲତି ବାରେ ଲକୁ ନକିତା ପାପୁଟି ଖେଣ୍ଡିନି କାତା ଅଡେ ବାପ୍ତିସ୍ମାଁ ଅନି କାତା ଖେକ୍‌ହା ମାତେସି □

୨୫ ✧ଅଡେ ଜହନ ତାନି କାମା ରାପ୍‌ହିମାତି ବେଲ୍‌ତା ଲକୁଣି ଏଲେଇତେସି, “ନାଜେ ମୀରୁ ଆମ୍ବାଆସି ଇଞ୍ଜିଁ ଅଣ୍ଟପିମାଞ୍ଜାଦେରି ନାନ୍ତୁ ଏଞ୍ଜାତେଏଁ ଆଏ, ସାମା ମେହ୍‌ଦୁ ନା ତାୟୁ ରଅସି ଖାହିମାନେସି, ଏଞ୍ଜାଣି କତାତି ସେପୁୟାଁ ହୁକ୍‌ହାଲି ନାନ୍ତୁ ଜଡେ ଆଅଁ □”

୨୬ ଏ ତାୟି ତାଙ୍ଗିସ୍ତା, ଅବ୍ରାହାମ କୃତାତି ମୀରୁକା ମାୟକାତେରି, ଅଡେ ମୀ ତାଣାଟି ମାହାପୁରୁଇଁ ଆଜିମାନି ଜୀହୁଦିଆଆତି ଲକୁତେରି; ମା ତାଣା ଇ ଗେଲ୍ପିଆନି ବଲୁ ପାଣ୍ଡୁଞ୍ଜି ଆହାମାଞ୍ଜାନେ □

✧ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ † ୧୩:୨୪ ୧୩:୨୪ ମୁଞ୍ଜିନାୟି ✧ ୧୩:୨୫ ୧୩:୨୫ ଜହ ୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୭; ଜହ ୧:୨୭

୨୭ ସାମା ଏଞ୍ଜସି ଗେଲ୍‌ପିନାସି, ଜିରୁସାଲମତା ମାନାରି ଅଡ଼େ ତାନି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡ଼େ ବାରେ ଜନିନି ଦିନା ପଡ଼଼ି ଆହିମାନି ମାହାପୁରୁ ଅଣ୍ଟପୁତି ବଲୁ ଝେହନାରି କାତା ପୁଞ୍ଜାହିଲାଆତେରି, ଆଡ଼ିଜିକେଏ ଜୀସୁଇଁ ଦହ୍ କିହାନା ମାହାପୁରୁ ବଲୁ ଝେହନାରି କାତା ପୁରା କିତେରି □

୨୮ ☆ଅଡ଼େ ଏଞ୍ଜାଣାକି ହାନି ତଣ୍ଡି ଏନି ଦହ୍ ପୁଞ୍ଜାଆତି ଜିକେଏ ଏଞ୍ଜାଣାଇଁ ପାୟାଲି ପିଲାତଇଁ ବାତିମାଲିତେରି □

୨୯ ☆ଏଞ୍ଜାଣି ତାକି ଦାମ୍ନୁ ସାସ୍ତେରିତା ବାରେ କାତା ରାସ୍‌କି ଆହାମାନେ, ଏଲେଆହିଁ ବାରେ ଗଟ଼ି ଆଡ଼ି ଜେତ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଟି ରେପ୍‌ହା ତାତାନା, ମାଡ଼୍‌ହା ଇତିନି ଗାୟୁତା ଇତିତେରି □

୩୦ ସାମା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣ୍ଡାଟି ନିକ୍‌ହେସି,

୩୧ ଅଡ଼େ ଆମିନି ଗାଟାରି ଗାଲିଲିତି ଜିରୁସାଲମତା ତାନିତଲେ ଝାହାମାତେରି, ଏଞ୍ଜାରି ହାରେକା ଦିନା ପାତେକା ଏଞ୍ଜାଣାଇଁ ମେସ୍ତେରି; ଏଞ୍ଜାରି ଇସ୍ରାୟେଲ ଲକୁତାଣା ନୀଏଁ ଏଞ୍ଜାରି ସାକି □

୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମ୍ନୁ ମିଜେ ଇ ନେହିଁ କାରୁ ଝେସିମାଞ୍ଜାନମି;

୩୩ ଜୀସୁଇଁ ମାହାପୁରୁ ନିକ୍‌ହାନା ଏଞ୍ଜାରି ମୀରକାତାୟି ମାର, ମାଜେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକ୍‌ ରୀ ଲମ୍ବର ପାତୁ ପତିତା ରାସ୍‌କି ଆହାମାନ,

“ନୀନୁ ନା ମୀରଏଣାତି;

ନୀଞ୍ଜୁଟିଏ ନାନୁ ନୀ ଆବାତେଏଁ □”

୩୪ ଏଞ୍ଜସି ହାଡ଼ାରି ତାଣ୍ଡାଟି ଝେଣ୍ଡେ ନିକ୍‌ହାମାନେସି, ଏଞ୍ଜସି ସୀରନି ତାଣ୍ଡା ହାଲଅସି ଇଞ୍ଜିଁ ମାହାପୁରୁ ଝେସାମାନେସି;

“ନାନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ,

ଇଞ୍ଜା ତୀରି ଆନି ବର ମିଜେ ସାତେଏ ହିୟାଇଁ □”

୩୫ ଇଞ୍ଜା ଏଞ୍ଜସି ଅଡ଼େ ର ପତିତା ଏଲେଇଞ୍ଜା ମାନେସି,

☆ ୧୩:୨୮ ୧୩:୨୮ ମାତି ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହ ୧୯:୧୫ ☆ ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨; ଜହ ୧୯:୩୮-୪୨

“ନୀନୁ ନୀ ତୀରି ଗାଟାଣାଇଁ ସୀରହାଲି ହୀଅତି □”

୩୭ ଦାଞ୍ଜୁଦ ତାନୁ ରାଜି କିହିମାତି ବେଲାତା ଲକୁ ବିତ୍ରା ମାହାପୁରୁ ଅଣ୍ଟପୁ ତଲେ ସେବା କାମା କିତି ତାୟୁ ହାଟେସି, ଇଞ୍ଜା ତାମି ଆକୁ ଆବାୟାଁ ଟଟତା ମୁସପି ଆହାନା ସୀରହେସି □

୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକ୍ତହାମାନେସି ଏଝାସି ସୀରହା ହିଲଅସି □

୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଇ ଜୀସୁ ତାଣାଟି ମୀ ନକିତା ପାପୁତି ମ୍ଲେକ୍‌ନି କାତା ଝେସପି ଆହାମାନେ;

୩୯ ଅଡେ ମସାତି ଆମିନି ମେରାତି ବାରେ ତାଣାଟି ମୀରୁ ପିସପି ଆହାଁ ଦାମ୍‌ଗାଟାତେରି ଆହାଲି ଆଡାଆତେରି, ଇଞ୍ଜା ନାମିମାନି ବାରେ ଲକୁ ଏଝାଣି ତାଣାଟି ଏ ବାରେ ତାଣାଟି ପିସପି ଆହାନା ଦାମ୍‌ଗାଟାଟି ଆନେରି □

୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଟପୁତି ବଲୁ ଝେହ୍‌ନାରି ସାପ୍‌ସ୍ତେରିତା ଏନାୟି ଝେସପି ଆହାମାନେ, ଏଦି ଏନିକ୍‌ ମିଲ୍‌କେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇତିହ୍‌ ମୀ ବେଲାତା ମାମ୍‌ରୁ କାମା କିହିମାନମି,
ଅଡେ ଏ କାମାତି ଆମ୍ବାଆସି ମୀ ନକିତା ଝେସ୍ତାନେସି,
ଏଦାଆଁ ମୀରୁ ଏନିକିକେଏ ନାମଅତେରି □”

୪୨ ପାଞ୍ଜୁଲ ଅଡେ ବର୍ନବା ଜୀହୁଦି ଲକୁତି କୁଟମି ଇଲୁଟିଃ ହ୍ରାହାନି ବେଲାତା ଝାନ୍ତି ଜମିନି ଦିନାତା ମାଲ୍‌କେ ଇ ବାରେ କାତା ଅଡେ ଝେସ୍ତାଦୁ ଇଞ୍ଜାଁ ଲକୁ ଏଝାରାଇଁ ବାତିମାଲିତେରି □

୪୩ ବେରଣି ରାତି ତାୟୁ ଏଚେକା ଜୀହୁଦି ଅଡେ, ଜୀହୁଦି ଦାମ୍‌ ନାମିତି ଏଟକା କୃଡାତି ଲକୁ ବିତ୍ରାଟି ହାଟେକା ପାଞ୍ଜୁଲ ଅଡେ ବର୍ନବା ଜେତ ହାଟେରି; ପାଣ୍ଡୁଝି ଆଡାରି ଏଝାରିତଲେ କାତାବାର୍ତା ଆହ୍‌ ମାହାପୁରୁ କାମାତା ତୀରପୁ ଆହ୍‌ ମାଞ୍ଜାଲି ଏଝାରାଇଁ ଝେସ୍ତେରି □

୪୪ ଇଞ୍ଜାଁ ଅର ଜମିନି ଦିନାତା ଗାଡାତି ବାରେ ଲକୁ ମାହାପୁରୁ ବଲୁ ଝେଞ୍ଜାଲି ରୁଣ୍ଡା ଆଟେରି □

୪୫ ସାମା ଜୀହୁଦିୟାଁ ଲକୁ ମାନ୍ୟାତି ମେସାନା ଡାହାରା ଆଡେରି,
ଇଞ୍ଜା ପାଞ୍ଜୁଲ କାତା କପାଟି ନିନ୍ଦାକିହିଁ ବାଦିବାଦା ଆଡେରି □

୪୬ ଏଚେଟିଏ ପାଞ୍ଜୁଲ ଅଡେ ବର୍ନବା ସାସା ଆସାନା ଖେସ୍ତେରି,
“ତଲିଏ ମୀ ତାଣା ମାହାପୁରୁତି ବଲୁ ଖେସ୍ତାନାୟି ମାତେ, ମୀରୁ
ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଞ୍ଜୁ ବେଟାଆହାଲି
ପାଡା ଆଅମି ଇଞ୍ଜାଁ ଅଣ୍ଡି ମାନାକି ମେହ୍ଦୁ ମାମ୍ମୁ ନିଜେ ପିସାନା
ଜୀହୁଦିଆଆତି ଲକୁତାଣା ହାଜିମାନମି □

୪୭ ଇତିହିଁ ପ୍ରୁ ମାଜେ ଇ ହୁକୁମି ହୀହାମାଞ୍ଜାନେସି;
‘ନାନୁ ମିଜେ ଜୀହୁଦିଆଆତି ଲକୁତାକି ଉଜେଡି ଲେହେଁ
କିହାମାଞ୍ଜାଇଁ,
ଏନିକିଁ ନାନୁ ଦାରତିତି ହାନ୍ଦି ମୁଟ୍‌ପେ ଗେଲ୍‌ପିନାଣି ତାଦି
□’ ”

୪୮ ଜୀହୁଦିଆଆତାରି ଇ ହାଡା ଖେଞ୍ଜାନା ରାହାଁ ଆଡେରି; ଅଡେ
ମାହାପୁରୁତି ବଲୁତି ଗାଞ୍ଜୁରମି କିହାଲି ମାଟ୍‌ହେରି, ଅଡେ ଏଚେକା
ଲକୁ କାଲ୍‌କାଲ୍‌ତି ଜୀଞ୍ଜୁତାକି ଆଡ଼ି ଆହାମାଚେରି, ଏଞ୍ଜାରି
ନାମିତେରି □

୪୯ ଇଞ୍ଜାଁ ପ୍ରୁତି ବଲୁ ଏ ରାଜିତା ବାରେଞ୍ଜାକି ଏଜାହାଚେ □

୫୦ ସାମା ଜୀହୁଦି ଲକୁ ଗାଡାତି ଆବାୟାଁଣି ଅଡେ ମାହାପୁରୁଇଁ
ମାନି କିହିମାନି ପାଞ୍ଜାଞ୍ଜେଜିତି ଆୟାସିକାଣି ରୁଣ୍ଡି କିହାନା ପାଞ୍ଜୁଲ
ଅଡେ ବର୍ନବାଇଁ ସାସି ହୀହାନା ତାମି ରାଜିଟି ପେରହାଡୁସ୍ତେରି □

୫୧ ☆ଏଚେଟିଏ ପାଣ୍ଡୁ ଆଡାରି ଜାହାରା କଡାୟାଁତି ଦୂଡ଼ି ଏଞ୍ଜାରି
କପାଟି ହାଣ୍ଡାଁନା ଇକନିୟତା ହାଚେରି □

୫୨ ଅଡେ ଆଡ଼ିୟକିୟାତି ସାସୁୟାଁ ସୁଦୁଜୀଞ୍ଜୁ ବେଟାଆହାନା
ରାହାଁତଲେ ଡ଼ୟିତେରି □

୧୪

ଇକନିୟତା ସେବା କାମା

☆ ୧୩:୫୧ ୧୩:୫୧ ମାତି ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧

୧ ଇକନିୟତା ଜିକେଏ ଏଲେଆହୁଁଏ ଆଡେ; ପାଞ୍ଚୁଲ ଅଡେ
ବର୍ନବା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତା* ହାଜାନା
ଇଲେକ୍ ହେସ୍ତେରି, ଇଞ୍ଜୀ ଜୀହୁଦି ଅଡେ ଜୀହୁଦିଆଆତି ଲକୁ
ବିତ୍ତାଟି ହାରେକା ନାମିତେରି □

୨ ସାମା ଆମିନି ଜୀହୁଦିକ୍ଷା ନାମାଆଡେରି, ଜୀହୁଦିଆଆତି ଲକୁତି
ମନତି କିଲିବିଲି କିହାନା, ଏଞ୍ଜାରାକ୍ ନାମିତି ତାୟିୟାଁ କପାଟି
ଲାଗେଏତି ଅଣ୍ପୁ ଅଣ୍ପି କିତେରି □

୩ ପାଞ୍ଚୁଲ ଅଡେ ବର୍ନବା ହାରେକା ଦିନା ପାଡେକା ଏ ଗାୟୁତା
ଡୟାନା ପ୍ରୁ ତାଶା ବାସୁଁ ଇଟାନା ସାସାତଲେ ପ୍ରୁତି କାତା
ହେସ୍ତେରି; ଇଞ୍ଜୀ ଏଞ୍ଜାରି ତାଶାଟି ହାରେକା ସିନାୟାଁ ଅଡେ କାବାଆନି
କାମାୟାଁ କିହାନା ତାନି କାମାଟି ବଲୁ ସାତା ଇଞ୍ଜୁଁ ସାକି ହାଡେରି
□

୪ ସାମା ଗାଡାତି ଲକୁ ରା ବାଗା ଆଡେରି ର ବାଗା ଜୀହୁଦି ଲକୁ
ଞ୍ଜାକି ଅଡେ ର ବାଗା ପାଣ୍ଡୁଞ୍ଜି ଆହାମାନାରି ଞ୍ଜାକି ଆଡେରି □

୫ ଏଚିବେଲ୍ଲା ଜୀହୁଦିଆଆତି ଲକୁ ଅଡେ ଜୀହୁଦି ଲକୁ ତାମି
କାଜାରି ତଲେ ଆଣ୍ଡାନା, ପାଣ୍ଡୁଞ୍ଜି ଆହାମାନାରାକ୍ ଲାଗେଏ କିୟାଲି
ଅଡେ ଖାଲକାତଲେ ଇରହାଲି ଅଣ୍ପିତେରି,

୬ ଏଚିବେଲ୍ଲା ପାଞ୍ଚୁଲ ଅଡେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା
ଦେସାତି ଲୁସ୍ତା ଅଡେ ଦବ୍ ଗାଡା ଅଡେ ସାରିଞ୍ଜାକିତି ନାସ୍କାଣାଁ
ହଟେରି,

୭ ଅଡେ ଏଞ୍ଜାରି ଏମ୍ପାଆଁ ନେହୁଁ କାବୁ ହେକ୍ହାଲି ମାଟ୍‌ହେରି □

ଲୁସ୍ତା ଅଡେ ଦବ୍‌ତା ସେବା କାମା

୮ ଲୁସ୍ତାତା ର ଲକୁ ମାଚେସି, ଏଞ୍ଜାସି ସଟା ମାଚେସି, ଏଞ୍ଜାସି
ଜାର୍ନାଟିଏ ସଟା, ଏଞ୍ଜାସି ଏଚେଲ୍ଲାଞ୍ଜା ତାକା ହିଲାଆଡେସି □

୯ ଏଞ୍ଜାସି ପାଞ୍ଚୁଲ ହେହ୍‌ନି କାତା ହେଞ୍ଜିମାଚେସି, ଏଞ୍ଜାସି ହିୟାତା
ନାମା ମାନେସି ଇଞ୍ଜୀ ଏଞ୍ଜାସି ନେହୁଁ ଆହାଲି ଆଡ଼ିମାନେସି ଇଞ୍ଜୁଁ
ପୁଞ୍ଜାନା ଆଚେ ସିନିକିତେସି,

* ୧୪:୧ ୧୪:୧ ସିନଗଗ

୧୦ ଏଞ୍ଜାଣାଙ୍କ କାଜା ଗିୟାଁତଲେ ଏଲେଇଚେସି, “ନୀ କତାତି ବାଡ଼ୁୟୁ ହାହାନା ସଲ୍‌କେ ନିମୁ” ଏଚେଟିଏ ଏଞ୍ଜାସି ଡେଞ୍ଜିହିଁ ତାକାଲି ମାଟ୍‌ହେସି □

୧୧ ପାଞ୍ଜୁଲ ଏନାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟା ମା ତାଣା ରେଚା ଖାହାମାନୁ □”

୧୨ ଏଞ୍ଜାରି ବର୍ନବାଙ୍କ ବୁହସପତି ଇଞ୍ଜିଁ ଇଚେରି, ଅଡ଼େ ପାଞ୍ଜୁଲ ଗାଡ଼ି କାତା ଖେହନାସି ମାଚାକି ଏଞ୍ଜାଣାଙ୍କ ବୁଦ ଇଞ୍ଜିଁ ଇଚେରି □

୧୩ ଗାଡ଼ା ତାଗେ ମାନି ବୁହସପତି ଦେଞ୍ଜୁଡ଼ିତି ପୂଜେରାଙ୍ଗା ଏଚେକା ଡ଼କୁ କଡ଼ିୟାଁ ଇଞ୍ଜା ପୂଜା ପେତାୟାଁ ଗାଡ଼ା ଦୁଞ୍ଜେରିତା ତାଚାହାଁ ଏଞ୍ଜାସି ବାରେ ଲକୁତଲେ ଆଣ୍ଡାନା ପାଣ୍ଡୁଞ୍ଜି ଆଡ଼ାରି ନକିତା ପୂଜା ହାହାଲି ଅଣ୍ଡିମାଚେସି □

୧୪ “ସାମା ପାଣ୍ଡୁଞ୍ଜିଆହାମାନି ବର୍ନବା ଅଡ଼େ ପାଞ୍ଜୁଲ, ଇଦାଆଁ ଖେଞ୍ଜାନା ତାମି ହିମ୍ବୁରିକା ଗେସାନା ଲକୁ ମାଦିଟି ହଟି ହଟି ହାଜାନା କାଜା ଗିୟାଁତଲେ ଏଲେଇଚେରି,

୧୫ ଏ ମାନିଗାଟି ଲକୁଚେରି, ଏନାଆଁତାକି ଇ ବାରେ କିହିମାଞ୍ଜେରି, ମାମୁ ଜିକେଏ ମୀ ଲେହେତି ମାଣ୍ଡିୟାତମି, ମୀ ତାଣା ଇ ନେହିଁ କାରୁ ଖେସିମାଞ୍ଜାନମି, ଏନିକିଁ ମୀରୁ ଇ ବାରେ ଉଜେଏତି ପେଣକା ବମାୟାଟି ହେକ ଆହାନା ଜୀଞ୍ଜୁଗାଟି ମାହାପୁରୁ ତାଣା ଖେଣ୍ଡା ଖାଦେରି, ଏଞ୍ଜାସି ହାଗୁପାକା ଦାରତି, ସାମ୍‌ଦୁରି ଅଡ଼େ ଏମ୍‌ଆଁ ମାନି ବାରେତି ରାଟି କିହାମାନେସି;

୧୬ ମାହାପୁରୁ ତଲିଏ ବାରେ ଲକୁଣି ତାମି ମନତଲେ ଡ଼ୟାଲି ପିସାମାଚେସି □

୧୭ ସାମା ଏଞ୍ଜାସି ବାରେ ନେହିଁ କାମାଟି ଏଞ୍ଜାସି କାଲେଏ ତାନି ଗୁଣ୍ଡୁତି ତସାମାନେସି; ଏଞ୍ଜାସି ହାଗୁଟି ପିୟୁ ଅଡ଼େ ସମାନା ବେଲାତା ଆର୍ନା ହିୟାନାସି, କାଦି ଅଡ଼େ ମୀ ହିୟାତା ରାହାଁ ହିୟାନାସି □”

୧୮ ଇ ବାରେ କାତା ଖେସାନା ପାଣ୍ଡୁଞ୍ଜି ଆହାମାନାରି ଲକୁ ମାନ୍ଦାତି ହାରେକା କସ୍ତଲେ ତାମ୍‌ଜେ ତାକି ପୂଜା କିହାଲି କାହିଁ କିହାଲି ଆଡ଼ିଚେରି □

୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡ଼େ ଇକନିୟତି ଏଚେକା

ଜୀହୁଦି ଏମ୍ବାଆଁ ଖାଡ଼େରି, ଏଞ୍ଜାରି ଲକୁ ମାନ୍ଦାତି ତାମି ଖାକି କିହାନା ପାଞ୍ଜୁଲଇଁ ଖାଲକାତଲେ ଇରହାନା ଏଞ୍ଜାସି ହାହାହାଚେସି ଇଞ୍ଜି ଅଣ୍ଠପାନା ଗାଡ଼ାତି ପାଞ୍ଜାତା ରେଜା ଅଡ଼େରି □

୨୦ ସାମା ନାମିତି ସାସୁୟାଁ ସାରି ଖାକିଟି ନିତାମାଚାକି ଏଞ୍ଜାସି ନିଞ୍ଜାନା ଗାଡ଼ା ବିଡ଼ା ହାଚେସି, ଅର ନେରୁ ବର୍ନବା ତଲେ ଦର୍ବତା ହାଚେସି □

ସିରିୟାତି ଆନ୍ତ୍ରିୟକିୟାତା ଖେଣ୍ଡାଖାନାୟି

୨୧ ପାଞ୍ଜୁଲ ଅଡ଼େ ବର୍ନବା ଦର୍ବତା ନେହଁ କାରୁ ଖେସାହାଁ ହାଚେରକା ସାସୁୟାଁ କିତି ତାମୁ ଏଞ୍ଜାରି ଲୁସ୍ତା, ଇକନିୟ ଅଡ଼େ ପିସିଦିୟାତି ଆନ୍ତ୍ରିୟକିୟାତା ଖେଣ୍ଡାହାଚେରି □

୨୨ ଅଡ଼େ, ଏ ଟାମୁତି ନାମିତି ସାସୁୟାଁ ମନତି ସୁସ୍ତି କିହାନା ନାମୁତା ଗାଡ଼ିକିହଁ ଆଟ୍ଠା ତଲେ ଡ଼ୟାଲି ବାସୁଁ ହାହାନା ଏଲେଇଚେରି, “ମାହାପୁରୁ ରାଜିତା ହଡ଼ାଲି ତାକି ହାଚେରକା କସ୍ତ ପାଣ୍ଡନାୟି ମାନେ □”

୨୩ ଅଡ଼େ, ବାରେ କୁଲମିତା ଏଞ୍ଜାରି ପ୍ରାତିନାଞ୍ଜାଣି ଆଚାନା ଉପାସା ତଲେ ପ୍ରାତାନା କିଚେରି, ଅଡ଼େ ଆମିନି ପ୍ରୁ ତାଣା ନାମା ମାଚେରି, ଏଞ୍ଜାଣି କେୟୁତା ଏଞ୍ଜାରାଇଁ ହେରପିଚେରି □

୨୪ ତାମୁ ଏଞ୍ଜାରି ପିସିଦିୟା ନାମ୍‌କାଟି ପଂପୁଲିୟାତା ଖାଡ଼େରି,

୨୫ ଅଡ଼େ ପଗର୍ତା ନେହଁ କାରୁ ଖେସାନା ଆତାଲିୟାତା ହାଚେରି □

୨୬ ଏମ୍ବାଟି ଏଞ୍ଜାରି ଜାଜାତା ହଚାନା ଆନ୍ତ୍ରିୟକିୟାତା ହାଚେରି; ଏଞ୍ଜାରି ଆମିନି କାମା କିହାମାଚେରି, ଏଦାଆଁ କିହାଲି ମାହାପୁରୁତି କାର୍ମାତା ହେରପି ଆହାନା ଏମ୍ବାଟି ହାଚେରି □

୨୭ ଏତିବେଲା ଏଞ୍ଜାରି ଆନ୍ତ୍ରିୟକିୟାତା ଏଗାହାଜାନା କୁଲମିତି ଲକୁଣି କୁଡ଼ି କିଚେରି; ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଟି କାମାତାକି, ଅଡ଼େ ଜୀହୁଦିଆଆତି ଲକୁ ନାମାଲି ଦୁଖେରି ଦେତାମାଚାଣି ବାରେ ଏଞ୍ଜାରାଇଁ ଖେସୁେରି □

୨୮ ଅଡ଼େ ଏଞ୍ଜାରି ନାମିତି ସାସୁୟାଁ ତଲେ ହାଚେରକା ଦିନା ଡ଼ୟିଚେରି □

୧୫

ଜିରୁସାଲମତା ନାମିତାରି ବେରଣି କିନାୟି

୧ ଏମ୍ବାଟିଏ ଏଚରଜାଣା ଲକୁ ଜୀହୁଦା ରାଜିଟି ଆନ୍ତିୟକିୟାତା
ଝାହାନା ନାମିତି ତାୟିୟାଣି ଇ କାତା ଝେସିହ୍ ଜାପୁହେରି,
“ମସାତି ନେରା ଲେହେଁ ମୀ ତଲୁ ଦାପି ଆଆତିହ୍ ମୀରୁ
ଗେଲ୍ପିଆୟାଲି ଆଡ଼ଅତେରି □”

୨ ଏମ୍ବାଟିଏ ପାଝୁଲ ବର୍ନବା ତଲେ ହାରେକା ଆସପି ଆହାନା
ବାଦିବାଦା ଆୟାଲିଏ ପାଝୁଲ, ବର୍ନବା ଅଡେ ଆନ୍ତିୟକିୟାତି
ଏଚରଜାଣା ତାୟିୟା ଇ କାତା ଆସାନା ଜିରୁସାଲମତା ମାନି ପାଶୁଝି
ଆଡ଼ାରି ଇଞ୍ଜା କୁଲମିତି ପ୍ରାତିନାଙ୍ଗା ତାଣା ହାଲ୍ବେରି ଇଞ୍ଜ
ତାୟିୟା ତାରି କିତେରି □

୩ ଏଚେଟିଏ କୁଲମି ଏଝାରାଇଁ ପାଶାଲି ଜିରୁ ତସ୍ତି ଜେଚ, ଏଝାରି
ପୟିନିକିୟା ଅଡେ ସମିରଣ ଝାକି ହାଜି ହାଜିହ୍ ଜୀହୁଦିଆଆତି
ଲକୁ ହିୟା ଝେଟ୍ଟହାମାତି କାତା ଝେସିହ୍ ବାରେ ତାୟିୟାଲ୍
ହାରେକା ରାହାଁ କିତେରି □

୪ ତାୟୁ ଏଝାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜା,
ପାଶୁଝି ଆଡ଼ାରି ଅଡେ ପ୍ରାତିନାଙ୍ଗା ଏଝାରାଇଁ ଆବିତେରି, ଅଡେ
ମାହାପୁରୁ ଏଝାରିତଲେ ମାଞ୍ଜାନା ଆମିନି କାମା କିହାମାଚେସି, ଏ
ବାରେ କାତା ଏଝାରାଇଁ ଝେସ୍ପେରି □

୫ ସାମା ପାରୁସିୟା ଗରିଟି ଏଚେକା ନାମୁଗାଟାରି ନିତାନା
ଏଲେଇଚେରି, “ନାମାମାନି ଜୀହୁଦିଆଆତାରି ତଲୁ ଦାପି
କିନାୟିମାନେ, ଅଡେ ମସାତି ନେରା ମାନୁଝି ଆୟାଲି ଏଝାରାଇଁ
ହୁକୁମି ହୀନାୟି ମାନେ □”

୬ ତାୟୁ ଇ କାତା, କାତା ଆହାଲିତାକି ପାଶୁଝି ଆଡ଼ାରି ଅଡେ
ପ୍ରାତିନାଙ୍ଗା ରୁଶ୍ଟା ଆତେରି □

୭ ☆ହାରେକା ଜଲ୍ଲକି ଆଡି ତାୟୁ ପିତର ନିଙ୍ଗାନା ଏଝାରାଇଁ
ଏଲେଇଚେସି, “ତାୟିୟା ଅଡେ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା
ଗୁଡିଟି ଜୀହୁଦିଆଆତାରି ନେହ୍ କାବୁ ଝେଞ୍ଜାନା ନାମାପେରିଝା

ଇଞ୍ଜି ହାରେକା ଦିନା ନକେଏ ମାହାପୁରୁ ନାଙ୍ଗେ ଆଚାମାଞ୍ଜାତେସି
□

୮ ☆ବାରେ ଲକ୍ଷ୍ମି ହିୟା ପୁନି ମାହାପୁରୁ ମାଙ୍ଗେ ଏନିକି
ସୁଦୁଜୀଞ୍ଜୁ ହୀହାମାଞ୍ଜାନେସି, ଜୀହୁଦିଆଆତି ଲକ୍ଷ୍ମି ଜିକେଏ
ଏଲେକିହିଁ ହୀହାନା ଏଞ୍ଜାରି ତାକି ସାକି ହୀହାମାନେସି □

୯ ଅଡେ ଏଞ୍ଜାସି, ମା ବିତ୍ତା ଅଡେ ଏଞ୍ଜାରି ବିତ୍ତା ଏନି ପାରତ୍ତା
ବାଟି କିହାମାଞ୍ଜଅସି; ଇଞ୍ଜା ନାମୁତଲେ ଏଞ୍ଜାସି ଏଞ୍ଜାରି ହିୟା ସୁଦୁ
କିହାମାନେସି □

୧୦ ଇଦାଆଁତାକି ଆମିନି ଜୁଞ୍ଜେଡି ମା ଆକୁ ଆବାୟା ଅଡେ ମାର
ଡେକାଲି ଆଡାଆତାୟି, ଏ ଜୁଞ୍ଜେଡି ସୀସୁୟା ବମିତା ଏକ୍‌ହାନା ମୀରୁ
ଏନାଆଁତାକି ମାହାପୁରୁଇଁ ତାୟିପାରି କିହିମାଞ୍ଜେରି ?

୧୧ ଇଦି ନେହେଁ ଆଏ, ସାମା ଏଞ୍ଜାରି ଏନିକିହିଁ ନାମାହାଁ ଗେଲ୍‌ପି
ଆହାମାନେରି ମାର ଜିକେଏ ଏଲେକିହିଁ ଏ ନାମାହାଁ ପ୍ରବୁ ଜୀସୁତି
କାର୍ମାମେହନାଣି ତଲେ ଗେଲ୍‌ପି ଆହାମାନାୟି □”

୧୨ ଏଚେଟିଏ ଏମାଆଁ ରୁଣ୍ଡା ଆହାମାଚାରି ବାରେ ଲକ୍ଷ୍ମି ପାଲେଏ
ଆଡେରି, ଇଞ୍ଜା ପାଞ୍ଜୁଲ ଅଡେ ବର୍ନବା ତାଣାଟି ଜୀହୁଦିଆଆତି
ଲକ୍ଷ୍ମିତାଣା ମାହାପୁରୁ ତାଣାଟି ଆହିମାନି ସିନାୟାଁ ଅଡେ କାବାଆନି
କାମାୟାଁ କିହାଁ ମାଚେସି ଏଞ୍ଜାଆଁ ଏଞ୍ଜାରି ତାଣାଟି ଶ୍ରେଞ୍ଜାଲି ମାଚ୍‌ହେରି
□

୧୩ ଏଞ୍ଜାରି କାତା ରାଡି ତାୟୁ ଜାକୁବ ନିଙ୍ଗାନା ଏଲେଇଚେସି;
“ତାୟିୟାଁ ଅଡେ ତାଙ୍ଗିସ୍ତା, ନା କାତା ଶ୍ରେଞ୍ଜୁ,

୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକ୍ଷ୍ମି ବିତ୍ତାଟି
ତାନି ଲକ୍ଷ୍ମି କିୟାଲି ଏଞ୍ଜାରାଇଁ କାର୍ମାମେସାନା ଆଚାମାନେସି ଇଞ୍ଜି
ସିମନ ଶ୍ରେସାମାଞ୍ଜାନେସି □

୧୫ ଅଡେ, ମାହାପୁରୁ ଅଶ୍‌ପୁତି ବଲୁ ଶ୍ରେହନାରି କାତାତଲେ
ଆଣ୍ଡିମାନେ, ଏନିକି ଦାର୍ମ୍ ସାସ୍ତେରିତା ରାସ୍‌କି ଆହାମାନେ □”

୧୬ ପ୍ରବୁ ଏଲେଇଞ୍ଜି ମାନେସି,

“ତାୟୁ ନାନୁ ଶ୍ରେଣ୍ଡା ଖାହାନା, ଦାଞ୍ଜୁଦ ବାସାଚାୟୁ ଶ୍ରେଣ୍ଡେ
ଗେଲ୍‌ପିଇ,

ଇଞ୍ଜା ଏମ୍ବାତି ବିଡ଼ହାମାନି କାତିୟାଁ ବାରେ ଖେଣ୍ଡେ କେପାନା
ଆଟ୍‌ଝା କିଇଁ,

୧୭ ଏନିକ୍‌ ଡ଼ୟାମାତି କୁଡ଼ାତି ଲକୁ ଅଡ଼େ ଏଚେକା
ଜୀହୁଦିଆଆତାରି ନା ଦରୁଟି ଖେଙ୍ଗାମାନେରି,
ଏଝାରି ବାରେ ପ୍ରବୁଇଁ ପାରିନେରି, ବାରେ ଗାଡ଼ିକିତି ପ୍ରବୁ ଏଲେ
ଇଞ୍ଜିମାନେସି □

୧୮ ପ୍ରବୁ ଇ କାତା ଏଲେଇଞ୍ଜା ମାନେସି, ଆମ୍ବାଆସି ତଲି କାଲ୍‌ଗାଟିଏ
ଇ କାତା ତସାମାନେସି □”

୧୯ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଣ୍‌ପୁ ଇଦି,
ଜୀହୁଦିଆଆତି ଲକୁ ବିତ୍ରାଟି ଆମ୍ବାଆରି ମାହାପୁରୁ ଖାକି ଖେଣ୍ଡା
ଝାନେରି, ଏଝାରାକି ମାର ବଜୁ ହୀଆପ;

୨୦ ସାମା ଏଝାରାକି ଇଲେକ୍‌ ଆକୁ ରାତାନା ଖେହ୍‌ନ,
ପେଣ୍‌କା ବମାୟାଁ ତାକି ପୂଜା କିହାମାନି ଲାଗେଏତାଣି ତିନାଆଦୁ;
ଦାରିକାମାଟି ଏଟ୍‌କା ଆଦୁ; ହେରକି ଦାଆନା ପାୟିତି ଜଡ଼ତି ଉଙ୍ଗା
ଅଡ଼େ ନେତେରି ତିନାଆଦୁ □

୨୧ ଏନାଆଁତାକି ଇଚିହ୍‌ ତଲି କାଲ୍‌ଗାଟିଏ ବାରେ ଗାଡ଼ାଣା ମସା
ମେରାତି କାତା ଖେକ୍‌ନାରି ମାନେରି, ଇଞ୍ଜା ବାରେ ଜମିନି ଦିନାତା
ଜୀହୁଦି ଲକୁଡ଼ି କୁଟମି ଇଲ୍‌କାଣା* ଏଝାଣି ମେରାତି କାତା ପଡ଼ଝି
ଆହିମାନେ □”

ଜୀହୁଦିଆଆତି ନାମିତି ଲକୁତାକି ଆକୁ

୨୨ ଏଚିଚେଲ୍‌ ପାଣ୍ଡୁଝି ଆହାମାନାରି ଅଡ଼େ ପ୍ରାତିନାଙ୍ଗା ବାରେ
କୁଲ୍‌ମି ତଲେ ତାମି ବିତ୍ରାଟି ଲକୁଇଁ, ଇଚିହ୍‌ ତାୟିୟାଁ ବିତ୍ରାଟି
ମାନିଗାଟି ବର୍ସବା, ଦରୁଗାଟି ଜୀହୁଦା ଇଞ୍ଜା ସିଲାଇଁ ଆତାନା ପାଞ୍ଜୁଲ
ଅଡ଼େ ବର୍ନବା ତଲେ, ଆଡ଼ିୟକିୟାତା ପାଣ୍ଡାଲି ତୀରି କିତେରି □

୨୩ ନାମିତାରି ତାଣାଟି ରାସ୍‌କି ଆହାମାନି ଆକୁ ଏ ରିଆରି କେୟୁତା
ପାଣ୍ଡିତେରି □

* ୧୫:୨୧ ୧୫:୨୧ ସିନଗଗ୍

“ମାମ୍ନୁ ପାଣ୍ଡୁ଼ି ଆତାତମି ଅଡ଼େ ପ୍ରାତିନାଜ୍ଞା, ମୀ ତାୟିୟାତମି
ମା ବାରେ ଜୀହୁଦିଆଆତି ତାୟିୟା ଆମିନି ଗାଟାରି ଆନ୍ତିୟକିୟା,
ସିରିୟା ଅଡ଼େ କିଲିକିୟାତା ମାନେରି ଏଞ୍ଜାରାକି ଜହରା □

୨୪ ମାମ୍ନୁ ଖେଞ୍ଜାମାନମି, ମାମ୍ନୁ ଆମିନି ଲକୁଇଁ ଏନି ହୁକୁମି
ହୀହାହିଲଅମି, ମା ତାଣାଟି ଏଲେତି ଏରେକା ଲକୁ ମୀ ତାଣା
ଞ୍ଜାହାନା ତାମି କାତାତଲେ ମୀ ମନତି ଏଟକା କିହାନା କିଲିବିଲି
କିହାମାଞ୍ଜାନେରି;

୨୫ ଅଡ଼େ ମାମ୍ନୁ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟା ତଲେ
ଏଚରଜାଣାତି ଆତାନା ମୀ ତାଣା ପାଣ୍ଡାଲି ତାରି କିହାମାନମି, ଏଞ୍ଜାରି
ମା ଜୀହୁତି ତଣେ ବର୍ନବା ଅଡ଼େ ପାଞ୍ଜୁଲ ତଲେ ହାନେରି □

୨୬ ଏଞ୍ଜାରି ଇଲେତି ମାଣ୍ଡିୟା ମା ପ୍ରବୁ ଜୀସୁ କ୍ରୀସ୍ତ ଦରୁ ତାକି
ଜୀହୁ ତୁସାନା କାମା କିହାମାନେରି □

୨୭ ଏଦାଆଁତାକି ମାମ୍ନୁ ଜୀହୁଦା ଅଡ଼େ ସିଲାଇଁ ମୀ ତାଣା
ପାଣ୍ଡିମାଞ୍ଜାନମି □ ମାମ୍ନୁ ଏଦାଆଁ ରାତାମାନମି, ଏଞ୍ଜାରି ମିଙ୍ଗେ
ଞ୍ଜେସ୍ତାନେରି □

୨୮ ଏଚରଗଟା ଲଡ଼ାମାନି ମେରା ପିସପେ ମୀ ଲାକ ଅଡ଼େ ଏନି
ବଜୁ ହେରପାଲି ମାମ୍ନୁ ସୁଦୁଜୀହୁତି ହୁକୁମି ବେଟାଆହାମାନମି □

୨୯ ଏ ମେରାୟା ଆହିମାନୁ, ପେଣକା ବମାୟାକି ହେରପିଆହାମାନି
ରାନ୍ଦା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟୁ଼ି
ଆହାମାନି ଜନ୍ତୁତି ଉଞ୍ଜା ତିନାଆଦୁ, ଦାରି କିଆଦୁ, ଇ ବାରେ
କାମାଟି ହେକ ଆହାଲି ଜାଗ୍ରାତା ମାଟିହିଁ ମିଙ୍ଗେ ନେହେଁ ଆନେ
□ ନେହିଁ କିଁ ମାଞ୍ଜୁ □”

୩୦ ଏରେଟିଏ କାବୁ ଅନାରାଇଁ ପାଣ୍ଡାଲିଏ ଆନ୍ତିୟକିୟାତା ହାଚେରି,
ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହୀତେରି □

୩୧ ଏ ଲକୁ ବାରେ ଏଦାଆଁ ପଡ଼଼ି ଆହାନା ବାର୍ସୁ ବେଟାଆହାନା
ରାହାଁ ଆଡ଼େରି □

୩୨ ଜୀହୁଦା ଅଡ଼େ ସିଲା ତାମ୍ନୁ ଜିକେଏ ମାହାପୁରୁ ଅଣ୍ଡପୁତି ବଜୁ
ଞ୍ଜେହନାରି ମାଟାକି ହାରେକା କାତାତଲେ ତାୟିୟାଇଁ ବାର୍ସୁ ହୀହାନା
ସୁସ୍ତି କିତେରି □

୩୩ ଅଡ଼େ, ଏଞ୍ଜାରି ଏମ୍ବାଆଁ ଏଚରଦିନା ମାଟି ତାୟୁ ଏଞ୍ଜାରାଉଁ ପାଣ୍ଡାମାଟି ଲକୁତାଣା ଖେଣ୍ଡାହାଜାଲି ତାୟିୟାଁ ତାଣାଟି ହେଲ ବେଟାଆହାନା ହିଡ଼ଡ଼ି ଜୀଝୁତଲେ ଖେଣ୍ଡା ହାଚେରି □

୩୪ ସାମା ସିଲା ଏମ୍ବାଆଁ ଡ଼ୟାଲି ତୀରି କିହାମାଚେସି† □

୩୫ ପାଝୁଲ ଅଡ଼େ ବର୍ନବା ଆନ୍ତିୟକିୟାତା ମାଞ୍ଜାନା ଏଟକାତି ଏଚେକା ଲକୁତାଣା ଜିକେଏ ପ୍ରବୁତି ନେହୁଁ ବଲୁ ଜାପୁହାନା ଖେକହାଲି ମାଟୁହେରି □

ପାଝୁଲ ଅଡ଼େ ବର୍ନବା ଏଟକା ଆନାୟି

୩୬ ଏଚରଦିନା ହାଜାଲିଏ ପାଝୁଲ ବର୍ନବାଉଁ ଏଲେଇଚେସି, “ଞ୍ଜାମୁ, ମାର ପ୍ରବୁତି ବଲୁ ଖେକହାମାନି ବାରେ ଗାଡ଼ାୟାଁଣା ଖେଣ୍ଡା ହାଜାନା, ତାୟିୟାଁ ନୀଏଁ ଏନିଆହୁଁ ମାନେରି ଇଞ୍ଜୁଁ ବେଟିହାନ □”

୩୭ ଏଚେଟିଏ ଜହନ ଇନି ମାର୍କଉଁ ଜିକେଏ ତାମିତଲେ ଅୟାଲି ବର୍ନବା ଅଣପିମାଚେସି □

୩୮ ☆ସାମା ଏଞ୍ଜାସି ଏଞ୍ଜାରାଉଁ ପିସାନା ପଂପୁଲିୟାଟି ଖେଣ୍ଡାହାଚାସି ଅଡ଼େ କାମା ରାନି ପାଚେକା ଏଞ୍ଜାରିତଲେ ମାନାଆତାକି ତାମିତଲେ ଅୟାଲି ପାଝୁଲ କୁଚେସି □

୩୯ ଏମ୍ବାଟିଏ ଏଞ୍ଜାରି ହାଚେରକା ବାଦିବାଦା ଆୟାଲିଏ ତାମୁ ଏଟକା ଆଚେରି, ଇଞ୍ଜାଁ ବର୍ନବା ଜହନ ମାର୍କଉଁ ତାନିତଲେ ଅହୁଁ ଜାଜାତା ହଚାନା କୁପ୍ରତା ହାଚେରି,

୪୦ ସାମା ପାଝୁଲ ସିଲାଉଁ ଆଚାନା ତାୟିୟାଁ ତାଣାଟି ପ୍ରବୁତି କାର୍ମାତଲେ ହେରପି ଆହାନା ହାଚେରି,

୪୧ ଅଡ଼େ ଏଞ୍ଜାସି ସିରିୟା ଅଡ଼େ କିଲିକିୟାଟି ହାଜାହାଁ ବାରେ କୁଲମିକାଣି ନାମୁତା ଆଟୁଞ୍ଜା କିଚେସି □

୧୭

ପାଝୁଲ ଅଡ଼େ ସିଲା ତଲେ ତିମତି ହାନାୟି

† ୧୫:୩୪ ୧୫:୩୪ ଇ କାତା ପୁଃଇ ପତିତା ହିଲେଏ □ ☆ ୧୫:୩୮ ୧୫:୩୮ କାମା ୧୩:୧୩

୧ ତାୟ ପାଞ୍ଜୁଲ ଦବ ଅଡ଼େ ଲୁସ୍ତାତା ହାଚେସି, ଏମ୍ପାଆଁ ତିମତି ଦରୁଗାଗସି ର ସୀସୁ ମାଚେସି, ଏଞ୍ଜାସି ର ନାମିତି ଜୀହୁଦି କ୍ରୀସ୍ତାନା ଇୟାନି ମୀର୍ଏସି ମାଚେସି, ସାମା ତାମି ଆବା ର ଗ୍ରିକ୍ ଲକୁ □

୨ ଲୁସ୍ତା ଅଡ଼େ ଇକନିୟତା ମାନି ବାରେ ନାମିତି ତାୟିୟାଁ ଏଞ୍ଜାଣାଇଁ ନେହାସି ଇଞ୍ଜି ଏଲେଇଚେରି □

୩ ପାଞ୍ଜୁଲ ତାନିତଲେ ତିମତିଇଁ ଅହାଲି ଅଶ୍ପିତେସି, ଅଡ଼େ ଏ ନାସ୍‌କାଣା ମାନି ଜୀହୁଦି ଲକୁତାକି ଏଞ୍ଜାଣି ତଲୁ ଦାପିକିତେସି; ଇଚିହଁ ତାମି ଆବା ଗ୍ରିକ୍ ଲକୁ ଇଞ୍ଜି ବାରେ ପୁଞ୍ଜାମାଚେରି □

୪ ଇଞ୍ଜା ଏଞ୍ଜାରି ଗାଡ଼ାୟାଟି ହାଜି ହାଜିହଁ ଜିରୁସାଲମତି ପାଣୁଞ୍ଜି ଆତାରି ଅଡ଼େ ପ୍ରାତିନାଙ୍ଗା ତାଣାଟି କିଞ୍ଜି ଆହାମାନି ମେରା ମାନୁଞ୍ଜି ଆହାଲି ଏଞ୍ଜାରିତାଣା ହେରପି ମାଚେସି □

୫ ଏଲେକିହଁ କୁଲମିକା ବାରେ ନାମୁତା ଆବୁଞ୍ଜା ଆହାନା ଦିନାତାକି ଦିନା ପାତା ଆତୁ □

ତ୍ରୟତା ପାଞ୍ଜୁଲ ହାପାନା ହେଶ୍‌ନାୟି

୬ ଏଞ୍ଜାରି ଆସିୟାତା ମାହାପୁରୁ କାତା ଖେସାଲି ସୁଦୁଜୀଞ୍ଜୁ କାହି କିୟାଲିଏ, ଏଞ୍ଜାରି ପୁଗିୟା ଅଡ଼େ ଗାଲତିୟ ରାଜି ମାଦିଟି ଚେଜିହଁ ହାଚେରି □

୭ ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି ଅଶ୍ପିତେରି, ସାମା ଜୀସୁତି ଜୀଞ୍ଜୁ ଏଞ୍ଜାରାଇଁ ହାଜାଲି ହେଲ ହାଆତେ □

୮ ଏଞ୍ଜାରି ମୁସିଆ ମାଦିଟି ହାଜାନା ତ୍ରୟତା ଖାଚେରି □

୯ ଅଡ଼େ ଲାଆଁ ବେଲାତା ପାଞ୍ଜୁଲ ର ସେୟାଣା ହାପାନା ହେଚେସି, ମାକିଦନିୟାତି ର ଲକୁ ନିତାନା ଏଞ୍ଜାଣାଇଁ ବାତିମାଲିହଁ ଏଲେଇଚେସି, “ମାଙ୍ଗେ ସାୟେମି କିୟାଲି ମାକିଦନିୟାତା ଗାଣ୍ଡା ଖାମୁ □”

୧୦ ଏଞ୍ଜାସି ସେୟାଣା ହାପାନାତା ମେସାଲିଏ ମାମୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆତମି, ଇଚିହଁ ଏଞ୍ଜାରିତାଣା ନେହଁ କାରୁ ଖେସାଲି ତାକି ମାହାପୁରୁ ମାଙ୍ଗେ ହାଟାମାଞ୍ଜାନେସି ଇଞ୍ଜି ମାମୁ ପୁଚମି □

ଲୁଦିୟା ମନ ଖେଚନାୟି

୧୧ ଏଚେଟିଏ ମାମ୍ମୁ ତୁୟାଟି ଜାଜାତା ହଚାନା ତିୟିତି ଜିରୁଟି ହାଜାନା ସାମତ୍ରାକିତା ଅଡ଼େ ଅର ନେଚୁ ନୟାପଲିତା ଏଗାହାଚମି
□

୧୨ ଏମ୍ପାଟିଏ ପିଲିପିତା ହାଚମି, ଇଦି ମାକିଦନିୟା ଜିଲ୍ୟାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ତୁୟିନି ଚାୟୁ ମାଚେ; ଏ ଗାଡ଼ାତା ମାମ୍ମୁ ଏଚରଦିନା ମାଚମି □

୧୩ ଜମିନି ଦିନାତା ମାମ୍ମୁ ଗାଡ଼ାଟି ହଚାନା କାତା ତାଗେ ହାଚମି, ଏମ୍ପାଆଁ ପ୍ରାଡାନା କିନି ଚାୟୁ ମାଚେ ଇଞ୍ଜି ଅଣ୍ପାମାଚମି, ଅଡ଼େ ମାମ୍ମୁ କୁଗାନା ରୁଣ୍ଡା ଆହାମାଟି ଇୟାସିକା ତଲେ କାତା ଆଡ଼ମି □

୧୪ ଅଡ଼େ, ତୁୟାତିରା ଗାଡ଼ାତି ହେୟାଁ ଖାଣା ହିମ୍ପୁରିକା ପାରୁନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାଚେ, ଏଦି ମାହାପୁରୁ ସେବା କିନାୟି, ଏଦି ଏନିକିଁ ପାଞ୍ଜୁଲତି କାତାତି ମନ ହୀନେ ଏଡାଆଁତାକି ପ୍ରବୁ ଏଦାନି ହିୟାଁ ଦେଚାମାଚେସି □

୧୫ ଅଡ଼େ ଏଦି ଇଞ୍ଜା ତାନି କୁଟମି ବାପ୍ପିସ୍ପ* ଅଡ଼ି ତାୟୁ ମାଚେ ବାତିମାଲିହୁଁ ଏଲେଇଞ୍ଜାଚେ, “ମୀରୁ ନାଚେ ପ୍ରବୁ ତାଣା ନାମୁଗାଚାୟି ଇଞ୍ଜି ଅଣ୍ପାମାଚିହୁଁ, ନା ଇଜ ଖାହାନା ବାସା ଆଦୁ,” ଇଞ୍ଜି ବାଲାମାଚମି କିହାଁ ହାଟା ଅୟାଚେ □

ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା

୧୬ ର ଦିନା ମାମ୍ମୁ ପ୍ରାଡାନା ଚାୟୁତା ହାନିବେଲାତା ର ହଲେଣି ପଦାକ୍ ବେଟାଆଡ଼ମି ଏଦି ପଲୁଆ ପେନୁ ଆଲଗାନା ତାୟୁ ଆନି କାତାୟାଁ ଖେସାଲି ଆଡ଼ିମାଚେ □ ତାୟୁ ଆନି କାତାୟାଁ ଖେସାନା ତାନି ସାଞ୍ଜୁକାରିକି ହାଚେକା ତାବୁୟାଁ କୃଡ଼ି କିହିମାଚେ □

୧୭ ଏଦି ପାଞ୍ଜୁଲ ଅଡ଼େ ମା ଜେଚ ଜେଚ ଖାହାନା କିରଡ଼ିହୁଁ ଏଲେଇଞ୍ଜାଲି ମାଚୁହେ, “ଇ ଲକୁ ବାରେକିହାଁ କାଜା ମାହାପୁରୁତି ହଲିୟାକ୍ମା, ଏଞ୍ଜାରି ମିଚେ ଗେଲ୍ପିଆନି ଜିରୁତି ଖେକ୍‌ହି ମାଞ୍ଜାନେରି
□”

* ୧୭:୧୫ ୧୭:୧୫ମୁଞ୍ଜିକାୟି

୧୮ ଏଦି ହାରେକା ଦିନା ପାତେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଝେଣ୍ଡେ ସିନିକିହାନା ଏ ବୁତୁଇଁ ଏଲେଇଚେସି, “ଏଦାନି ତାଣାଟି ହଚା ହାଜାଲି ନାନୁ ନିଙ୍ଗେ ଜୀସୁ ଜୀସୁ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଦି ହଚାହାଚେ □

୧୯ ସାମା ଏଦାନି ସାଞ୍ଜୁକାରିୟା ତାମି ଲାବା ପାଣ୍ଡି ଆସା ହାଚେ, ଇଞ୍ଜି ପୁଞ୍ଜାନା ପାଞ୍ଜୁଲ ଅଡେ ସିଲାଇଁ ଦସାନା ବେରଣିମାଣ୍ଡାତା ସାଲଞ୍ଜି କିନାରି ତାଣା ରେଜା ଅଡେରି □

୨୦ ଅଡେ, ଏଞ୍ଜାରି ରମିୟ ସାଲଞ୍ଜି କିନାରି ତାଣା ତାଚାନା ଏଲେଇଚେରି, “ଇଞ୍ଜାରି ଜୀହୁଦି ଲକୁ ମା ଗାଡାତା ଗଡ଼ହା କିହିମାନେରି □

୨୧ ମାର ରମିୟ ଲକୁତି ମେରା ପାଣାପାରୁ ଆବାଲି କି ମାନଞ୍ଜି ଆହାଲି ମେରା ହିଲେଏ, ଏଦାଆଁ ଇଞ୍ଜାରି ଝେସିମାନେରି □”

୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡେ ସିଲା କପାଟି ନିଙ୍ଗିଚେରି □ ଅଡେ ନୀହାୟି କିନାରି ପାଞ୍ଜୁଲ ଅଡେ ସିଲା ହିମ୍ବରିକା ହୁକହାନା ଏଞ୍ଜାରାଇଁ ବାଡ଼ଗା ତଲେ ଝେଚାଲି ହୁକୁମି ହାଚେରି □

୨୩ ଏଞ୍ଜାରି ଏଞ୍ଜାରାଇଁ ହାରେକା ଝେଟି ତାୟୁ କାୟିଦି ଇଲୁତା ଇଚିଚେରି, ଇଞ୍ଜା ଏଞ୍ଜାରାଇଁ ଜାଗ୍ରାତା କିହିଁ କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହାଚେରି □

୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା ମେଡ଼ହାନା ଏଞ୍ଜାରି କତାଣା ବଜୁଗାଟି ମାର୍ଦୁ କୁଡୁଲିକା ଦସା ପିସେସି □

୨୫ ସାମା ମାଦି ଲାଆଁୟା ପାଞ୍ଜୁଲ ଅଡେ ସିଲା ମାହାପୁରୁ ତାଣା ପ୍ରାତାନା ଅଡେ ଜହରା ପାରୁ ପାଡ଼ିମାଚେରି, ଇଞ୍ଜା ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାଚେରି □

୨୬ ଏଚିବେଲାତା ଦେବୁଣିଏ ବୁମି ଝୀଡ଼ିଚେ, ଇଞ୍ଜା କାୟିଦି ଇଲୁତି ପୁନାଦି ଜିକେଏ ଝୀତାଲିଏ ବାରେ ଦୁଝେରିକା ଦେପି ଆହାହାରୁ, ଇଞ୍ଜା ବାରେକାଣାଟି ଦସାମାଟି ହିକଣିୟାଁ ହୁଙ୍ଗାହାରୁ □

୨୭ ଏଚେଟିଏ କାୟିଦି ଇଲୁ କାଃଆନାସି ଇଦାଟି ନିଙ୍ଗାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣପି ଆଡେରି ଇଞ୍ଜି ଅଣ୍ଡାପାନା, କାଣ୍ଡା ହପ୍ପହାନା ଗୁକ୍‌ହା କଡ଼ିମାଚେସି □

୨୮ ସାମା ପାଞ୍ଚୁଲ କାଜା ଗିୟାଁତଲେ ହାଟାନା ଏଲେଇଚେସି,
“ନୀନୁ ନିଜେ ନାସା କିହା କତାଆନି, ଏନାଆଁତାକି ଇଚିହିଁ ମାମ୍ନୁ
ବାରେତମି ଇମ୍ବାଆଁ ମାନମି □”

୨୯ କାୟିଦି ଇଲୁ କାଃଆନାସି ଦୀଞ୍ଜି ତାଚାଲି ଏଲେଇଚେସି, ତବେ
ବିତ୍ରା ହାରେସି ଇଞ୍ଜା ତୀରଗି ତୀରଗିହିଁ ପାଞ୍ଚୁଲ ଅଡେ ସିଲା
କତାୟା ଡଇ ରୀତେସି □

୩୦ ଅଡେ ଏଞ୍ଜାରାଇଁ ପାଙ୍ଗାତା ତାଚାନା ଏଲେଇଚେସି, “ବାବୁୟା
ଗେଲ୍‌ପିଆୟାଲି ନାନୁ ଏନାଆଁ କିଇଁ ?”

୩୧ ଏଞ୍ଜାରି ଏଲେଇଚେରି, “ପ୍ରୁ ଜୀସୁ ତାଣା ନାମାଦୁ, ଆତିହିଁ
ନୀନୁ ଅଡେ ନୀ ଇଲୁ କୁଟମି ବାରେ ଗେଲ୍‌ପି ଆଦେରି □”

୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡେ ଏଞ୍ଜାଣି ଇଜ ମାଚି ବାରେ ଲକୁଣି
ମାହାପୁରୁତି ବଲୁ ଝେସ୍ତେରି □

୩୩ ଅଡେ, ଏ କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟା
ବେଲାତା ଅହାନା ଏଞ୍ଜାରି ଗାହାଁୟା ନର୍‌ହେସି, ଇଞ୍ଜା ଏଞ୍ଜାସି ଅଡେ
ଏଞ୍ଜାଣି ଇଲୁ କୁଟମି ବାରେ ଏ ଦେବୁଣିଏ ବାପ୍ତିସ୍ତା ଅଡେରି □

୩୪ ଏଚେଟିଏ ଏଞ୍ଜାସି ଏଞ୍ଜାରାଇଁ ତାମି ଇଜ ଅହାନା ତିଞ୍ଜାଲି ରାନ୍ଦା
ବାଟିକିହାଁ ହୀତେସି, ଅଡେ ବାରେ କୁଟମି ମାହାପୁରୁ ତାଣା ନାମାନା
ହାରେକା ରାହାଁ ଆଡେରି □

୩୫ ଲାଇଁ ଝେୟାଲିଏ ରମିୟ ଲକୁତି କାଜାରି ରିଜାରି କସ୍କାଣି
ଇଲେଇଞ୍ଜିଁ ଝେସା ପାଣ୍ଡିତେରି, “ଏ ଲକୁଣି ପିସାଡୁହୁଦୁ □”

୩୬ ଏଚେଟିଏ କାୟିଦି ଇଲୁ କାଃଆନାସି ପାଞ୍ଚୁଲାଇଁ ଇ କାତା
ଝେସ୍ତେସି, “ନୀହାଁୟି କିନାରି ନିଜେ ଅଡେ ସିଲାଇଁ ପିସାଲି କାବୁ
ପାଣ୍ଡା ମାଞ୍ଜାନେରି, ଇଞ୍ଜା ନୀଏଁ ହଟାଞ୍ଜାହାନା ହିଡ଼ଡି ତଲେ ହାଜୁ □”

୩୭ ସାମା ପାଞ୍ଚୁଲ କସ୍କାଣି ଏଲେଇଚେସି, “ମାମ୍ନୁ ରମିୟ
ଦେସାତି ଲକୁଟମି, ମାଜେ ନୀହାଁୟି କିଆନା ଝେତାତି ତାୟୁ କାୟିଦି
ଇଲୁତା ସୁଣ୍ଡିତେରି, ଅଡେ ନୀଏଁ ଡକୁହାନା ପିସିମାଞ୍ଜାନେରି, ଏଦି
ମିଣ୍‌ଏ, ସାମା ଏଞ୍ଜାରି ତାମ୍ବୁ ଞ୍ଜାହାନା ମାଜେ ପାଙ୍ଗାତା ଅୟାପେରି
□”

୩୮ ଏଚେଟିଏ କସକା ହାଜାନା ନୀହାୟି କିନାରାଇଁ ବାରେ କାତା
 ଝେସ୍ତେରି, ଇଞ୍ଜା ଇଝାରି ରମିୟ ଲକୁ ଇଞ୍ଜି ପୁଞ୍ଜାନା ଆଜିତେରି,
 ୩୯ ଏମ୍ବାଟିଏ ଏଝାରି ଝାହାନା ମାମ୍ବୁ ପୁନାଆନା ଏଲେକିତମି ଇଞ୍ଜି
 ବାତିମାଲିହିଁ ଏଝାରାଇଁ ପାଞ୍ଜାତା ହପ୍‌ହା ତାଗାନା, ଗାଡ଼ା ପିସାନା
 ହାଜାଲି ବାତିମାଲିତେରି □

୪୦ ଏଚେଟିଏ ପାଝୁଲ ଅଡ଼େ ସିଲା କାୟିଦି ଇଲୁଟି ହତାନା ଲୁଦିୟା
 ଇଜ ହାଚେରି, ଅଡ଼େ ତାୟିୟା ତଲେ ଆଣ୍ଡାନା ଏଝାରାଇଁ ବାସ୍ତୁ
 ହୀହାନା ହାଜାତୁସ୍ତେରି □

୧୭

ତେସଲନିକିତା କାମା

୧ ତାୟୁ ଏଝାରି ଆଂପିପଲି ଅଡ଼େ ଆପଲନିୟା ହୀହାନା
 ତେସଲନିକିତା ଝାଡ଼େରି; ଏମ୍ବାଆଁ ଜୀହୁଦି ଲକୁଡି ର ଜୀହୁଦି ଲକୁଡି
 କୁଟମି ଇଲୁ* ମାଚେ □

୨ ଅଡ଼େ, ପାଝୁଲ ତାନି ମେରା ଲେହେଁ ଜୀହୁଦି ଲକୁଡି କୁଟମି
 ଇଲୁତା† ହାଚେସି, ଇଞ୍ଜା ତାନିଗଟା ଜମିନି ଦିନା ପାଡେକା ଦାମ୍ବୁ
 ପତିତି କାତା ଆସାନା ଲକୁଡଲେ ଜଲ୍‌କି ଆଡେସି,

୩ ଦାମ୍ବୁ ସାସ୍ତେରି ତେଲ୍‌ହି କିହାନା ଏ କାତା ଇଦି ଇଞ୍ଜି ଇଚେସି,
 ମସିହା ସାସ୍ତି ପାଣ୍ଡନାୟି ଅଡ଼େ ହାକିଟି ନିଜ୍‌ନାୟି ଲଡ଼ାମାନେ □
 ପାଝୁଲ ଏଲେଇଚେସି, “ଆମିନି ଜୀସୁତି କାତା ଝେସିମାଞ୍ଜାଇଁ,
 ଏଝାସି ଏ ମସିହା □”

୪ ଏମ୍ବାଟିଏ ଏଝାରି ବିତ୍ରାଟି ଏଚରଜାଣା ନାମାହାଁ ପାଝୁଲ ଅଡ଼େ
 ସିଲା କାତାତା ଆଣ୍ଡିତେରି; ଅଡ଼େ, ଜୀହୁଦି ଦାମ୍ବୁ ନାମାମାନି ଗ୍ରିକ୍
 ଲକୁ ବିତ୍ରାଟି ହାରେକା ଲକୁ ଅଡ଼େ ମାନିଗାଟି ହାରେକା ଇୟସିକା
 ବିତ୍ରାଟି ଏଝାରିତଲେ ମାହାପୁରୁ ସେବାତା ଆଣ୍ଡିତୁ □

୫ ସାମା ଜୀହୁଦିୟା ତାହାରା ଆହାନା ଏଚେକା ଲାଗେଏତାରାଇଁ
 ପାହେରିତା କୃଡ଼ି କିତେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା
 ଗଡ଼ହା ହପ୍‌ହେରି, ଇଞ୍ଜା ପାଝୁଲ ଅଡ଼େ ସିଲାଇଁ ସାଲ୍‌ଝି କିନାରି

* ୧୭:୧ ୧୭:୧ ସିନଗର † ୧୭:୨ ୧୭:୨ ସିନଗର

ନକିତା ହୃଦହାତାଚାଲି ଏଞ୍ଜରି ହାଜାନା ଜାସନ ଇଲୁତି ମୁଚାନା ପାରିତେରି □

୭ ସାମା ଏଞ୍ଜରାଇଁ ବେଟାଆଆଲିଏ ଏଞ୍ଜରି ଜାସନ ଅଡ଼େ ଏବେକା ତାୟିୟାଁ ଗାଡ଼ାତି ସାଲୁଞ୍ଜି କିନାରି ନକିତା ରେଜା ତାଚାନା କାଜା ଗିୟାଁତଲେ କାଲୁଞ୍ଜି ଆହୁଁ ଏଲେଇଚେରି, “ଆମିନି ଲକୁ ଦାରୁତି ଇତାଲା ଆତାଲା କିହିମାନେରି, ଏଞ୍ଜରି ଇମ୍ବାଆଁ ଜିକେଏ ଖାହାମାନେରି;

୮ ଜାସନ ଏଞ୍ଜରାଇଁ ଆବାମାନେସି, ଜୀସୁ ଦରୁଗାଟି ଅଡ଼େ ର ରାଜା ମାନେସି ଇଞ୍ଜୁଁ ଖେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନୁଞ୍ଜି କିହିହିଲଅରି □”

୯ ଇ କାତା ଆସାନା ଲକୁ ଅଡ଼େ ସାଲୁଞ୍ଜି କିନାରି ବିତ୍ରା ହାରେକା କାରୁବି ଆଡ଼େରି ଅଡ଼େ ଗଡ଼ହା ଆଡ଼େ □

୧୦ ତାୟୁ ସାଲୁଞ୍ଜି କିନାରି ଜାସନ ଅଡ଼େ ଏବକା ଲକୁଣି ତାବୁୟାଁ ରାସାନା ଜାମ୍ଲି ତଲେ ଏଞ୍ଜରାଇଁ ପିସ୍ତେରି □

ବେରିୟାତା କାମା

୧୦ ଅଡ଼େ, ତାୟିୟାଁ ଖେଡ଼ାକିଆନା ପାଞ୍ଜୁଲ ଅଡ଼େ ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତାଃ ହାଚେରି □

୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଟାରି ମାଚେରି, ଇଞ୍ଜାରି ହାରେକା ରାହାଁତଲେ ମାହାପୁରୁ କାତା ଖେଚେରି, ଅଡ଼େ ପାଞ୍ଜୁଲ ଖେସି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଞ୍ଜି ଆହିମାଚେରି □

୧୨ ଇଦାଆଁତାକି ଏଞ୍ଜାରି ବିତ୍ରାଟି ହାରେକା ଲକୁ ନାମିତେରି ଅଡ଼େ ଗିକ୍ ଲକୁତି କାଜାରି ବିତ୍ରାଟି ହାରେକା ଇୟାସିକା ଅଡ଼େ ଆବାୟାଁ ଜିକେଏ ନାମିତେରି □

୧୩ ସାମା ଏଚିବେଲା ତେସଲନିକିତି ଜୀହୁଦିଜା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣାଟି ମାହାପୁରୁତି ବଲୁ ଖେସପି ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ଖାହାନା ଲକୁ ମାନ୍ଦାତି ନିକହାନା ଗଡ଼ହା କିଞ୍ଜିକିତେରି □

୧୪ ଏତେଟିଏ ତାୟିୟାଁ ଝେଡ଼ାକିଆନା ପାଞ୍ଜୁଲଇଁ ସାମନ୍ଦୁରି ଝାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡ଼େ ତିମତି ବେରିୟାତା ଡ଼ୟିତେରି □

୧୫ ସାମା ଆମ୍ବାଆରି ପାଞ୍ଜୁଲଇଁ ଇଟିହାଚାରି ଏଞ୍ଜାରି ଆତିନି ପାତେକା ହାଚେରି, ଇଞ୍ଜାଁ ସିଲା ଅଡ଼େ ତିମତି ତବେ ନା ତାଣା ଝାଡ଼େରି ଇଞ୍ଜାଁ ପାଞ୍ଜୁଲ ତାଣାଟି ହୁକୁମି ବେଟାଆହାନା ଏଞ୍ଜାରି ବେରିୟାତା ଝେଣ୍ଡେ ଝାଡ଼େରି □

ଆତିନିତା ପାଞ୍ଜୁଲତି ସେବା କାମା

୧୬ ଆତିନିତା ପାଞ୍ଜୁଲ, ସିଲା ଅଡ଼େ ତିମତିଇଁ କାଟିମାଚେସି, ଏଞ୍ଜାସି ଏ ଗାଡ଼ାତା ହାଚେକା ପେଣ୍ଡକା ବମାୟାଁ ମାନାଣି ମେସାନା ତାନି ଜୀଞ୍ଜୁ ହାଚେକା ଝାଡ଼ିତେ □

୧୭ ଏଦାଆଁତାକି ଏଞ୍ଜାସି ଜୀହୁଦି ଲକୁଡି କୁଟମି ଇଲୁତାଠି ଜୀହୁଦି ଲକୁଡଲେ ମାହାପୁରୁଇଁ ନାମାମାନି ଜୀହୁଦିଆଆତି ଲକୁଡଲେ ଇ କାତା ବାରେଦିନା ଝେକ୍‌ହେସି □ ଗାଡ଼ାତି ଜିରୁ ଗାଡ଼ାତା ହାଜି ଝାହିମାନି ଲକୁଡଲେ ଏ କାତାତି ଝେସ୍‌ସେସି □

୧୮ ଏଚରଜାଣା ଏପିକୁରିୟା ଇଞ୍ଜାଁ ସୁୟିକ୍ ଜାପୁନି ଗୁରକା ତଲେ ଏଞ୍ଜାରି ରୁଜୁବାଡ଼ି ଆଡେ □ ଏଞ୍ଜାରି ବିତ୍ରାଟି ଏଚରଜାଣା ଏଲେଇଚେରି, “ଇ ରୁଦି ହିଲାଆ ହାଡ଼ାକାଣ୍ଡୁ ଏଦାଆଁ ଝେସାଲି ଅଣ୍ଡିମାନେସି ?” ଅଡ଼େ ଏଚରଜାଣା ଏଲେଇଚେରି, “ଏଞ୍ଜାସି ପୁନାଆତି ପେଣ୍ଡକାତି କାତା ଝେହ୍‌ନିଲେହେଁ ଝେସିମାନେସି;” ଇଚିହଁ ଏଞ୍ଜାସି ଜୀସୁ ଅଡ଼େ ତାନି ଝେଣ୍ଡେ ନିଈତି କାତାତି ନେହଁ କାରୁ ଝେକ୍‌ହି ମାଚେସି □

୧୯ ଏଦାଆଁତାକି ଏଞ୍ଜାରି ପାଞ୍ଜୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାଚେରି, “ନାନୁ ଆମିନି ପୁଃନି କାତା ଜାପୁହିମାଞ୍ଜି ଏଡ଼ି ଏନାୟି ଇଞ୍ଜାଁ ମାମ୍ବୁ ପୁଞ୍ଜାଲି ଆତିନମି କି ?

୨୦ ଇଚିହଁ ନାନୁ ଏଚେକା କାବାଆନି କାତା ମାଈଁ ଝେଣ୍ଡି କିହିମାଞ୍ଜାଦି; ଇ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡିମାନମି □”

୨୧ ଆଦିନି ଗାଡ଼ାତି ଲକୁ ଅଡ଼େ ଏମ୍ବାଆଁ ବାସାଆହାମାନି ଏବ୍‌କା ଦେସାତି ଲକୁ ପୁଃନି କାତା ଝେସାଲି ଇଞ୍ଜା ଝେଞ୍ଜାଲି ରାହ୍‌ଆଁ ଆହିମାଚେରି □ ଏମ୍ବାଆଁ ଏଞ୍ଜାରି ଦିନା ରାପ୍‌ହି ମାଚେରି □

୨୨ ଏଚେଟିଏ ପାଞ୍ଜୁଲ ଆରିୟପାଗତି ବେରଣି ମାଦିଏ ନିତାନା ଏଲେଇଚେସି, “ଏ ଆଦିନିତି ଲକୁ, ମୀରୁ ବାରେ ଗାଡ଼ି ଦାମ୍‌ଗାଟାଚେରି, ଇଞ୍ଜା ହାରେକା ପେଶ୍‌କାଣି ସେବା କିନାଚେରି, ଏଦାଆଁ ନାନୁ ମେସିମାଲ୍ □

୨୩ ଇଚିହ୍‌ ନାନୁ ମୀ ଗାଡ଼ାତି ହାଜିମାଚେଏଁ, ଅଡ଼େ ମୀରୁ ପୂଜା କିନି ଟାମୁତା ସିନିକିଚେଏଁ, ନାନୁ ପୂଜା ପିଣ୍ଡାତା ମେସ୍‌ସେଏଁ ଏମ୍ବାଆଁ ରାସ୍‌କି ଆହାମାନେ, ‘ପୁନାଆତି ମାହାପୁରୁ □’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହ୍‌ ଜିକେଏ, ଏଦେଏ ନାନୁ ମିଙ୍ଗେ ଝେସିମାଞ୍ଜାଲ୍ □

୨୪ *ଆମିନି ମାହାପୁରୁ ଦାର୍‌ତି ଅଡ଼େ ଏମ୍ବାଆଁ ମାନି ବାରେ ରାତି କିହାମାନେସି, ଏଞ୍ଜାସି ଲାକପୁରୁ ଅଡ଼େ ଦାର୍‌ତିତି ପ୍ରୁ ଆହାମାନାକି ମାଣ୍‌ସି କେୟୁଟି କେପିତି ଦେଞ୍ଜୁଡ଼ିତା ବାସା କିଅସି □

୨୫ ଇଚିହ୍‌ ଏଞ୍ଜାଣାକି ଏନାୟି ଲଡ଼ା ମାନାୟି ହିଲାଆକି ମାଣ୍‌ସି କେୟୁଟି ସେବା ଆଅସି, ଇଚିହ୍‌ ଏଞ୍ଜାସି ତାନୁଏ ବାରେତାକି ଜୀଞ୍ଜୁ, ନେଞ୍ଜାଲି ଇଞ୍ଜା ବାରେ ଲଡ଼ାମାନାଣି ଇନେସି □

୨୬ ର ମାଣ୍‌ସି ତାଣାଟି ଏଞ୍ଜାସି ବାରେ ଲକୁ ବାକାଲ୍ ରାତି କିହାମାନେସି; ଇଞ୍ଜା ଏଞ୍ଜାଣି ହୁକୁମି ତଲେ ଏଞ୍ଜାରି ଦାର୍‌ତିତି ବାରେଞ୍ଜାକି ବାସା କିହାମାନେରି □ ଆମିନି ବେଲାତା, ଆମ୍ବାଆସି ଆମିନି ତାଣା ବାସା କିନେସି, ମାହାପୁରୁ ମୂଲୁଟିଏ ଏଦାଆଁ ତୀରି କିହାମାନେସି □

୨୭ ମାହାପୁରୁତି ଅଣ୍‌ପୁ ମାଚେ, ବାରେଜାଣା ଏନିକିହ୍‌ ଏଞ୍ଜାଣାଲ୍ ପାରାନା ବେଟାଆନେରି □ ସାମା ମାହାପୁରୁ ଆମ୍ବାଆରି ତାଣାଟି ହେକ ହିଲଅସି □”

୨୮ ଏନିଇଚିହ୍‌ ରଅସି ଝେସାମାନେସି,
“ଏଞ୍ଜାଣି ତାଣା ମାର ନୀଡ଼ିନାୟି, ତାକିନାୟି ଅଡ଼େ ଡ଼ୟିନାୟି □
ଇଞ୍ଜା ମୀ ବିଡ଼ାଟି ଜିକେଏ ଏଚରଜାଣା ଝେସାମାନେରି,

ମାର ଜିକେଏ ଏଞ୍ଜାଣି ମୀରକା ମାୟ୍‌କା □”

୨୯ “ଇଚିହିଁ ମାର ମାହାପୁରୁତି ମୀରକା ମାୟ୍‌କା ଆଡାକି ଈ ମାହାପୁରୁ ଲେହେଁ ମାଣ୍‌ସି ବୁଦି ଅଡେ ଅଣ୍‌ପୁ ତଲେ କେପିତି ବାଂଗାରା, ଝେଣ୍ଡି କି ଝାଲ୍‌କାତି ବମା ଲେହେଁ ଅଣ୍‌ପିନାୟି ଆଏ □

୩୦ ଲକୁ ମାହାପୁରୁଇଁ ପୁଞ୍ଜା ହିଲ୍‌ଆ ବେଲ୍‌ତା ଏଞ୍ଜାସି ଦହ ଆସା ହିଲ୍‌ଆତେସି, ସାମା ନୀଏଁ ଏଞ୍ଜାସି ବାରେଜାଣାତି ବାରେଞ୍ଜାକି ତାମି ପାପୁ ଜିରୁଚି ଝେଣ୍ଡା ଝାହାଲି ଝେସିମାନେସି □

୩୧ ଇଚିହିଁ ଆମିନି ଦିନା ତାନୁ ଆଚିତି ମାଣ୍‌ସି ତାଣାଟି ଦାମ୍‌ତଲେ ଦାରୁତିତି ନୀହାୟି କିନେସି, ଇଲେତି ର ଦିନା ତାରି କିହାମାନେସି, ଇଞ୍ଜା ଇ ବାରେ ସାତା ଇଞ୍ଜାଁ ତସାଲି ଏଞ୍ଜାସି ଏଞ୍ଜାଣାଇଁ ହାଡାରି ତାଣାଟି ନିକ୍‌ହାମାନେସି □”

୩୨ ପାଞ୍ଜୁଲ ତାଣାଟି ହାଡାରି ଝେଣ୍ଡେ ନିଜିନି କାତା ଝେଞ୍ଜାନା ଏଚରଜାଣା ଲାଜା କିତେରି, ଅଡେ ଏଚରଜାଣା ଏଲେଇଚେରି, “ମାଙ୍ଗେ ଅଡେ ଝେଣ୍ଡେ ଝେସ୍‌ସାମୁ, ନୀ ତାଣାଟି ଇ କାତା ଝେନମି □”

୩୩ ଏଚେଟିଏ ପାଞ୍ଜୁଲ ବେରଣିଟି ହଡାହାଚେସି □

୩୪ ଆରିୟପାଗି ଦିୟନୁସିୟ ଗଚିତି ଦାମାରି ଇନି ର ଇୟା ଇଞ୍ଜାଁ ଅଡେ ଏଚେକା ଲକୁ ନାମିତେରି ଇଞ୍ଜାଁ ଏଞ୍ଜାଣିତଲେ ଆଣ୍ଡିତେରି □

୧୮

କରନ୍ତିତା ପାଞ୍ଜୁଲତି କାମା

୧ ଏମ୍‌ପାଟିଏ ପାଞ୍ଜୁଲ ଆତିନି ଗାଡ଼ା ପିସାନା କରନ୍ତିତା ହାଚେସି □

୨ ଇଞ୍ଜାଁ ଏଞ୍ଜାସି ଆକ୍‌ଞ୍ଜିଲା ଦରୁଗାଟି ର ଜୀହୁଦି ଲକୁଇଁ ବେଟାଆଡେସି, ପନ୍ତ ଏଞ୍ଜାଣି ଜାନ୍‌ନା ଟାୟୁ; ଏଚରଦିନା ନକେଏ ଏଞ୍ଜାସି ତାନି ଡକ୍‌ସି ପ୍ରିସ୍‌ଲି ତଲେ ଇଟାଲିଟି ଝାହାମାଚେସି, ଇଚିହିଁ କ୍ଲାଞ୍ଜୁଦିୟା ବାରେ ଜୀହୁଦି ଲକୁଇଁ ରମ୍ ପିସା ହାଜାଲି ହୁକୁମି ହାହାମାଚେସି, ପାଞ୍ଜୁଲ ଏଞ୍ଜାସିକାଣି ବେଟି ହାଚେସି,

୩ ଅଡେ ଏଞ୍ଜାରି ଏଞ୍ଜାଣିଲେହେଁ ତୁମ୍‌ ବେବାରା କିନାରି ମାତାକି ଏଞ୍ଜାରିତଲେ ଡୁୟିତେସି, ଅଡେ ଏଞ୍ଜାରି କାମା କିହାଲି ମାଟ୍‌ହେରି, ଏନାଆଁତାକି ଇଚିହିଁ ବେବାରାତା ଏଞ୍ଜାରି ତୁମ୍‌ କିନାରି ମାଚେରି □

୪ ଅଡ଼େ ବାରେ ଜମିନି ଦିନାତା ଏଝାସି ଜୀହୁଦି ଲକୁତି କୁଟମି ଲକୁତା* ଜଲୁକି ଆହୁଁ ଜାପୁହେସି, ଜୀହୁଦି ଅଡ଼େ ଗ୍ରାକ ଲକୁଣି ନାମି କିଞ୍ଜକିହାଲି ଅଣପିମାରେସି □

୫ ଏଚିବେଲା ସିଲା ଅଡ଼େ ତିମତି ମାକିଦନିୟାତି ଖାଡ଼େରି, ଏଚିବେଲା ପାଞ୍ଜୁଲ ନେହୁଁ ବଲୁ ଝେକ୍‌କନି କାମା ଜମାଆନା କିହିମାରେସି, ଅଡ଼େ ଜୀସୁଇଁ ମସିହା ଇଞ୍ଜୁଁ ଜୀହୁଦି ଲକୁତାଣା ସାକି ହାହିମାରେସି □

୬ ସାମା ଏଝାରି ଅପାଆନା ନିନ୍ଦା କିହାଲିଏ ଏଝାସି ତାନି ହିମ୍ବୁରି ହାଣ୍‌ହାଁନା ଏଲେଇଚେସି, “ମୀରୁ ନାସା ଆତିହୁଁ ଏଦାଆଁତାକି ମୀରୁ ଦାୟି ଆଦେରି □ ଏଦାଆଁତାକି ନାନୁ ଦାୟି ଆଏ, ନୀଏଁ ନାନୁ ଜୀହୁଦିଆଆତି ଲକୁତାଣା ହାଜିମାଇଁ □”

୭ ଏମାଟିଏ ଏଝାସି ଏ ଗାୟୁଟି ହଡ଼ା ହାଜାନା ତିତସ ଜୁସୁ ଇନି ଜୀହୁଦିଆଆତି ମାହାପୁରୁ ସେବା କିନାସି ଏଝାଣି ଇଜ ହାଚେସି, ଏଝାଣି ଇଲୁ ଜୀହୁଦି ଲକୁତି କୁଟମି ଇଲୁ† ତାଗେ ମାଚେ □

୮ ସାମା ଜୀହୁଦି ଲକୁତି କୁଟମି ଇଲୁ‡ କାଜାସି କ୍ରିସପ ବାରେ ଇଲୁ କୁଟମି ତଲେ ପ୍ରୁ ତାଣା ନାମିଚେରି, ଅଡ଼େ କରନ୍ତି ଗାଡ଼ାତି ଲକୁ ବିଡ଼ାଟି ହାରେକା ପାଞ୍ଜୁଲତି କାତା ଝେଞ୍ଜାନା ନାମିଚେରି ଅଡ଼େ ବାପ୍ତିସ୍ମି ଅଡ଼େରି □

୯ ଅଡ଼େ ପ୍ରୁ ଲାଆଁୟାଁ ବେଲାତା ସେୟାଁଣା ହାପାନାତା ପାଞ୍ଜୁଲଇଁ ଏଲେଇଚେସି, “ଆଜାଆନି, ସାପି ଡ଼ୟାଆନା ଜଲମ୍ବୁ,

୧୦ ଇଚିହୁଁ ନାନୁ ନୀ ତଲେ ମାଇଁ, ଆମିନି ଲକୁ ଜିକେଏ ନୀ କପାଟି ନିଜ୍ଞାନା ନିଜ୍ଞେ ନାସା କିହାଲି ଆଡ଼ଅସି, ଇଚିହୁଁ ଇ ଗାଡ଼ାତା ହାରେକା ନା ଲକୁ ମାନେରି □”

୧୧ ଇଞ୍ଜା ପାଞ୍ଜୁଲ ଏଝାରିତାଣା ମାହାପୁରୁତି କାତା ଜାପୁହିହୁଁ ର ବାର୍ସା ସ ଲେଞ୍ଜୁ ଡ଼ୟିଚେସି □

୧୨ ସାମା ଗାଲିୟ ଆକାୟାତି ରମିୟ ସାଲୁଞ୍ଜି କିନାସି ମାଚିବେଲାତା, ଜୀହୁଦି ଲକୁ ପାଞ୍ଜୁଲ କପାଟି ନିଜ୍ଞାନା ଏଝାଣାଇଁ ନୀହାଁୟି କିନାରି ତାଣା ଦସା ଅହାନା ଏଲେଇଚେରି,

* ୧୮:୪ ୧୮:୪ ସିନଗର † ୧୮:୭ ୧୮:୭ ସିନଗର ‡ ୧୮:୮ ୧୮:୮ ସିନଗର
§ ୧୮:୮ ୧୮:୮ ମୁଞ୍ଜନାୟି

୧୩ “ଇଞ୍ଜାସି ମସାତି ମେରା କପାଟି ଅର ରଲେକ୍ ମାହାପୁରୁତି ସେବା କିହାଲି ଲକୁଣି ଜାପୁହିମାନେସି □”

୧୪ ସାମା ପାଞ୍ଜୁଲ ଗୁତି ଏକ୍‌ହାନା ଜଲ୍‌ଲି ମାଟୁହି ମାଟାଟି, ଗାଲିୟନ ଜୀହୁଦି ଲକୁଣି ଏଲେଇଚେସି, “ଆଡେ ଜୀହୁଦି ଲକୁଚେରି ଏନିଲେହେତି ଦହ୍ କି ଲାଗେଏତି କାମା ଆଡିହି ମା ସୁସ୍ତି ତଲେ ମୀ କାତା ଝେନାୟି ନାଙ୍ଗେତାକି ନେହେଁ ଆଡେମା,

୧୫ ସାମା ଇଦି ଝାରଇ ବଲୁ ଅଡେ ଦରୁ ଅଡେ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିଦୁ □ ଇଲେତି କାତାତି ନାନୁ ନୀହାଁୟି କିଅଁ □”

୧୬ ଏଲେଇଞ୍ଜାନା ଏଞ୍ଜାସି ଏଞ୍ଜାରାଇଁ ନୀହାଁୟି କିନି ତାଣାଟି ପେରହା ତୁସ୍ତେସି □

୧୭ ଏଚେଟିଏ ବାରେଜାଣା ସସ୍ତାନ ଇନି ଜୀହୁଦି ଲକୁତି କୁଟମି ଇଲୁତି* କାଜାଣାଇଁ ଆସାନା ନୀହାଁୟି ପାଙ୍ଗାତା ଝେତେରି; ସାମା ଗାଲିୟନ ଏ ବାରେ କାତାତା ମନ ହୀଆଡେସି □

ପାଞ୍ଜୁଲ ଆନ୍ତ୍ରିୟକିୟାତା ଝେଶ୍ଟାଞ୍ଜାନାୟି

୧୮ ପାଞ୍ଜୁଲ କରନ୍ତ୍ରିତା ନାନିତି ତାୟି ତାଙ୍ଗିସ୍ତା ତଲେ ହାରେକା ଦିନା ଡୟାନା ତାୟିୟାଁ ତାଣାଟି ହେଲ ବେଟାଆହାନା ଏନୁ ଜାକାଟି ସିରିୟାତା ହାଚେସି, ପ୍ରିସ୍ତିଲା ଅଡେ ଆକ୍‌ଞ୍ଜିଲା ତାନିତଲେ ହାଚେରି, ତାନି ଆଞ୍ଜିତାୟି ମାଟାକି ଏଞ୍ଜାସି କେକ୍‌କେୟାତା ତାନି ତାୟିଁ ହିଶ୍‌ହେସି □

୧୯ ତାୟୁ ଏଞ୍ଜାରି ଏପିସିୟତା ଝାଡେରି, ଅଡେ ଏଞ୍ଜାସି ଏ ଗାୟୁତା ଆକ୍‌ଞ୍ଜିଲା ଅଡେ ପ୍ରିସ୍ତିଲାଇଁ ହେଲ ହୀହାନା ପାଞ୍ଜୁଲ ରଅସିଏ ଜୀହୁଦି ଲକୁତି କୁଟମି ଇଲୁତାଁ ହଡାନା ଜୀହୁଦିୟାଁ ତଲେ ହାଡାକାତା ଆଡେରି □

୨୦ ଇଞ୍ଜା ଏଞ୍ଜାରି ଏଞ୍ଜାଣାଇଁ ହାରେକା ଦିନା ଡୟାଲି ବାଡିମାଲିତିହିଁ ଏଞ୍ଜାସି ଡୟାଲି କୁଚେସି □

* ୧୮:୧୭ ୧୮:୧୭ ସିନଗର୍ † ୧୮:୧୯ ୧୮:୧୯ ସିନଗର୍

୨୧ ସାମା ଏଞ୍ଜାରି ତାଣାଟି ହେଲ ଅହାନା ଏଲେଇଚେସି,
 “ମାହାପୁରୁତି ମନ ଆତିହ୍ ଅଡ଼େ ର ଦେବା ମୀ ତାଣା ଖେଣ୍ଡା
 ଖାଲ୍,” ଇଞ୍ଜା ଏଞ୍ଜାସି ଏପିସିୟତି ହାଚେସି □

୨୨ କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି,
 ଅଡ଼େ କୁଲମିତି ଜହରା କିହାନା ଏମ୍ବାଟିଏ ଆନ୍ତିୟକିୟାତା ହାଚେସି
 □

୨୩ ଏମ୍ବାଆଁ ଏଚରଦିନା ଡ଼ୟିତି ତାୟୁ, ଏଞ୍ଜାସି ଅଡ଼େ ଖେଣ୍ଡେ
 ହାଜାନା ଗାଲାତିୟ ଇଞ୍ଜା ପୁଗର୍ଯ୍ୟା ନାସକା ହୀହାନା ହାଚେସି,
 ଅଡ଼େ ଜିରୁତା ସୀସୁୟାଣି ତାମି ନାମୁତା ଆର୍ଘ୍ଜା ତଲେ ଡ଼ୟାଲି ରାହ୍ନା
 ହୀଚେସି □

ଏପିସିୟ ଅଡ଼େ କରକ୍ତିତା ଆପଲ

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା
 ଖାଚେସି, ଏଞ୍ଜାସି ଆଲେକ୍ଜାଣ୍ଡିୟାତା ଜାର୍ନା ଆହାମାଚେସି, ଏଞ୍ଜାସି
 ନେହ୍ କ୍ ଖେସାଲି ଆଡ଼ିନାସି ଅଡ଼େ ଦାର୍ମ୍ ପତିତି କାତା ଗାତି
 ପୁନାସି ମାଚେସି □

୨୫ ଇଞ୍ଜାସି ପ୍ରୁ ଜିରୁତି କାତା ନେହ୍ କ୍ ଜାପାମାଚେସି, ଇଞ୍ଜା
 ଜୀହୁତଲେ ବାଡ଼ୟୁ ବେଟାଆହାନା ଜୀସୁତି କାତା ନେହ୍ କ୍
 ଜାପୁହି ମାଚେସି, ଏଞ୍ଜାସି ଖାରଇ ଜହନତି ବାପ୍ତିସ୍ମା କାତା
 ପୁଞ୍ଜାମାଚେସି □

୨୬ ଏଞ୍ଜାସି ସାସାତଲେ ଜୀହୁଦି ଲକୁତି କୁଟମି ଇଲୁତାଽ ଜଲାଲି
 ମାଟ୍‌ହେସି, ସାମା ଆକ୍‌ଞ୍ଜିଲା ଅଡ଼େ ପ୍ରିସ୍ମିଲା ଏଞ୍ଜାଣି କାତା ଖେଞ୍ଜାନା
 ଏଞ୍ଜାଣାଇଁ ତାମି ଇଜ ଅହାନା ଏମ୍ବାଆଁ ହାଚେକା ନେହ୍ ମାହାପୁରୁ
 ଜିରୁତି କାତା ପୁଣ୍ଡିକିଡ଼ୁ □

୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ
 ଏପିସିୟତି ନାମିତି ତାୟିୟାଁ ଏଞ୍ଜାଣାଇଁ ସାୟେମି କିଚେରି, ଇଞ୍ଜା
 ଏଞ୍ଜାଣାଇଁ ରାହ୍ନାତଲେ ଆବାଲି ଆକାୟାତା ମାନି ସୀସୁୟାକି ର ଆକୁ
 ରାଡ଼ିଚେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ନାଟି ନାମା
 ମାନାରାକି ହାଚେକା ସାୟେମି କିଚେସି □

୨୮ ଇତିହାସ ଜାଣୁଏ ମସିହା ଇଞ୍ଜି ଦାମ୍ଭୁ ପତିଟି ନେହୁକ
ତସାହାଁ ଏଞ୍ଜାସି ବାରେଜାଣା ନକିତା ତାନିତଲେ ଆସପି ଆହିମାନି
ଜୀହୁଦି ଲକୁଣି ହାରଞ୍ଜି କିତେସି □

୧୯

ଏପିସିୟତା ପାଞ୍ଚୁଲ

୧ ଆପଲ କରନ୍ତିତା ମାଟିରେଲାତା ପାଞ୍ଚୁଲ ଖେଡ଼ା ହପୁଞ୍ଜାକିତି
ରାଜି ରେଜାନା ଏପିସିୟ ଗାଡ଼ାତା ଏଗାଞ୍ଜାତେସି □ ଏମ୍ପାଆଁ
ଏଚରଜାଣା ସୀସୁୟାଣି ବେଟାଆତେସି,

୨ ଏଞ୍ଜାସି ଏଞ୍ଜାରାଇଁ ଖେରେସି, “ମୀରୁ ନାମିତି ରେଟୁଏ ସୁଦୁଜୀଞ୍ଜୁ
ବେଟାଆହା ମାରେରି କି ?” ଏଞ୍ଜାରି ଏଲେଇରେରି, “ଆଏ ସୁଦୁଜୀଞ୍ଜୁ
ମାନେ ଇଞ୍ଜି ମାମ୍ପୁ ଚୁଞ୍ଜା ଜିକେଏ ହିଲଅମି □”

୩ ପାଞ୍ଚୁଲ ଏଞ୍ଜାରାଇଁ ଖେରେସି, “ଆତିହୁଁ ମୀରୁ ଏନିଲେହେଟି
ବାପ୍ତିସ୍ମା* ବେଟାଆହା ମାରେରି □” ଏଞ୍ଜାରି ଏଲେଇରେରି, “ମାମ୍ପୁ
ଜହନତି ବାପ୍ତିସ୍ମା† ଅହାମାଚମି □”

୪ ✨ଏମ୍ପାଟିଏ ପାଞ୍ଚୁଲ ଏଲେଇରେସି, “ଜହନତି ବାପ୍ତିସ୍ମା‡ ହିୟାଁ
ଖେଟପି କିଞ୍ଜିକିନି ବାପ୍ତିସ୍ମା§ ଜହନ ଇସ୍ରାୟେଲ ଲକୁଣି ବାପ୍ତିସ୍ମା*
ହୀହାନା ଏଲେଇରେସି, ନା ଜେଚ ଆମ୍ପାଆସି ଞ୍ଜାହିମାନେସି,
ଏଞ୍ଜାଣାଇଁ ଇତିହାସ ଜାଣୁଇଁ ନାମାଦୁ ଇଞ୍ଜି ଖେସିମାରେସି □”

୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରବୁ ଜୀସୁ ଦରୁତଲେ ବାପ୍ତିସ୍ମା†
ଅଚେରି □

୬ ଅଚେଡ଼ ପାଞ୍ଚୁଲ ଏଞ୍ଜାରି ଲାକ କେସ୍ତା ଇଟାଲିଏ ସୁଦୁଜୀଞ୍ଜୁ ଏଞ୍ଜାରି
ଲାକ ରେଟାଞ୍ଜାତେ, ଇଞ୍ଜା ଏଞ୍ଜାରି ଏଟକା ଏଟକା ହାଡ଼ାତଲେ କାତା
ଜଲାନା ମାହାପୁରୁତି ତାୟୁ ଆନି କାତା ଜିକେଏ ଖେକହେରି □

୭ ଏଞ୍ଜାରି ବାରେ ବାରଜାଣା ଆବାୟାଁ ମାରେରି □

* ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି ✨ ୧୯:୪ ୧୯:୪ ମାତି ୩:୧୧;
ମାର୍କ ୧:୪,୭,୮; ଲୁକ ୩:୪,୧୭; ଜହ ୧:୨୭,୨୭ ‡ ୧୯:୪ ୧୯:୪ମୁଞ୍ଜିନାୟି § ୧୯:୪
୧୯:୪ମୁଞ୍ଜିନାୟି * ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି

୮ ତାୟ ପାଞ୍ଜୁଲ ଜୀହୁଦି ଲକୁଡି ଜୀହୁଦି ଲକୁଡି କୁଟମି ଇଲୁଡା‡ ହାଜାନା ତାନି ଲେଞ୍ଜୁ ପାତେକା ସାସାତଲେ ମାହାପୁରୁ ରାଜିତି କାତା ଝେକ୍‌ହିହିଁ ଲକୁଡି ମନତି ନାମି କିହାଲି ଅଣ୍‌ପିତେସି □

୯ ସାମା ଏଚିବେଲା ଏଚେକା ଲକୁ ଆଟ୍‌ଝା ହିୟାଁ ଅଡେ ମୁଣ୍ଡି ଆହାନା ଲକୁ ନକିତା ପ୍ରୁ ଜିରୁ କପାଟି ନିଙ୍ଗାନା ନିୟା କାତା ଝେସ୍‌ସେରି, ଏଚିବେଲା ପାଞ୍ଜୁଲ ଏଞ୍ଜାରାଇଁ ପିସାନା ସୀସୁୟାଁଇଁ ଏଟ୍‌କା କିତେସି, ଇଞ୍ଜା ତୁରାନନ୍ ଇନି ଜାପ୍‌ନି ଇଲୁଡା ବାରେଦିନା ଜାପ୍‌ହି ମାଚେସି □

୧୦ ଇଲେଆହିଁ ରୀ ବାର୍ଯା ପାତେକା ଆଡେ; ଏଚେଟିଏ ଆସିୟା ଦେସାତା ବାସାଆହାମାନି ହାରେକା ଜୀହୁଦି ଅଡେ ଜୀହୁଦିଆଆତି ଲକୁ ବାରେଜାଣା ପ୍ରୁଡି କାତା ଝେଚେରି □

ସ୍ଵେବା ମୀରକା

୧୧ ଅଡେ, ମାହାପୁରୁ ପାଞ୍ଜୁଲ ତାଣାଟି ହାରେକା ବାଡୁୟୁଡି କାମାୟାଁ କିହିମାଚେସି □

୧୨ ଇଲାଆହିଁ ପାଞ୍ଜୁଲ ଲେନ୍‌ମିମାନି ପାଙ୍ଗାତା ତୁରନି ସକା କି ତୁଞ୍ଜାଲା ରଗ ଗାଗାରି ତାଣା ତାତିସାରେ ଏଞ୍ଜାରି ତାଣାଟି ରଗ ପିସିମାଚେ ଅଡେ ବୁଡୁୟାଁ ହଟା ହାଜିମାରୁ □

୧୩ ସାମା ରେଜି ରେଜିହିଁ ବୁଡୁୟାଁ ପେରନି ଜୀହୁଦିୟାଁ ବିତ୍ରାଟି ଏଚରଜାଣା ପଲ୍‌ଆ ବୁଡୁୟାଁ ଆସାମାନାରି ଲାକ ପ୍ରୁ ଜୀସୁ ଦରୁ ଆସାନା ପେରହାଲି ଅଣ୍‌ପାନା ଏଲେଇଚେରି, “ପାଞ୍ଜୁଲ ଆମିନି ଜୀସୁଇଁ ଝେକ୍‌ହି ମାନେସି ନାନୁ ଏଞ୍ଜାଣି ଦରୁଟି ନିଙ୍ଗେ ହୁକୁମି ହାହିମାଞ୍ଜାଇଁ □”

୧୪ ସ୍ଵେବା ଦରୁଗାଟି ର ଜୀହୁଦି କାଜା ପୂଜେରାତି ସାଡା ଜାଣା ମୀରକା ଏଲେ କିହିମାଚେରି □

୧୫ ସାମା ପଲ୍‌ଆ ବୁଡୁୟାଁ ଏଞ୍ଜାରାଇଁ ଏଲେଇଚୁ, “ନାନୁ ଜୀସୁଇଁ ପୁଞ୍ଜାମାଇଁ ଅଡେ ପାଞ୍ଜୁଲଇଁ ପୁଞ୍ଜାମାଇଁ; ସାମା ମୀରୁ ଆମ୍ବାଆତେରି ?”

‡ ୧୯:୮ ୧୯:୮ ସିନଗଗ୍

୧୭ ଏଚେଟିଏ ଏ ପଲ୍ଲଆ ବୁଡୁ ଆଲ୍‌ଗା ମାଚାସି ଏଞ୍ଜାରି ଲାକ ଡେଞ୍ଜାଁନା ଏଞ୍ଜାରାଇଁ ଇରହାଲିଏ ଏଞ୍ଜାରି ନାଗ୍‌ଡ଼ା ଉଗ୍‌ଡ଼ା ରାଣାରାକା ଆହାନା ଏ ଇଲୁଟି ହଚେରି □

୧୭ ଇ କାତା ଏପିସିୟତା ମାନି ଜୀହୁଦି ଅଡେ ଜୀହୁଦିଆଆତି ଲକୁ ବାରେଜାଣା ପୁଚେରି, ଇଞ୍ଜା ବାରେଜାଣା ଆଜିତେରି, ଅଡେ ଏମ୍‌ଆଁ ପ୍ରବୁ ଜୀସୁତି ଦରୁ ହାରେକା ଗାଞ୍ଜୁରମି କିତେରି □

୧୮ ଅଡେ ନାମୁଗାଟାରି ବିତ୍ରାଟି ହାରେକା ଖାହାନା ତାମ୍‌ କ୍ରିହାମାନି ପଲ୍ଲଆ କାମାତି ଖେସ୍‌ସେରି □

୧୯ ଅଡେ ଗାରୁଡ଼ି କାମା କିହିମାଟି ହାରେକା ଜାଣା ତାମ୍‌ ତୁତାମି ପତିୟାଁ ତାଚିହ୍‌ ରୁଣ୍ଡା କିହାନା ବାରେଜାଣା ନକିତା ହୁଡିତେରି; ଏଞ୍ଜାରି ଏ ବାରେତି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଟାକାୟାଁତି ପତିୟାଁ ମାରୁ □

୨୦ ଇଲେଆହ୍‌ ପ୍ରବୁତି ବଲୁ ବାଡ଼ୁୟୁ ତଲେ ପାତାଆଡେ ସାରିସୁଟୁ ଖେଞ୍ଜିତେ □

ଏପିସିୟ ଗାଡ଼ାତା ଗଡ଼ହା

୨୧ ଇ ବାରେ କାତା ରାଡ଼ି ତାୟୁ ପାଞ୍ଜୁଲ ମାକିଦନିୟା ଅଡେ ଆକାୟା ମାଦିଟି ଜିରୁସାଲମତା ହାଜାଲି ମନତା ତୀରି କିତେସି □ ଏଞ୍ଜାସି ଏଲେଇଚେସି, “ଏମ୍‌ଆଁ ହାଟି ତାୟୁ ନାନ୍‌ ରମ୍‌ତା ଜିକେଏ ହାନାୟିମାନେ □”

୨୨ ଅଡେ ଆମ୍‌ଆରି ଏଞ୍ଜାଣି ସେବା କିହିମାଚେରି, ଏଞ୍ଜାରି ବିତ୍ରାଟି ତିମତି ଅଡେ ଏରାସ୍‌ ଇ ରିଆରାଇଁ ମାକିଦନିୟାତା ପାଣ୍ଡାନା ଏଞ୍ଜାସି ଏଚରଦିନା ପାତେକା ଆସିୟାତା ଡୟିତେସି □

୨୩ ଏଟିବେଲୀତା ପ୍ରବୁ ତସାମାନି ଜିରୁତି କାତା ଅହାନା ଏପିସିୟତା ହାରେକା ଗଡ଼ହା ଆଡେ □

୨୪ ଦିମିଡ଼ିୟ ଦରୁଗାଟି ର ଖେଣ୍ଡି କାମାକିନାସି ଆର୍ଡେମି ପେନ୍‌ଡୁତି ର ଖେଣ୍ଡିତି ଦେଞ୍ଜୁଡ଼ି କିହିମାଚେସି, ଇଞ୍ଜା ଏଞ୍ଜାଣି ଇ ବେବାରା କାମା କିନାରାକି ହାରେକା ଲାବା ଆହିମାଚେ □

୨୫ ଏମ୍‌ଆଟିଏ ଏଞ୍ଜାସି ଇଞ୍ଜା ଏଞ୍ଜାରିଲେହେଁ କାମା କିନାରାଇଁ ହାଟାନା ଏଲେଇଚେସି, “ବାରୁୟାଁ ଇ କାମାଟି ମାରୁ ଦନ ବେଗାଆହି ମାନାୟି ଇଞ୍ଜିଁ ମୀରୁ ବାରେ ପୁଞ୍ଜାମାଞ୍ଜେରି;

୨୭ ଅଡ଼େ, କେସ୍ତାତଲେ କେପିତି ପେଶ୍‌କା ମାହାପୁରୁ ଆଏ ଇଞ୍ଜିଁ
 ଝେସାନା ପାଞ୍ଜୁଲ ଝାରଇ ଏପିସିୟତା ଆଏ, ସାମା ବାରେ ଆସିୟାତା
 ଜିକେଏ ହାରେକା ଲକୁଣି ଜାପୁହାନା ଏମ୍ବାଟି ମାଡ଼ଝି କିହିମାନେସି,
 ଇଦାଆଁ ମୀରୁ ମେସାମାଞ୍ଜେରି ଅଡ଼େ ଝେଞ୍ଜାମାଞ୍ଜେରି □

୨୭ ଇମ୍ବାଆଁ ଝାରଇ ମା ବେବାରା କାମା ଲାଗେଏ ଆନେ, ଏଦି
 ଆଏ, ସାମା ଆମିନି କାଜା ପେନୁ ଆର୍ଡେମିଇଁ ବାରେ ଆସିୟା ଅଡ଼େ
 ଦାରତିତି ଲକୁ ପୂଜା କିହିମାନେରି, ଏଦାନି ଦେଝୁଡ଼ିତି ଜିକେଏ ଲକୁ
 ମାନି କିଅରି, ଇଞ୍ଜା ଆର୍ଡେମି ପେନୁତି ଦରୁ କାଜା ଦରୁ ଇଞ୍ଜିଁ
 ଝେଞ୍ଜେଏ □”

୨୮ ଇ କାତା ଝେଞ୍ଜାନା ବାରେଜାଣା କାରବି ଆହାନା କାଜା
 ଗିୟାତଲେ ଏଲେଇଚେରି, “ଏପିସିୟ ଲକୁତି ଆର୍ଡେମିଏ କାଜା
 ପେନୁ □”

୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡେ, ଇଞ୍ଜା ଲକୁ ବାରେ
 କାଲଝି ଆହାନା ପାଞ୍ଜୁଲ ତଲେ ହାଜିମାଟି ମାକିଦନିୟାତି ଗାୟ
 ଅଡ଼େ ଆରିସ୍ତାକିଇଁ ଦସାନା କାହିନି ବାଟାତା ହଚେରି □

୩୦ ଏମ୍ବାଟିଏ ପାଞ୍ଜୁଲ ଲକୁ ମାନ୍ଦା ବିତ୍ରା ହାଜାଲି ଅଣ୍ଡପିତେସି, ସାମା
 ସୀସୁୟାଁ ଏଞ୍ଜାଣାଇଁ ହାଜାଲି ହାଆଡେରି □

୩୧ ଅଡ଼େ ଆସିୟାତି ସାଲଝି କିନାରି ବିତ୍ରାଟି ଜିକେଏ ଏଞ୍ଜାରି ତଡ଼ୁ
 ଗାଟାରି ମାଟାକି କାହିନି ବାଟା ମାଦି ହାଲାଆପେସି ଇଞ୍ଜିଁ ଲକୁଣି
 ଝେସା ପାଣ୍ଡାନା ଏଞ୍ଜାଣାଇଁ ବାଡିମାଲିତେରି □

୩୨ ଏଚିବେଲା ହାରେକା ଗଡ଼ହା ଆହିମାଚେ, ଇଞ୍ଜା ଲକୁ ମାନ୍ଦା
 ମାନ୍ଦା ଆହିଁ ଏଚରଜାଣା ଇ କାତା ଅଡ଼େ ଏଚରଜାଣା ଏ କାତା
 ଇଞ୍ଜିଁ କାଲଝି ଆହିମାଚେରି, ଅଡ଼େ ଏଞ୍ଜାରି ଏନାଆଁତାକି ରୁଣ୍ଡା
 ଆହାମାନେରି ହାରେକା ଲକୁ ପୁଞ୍ଜାହିଲାଆଡେରି □

୩୩ ଲକୁ ବିତ୍ରାଟି ଏଚରଜାଣା ଏଲେଇଚେରି, ଆଲେକଜାଣ୍ଡାର
 ଇଦାଆଁତାକି ଦାୟି, ଇତିହିଁ ଜୀହୁଦି ଲକୁ ଏଞ୍ଜାଣାଇଁ ନକିତା ନିପହା
 ମାଚେରି, ଆଲେକଜାଣ୍ଡାର କେୟୁ ପେରହାନା ଲକୁଣି ପାଲେଏ
 ଆହାଲି କେୟୁ ଜୀଞ୍ଜିତେସି, ଅଡ଼େ ନାମୁଗାଟାରି ଝାକିଟି ଝେସାଲି
 ଅଣ୍ଡପିତେସି □

୩୪ ସାମା ଏଞ୍ଜାସି ର ଜୀହୁଦି ଇଞ୍ଜିଁ ଏଚିବେଲା ଏଞ୍ଜାରି ପୁଚେରି;

ଏବିବେଳା ବାରେଜାଣା କାଜା ଗିୟାଁତଲେ ରୀ ଗଂଟା ପାତେକା କାଲୁଝି ଆହାନା ଏଲେଇଚେରି, “ଆର୍ତ୍ତେମିଏ ଏପିସିୟ ଲକୁଡି କାଜା ପେନୁ □”

୩୫ ତାୟୁ ଗାଡ଼ାତି କାଜାସି ଲକୁଣି ସୁସ୍ତି କିହାଲି ଝେସ୍ତେସି, “ଏ ଏପିସିୟତା ମାନି ତାୟିୟାତେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆର୍ତ୍ତେମିତି ଦେଝୁଡ଼ି ଇଞ୍ଜା ହାଗୁଲାକଟି ରେଟା ଝାହାମାନି ସୁଦୁତି ବମା ଗେଲପିକିଝି ଆହାମାନେ □

୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମୀରୁ ବାରେ ସୁସ୍ତି ଆଦୁ, ଏନି ବୁଦି ହିଲାଆ କାମା କିଆଦୁ □

୩୭ ଇତିହିଁ ଇ ଆମିନି ଲକୁଇଁ ମୀରୁ ଦସା ତାତାମାଞ୍ଜେରି, ଇଝାରି ଦେଝୁଡ଼ିତି ସରୁ କିହାହିଲଅରି, ଇଞ୍ଜା ମା ପେଣକା କପାଟି ଏନି ନିୟା କାତା ଜଲା ହିଲଅରି □

୩୮ ଏଦାଆଁତାକି ଦିମିତ୍ରିୟ ଅଡ଼େ ଏଝାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାତିହିଁ, ନୀହାଁୟି କିହାଲି ନୀହାଁୟି ଇଲୁ ଦେପିଆହାମାନେ, ଇଞ୍ଜା ନୀହାଁୟି କିନାରି ମାନେରି, ଏଝାରି ନକିତା ତାମ୍ବୁ ତୁମି ଦାଝା କିପେରି □

୩୯ ଇଦାଣିକିହାଁ ଆଗାଡ଼ା ଅଣପିମାତିହିଁ, ଲକୁ ତାଣାଟି ମେରା କିଝି ଆହାମାନି ନୀହାଁୟି କିନି ତାଣା ଏଦାଆଁ ଡିକନାୟି ଆନେ □

୪୦ ଇତିହିଁ ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଝା ଆନାୟି ମାନେ; ଏନିଇତିହିଁ ଏ ଗଡ଼ହା ଏନାଆଁତାକି ହଡ଼େ ଏଦାଆଁ ମାର ଏନି କାତାତଲେ ତସାଲି ଆଡ଼ାଆୟି □”

୪୧ ଇ ବାରେ କାତା ଝେସାନା ଲକୁଣି ସୁସ୍ତି କିହାନା ନୀହାଁୟି ତୁକ୍‌ହେସି □

୨୦

ମାକିଦନିୟା ଅଡ଼େ ଆକାୟାତା ହାନାୟି

୧ ଏ ଗଡ଼ହା ତୁଞ୍ଜିତି ତାୟୁ ପାଝୁଲ ସୀସୁୟାଣି କୁଡ଼ି କିହାନା ଏଝାରାଇଁ ବାର୍ସୁତି କାତା ଝେସ୍ତେସି, ଏଝାରି ତାଣାଟି ହେଲ ଅହାନା ମାକିଦନିୟାତା ହାଚେସି □

୨ ଏଞ୍ଜେଲ୍‌ସ୍ ବାରେ ନାସ୍‌କାଟି ହାଜିହୁଁ, ହାରେକା ସାସୁୟାଣି ବାର୍ସୁ ହାହାନା ଗ୍ରିସ୍ ଦେସାତା ହାଚେସି □

୩ ଏମ୍ବାଟିଏ ଏଞ୍ଜେଲ୍‌ସ୍ ଏମ୍ବାଆଁ ତାନି ଲେଞ୍ଜୁ ଡୟିଡେସି, ଏଞ୍ଜେଲ୍‌ସ୍ ସିରିୟାତା ହାଜାଲି ତିୟାରା ଆହିମାଟି ବେଲାତା, ଜୀହୁଦି ଲକୁ ଏଞ୍ଜାଣାଲ୍ ପାୟାଲି ତୀରି କିହାମାନେରି ଇଞ୍ଜୁଁ କାରୁ ପୁଞ୍ଜାନା ମାକିଦନିୟା ଖାକିଟି ଖେଣ୍ଡେ ହାଜାଲି ତୀରି କିଡେସି □

୪ ଅଡେ ବେରିୟା ତାସି ପୁରତି ମାର୍‌ଏସି ସପାତର, ଅଡେ ଡେସଲନିକି ଗାଡାତି ଆରିସ୍ତାର୍କ, ସେକୁନ୍, ଦବ୍‌ତି ଗାୟ, ତିମତି ଅଡେ ଆସିୟାତି ଲକୁ ବିତ୍ରାଟି ତୁକିକ ଅଡେ ତ୍ରପିମ ଏଞ୍ଜାଣିତଲେ ହାଚେରି □

୫ ଏଞ୍ଜାରି ବାରେଜାଣା ନକେଏ ହାଜାନା ତ୍ରୟାତା ମାଙ୍ଗେ କାଡିମାଞ୍ଜାଡେରି □

୬ ଅଡେ ପୁଲା ଗୁଣ୍ଡା ଆଣ୍ଡାଆତି ରୁଟି ତିନି ପାର୍ସୁ ଡାୟୁ ମାମ୍ସୁ ପିଲିପିଟି ଏୟୁ ଜାଜାଟି ହାଚମି, ଇଞ୍ଜା ପାସା ଦିନା ଡାୟୁ ତ୍ରୟାତା ଏଞ୍ଜାଣାଲ୍ ବେଗାଆହାନା; ଏମ୍ବାଆଁ ର.ଞ୍ଜାଚା ଡୟିଡମି □

ତ୍ରୟାତା ପାଞ୍ଜୁଲ ଡାୟୁ ପାଲି ହାନାୟି

୭ ଖାଚାଟି ମୁଲୁ ଦିନାତି ମିଡ଼ଅଲ୍ଲା ରାନ୍ଦା ତିଞ୍ଜାଲି ରୁଣ୍ଡା ଆହାମାଚମି, ପାଞ୍ଜୁଲ ଅର ନେରୁ ହାନାୟି ମାଚାକି ଏଞ୍ଜେଲ୍‌ସ୍ ଲକୁଣି ମାଦି ନେକେରି ପାଡେକା ନେହୁଁ କାତା ଖେସିମାଚେସି □

୮ ମାମ୍ସୁ କୁଡା ଆହାମାନି ଲାକନି ପାରୁତି ଇଲୁତା ଏମ୍ବାଆଁ ହାରେକା ଦୀଞ୍ଜୁୟା ଡୀଞ୍ଜିମାରୁ □

୯ ଅଡେ ଇଞ୍ଜୁତୁକ ଇନି ର. ଦାଂଗ୍‌ଣେଏସି କିଡ଼କି ଲାକ କୁଗାମାଚେସି, ଏଞ୍ଜାଣାକି ହାରେକା ଇଦା ଖାହିମାଚେ; ଇଞ୍ଜା ପାଞ୍ଜୁଲ କାତା ହାରେକା ଲାମ୍ବା କିହୁଁ ଖେସିମାଚାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି ଡଇ ରୀଡେସି, ଏଚିବେଲା ଏଞ୍ଜାରି ଇଞ୍ଜୁତୁକଇ ନିକ୍‌ହେରି, ଏଞ୍ଜେଲ୍‌ସ୍ ହାହାମାଚେସି □

୧୦ ସାମା ପାଞ୍ଜୁଲ ଡଇ ରେଚାଞ୍ଜାହାନା ଏଞ୍ଜାଣି ମୁହେଁ ମାର୍‌ହାନା ଏଞ୍ଜାଣାଲ୍ ପମାନା ଏଲେଇଚେସି, “ଆଜାଆଦୁ ଇଚିହୁଁ ଇଞ୍ଜାଣି ତାଣା ଜୀଞ୍ଜୁ ମାନେ □”

୧୧ ତାୟ ଲାକ ହାଜାନା ରୁଟି ବାଟିକିହାଁ ତିଚେରି, ଇଞ୍ଜା ଲାଢ଼
ଝେୟିନି ପାତେକା ହାଡ଼ାକାତା ଆହାନା ପାଝୁଲ ହାଚେସି □

୧୨ ଅଡ଼େ ଲକୁ ଏ ଦାଂଗଣା କକାଣାଇଁ ଜାଝୁତଲେ ଇଜ ଅହ
ହାଚେରି ଇଞ୍ଜା ଏଝାରି ହାଢ଼େକା ବାସୁଁ ବେଟାଆଡ଼େରି □

ତ୍ରୟାଟିଏ ମିଲିତତା ହାନାୟି

୧୩ ସାମା ମାମ୍ମୁ ନକେଏ ଜାଜାତା ହରାନା ଆସସ୍ତା ହାଚମି,
ଏମ୍ବାଟିଏ ମାମ୍ମୁ ପାଝୁଲଇଁ ଅହାଲି ଅଶ୍ପାମାଚମି, ଇଚିହଁ ଏଝାସି
ତାନ୍ତୁଏ ତାକିହଁ ହାଜାଲି ତାରି କିହାମାଚେସି □

୧୪ ଏତିବେଲା ଏଝାସି ଆସସ୍ତା ମାଙ୍ଗେ ବେଟା ଆୟାଲିଏ, ମାମ୍ମୁ
ଜାଜାତା ଏଝାଣାଇଁ ମିତିଲିନିତା ତାଚିହଁ ଝାଡ଼ମି,

୧୫ ଅଡ଼େ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚମି,
ଅଡ଼େ ର ଦିନାତି ଜେଚ ସାମସ୍ତା ଏଜାହାଁ, ତାନି ଅର ନେରୁ
ମିଲିତତା ଏଗାହାଚମି □

୧୬ ଇଚିହଁ ପାଝୁଲ ଆସିୟା ରାଜିତା ହାଢ଼େକା ଦିନା ତ୍ରୟାଆନା,
ଇଦାଆଁତାକି ଏଝାସି ଏପିସିୟ ପିସାନା ହାଜାଲି ତାରି କିହାମାଚେସି,
ଆଡ଼ିସାରେ ପେକ୍ତିକସ୍ତ ଦିନା ଜିରୁସାଲମତା ଏଗାହାଜାଲି ଦାଗା
ଆହିମାଚେସି □

ଏପିସିୟ କୁଲମିତି କାଜାରାଇଁ ପାଝୁଲ ଝେହ୍ନାୟି

୧୭ ମିଲିତଟିଏ ପାଝୁଲ ଏପିସିୟ କୁଲମିତି କାଜା ଲକୁଣି କାରୁ
ପାଶ୍ଚାନା ହାଟିକିଚେସି □

୧୮ ଏଝାରି ତାମି ତାଣା ଝାୟାଲିଏ, ଏଝାସି ଏଝାରାଇଁ
ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ ତଲେ
ଏନିକିହଁ ମାଚେସି ମୀରୁ ପୁଞ୍ଜାମାଞ୍ଜେରି,

୧୯ ପ୍ରବୁତି ହଲେଏଣା ଆହାନା ଜାହାରାଇଁ ଉଣା କିହାଁ ଅଡ଼େ
କାଣ୍ଟୁ ବକ୍ହାଁ ନାଙ୍ଗେ ସାସ୍ତି ଝାଡ଼ାଟି ନାନୁ ପ୍ରବୁତି ସେବା
କିଚେସି, ଏନାଆଁତାକି ଇଚିହଁ ଏଚରଜାଣା ଜୀହୁଦି ଲକୁତି ପାରୁ
ପାରିମାଚାକି □

୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଲେ ଲକୁତାଣା
 ଝେହନାଟି ଅଡ଼େ ମିଞ୍ଜେତାକି ଇଲୁତା ଝେସ୍ତାନି ବେଲ୍ୟାତା ମୀ ନେହେଁ
 ଆନିଲେହେତି ଏନାଆଁ ଜିକେଏ ଡ଼କୁହା ହିଲାଆତେଏଁ,

୨୧ ଜୀହୁଦି ଅଡ଼େ ଜୀହୁଦିଆଆତି ଲକୁ ନକିତା ଜାଗ୍ରାତା କିହୁ
 ସାକି ହୀହାନା ଝେସାମାରେଏଁ, ଏଞ୍ଜାରି ପାପୁଟି ଏଟ୍‌କା ଆହାନା
 ମାହାପୁରୁ ଝାକି ମନ ଝେଟ୍‌ହା କଡାନା ମା ପ୍ରବୁ ଜୀସୁଇଁ ନାମିନେରି
 □

୨୨ ନୀଏଁ ମେହଦୁ, ନାନୁ ସୁଦୁଜୀଝୁଇଁ ମାନଞ୍ଜି ଆହାନା
 ଜିରୁସାଲମତା ହାଜିମାଇଁ, ଏମ୍‌ଆଁ ନାଞ୍ଜେତାକି ଏନାଆଁ ଆନେ ନାନୁ
 ପୁଞ୍ଜାହିଲଅଁ;

୨୩ ସୁଦୁଜୀଝୁ ନାଞ୍ଜେ ଜାଗ୍ରାତା କିହାଁ ସାକି ହୀହିମାଞ୍ଜାନେ,
 ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଟାଆଇଁ □

୨୪ ସାମା ନାନୁ ଏନିକିଁ ନା ଡ଼ୀରିଆହାମାନି ଟାୟୁ ପାତେକା
 ହଟାଲି ଆଡ଼ିଇଁ, ଅଡ଼େ ମାହାପୁରୁଟି କାର୍‌ମାଟି ନେହୁଁ କାରୁତା ସାକି
 ହୀହାଲିତାକି ଜୀସୁ ତାଣାଟିଏ ଏମିନି ସେବା କାମା ବେଟାଆହାମାଇଁ,
 ଏଦାଆଁ ଏନିକିଁ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀଝୁତି
 କାଜାୟି ଇଞ୍ଜିଁ ଅଶ୍‌ପି ହିଲଅଁ □”

୨୫ “ଅଡ଼େ ନୀଏଁ ନାନୁ ପୁଞ୍ଜିମାଇଁ ମୀରୁ ଅଡ଼େ ନାଞ୍ଜେ ଝେଣ୍ଡେ
 ମେସ୍ତଅତେରି □ ନାନୁ ମୀ ବାରେ ତାଣା ମାହାପୁରୁ ରାଜିତି କାତା
 ରେଜିହୁଁ ଝେସାମାଞ୍ଜାଇଁ □

୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଟ୍‌ଝା ତଲେ
 ଝେସିମାଇଁ, ମୀ ବିତ୍ରାଟି ଆମ୍‌ଆସି ନାସା ଆତିହୁଁ ଏମ୍‌ାତି ଦାୟି
 ନାନୁ ଆଏ

୨୭ ଇତିହୁଁ ମାହାପୁରୁ ଅଶ୍‌ପିମାନାଣି ବାରେ ମିଞ୍ଜେ ଝେସାଲି
 ନାନୁ ପିସା ହିଲଅଁ □

୨୮ ମୀରୁ ମିଞ୍ଜେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ
 ତାନି ନେତେରି ତଲେ କଡାମାନେସି, ତାନି ଏ କୁଲମିତି ପହି
 ପାଡ଼ିକିହାଲିତାକି ସୁଦୁଜୀଝୁ ବାରେ ମାନ୍ଦା ବିତ୍ରାଟି ଗୁମ୍‌ସା କିହାଁ ମିଞ୍ଜ
 ଆଟାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ □

୨୯ ନାନୁ ହାଚି ତାୟୁ ଆଜିହଠେତି ଗଦ କ୍ଳାଠନୁଁ ଖାନୁ, ଅଡ଼େ
ମେଣ୍ଟାୟାଁ ମାନ୍ଦାତି ରାଣାରାକା କିଆନା ପିହୁଡ଼,

୩୦ ଦିନା ଖାନେ, ଏଚିବେଲା ମୀ ଗଚିତି ଏଚେକା ସୀସୁୟାଁ ନିଙ୍ଗାନା
ନାମୁ ଗାଟାରାଇଁ ମିଚି କାତା ଖେସାନା ଏଚକା ଜିରୁତା ଅନେରି,

୩୧ ଏଚିବେଲା ଜାଗ୍ରାତା ତୟାଦୁ, ନାନୁ ଲାଆଁ ମାଦେନା କାଣ୍ଡୁ
ଝାକ୍‌ହିହିଁ ତାନି ବାର୍ଯା ପାତେକା ବାରେତେରି ମିଙ୍ଗେ ଜାପ୍‌ହା
ମାଞ୍ଜାଇଁ, ଈ କାତା ଅଣ୍ଡପୁତା ଇଟାଦୁ □

୩୨ ନୀଏଁ ନାନୁ ମିଙ୍ଗେ ମାହାପୁରୁ ଇଞ୍ଜାଁ ତାନି କାର୍ମାମେହ୍‌ନି ବଲୁ
ନକିତା ହେର୍‌ପିମାଞ୍ଜାଇଁ, ଈ କାର୍ମାତି କାତା ମିଙ୍ଗେ ବାଡ଼ୁୟୁ ତଲେ
ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକୁ ବିତ୍ରା ଅଦିକାରା
ହୀହାଲି ଆଡ଼ାନେସି □

୩୩ ନାନୁ ଆମ୍ବାଆରି ବାଂଗାରା, ଖେଣ୍ଡି କି ହିମ୍ବିରିକା ଜୁପକା
ଆହାହିଲାଆତେଏଁ □

୩୪ ମୀରୁ ପୁଞ୍ଜାମାଞ୍ଜେରି ଈ ନା ରୀ କେସ୍‌ତଲେ କାମା କିହାନା
ନାଙ୍ଗେ ଅଡ଼େ ନା ତଡ଼ ଲୁକୁତି ବାରେ ଲଡ଼ାମାନାଣି ବେଟାଆହାମାଇଁ
□

୩୫ ଇଲେକିହିଁ କସ୍ତୁ କିହାନା ଆଡ଼ାଆ ଗାଟାରି ସାୟେମି କିନାୟି,
“ଇଚିହିଁ ରୀହ୍‌ନି କିହାଁ ହୀନାୟି ହାରେକା ନେହାୟି” ପ୍ରବୁ ଜୀସୁ
ତାନୁଏ ଈ କାତା ଖେସାମାଞ୍ଜାନେସି, ଈ କାତା ମୀରୁ ଅଣ୍ଡପିନାୟି
ମାନେ, ଈ ବାରେ କାତାତଲେ ମିଙ୍ଗେ ପୁଣ୍ଡି କିହିମାଞ୍ଜାଇଁ □

୩୬ ଈ ବାରେ କାତା ଖେସାଲି ରାପ୍‌ହି ତାୟୁ ପାଞ୍ଜୁଲ ମେଣ୍ଟାକୁତାନା
ବାରେଜାଣା ତଲେ ପ୍ରାଡ଼ାନା କିତେସି □

୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହିଁ ପାଞ୍ଜୁଲଇଁ ପମାହାଁ
ନଣ୍ଡିତେରି □

୩୮ ଏଞ୍ଜାରି ଅଡ଼େ ତାନି ମୁମ୍ବୁ ଡ଼େଣ୍ଡେ ମେସାଲି ଆଡ଼ଅରି, ଏଞ୍ଜାସି
ଖେସାମାଚି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି
ଏଞ୍ଜାଣାଇଁ ଏୟୁ ଜାଜା ପାତେକା ଇଚି ହାଚେରି □

୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ମୁ ଏୟୁ ଜାଜାତା ହରାହାଁ ସଲ୍ଲକେ ଜିରୁଟି କସ୍ତା ଖାଡ଼ମି, ତାନି ଅର ନେରୁ ରଦାତା, ଇଞ୍ଜା ଏମ୍ବାଟିଏ ପାତାରାତା ଖାଡ଼ମି □

୨ ଏମ୍ବାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା ଏମ୍ବାଆଁ ହରାହାଁ ହାଚମି □

୩ ତାୟୁ କୁପ୍ର ତଞ୍ଜା ଆହାଲିଏ ତାନି ଚେକ୍ରିଞ୍ଜାକି ପିସାନା ମାମ୍ମୁ ସିରିୟାତା ହାଜାନା ସରତା ଏଗାତମି, ମାମ୍ମୁ ଟାୟରତା ଜାଜାଟି ରେତମି, ଇଚିହ୍ ଏମ୍ବାଆଁ ଜାଜାତି ଆସ୍ତି ରେପନାୟି ମାଚେ □

୪ ଏମ୍ବାଆଁ ନାମିତି ସୀସୁୟାଣି ପାରାନା ଏଞ୍ଜାରାକ୍ ବେଟାଆହାନା ଏମ୍ବାଆଁ ସାଡ଼ା ଦିନା ଡ଼ୟିତମି; ଇଞ୍ଜା ପାସ୍ତୁଲ ଏନିକ୍ ଜିରୁସାଲମତା ହାଲଅସି ଏଡାଆଁତାକି ଏଞ୍ଜାରି ସୁଦୁଜୀଞ୍ଜୁ ତଲେ ବାଡ଼ିମାଲିତେରି □

୫ ମାମ୍ମୁ ସାଡ଼ା ଦିନା ଡ଼ୟିତି ତାୟୁ, ଏଞ୍ଜାରାକ୍ ପିସାନା ଜାହାରା ଜିରୁତା ହାଚମି, ଅଡ଼େ ମାଙ୍ଗେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟାଁ ତଲେ ଗାଡ଼ାତି ପାଙ୍ଗାତା ମାନି ସାମ୍ବୁରି ଗାଟୁ ପାଡେକା ଇଚି ଖାଡ଼େରି, ଏମ୍ବାଆଁ ମେଣ୍ଡାକୁତାନା ମାମ୍ମୁ ବାରେତମି ପ୍ରାତାନା କିତମି,

୬ ତାୟୁ ମାମ୍ମୁ ବାରେଜାଣାତି ହେଲ ହାହାନା; ଜାଜାତା ହଡ଼ମି, ଇଞ୍ଜା ଏଞ୍ଜାରି ତାମି ଇଜ ଖେଣ୍ଡା ହାଚେରି □

୭ ମାମ୍ମୁ ସୁର ଗାଡ଼ାଟି ପତଲମାୟିତା ଏଗାହାଚମି, ଇଞ୍ଜା ଏମ୍ବାଆଁ ତାୟିୟାଣି ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ଡ଼ୟିତମି □

୮ ☆ଅଡ଼େ ଅର ନେରୁ ହାଜାନା କାୟିସରିୟାତା ଏଗାହାଚମି, ଏମ୍ବାଆଁ ମାମ୍ମୁ ଚୁନହ୍ ବଲ୍ଲୁ ଖେକ୍ନି ପିଲିପ ଇଜ ହାଜାନା ଡ଼ୟିତମି, ଜିରୁସାଲମତା ସେବା କାମା କିହାଲି ଆଡ଼ାମାନି ସାଡ଼ା ଜାଣା ବିତ୍ରାଟି ଏଞ୍ଜାସି ରଅସି ମାଚେସି □

୯ ଏଞ୍ଜାଣାକି ସାରି ଜାଣା ଡ଼ାଆ ମାସ୍କା ମାଟୁ, ଏଞ୍ଜି ବାରେ ମାହାପୁରୁ ଅଣ୍ଡପୁତି ବଲ୍ଲୁ ଖେହ୍ନାଇ ମାଟୁ □

୧୦ ☆ଏମ୍ବାଆଁ ହାରେକା ଦିନା ଡ଼ୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣ୍ଡପୁତି ବଲ୍ଲୁ ଖେହ୍ନାସି ଜୀହୁଦା ଦେସାଟି ଖାଡ଼େସି □

୧୧ ଏଞ୍ଜେଲ୍ସି ମା ତାଣା ଖାହାନା ପାଞ୍ଜୁଲତି ଜାତି ତ:ରି ଅହାନା ତାନି କେସ୍ନା କତାଣା ଦସା କତାନା ଏଲେଇଚେସି, “ସୁଦୁଜୀଞ୍ଜୁ ଏଲେଇଞ୍ଜି ଝେସିମାଞ୍ଜାନେ, ଇଦାଆଁ ଦସା କତିନି ଜାତି ତ:ରି ଗାଗାଣାଈ ଜିରୁସାଲମତି ଜୀହୁଦି ଲକୁ ଇଲେକ୍ ଦସାନା ଜୀହୁଦିଆଆତି ଲକୁତି କେୟୁତା ହେରପିନେରି □”

୧୨ ଇ ବାରେ କାତା ଝେଞ୍ଜାନା ଜିରୁସାଲମତା ହାଲାଆନି ଇଞ୍ଜି ମାମ୍ନୁ ଅଡେ ଏମ୍ପାତି ଲକୁ ବାତିମାଲିତମି □

୧୩ ସାମା ପାଞ୍ଜୁଲ ଏଲେଇଚେସି, “ମୀରୁ ଡୀହି ଡୀହି ଏନାଆଁତାକି ନା ହିୟାଁତି କାଡି କିହିମାଞ୍ଜେରି, ଏନିଇତିହି ନାନୁ ପ୍ରବୁ ଜୀସୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣ୍ପିମାଈ, ଇଞ୍ଜି ଇଚେସି □”

୧୪ ଏଞ୍ଜେଲ୍ସି ମା କାତା ମାନଞ୍ଜି ଆଆତାକି ମାମ୍ନୁ ବାରେ ପାଲେଏ ଆଡମି, ଇଞ୍ଜି “ପ୍ରବୁତି କାତେଏ ଆପେ” ଇଞ୍ଜି ଇଚେସି □

୧୫ ଏମ୍ପାଆଁ ଏଚରଦିନା ମାତି ତାୟୁ ମାମ୍ନୁ ମା ଆସ୍ତି ଆସାନା ଜିରୁସାଲମତା ହାଚମି □

୧୬ ଅଡେ କୁପ୍ରତି ମନାସନ ଦରୁଗାଟି ର ନାମୁଗାଗାସି ଅଡେ କାୟିସରିୟାଟି ଏଚରଜାଣା ସୀସୁୟାଁ ମା ତଲେ ହାଚେରି; ମନାସନ ଇଜ ମାମ୍ନୁ ଡୁୟିନାୟି ମାଚେ □

ଜାକୁବ ତଲେ ପାଞ୍ଜୁଲ ବେଟାଆନାୟି

୧୭ ମାମ୍ନୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଜେ ରାହାଁଟି ହାଟା ଅୟାଚେରି □

୧୮ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାଚେସି; ଅଡେ ବାରେ ପ୍ରାତିନାକ୍ମା ଏମ୍ପାଆଁ କୁଡା ଆଚେରି □

୧୯ ପାଞ୍ଜୁଲ ଏଞ୍ଜାରାଈ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜୀହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଝେସ୍ପେସି □

୨୦ ଏଞ୍ଜେଲ୍ସି ଏଦାଆଁ ଝେଞ୍ଜାନା ମାହାପୁରୁତି ଜହରା କିଚେରି, ଅଡେ ଏଞ୍ଜାଣାଈ ଏଲେଇଚେରି, “ଏ ତାୟି, ପାଞ୍ଜୁଲ ନାଏଁ ମେସିମାଞ୍ଜି

ଜୀହ୍ଵଦିୟାଁ ବିଦ୍ରାଟି ମାଣା ମାଣା ଲକୁ ନାମିମାନେରି, ଏଞ୍ଜାରି
ବାରେଜାଣା ମେରାତି ମାନଞ୍ଜି ଆହିମାନେରି □

୨୧ ଏଞ୍ଜାରି କାରୁ ବେଟାଆହା ମାନେରି, ନୀନୁ ଏଟକା କୃତାତାରି
ତାଣା ବାସା ଆହାମାନି ବାରେ ଜୀହ୍ଵଦି ଲକୁଣି ମସାତି ମେରା
ପିସାଲି, ଏଞ୍ଜାରି କକାରି ତଲୁ ଦାଦୁ, ଅଡ଼େ ଜୀହ୍ଵଦି ଲକୁତି ପାଣାପାଟୁ
ମାନଞ୍ଜି ଆଆଦୁ ଇଞ୍ଜିଁ ଜାପୁହିମାଞ୍ଜି □

୨୨ ନୀନୁ ଇମ୍ଫାଆଁ ଖାହାମାନି କାରୁ ସାତେଏ ଏଞ୍ଜାରି ଖେନେରି,
ଆତିହୁଁ ଏନି କିନାୟି ?

୨୩ ଏଦାଆଁତାକି ମାମ୍ଫୁନିଞ୍ଜେ ଏନାଆଁ ଖେସିମାଞ୍ଜାନମି ଏଦାଆଁ
କିମ୍ଫୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରମାଣା
କିହାମାନେରି;

୨୪ ଏଞ୍ଜାରିତଲେ ହାଲାମୁ ଇଞ୍ଜାଁ ଏଞ୍ଜାରିତଲେ ଆଣ୍ଠାନା ନିଞ୍ଜେ
ଅଟହା କତାମୁ, ଇଞ୍ଜାଁ ଏଞ୍ଜାରି ତାର୍କା ହିଣ୍ଠାନି କାରୁଁ ହୀମୁ, ଆତିହୁଁ
ବାରେ ଲକୁ ମେସାନା ଏଞ୍ଜାରି ନୀ କପାଟି ଖେସାମାନି କାତା ଏନି
ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି
ଇଞ୍ଜିଁ ପୁଞ୍ଜାମାନେରି □

୨୫ ✨ସାମା ଆମିନି ଏଟକା କୃତାତାରି ନାମାମାନେରି, ଏଞ୍ଜାରି
ପେଣକା ବମାୟାକି ପୂଜା ହୀହାମାନି ବଗୁ, ନେତେରି ଇଞ୍ଜାଁ ହେରକି
ତିଣ୍ଠାନା ପାୟିତି ଜନ୍ତୁତି ଉଞ୍ଜା ତିନାଆଦୁ, ଇଞ୍ଜାଁ ଦାରିକାମାଟି
ଏଟକା ଆଦୁ, ଇଞ୍ଜିଁ ମାମ୍ଫୁ ତାରିକିହାଁ ଏଞ୍ଜାରାକି ର ଆକୁ
ରାଟାମାନମି □”

୨୬ ଏମ୍ଫାଟିଏ ପାଞ୍ଜୁଲ ଅର ଦିନା ଏଞ୍ଜାରିତଲେ ହାଜାନା ଅଟହା
କତିନି ମେରା ମାନଞ୍ଜି ଆଡେସି, ଇଞ୍ଜାଁ ମାହାପୂରୁ ଇଲୁତା ହାଜାନା
ତାମି ଅଟହା କତିନି ଦିନାୟାଁ ଏଚେଲା ରାଢେ ଅଡ଼େ ବାରେଜାଣା
ତାକି ଏନି ଏନି ପୂଜା କିନାୟିମାନେ ଏ ବାରେ ଖେସ୍ଵେସି □

ମାହାପୂରୁ ଇଲୁତା ପାଞ୍ଜୁଲ ଦସପି ଆନାୟି

୨୭ ଏ ସାତା ଦିନା ପୂରା ଆହିମାଟାଟି ଆସିୟା ଦେସାଟି ଏଚେକା
ଜୀହ୍ଵଦି ଲକୁ ମାହାପୂରୁ ଇଲୁତା ପାଞ୍ଜୁଲଇଁ ମେସାନା ଏଞ୍ଜାରି ଏମ୍ଫାଆଁ

କୃତା ଆହାମାନି ମାନ୍ଦା ଲକୁଣି ମାଡ଼ି କିତେରି, ଅଡ଼େ ଏଞ୍ଜାଣାଙ୍କ
ଆସାନା କାଲୁଞ୍ଜି ଆହୁଁ ଏଲେଇଚେରି □

୨୮ “ଏ ଇସ୍ରାୟେଲତି ଲକୁ ସାୟେମି କିୟାଦୁ; ଇଞ୍ଜାସି ସାରିଞ୍ଜାକି
ହାଜାନା ଇସ୍ରାୟେଲ ଲକୁତି କପାଟି ଅଡ଼େ ମସା ହୀତି ନେରା
ଇଞ୍ଜା ଇ ମାହାପୁରୁ ଇଲୁ କପାଟି ଜାପୁହିମାନେସି □ ଇଞ୍ଜା ନୀଏ
ଏଚରଜାଣା ଜାହୁଦିଆଆତି ଲକୁଣି ମାହାପୁରୁ ଇଲୁତା ତାଚାନା ସୁଦୁ
ଚାୟୁତି ପଲୁଆ କିହିମାନେସି □”

୨୯ ✧ ଇଚିହୁଁ ଏଞ୍ଜାରି ଗାଡ଼ାତା ଏପିସିୟତି ତ୍ରିପିଲଙ୍କ ପାଞ୍ଜୁଲ
ତଲେ ମେସାମାଚେରି, ଅଡ଼େ ଏଞ୍ଜାଣାଙ୍କ ମାହାପୁରୁ ଇଲୁତା
ତାଚାମାନେସି ଇଞ୍ଜୁଁ ଅଶପିମାଚେରି □

୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡ଼େ, ଇଞ୍ଜା ଲକୁ ମାନ୍ଦା
ମାନ୍ଦା ଆହୁଁ ହଚାନା ପାଞ୍ଜୁଲଙ୍କ ଆସାନା ମାହାପୁରୁ ଇଲୁଟି ରେଜା
ତାଚେରି; ଇଞ୍ଜା ଏ ଦେବୁଣିଏ ମାହାପୁରୁ ଇଲୁତି ଦାଋୟା ସୁଣ୍ଡିଚେରି
□

୩୧ ଅଡ଼େ ଏଞ୍ଜାରି ପାଞ୍ଜୁଲଙ୍କ ପାୟାଲି ଅଶପିଚେରି, ଇଞ୍ଜା
ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜୁଁ ରିଜାରି କସକାତି
କାଜାଣି ତାଣା କାବୁ ହୀଚେରି □

୩୨ ଏମ୍ବାଟିଏ ଏଞ୍ଜାସି ଦେବୁଣିଏ ରିଜାରି କସକା ଇଞ୍ଜା ପାସାକଡ଼ି
କସକା ମୁହେଁ କାଜାରାଙ୍କ ଆସାନା ଏଞ୍ଜାରିତାଣା ଦାବୁଡ଼ି ହାଚେସି,
ଲକୁ ରିଜାରି କସକା ଅଡ଼େ କସକା ମୁହେଁ କାଜାରାଙ୍କ ମେସାନା
ଏଞ୍ଜାରି ପାଞ୍ଜୁଲଙ୍କ ଝେଟାଲି ପିସ୍ତେରି □

୩୩ ଏମ୍ବାଟିଏ କସକା ମୁହେଁ କାଜାସି ପାଞ୍ଜୁଲ ତାଗେ ହାଜାନା
ଏଞ୍ଜାଣାଙ୍କ ଆସାନା ରୀ ହିକ୍‌ଣିୟା ତଲେ ଦସାଲି ହୁକୁମି ହୀଚେସି,
ଅଡ଼େ “ଇଞ୍ଜାସି ଆମ୍ବାଆସି ? ଏନାଆଁ କିହାମାନେସି ଇଞ୍ଜୁଁ ଝେଚେସି
?”

୩୪ ଏଚେଟିଏ ଲକୁ ବାରେ ଆମ୍ବାଆରି ଇ କାତା ଆମ୍ବାଆରି ଏ
କାତା ଇଞ୍ଜୁଁ କାଲୁଞ୍ଜି ଆଚେରି, ଇଞ୍ଜା ଏନାଆଁ ଆହାମାନେ ଇଞ୍ଜୁଁ
ତୀରପୁତି କାତା ପୁନାଆନା ପାଞ୍ଜୁଲଙ୍କ କଟା ଇଲୁତା ଅହାଲି କସକାଣି
ହୁକୁମି ହୀଚେସି □

୩୫ ଏଚିବେଲା ଏଝାସି ପାଝୁଜି ପିଣ୍ଡାଣା ଏଗାହାଜାଲିଏ, ଲକୁତି ମାନ୍ଦା କାରବିଟି କାଲୁଝି ଆୟାଲିଏ କସକା ପାଝୁଲଇଁ ଇଲୁ ବିତ୍ରା ଡେକା ଅଡେରି □

୩୬ ଇଚିହିଁ ମାନ୍ଦା ମାନ୍ଦା ଲକୁ ଜେଟ ଝାହିହିଁ “ଏଝାଣାଇଁ ପାୟାନ୍ତୁ” ଇଞ୍ଜିଁ କାଲୁଝି ଆହିମାଚେରି □

ପାଝୁଲ ତାନୁଏ ତାଜେତାକି ଝେହନାୟି

୩୭ ଏଝାରି ପାଝୁଲଇଁ କଟା ଇଲୁ ବିତ୍ରା ଅହିମାଚାଟି ଏଝାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ ନିଜେ ର କାତା ଝେସାଲି ଆଡାଇଁ କି ?” ଏମ୍ବାଟିଏ କାଜାସି ଏଲେଇଚେସି “ନାନୁ ଗିକ୍ ହାଡ଼ା ପୁଞ୍ଜି କି ?

୩୮ ଆତିହିଁ ଇଦାଆଁ ନଡକଏ ଏମିନି ମିସରତି ଲକୁ ଗଡ଼ହା ହପ୍ତହାନା ସାରି ମାଣା କାଗଂରାଣି ଲକୁ ହିଲାଆ ଟାୟୁତା ଅହାମାଚାଟି ନାନୁ ଏଝାତି ଆଏ କି ?”

୩୯ ଏମ୍ବାଟିଏ ପାଝୁଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାତି ତାର୍ସ ଇଞ୍ଜିହିଁ ଝେଜିତି ଗାଡ଼ାତା ଜାର୍ନା ଆଡାତେଏଁ; ଇ ଲକୁଣି କାତା ଝେସାଲି ନାଜେ ହେଲ ହିୟାମୁ □”

୪୦ ଏ କାଜାସି ହେଲ ହିୟାଲିଏ, ପାଝୁଲ ପାଝୁଜିକାଣା ନିଚାନା ଲକୁଣି କେୟୁତଲେ ସାପି କିତେସି; ଇଞ୍ଜା ବାରେଜାଣା ସାପି ଆହାଲିଏ ଏଝାସି ଏବ୍ରି ହାଡ଼ାତଲେ ଏଝାରାଇଁ ଏଲେଇଚେସି □

୨୨

୧ “ଏ ତାୟିୟାଁ ଅଡେ ତାଞ୍ଜିୟାଁତେରି, ନାନୁ ନୀଏଁ ମୀ ନକିତା ନା ଝାକିଟି କାତା ଝେସିମାଞ୍ଜାଇଁ, ଝେଞ୍ଜାଦୁ!”

୨ ପାଝୁଲ ଏଝାରି ନକିତା ଏବ୍ରି ହାଡ଼ାତଲେ ଜଲିମାନାଣି ଝେଞ୍ଜାନା; ଏଝାରି ହାଡ଼ା ଆଆନା ପାଲେଏ ଆଡେରି, ଅଡେ ପାଝୁଲ ଜଲାଲି ମାଟ୍‌ହେସି □

୩ ☆ଏମ୍ବାଟିଏ ଏଝାସି ଏଲେଇଚେସି, “ନାନୁ ର ଜୀହୁଦି ଲକୁତେଏଁ, କିଲିକିୟାତି ତାର୍ସତା ନା ଜାର୍ନା, ସାମା ନାନୁ ଇ ଜିରୁସାଲମ ଗାଡ଼ାତା

ପହିଘାଡ଼ି ଆହାମାଙ୍କ, ଗମଲିୟେଲ ତାଣା କୁଗାନା ଜାପାମାଙ୍କ, ମା
ଆକୁ ଆବାୟାତି ମେରାତି ନେହୁଁକଁ ଜାପାମାଙ୍କ; ମୀରୁ ଏନିକଁ
ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହଁ ମାନଞ୍ଜି
ଆନାତେଏଁ ମାଚେଏଁ;

୪ *ନାନୁ ଇ ଜିରୁତା ତାକିମାନି ଇୟାସିକା ଆବାୟାଣି ହାନି
ପାତେକା ସାସ୍ତି କିହିମାଚେଏଁ, ଅଡ଼େ ଦସ୍ପାନା କାୟିଦି ଇଲ୍‌କାଣା
ହେରପିମାଚେଏଁ □

୫ ନା ଇ କାତା ସାତା, କାଜା ପୂଜେରାଙ୍ଗା ଅଡ଼େ କାଜା ବେରଣି
ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାକି ଆକୁ ରାସାନା
ଲକୁଣି ହିକଣିୟା ତଲେ ଦସ୍ପାନା ଜିରୁସାଲମତା ତାଚାଲି ତାକି
ନାନୁ ଦମେସକତା ମାନି ଜାହୁଦି ଲକୁତାଣା ହାଜାମାଚେଏଁ □”

ପାଞ୍ଜୁଲ ତାନି ମନ ଝେଟ୍‌ହାଣି ଝେହ୍‌ନାୟି

(କାମା ୯:୧-୧୯; ୨୭:୧୨-୧୮)

୬ “ନାନୁ ଦମେସକ ତାଗେ ଏଜିମାତାଟି ମାଦେନା ବେଲ୍‌ମାତା
ଦେବୁଣିଏ ନା ସାରିଞ୍ଜାକି ହାଗୁଲ୍‌କଟି ର ତାହାଣା ଉଜେଡ଼ି ଡ଼ାଞ୍ଜିତେ
□

୭ ଏମ୍ବାଟିଏ ନାନୁ ବୁମିତା ତରଗିତେଏଁ, ଇଞ୍ଜା ନାଙ୍ଗେ ତାକି
ଝେସିମାଟି ଇ ହାଡ଼ା ଝେଚେଏଁ, ‘ସାଞ୍ଜୁଲ, ସାଞ୍ଜୁଲ ଏନାଆଁତାକି
ନାଙ୍ଗେ ସାସ୍ତି ହାହିମାଞ୍ଜାଦି?’

୮ ନାନୁ ଏଲେଇଚେଏଁ, ‘ପ୍ରବୁ ନାନୁ ଆମ୍ବାଆତି?’ ଏମ୍ବାଟିଏ ଏଞ୍ଜାସି
ନାଙ୍ଗେ ଏଲେଇଞ୍ଜାତେସି, ‘ନାନୁ ଆମ୍ବାଆରାଙ୍କ ସାସ୍ତି ହାହିମାଞ୍ଜି
ନାଜରିତତି ଜାସୁତେଏଁ ନାନୁ □’

୯ ନା ତଲେ ମାଟି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଙ୍ଗେ
ଝେସ୍ତାତି ହାଡ଼ା ଝେନାଆତେରି □

୧୦ ଏଚେଟିଏ ନାନୁ ଏଲେଇଚେଏଁ, ‘ପ୍ରବୁ ନାନୁ ଏନାଆଁ କିଇଁ
?’ ଏଚେଟିଏ ପ୍ରବୁ ନାଙ୍ଗେ ଝେସ୍ତାତେସି, ‘ନିଙ୍ଗାନା ଦମେସକତା
ହାଲ୍‌ମୁ, ଅଡ଼େ ନିଙ୍ଗେ ଏନାଆଁ କିହାଲି ଆନେ ଏଦାଆଁ ଏମ୍ବାଆଁ
ଝେସ୍ତାଙ୍କ □’

୧୧ ଏ ଉଦ୍ଦେଷ୍ଟି ମିଶ୍ରି ସି ମାଚାକି ନାନୁ କାଣା ଆହାହାଚେଏ, ଇଞ୍ଜା ନା ତଲେ ଖାହିମାଚାରି ନାଙ୍ଗେ କେୟୁ ଆସାନା ଦମେସକତା ଅୟାତେରି □”

୧୨ “ଏ ଗାଡ଼ାତା ହନନିୟ ଇଞ୍ଜିହୁଁ ର ଦାମ୍ବୁଗାଟାସି ମାଚେସି, ଏଞ୍ଜାସି ମା ମୋରାତି ମାନୁଞ୍ଜି ଆନାସି, ଇଞ୍ଜା ଦମେସକତି ଜାହୁଦି ଲକୁତାଣା ମାନ୍ନିଗାଟାସି ଅଡ଼େ ଖେଜିତାସି ମାଚେସି □

୧୩ ଏଞ୍ଜାସି ନା ତାଣା ଖାହାନା ଦାରିତା ନିଚାନା ନାଙ୍ଗେ ଏଲେଇଞ୍ଜାତେସି, ‘ଏ ସାଞ୍ଜୁଲ ତାୟି ମେହମୁ’ ଏ ଦେବୁଣିଏ ନା କାଣକା ଦେପିଆଡୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡ଼ିତେଏଁ □

୧୪ ଏଞ୍ଜାସି ଏଲେଇଞ୍ଜାତେସି, ‘ମା ଆକୁ ଆବାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ତୀରି ଗାଟାଣାଇଁ ମେସାଲି, ଅଡ଼େ ତାନି ଗୁଡ଼ିଟି ହରିମାନି ହାଡ଼ା ଖେଞ୍ଜାଲି ଆଚାମାଞ୍ଜାତେସି □

୧୫ ଇଚିହୁଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଡ଼ି □

୧୬ ଅଡ଼େ ନୀଏଁ ଏନାଆଁତାକି ଖେଡ଼ା କିହିମାଞ୍ଜି, ନିଙ୍ଗାମୁ ବାପ୍ତିସ୍ମ* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରଞ୍ଜି କିହାକତାମୁ □”

ପାଞ୍ଜୁଲ ଜାହୁଦିଆଆଡ଼ି ଲକୁତାଣା ପାଣୁଞ୍ଜି ଆନାୟି

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାତାନା କିହିମାଚାଟି, ସେୟାଣା ହାପାନାତା ମେସ୍ତେଏଁ,

୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେଏଁ, ଏଞ୍ଜାସି ନାଙ୍ଗେ ଏଲେଇଞ୍ଜାତେସି, ‘ତବେ ଜିରୁସାଲମ ପିହମୁ, ଇଚିହୁଁ ଇମ୍ବାଡ଼ି ଲକୁ ନା ସାକି ହୀନାଟି ନୀ କାତା ଆହୁଅରି □’

୧୯ ଏମ୍ବାଟିଏ ନାନୁ ଏଲେଇଚେଏଁ ‘ପ୍ରବୁ ନାନୁ ଜାହୁଦି ଲକୁଡ଼ି କୁଟମି ଇଲୁକାଣା† ହାଜାନା ନିଙ୍ଗେ ନାମାନାରାଇଁ ଖେତାନା କାୟିଦି ଇଲୁତା ସୁଣ୍ଡିମାଚାଣି ଏଞ୍ଜାରି ନେହୁଁକୁଁ ପୁଞ୍ଜାମାନେରି;

* ୨୨:୧୭ ୨୨:୧୭ମୁଞ୍ଜିନାୟି † ୨୨:୧୯ ୨୨:୧୯ ସିନଗଗ

୨୦ ☆ଅଡ଼େ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏ; ଇଞ୍ଜା ବେଲେଏ ହାଡ଼େସି ଇଞ୍ଜି ଅଣ୍ଡିମାଚେଏ, ଅଡ଼େ ପାୟିମାଚାରି ହିମ୍ବୁରିକା କାଚିମାଚେଏ □

୨୧ ସାମା ପ୍ରୁ ନାଙ୍ଗେ ଏଲେଇଞ୍ଜାତେସି, ‘ହାଲାମୁ ଇଚିହିଁ ନାନୁ ନିଙ୍ଗେ ହେକ ଦେସାତି ଜୀହୁଦିଆଆତି ଲକୁଡାଣା ପାଣ୍ଡାଇଁ □’ ”

୨୨ ପାଞ୍ଜୁଲ ଏଲେଇଞ୍ଜା ଝେହ୍ନି ପାତେକା ଲକୁ ଝେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲୁଝି ଆହାନା ଏଲେଇଚେରି, “ଏଞ୍ଜାଣାଇଁ ପାଙ୍ଗାତା ତାଚାହାଁ ପାୟାନା ଦାର୍ତ୍ତିତି ମ୍ଲେକ୍ତହା ତୁହ୍ତୁ, ଏଞ୍ଜାସି ନୀତାଲି ପାଡ଼ାଆଅସି □”

୨୩ ଅଡ଼େ ଏଚିବେଲା ଏଞ୍ଜାରି କିଲଡ଼ି କିହିଁ ତାମି ହିମ୍ବୁରିକା କୁତିହିଁ ଲାକଞ୍ଜାକି ଦୂଡ଼ି ଡ଼ାଞ୍ଜିତେରି,

୨୪ ଏଚିବେଲା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ କଟା ଇଲୁ ବିତ୍ରା ଅହାଲି ହୁକୁମି ହୀତେସି, ଅଡ଼େ ଜୀହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଜୁଲଇଁ ସାଟ୍‌ଣି ତଲେ ଝେଚାନା ଝେଞ୍ଜୁ ଇଞ୍ଜି ହୁକୁମି ହୀତେସି □

୨୫ ସାମା ଏଞ୍ଜାରି ଏଞ୍ଜାଣାଇଁ ସାଟ୍‌ଣି ତଲେ ଝେଚାଲି ତ:ରିତଲେ ଦସାଲିଏ, ପାଞ୍ଜୁଲ ଦାରିତା ମାଟି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, “ଏମିନି ଦହ୍ତା ନୀହାଁୟି କିଝି ଆହାହିଲାଆ ର ରମ୍ ଦେସା ତାଣାଇଁ ସାଟ୍‌ଣି ତଲେ ଝେଚାଲି ଏନି ମେରା ମାନେ କି ?”

୨୬ ଇଦାଆଁ ଝେଞ୍ଜାନା କହ୍‌ଏସି ପାସାକଡ଼ି କସକା ମୁହେଁ କାଜାଣା ତାଣା ହାଜାନା ଏଲେଇଚେସି, “ନାନୁ ଏନାଆଁ କିହାଲି ହାଜିମାଞ୍ଜି, ଇଚିହିଁ ଇଞ୍ଜାସି ରମିୟ ଲକୁ □”

୨୭ ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଝାହାନା ପାଞ୍ଜୁଲଇଁ ଝେଚେସି, “ନାନୁ ନାଙ୍ଗେ ଝେସ୍ତାମୁ ନାନୁ ରମ୍ ଦେସାତାତି କି ?” ପାଞ୍ଜୁଲ ଏଲେଇଚେସି “ହାଅ □”

୨୮ ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଏଲେଇଚେସି, “ନାନୁ ହାଚେରକା ଟାକାୟାଁ ହାହାନା ରମ୍ ଦେସାତାତେଏ ଆହାମାଇଁ □” ସାମା ପାଞ୍ଜୁଲ ଏଲେଇଚେସି, “ନାନୁତ ଜାନାଟିଏ □”

୨୯ ଏମାଟିଏ ଆମ୍ବାଆରି ପାଞ୍ଜୁଲଇଁ ଖେଞ୍ଜାଲି ତିୟରା ଆହାମାଚେରି, ଦେବୁଣିଏ ଗୁଚା ଆହାହାଚେରି, ଇଚିହିଁ ପାଞ୍ଜୁଲ ରମ୍ ଦେସାତାସି ଇଞ୍ଜିଁ ପୁଞ୍ଜାନା ର ମାଣା କସକା ମୁହେଁ କାଜାସି ଏଞ୍ଜାଣାଇଁ ହିକ୍‌ଣିୟାଁ ତଲେ ଦସପି କିହାମାଚାକି ତାନୁଏ ଆଜିତେସି
□

କାଜା ବେରଣିମାଣ୍ଡା ନକିତା ପାଞ୍ଜୁଲ

୩୦ ଜାହୁଦି ଲକୁ ପାଞ୍ଜୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସକା ମୁହେଁ କାଜାସି ତାନି ଅର ନେରୁ ପାଞ୍ଜୁଲତି ହିକ୍‌ଣିୟାଁ ହୁକ୍‌ହାନା କାଜା ବେରଣିମାଣ୍ଡାତି ବାରେଜାଣାତି କୁଡିକିହାଲି ପୂଜେରାଙ୍ଗାଣି ହୁକୁମି ହୀତେସି □ ତାୟୁ ପାଞ୍ଜୁଲଇଁ ଏଞ୍ଜାରି ନକିତା ନିପହେସି □

୨୩

୧ ପାଞ୍ଜୁଲ ଜାହୁଦି ଲକୁତି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନକିହାନା ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ନାନୁ ନୀଞ୍ଜୁପାତେକା ମାହାପୁରୁ ନକିତା ନେହିଁ ଅଣ୍‌ପୁ ତଲେ ନୀତାମାଇଁ, ଏଦାଆଁତାକି ନା ହିୟାଁ ହାରେକା ଅତିତାୟି
□”

୨ ଇ କାତା ଖେଞ୍ଜାନା କାଜା ପୂଜେରା ହାନାନ ପାଞ୍ଜୁଲ ଦାରିତା ନିଚାମାନି ଲକୁଇଁ ତାନି ଗୁତିତା ଖେଡୁ ଇଞ୍ଜିଁ ହୁକୁମି ହୀତେସି □

୩ ☆ପାଞ୍ଜୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସପିତି ଦବ୍‌ଲା କାତି ମାହାପୁରୁ ନିଙ୍ଗେ ଖେଡାନେସି, ନୀନୁ ମସାତି ଫେରା ଲେହେଁ ନାଙ୍ଗେ ନୀହାୟି କିହାଲି କୁଗାମାଟି ଜିକେଏ, ନୀନୁ ନାଙ୍ଗେ ଖେଡାଲି ହୁକୁମି ହୀହାନା ନୀନୁଏ ମସାତି ଫେରା ଉରିମାଞ୍ଜି □”

୪ ଏଚେଟିଏ ଦାରିତା ନିଚାମାଟି ଲକୁ ପାଞ୍ଜୁଲଇଁ ଏଲେଇଚେରି, “ନୀନୁ ମାହାପୁରୁତି କାଜା ପୂଜେରାଇଁ ଲାଜା କିହିମାଞ୍ଜି □”

୫ ପାଞ୍ଜୁଲ ଏଲେଇଚେସି, “ଏ ଇସ୍ରାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୂଜେରା ଇଞ୍ଜିଁ ପୁଞ୍ଜା ହିଲାଆତେସି;

ଇଚିହଁ ଦାମ୍ଭୁପତିତା ରାସ୍‌କି ଆହାମାନେ, 'ମୀରୁ ମୀ ସାଲଞ୍ଜି କିନାରାଇଁ ବାକା ଇଟାଆଦୁ □' "

୬ ✨ସାମା ପାଞ୍ଜୁଲ ର ବାଗା ସାଦୁକିୟାଁ ଅଡ଼େ ର ବାଗା ପାରୁସିୟାଁ ମାନେରି ଇଞ୍ଜିଁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାତଲେ ଏଲେଇଚେସି, "ଏ ଇସ୍ରାୟେଲ ତାୟିୟାଁତେରି ନାନୁ ର ପାରୁସିତେଏଁ ଇଞ୍ଜାଁ ପାରୁସି ମୀରଏଣାତେଏଁ; ଇଞ୍ଜାଁ ହାଡ଼ାରି ଖେଣ୍ଡେ ନିଞ୍ଜିନେରି ଇଞ୍ଜିଁ ଆସା କିହିମାନାକି ମୀରୁ ନାଞେ ନୀହାୟି କିହିମାଞ୍ଜାଦେରି □"

୭ ଏଞ୍ଜାସି ଇ କାତା ଏଲେଇଶ୍‌ମୁନିଏ ପାରୁସି ଅଡ଼େ ସାଦୁକି ଲକୁ ବିତ୍ରା ଗଡ଼ହା ହଡ଼େ, ଇଞ୍ଜାଁ କାଜା ବେରଣି ମାଣ୍ଡାତାରି ଗତି ଗତି ଆହାଁ ରୀ ବାଗା ଆଡ଼େରି □

୮ ✨ଇଚିହଁ ସାଦୁକିୟାଁ ଖେଣ୍ଡେ ନିଞ୍ଜିନାୟି ହିଲେଏ, ଦୂତୁୟାଁ ଅଡ଼େ ଜୀଞ୍ଜୁୟାଁ ହିଲାଇ ଇନେରି, ସାମା ପାରୁସିୟାଁ ଏ ବାରେତି ନାମିନେରି □

୯ ଏମ୍ବାଟିଏ କାଜା ଗଡ଼ହା ଆଡ଼େ, ଅଡ଼େ ପାରୁସିୟାଁ ବିତ୍ରାଟି ଏଚରଜାଣା ମେରାପୁନାରି ନିଞ୍ଜାନା ଏଲେଇଚେରି; "ମାମ୍ ଉଞ୍ଜାଣି ତାଣାଟି ଏନି ଦହ ବେଟାଆଆତମି, ସାତେଏ ଏଞ୍ଜାଣି ତାଣାଟି ର ଜୀଞ୍ଜୁ ଆଆତ ଲାକପୁରୁତି ଦୂତୁ କାତା ଖେସାମାନେ □"

୧୦ ଇଲେଆହଁ କାଜା ଗଡ଼ହା ଆହାଲିଏ, ପାଞ୍ଜୁଲଇଁ ଏଞ୍ଜାରି କାଣ୍ଡାମୁକା କିନେରି ଇଞ୍ଜିଁ ଆଜିତାକି ର ମାଣା କସକା ମୁହେଁ କାଜାସି ପାଞ୍ଜୁଲଇଁ ଏଞ୍ଜାରି ତାଣାଟି ଗେଲ୍‌ପାନା ବାଲ୍‌ମିଟି କଟା ଇଲୁ ବିତ୍ରା ଅହାଲି କସକାଣି ହୁକୁମି ହୀତେସି □

୧୧ ଏ ନେରୁ ଲାଆଁୟାଁ ପ୍ରୁ ପାଞ୍ଜୁଲଇଁ ଏଲେଇଚେସି, "ଆଜାଆନି, ସାସା ଆହମ୍ ଇଚିହଁ ନୀନୁ ଜିରୁସାଲମତା ଏନିକଁ ନା ସାକି ହୀତି, ରମ୍ ଗାଡ଼ାତା ଜିକେଏ ଏଲେକିହଁ ନା ସାକି ହୀନାୟି ମାନେ □"

ପାଞ୍ଜୁଲଇଁ ପାୟାଲି ଅଶ୍‌ପିନାୟି

୧୨ ଅର ଦିନା ଲାଭ, ଜୀହ୍ୱଦିୟା ଜାତୁ ଆହାନା ପାଞ୍ଜୁଲଇଁ ପାୟାଆ ପାତେକା ଏନି ରାନ୍ଦା କି ଏୟୁ ତୀଗାଆପ ଇଞ୍ଜି ତାମ୍ବୁତାମ୍ବୁସୁ ପାର୍ମାଣା କିହାମାଚେରି □

୧୩ ଏଲେଇଞ୍ଜି ଅଶ୍ପି ମାଚାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି □

୧୪ ଏଞ୍ଜାରି କାଜା ପୂଜେରାଙ୍ଗା ଅଡ଼େ ପ୍ରାଚିନାଙ୍ଗା ତାଣା ଝାହାଁ ଏଲେଇଚେରି, “ମାମ୍ବୁ ପାଞ୍ଜୁଲଇଁ ପାୟାଲି ଆଡ଼ାଆ ପାତେକା ଏନାଆଁ ତିନଅମି କି ତୀଗଅମି ଇଞ୍ଜି ମାମ୍ବୁ ମାଙ୍ଗେତାକି ପାର୍ମାଣା କିହାମାନମି □

୧୫ ଏନାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସ୍‌କା ମୁହେଁ କାଜାଣାଇଁ ନାଡ଼ି କିହଁ ଏଲେଇଞ୍ଜୁ, ମାମ୍ବୁ ପାଞ୍ଜୁଲ ଏନାଆଁ କିହାମାନାଣି ନେହଁ କଁ ଝେନମି ଇଞ୍ଜିହଁ ମୀ ତାଣା ହାଡ଼ିକିତୁ, ଏଚେଟିଏ ଏଞ୍ଜାସି ମୀ ତାଣା ଏଗାଝାଆ ନଚେଏ ପାୟାଲି ଜାଗ୍ରାତା ଆହା ଡ଼ୟିନମି □”

୧୬ ସାମା ପାଞ୍ଜୁଲ ତାମି ବାଣ୍ଞା କସ୍‌କା ଜଲୁକି ଆହିମାଟି କାତା ଡ଼ଗୁନା ଝେଚେସି; ଇଞ୍ଜା କଟା ଇଲୁ ବିତ୍ରା ଝାହାନା ପାଞ୍ଜୁଲଇଁ ଇ ବାରେ କାତା ଝେସେସି □

୧୭ ଏଚେଟିଏ ପାଞ୍ଜୁଲ ର ରମିୟ କହ୍‌ଏଣାଇଁ ହାଟାନା ଏଲେଇଚେସି, “ଇ ଦାଂଗଣେଣାଇଁ ର ମାଣା କସ୍‌କା ମୁହେଁ କାଜାଣି ତାଣା ଅମ୍ବୁ, ଇଚିହଁ ଇଞ୍ଜାସି ର କାତା ଏଞ୍ଜାଣାଇଁ ଝେହ୍‌ନାୟି ମାନେ □”

୧୮ ଏଚେଟିଏ ଏଞ୍ଜାସି ର ମାଣା କସ୍‌କା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଜୁଲ ନାଙ୍ଗେ ହାଟାନା ନୀ ତାଣା ଇ ଦାଂଗଣେଣାଇଁ ତାଚାଲି ବାଡ଼ିମାଲ୍ଲାଡେସି, ନିଙ୍ଗେ ଝେସାଲି ଇଞ୍ଜାଣାକି ର କାତା ମାନେ □”

୧୯ ର ମାଣା କସ୍‌କା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ ହିଲ୍ଲାଆ ତାଣା ଅହାନା ଝେଚେସି, “ନାଙ୍ଗେ ନୀନ୍ଦୁ ଏନାଆଁ ଝେସ୍ତାନାୟିମାନେ ଝେସ୍ତାମ୍ବୁ □”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ ଏନାଆଁ କିହାମାନେସି ଏନାଆଁ ନେହଁ କଁ ପୁଞ୍ଜାଲି ଏଞ୍ଜାଣାଇଁ ଝିଏ କାଜା ବେରଣିମାଣ୍ଡାତା ମା

ତାଣା ତାମ୍ଭୁ ଇଞ୍ଜିଁ ଜୀହୁଦି ଲକ୍ଷୁତି କାଜାରି ନାଡ଼ିକିହାନା ନିଙ୍ଗେ
ବାଡ଼ିମାଲାନେରି,

୨୧ ସାମା ନୀନୁ ଏଞ୍ଜାରି କାତା ମାନୁଞ୍ଜି ଆଆନି, ଇଡ଼ିହୁଁ ଏଞ୍ଜାଣାଇଁ
ପାୟାଲି ଆଡ଼ାଆ ପାତେକା ରାନ୍ଦା ଡ଼ିଡ଼ିହୁଁ କି ଡ଼ାରିଡ଼ିହୁଁ ମାଙ୍ଗେ
ବାକା ଆଟାପେ ଇଞ୍ଜିଁ ମାନି କିହାନା ରୀ କଡ଼ିଟିଏ ଆଗାଡ଼ା
ଲକ୍ଷୁ ଡ଼ରୁହାଁ କାଟାମାନେରି, ନୀର୍ବ ଏଞ୍ଜାରି ନୀ ତାଣାଟି ହେଲ
ବେଟାଆହାଲି କାଟିମାନେରି □”

୨୨ ଏତେଟିଏ ର ମାଣା କସକା ମୁହେଁ କାଜାସି ଏଲେଇତେସି,
“ନୀନୁ ନାଙ୍ଗେ ଖେସ୍ତାଡ଼ି କାତା ଆମ୍ବାଆରାଇଁ ଖେହୁଆନି” ଇଞ୍ଜିଁ
ଖେସାନା ଏ ଦାଂଗଣେଣାଇଁ ପାଣ୍ଡିତେସି □

ପେଲିକସ୍ ତାଣା ପାଞ୍ଜୁଲଇଁ ପାଣ୍ଡିନାୟି

୨୩ ର ମାଣା କସକା ମୁହେଁ କାଜାସି ତାନି ଡ଼ଇ କାମା
କିନି ପାସାକଡ଼ି କସକା ମୁହେଁ କାଜାରାଇଁ ରିଆରାଇଁ ହାଟାନା
ଏଲେଇତେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲାତା କାୟିସରିୟାତା
ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା
ବାଲ୍ଲୀ ଗାଟାରି ତଲେ ରୀ ଖାଞ୍ଜା କସକାଣି ତିୟାରା କିଦୁ □

୨୪ ଅଡ଼େ ଏଞ୍ଜାରି ଏନିକିଁ ପାଞ୍ଜୁଲଇଁ ଗଡ଼ା ଲାକ କୁରିକିହାନା
ସାଲୁଞ୍ଜି କିନି ପେଲିକସ୍ ତାଣା ଜାଗାତା ତଲେ ଅନେରି, ଏଦାଆଁତାକି
ବାରେ କିହାଲି ହୁକୁମି ହୀତେସି □”

୨୫ ର ମାଣା କସକା ମୁହେଁ କାଜାସି ଇଲେଇଞ୍ଜିଁ ର ଆକୁ
ରାଡ଼ିତେସି;

୨୬ “ଏ ମାନିଗାଟି ଦେସା ସାଲୁଞ୍ଜି କିନି ପେଲିକସ୍ କ୍ଲାଞ୍ଜୁଦିୟା
ଲୁସିୟାଡ଼ି ଜହରା □

୨୭ ଜୀହୁଦିୟାଁ ଇ ଲକ୍ଷୁଇଁ ଆସାନା ପାୟାଲି ଅଣ୍ଡିପିମାଟି
ବେଲାତା, ଏଞ୍ଜାସି ର ରମିୟ ଲକ୍ଷୁ ଇଞ୍ଜିଁ ପୁଞ୍ଜାନା, ନୀନୁ କସକା
ତଲେ ହାଜାନା ଏଞ୍ଜାଣାଇଁ ପିସ୍ପି କିତେର୍ବ୍ସ୍ □

୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନୀନୁ
ଏଞ୍ଜାଣାଇଁ ତାମି କାଜା ବେରଣିମାଣ୍ଡାତା ଅହାମାଚେର୍ବ୍ସ୍ □

୨୯ ସାମା ଏଞ୍ଜାସି ହାନି ତଣ୍ଡ କି କାୟିଦି ତଣ୍ଡ ବେଟାଆନି
ଲେହେଁତି ଏନି ଦହ କିହାହିଲଅସି ଇଞ୍ଜି ନାନୁ ପୁଚେସି, ତାନି
କପାଟି ଖାରଇ ତାନି ଦେରାତି କାତାତାକି ଏଞ୍ଜାଣାଇଁ ଦହ
ଦସାମାନେରି □

୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଇଁ ପାୟାଲି ଅଣ୍ଡପିମାନେରି
ଇଞ୍ଜି ନାଙ୍ଗେ କାରୁ ହିୟାଲିଏ ନାନୁ ଇଞ୍ଜାଣାଇଁ ଖେଡ଼ାକିଆନା ନୀ
ତାଣା ପାଣ୍ଡାତେସି; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ
ନକିତା ଏଞ୍ଜାଣି କପାଟି ସାକି ହୀହାଲି ଖେସା ପାଣ୍ଡାତେସି □”

୩୧ ଏମ୍ପାଟିଏ କସକା ହୁକୁମି ବେଟାଆହାନା ପାଞ୍ଜୁଲଇଁ ଅହାନା
ଲାଆଁୟାଁ ବେଲାତା ଏଞ୍ଜାଣାଇଁ ଆଡ଼ିପାଡ଼ିତା ତାତେରି □

୩୨ ଅର ଦିନା ଗଡ଼ାୟାଁ ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା,
କସକା କଟା ଇଲୁତା ଖେଣ୍ଡା ଖାଡ଼େରି □

୩୩ ଗଡ଼ାୟାଁ ଗାଟାରି କାୟିସରିୟାତା ଖାହାନା, ସାଲୁଞ୍ଜି କିନି
ପେଲିକସକି ଆକୁ ହୀହାନା ପାଞ୍ଜୁଲଇଁ ଏଞ୍ଜାଣି ତାଣା ହେରପିତେରି
□

୩୪ ଏଞ୍ଜାସି ଏ ଆକୁ ପଡ଼ୁଞ୍ଜି ଆଡ଼ି ତାୟୁ ନାନୁ ଏନିନି ରାଜିତାତି
ଇଞ୍ଜି ଖେଚେସି; ଅଡ଼େ ଏଞ୍ଜାସି କିଲିକିୟାତି ଲକୁ ଇଞ୍ଜି ପୁଚେସି,

୩୫ ଇଞ୍ଜା ଏଞ୍ଜାସି ଏଲେଇଚେସି, “ନିଙ୍ଗେ ଦହ ଦସାମାଞ୍ଜାନାରି
ଇମ୍ପାଆଁ ଖାଡ଼ିସାରେ ନାନୁ ନୀ କାତା ଖେଞ୍ଜାଇଁ” ଅଡ଼େ ଏଞ୍ଜାସି
ପାଞ୍ଜୁଲଇଁ ହେରଦତି ଇଜ ଇଟାଲି ହୁକୁମି ହୀତେସି □

୨୪

ଜୀହୁଦି ଲକୁ ପାଞ୍ଜୁଲ କପାଟି ଦାଞ୍ଜା କିନାୟି

୧ ପାସା ଦିନା ତାୟୁ କାଜା ପୂଜେରା ହାନାନ, ଏଚେକା ପ୍ରାତିନାଙ୍ଗା
ଅଡ଼େ ତରତୁଲ ଦରୁଗାଟି ଅକିଲା ତଲେ କାୟିସରିୟାତା ଖାଡ଼େରି,
ଅଡ଼େ ଏଞ୍ଜାରି ପାଞ୍ଜୁଲ କପାଟି ସାଲୁଞ୍ଜି କିନି ପେଲିକସ୍ ତାଣା ଦାଞ୍ଜା
କିତେରି □

୨ ପାଞ୍ଜୁଲଇଁ ଏମ୍ପାଆଁ ତାଚାଲିଏ, ତରତୁଲ ଏଞ୍ଜାଣି କପାଟି
ଏଲେଇଚେସି, “ଏ ମାନିଗାଟି ପେଲିକସ୍ ନୀ ତାଣାଟି ମାମ୍ପ ହୁାରେକା
ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜା ନାନୁ ମା ଦେସାତାକି

କିହାମାନି କାମା ବାରେ ଇ କୃତା ତାରାକି ହାରେକା ନେହେଁ
ଆହାମାନେ □

୩ ଇଦାଆଁ ମାମ୍ମୁ ବାରେଜାଣା ତଲେ ବାରେ ତାଣା ହାରେକା
ମାନିତଲେ ପେଲିକସ୍‌ଇଁ ମାନିଞ୍ଜି ଆହିମାନମି □

୪ ସାମା ନାନୁ ନିଜେ ଏନିକ୍‌ ହାରେକା ବିତିବିତା କିୟଅଁ,
ଇଦାଆଁତାକି ନୀନୁ ନାଜେ କାର୍ମାମେସାନା ମା ଏଚରଗଟା କାତା
ଝେଞ୍ଜାଲିତାକି ନିଜେ ବାତିମାଲିମାଞ୍ଜାଇଁ □

୫ ଇଚିହ୍‌ ଇ ମାଣସି ଆଜିହପେତି ଗଡ଼ହା ଗାଗସି, ଏଝାସି
ଦାରତିତି ବାରେଝାକି ମାନି ଜୀହୁଦିୟାଁ ତାଣା ଗଡ଼ହା ହପନାସି,
ଅଡ଼େ ନାଜରତ ଗତିତି ରକାଜାସି ଇଞ୍ଜି ମାମ୍ମୁ ପୁଞ୍ଜାମାନମି;

୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି
ଅଣ୍ପାମାରେସି, ଏଚିବେଲା ମାମ୍ମୁ ଇଝାଣାଇଁ ଆସୁମି, ଅଡ଼େ
ମା ମେରାତି ଲେହେଁ ଇଝାଣାଇଁ ନୀହାଁୟି କିୟାଲି ଅଣ୍ପାମାତମି □

୭ ସାମା ର ମାଣା କସକା ମୁହେଁ କାଜାସି ଲୁସିୟା ଝାହାନା
ଏଝାଣାଇଁ ମା ତାଣାଟି ବାଡ଼ୁୟୁ ତଲେ ମୀଞ୍ଜା ଅୟତେସି,

୮ ଅଡ଼େ ଇଝାଣାଇଁ ଦହ ଦସିମାନାରାଇଁ ନୀ ତାଣା ଝାହାଲି ହୁକୁମି
ହୀତେସି, ଇ ବାରେ କାତାତାକି ନୀନୁ ଇଝାଣାଇଁ ଝେଚିହ୍‌ ମାମ୍ମୁ
ଏଝାଣି କପାଟି ଦାଝା କିହାମାନାଣି ପୁଞ୍ଜାଲି ଆଡ଼ିଦି □”

୯ କୃତା ଆହାମାଟି ଜୀହୁଦିୟାଁ ଜିକେଏ ଦାଝା କିହାମାନାରି ତଲେ
ଆଣ୍ଡାନା ଇ ବାରେ କାତା ସାତା ଇଞ୍ଜି ଇଚେରି □

ତାନି ଝାକିଟି ପାଝୁଲ ପେଲିକସ୍ ନକିତା ଝେହନାୟି

୧୦ ଏଚେଟିଏ ସାଲୁଞ୍ଜି କିନାସି ଝାଞ୍ଜୁ ହୁଟାନା ପାଝୁଲଇଁ ଜଲ୍ଲାଲି
ହେଲ ହୀତେସି, ଇଞ୍ଜା ପାଝୁଲ ଏଲେଇଚେସି, “ନୀନୁ ହାରେକା
ବାର୍ଯ୍ୟା ଆଡେ ଇ କୃତାତାରାଇଁ ନୀହାଁୟି କିନାତି ଆହାମାଞ୍ଜି ଇଞ୍ଜି
ପୁଞ୍ଜାନା, ନାନୁ ସାସାତଲେ ନା ଝାକିଟି ଝେସିମାଞ୍ଜାଇଁ □

୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି
ଜିରୁସାଲମତା ହାଜାମାରେଏଁ, ଇଦାଆଁ ନୀନୁ ଝେଞ୍ଜାନା ପୁଞ୍ଜାଲି
ଆଡ଼ିଦି □

୧୭ ଅଡ଼େ ଇଞ୍ଜାରି ମାହାପୁରୁ ଇଲୁତାକି ଜୀହୁଦି ଲକୁତି କୁଟମି ଇଲୁତା* କି ଗାଡ଼ାତି ଆମିନି ଟାମୁତା ଆମ୍ବାଆରି ତଲେ ବାଦିବାଦା କିତାଣି କି ଗଡ଼ହା ହପହାଣି ଇଞ୍ଜା ଜୀହୁଦିୟାଣି ମାଡ଼ଓ କିହିମାଚାଣି ଇଞ୍ଜାରି ମୋସାମାଞ୍ଜଅରି,

୧୩ ଇଞ୍ଜା ନୀଏଁ ନା କପାଟି ତାଚାମାନି ଦହ ତାକି, ଏଞ୍ଜାରି ନୀ ନକିତା ଏନି ପାରମାଣା ତସାଲି ଆଡ଼ଅରି □

୧୪ ସାମା ନାନୁ ନିଲେ ଇଦାଆଁ ଝେସିମାଞ୍ଜାଇଁ; ଇଞ୍ଜାରି ଏମିନି ଜିରୁତି ମିତି ଇଞ୍ଜିମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାତି ମାହାପୁରୁଇଁ ଜହରା କିହିମାଇଁ, ସାମା ନାନୁ ଜିକେଏ ମସାତି ମେରା ଅଡ଼େ ମାହାପୁରୁ ଅଶ୍ପୁତି ବଲୁ ଝେହନାରି ପତିତା ଏନାୟି ରାସ୍ତକି ଆହାମାନେ ଏ ବାରେ ନାମିମାଇଁ;

୧୫ ଇଞ୍ଜାରି ଲେହେଁ ମାହାପୁରୁ ତାଣା ନା ଏ ରଣିଏ ଆସା ମାନେ ଦାମୁଗାଚାରି ଅଡ଼େ ଦାମୁ ହିଲାଆ ଗାଚାରି ବାରେ ଲକୁ ହାଡ଼ାରି ତାଣାଟି ଝେଶ୍ଟେ ନିଜିନେରି ଇଞ୍ଜା ନୀ ନକିତା ଝେସିମାଞ୍ଜାଇଁ □

୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହଁ ଅଶ୍ପୁ ତଲେ ଡୟାଲି ଅଶ୍ପିମାଇଁ □”

୧୭ “ହାଡ଼େକା ବାସୀ ଜେଚ ନାନୁ ମା ଲକୁତାଣା ଦାନା ତାଚାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଝାହାମାଚେଏଁ □

୧୮ ଏଚିବେଲାତା ନାନୁ ମାହାପୁରୁ ଇଲୁତା ଅଡ଼ହା କତିନି ମେରା ରାପୁହିମାଟି ବେଲାତା ଇଞ୍ଜାରି ନାଲେ ମାହାପୁରୁ ଇଲୁତା ମୋସ୍ତାତେରି; ଏଚିବେଲା ନା ତଲେ ମାଦା ଲକୁ ହିଲାଆତେରି କି ଏମ୍ବାଆଁ ଏନି ଗଡ଼ହା ହିଲାଆତେ,

୧୯ ସାମା ଆସିୟାତି ଏଚରଜାଣା ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଟିହଁ ଏଞ୍ଜାରି ନୀ ନକିତା ଝାହାନା ଦାଞ୍ଜା କିତିହଁ ନେହେଁ ଆତେମା □

୨୦ ନାନୁ କାଜା ବେରଣିମାଣ୍ଡା ନକିତା ନିଚାମାଟି ବେଲାତା ଏନି ଦହ ମୋସାମାଟିହଁ ଇମ୍ବାଆଁ ମାନି ଇ ଲକୁ ନାଲେ ଝେସ୍ତାପେରି,

୨୧ ☆ନାନୁ ରଣିଏ କାତା ଝେସାମାଚେଏଁ ଏଞ୍ଜାରି ନକିତା ନିଚାମାଟି

* ୨୪:୧୨ ୨୪:୧୨ ସିନଗରୁ ☆ ୨୪:୨୧ ୨୪:୨୧ କାମା ୨୩:୭

ବେଲତା ନାନୁ ଆଟୁଝାତଲେ ଏଲେଇଞ୍ଜା ମାଚେଏଁ, ‘ହାଡ଼ାରି ଖେଣ୍ଡେ ନିଙ୍ଗନେରି ଇଞ୍ଜି ନାନୁ ନାମାମାନାକି ନୀଞ୍ଜୁ ମୀ ତାଣାଟି ନୀହାଁୟି କିଞ୍ଜି ଆହିମାଇଁ □’ ”

୨୨ ସାମା ପେଲିକସ୍ ଏ ଜିରୁତି କାତା ପୁଞ୍ଜାମାଚାକି ନୀହାଁୟି କିହାଲି ବାୟିଦା କିହାନା ଏଲେଇଚେସି, “ର ମାଣା କସ୍‌କା ମୁହେଁ କାଜାସି ଲୁସିୟା ଝାଡ଼ିଦେହେଁ ନାନୁ ମୀ ନୀହାଁୟି ଡିକ୍‌ହାଇଁ,” ଇଞ୍ଜି ଖେସା ପାଣ୍ଡିତେସି □

୨୩ ଏଞ୍ଜାସି ପାସାକଡ଼ି କସ୍‌କା ମୁହେଁ କାଜାଣାଇଁ ଏଲେଇଚେସି, ତାନି ଲକୁ ଅଡ଼େ ତଡ଼େସିଙ୍ଗା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜି ଗେଲ୍‌ପାନା ଏଞ୍ଜାଣାଇଁ ହିଡ଼ଡ଼ି ତଲେ ଲେମ୍‌ପାଲି ଏଲେଇଚେସି □

ପେଲିକସ୍ ଅଡ଼େ ଦୁସିଲା ନକିତା ପାଞ୍ଜୁଲ

୨୪ ଏଚରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ଝାଡ଼େସି, ଏଞ୍ଜାସି ପାଞ୍ଜୁଲଇଁ ହାଟି କିହାନା କ୍ରୀସ୍ତ ଜୀସୁ ତାଣା ନାମିନି କାତା ଏଞ୍ଜାଣି ତାଣାଟି ଖେଚେସି □

୨୫ ସାମା ପାଞ୍ଜୁଲ ଦାମୁତି କାତା, ତୀରପୁ ହିୟାଁ ଅଡ଼େ ଝାହିମାନି ନୀହାଁୟି ଦିନାତି କାତା ଖେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀଏଁ ନୀନୁ ହାଲାନୁ ବେଲା ସିନିକିହାନା ଅଡ଼େ ର ଦିନା ହାଟି କିୟାଇଁ □”

୨୬ ପାଞ୍ଜୁଲ ନାଙ୍ଗେ ଟାକାୟାଁ ହିୟାନେସି ଇଞ୍ଜି ଏଞ୍ଜାସି ଆସା କିହାମାଚେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଇଁ ହାଟି କିହାନା ଏଞ୍ଜାଣିତଲେ କାତା ଆଞ୍ଜିତେସି □

୨୭ ଏଲେକିହଁ ରୀ ବାସୀ ଆଡ଼ି ତାୟୁ ପକ୍‌ୟ ପେସ୍‌ସ୍, ପେଲିକସ୍ ଟାୟୁତା ସାଲ୍‌ଞ୍ଜି କିନାସି ଆଡ଼େସି, ଅଡ଼େ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜି ଇଞ୍ଜାପେରିଞ୍ଜା ଇଞ୍ଜି ଅଣ୍‌ପାନା ପାଞ୍ଜୁଲଇଁ କାୟିଦିତା ଇଟାନା ହାଚେସି □

୨୫

ସାଲ୍‌ଞ୍ଜି କିନାଣି ତାଣା ପାଞ୍ଜୁଲ ଗହାରା କିନାୟି

୧ ଏମ୍ବାଟିଏ ପେସ୍ତସ୍ ଇ ରାଜିତା ଖାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାରେସି,

୨ ଅଡେ ଏମ୍ବାଆଁ କାଜା ପୂଜେରାଜା ଇଞ୍ଜା ଜୀହୁଦି ଲକୁଡି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ଖେଣ୍ଡେ ଦାଞ୍ଜା କିତେରି,

୩ ଅଡେ ଏଞ୍ଜାସି ଏନିକ୍ ପାଞ୍ଜୁଲଇଁ ଜିରୁସାଲମତା ହାଟା ପାଣ୍ଡାନେସି, ଏଦାଆଁତାକି ଗହାରା କିହାନା ଏଞ୍ଜାଣି କପାଟି କାର୍ମାଆନି ଲେହେଁ ପେସ୍ତସ୍ଇ ବାତିମାଲିତେରି; ଇଞ୍ଜା ଏଞ୍ଜାରି ଜିରୁତା ତୁଗୁହାଁ ପାୟାଲି ଅଣ୍ଡିମାତେରି □

୪ ପେସ୍ତସ୍ ଏଲେଇଚେସି, “ପାଞ୍ଜୁଲ କାୟିସରିୟାତା କାୟିଦିତା ମାନେସି, ଇଞ୍ଜା ନାନୁ ଜିକେଏ ତବେ ଏମ୍ବାଆଁ ଖେଣ୍ଡା ହାଜିମାଇଁ,

୫ ଏଞ୍ଜାସି ଏନି ଦହ୍ କିହାମାନେସି, ଆତିହ୍ ମୀ କାଜାରି ନା ତଲେ କାୟିସରତା ହାଲାପେରି ଅଡେ ଏଞ୍ଜାଣି କପାଟି ତାମି ଦାଞ୍ଜା କିପାରି □”

୬ ପେସ୍ତସ୍ ଏମ୍ବାଆଁ ଆଟା କି ଦସ ଦିନା ଏଞ୍ଜାରିତଲେ ତୟାହାଁ କାୟିସରିୟାତା ଖେଣ୍ଡେ ହାରେସି, ଏ ଅର ନେରୁ ନୀହାଁୟି କିନି ଚାୟୁତା କୁଗାନା ପାଞ୍ଜୁଲଇଁ ତାଚାଲି ହୁକୁମି ହୀଡେସି □

୭ ପାଞ୍ଜୁଲ ଖାହାଲିଏ ଜିରୁସାଲମଟି ଖାହାମାନି ଜୀହୁଦିୟାଁ ତାନି ସାରିସୁରୁ ନିଚାନା ଏଞ୍ଜାଣି କପାଟି ହାରେକା ଦହ୍ ଦସାଲି ମାଟ୍‌ହେରି, ସାମା ଏଞ୍ଜାରି ଏ ବାରେଡି ପାରମାଣା କିହାଲି ଆଡାଆତେରି □

୮ ଏଚେଟିଏ ପାଞ୍ଜୁଲ ତାନି ଖାକିଟି ଖେସାକତାନା ଏଲେଇଚେସି, “ଜୀହୁଦିୟାଁ ମେରା କପାଟି ଆଆତ୍ ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ୍ କିହାହିଲଅଁ □”

୯ ସାମା ପେସ୍ତସ୍, ଜୀହୁଦି ଲକୁ ନକିତା ନେହାଁସି ଆୟାଲି ପାଞ୍ଜୁଲଇଁ ଖେଚେସି, “ନାନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେତାକି ନୀହାଁୟି ଆୟାଲି ମନ୍ କିହାଞ୍ଜି କି ?”

୧୦ ସାମା ପାଞ୍ଜୁଲ ଏଲେଇଚେସି, “ନାନୁ କାୟିସର ନକିତା ନୀହାଁୟି କିନି ଚାୟୁତା ନିଚାମାଇଁ, ଏମ୍ବାଆଁ ନା ନୀହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନାନୁ ଜିକେଏ ନେହ୍ କ୍ ପୁଞ୍ଜାମାଞ୍ଜି □

୧୧ ମେରା ମାନି କିଆନା ଲାଗେଏତି କାମା କିହାମାଚିହିଁ, ନାନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହିମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆତିହିଁ, ଆମ୍ବାଆସି ଏଞ୍ଜାରି କେୟୁତା ନାଙ୍ଗେ ହେରପାଲି ଆଡ଼ଅସି, ନାନୁ କାୟସର ନକିତା ନୀହାଁୟି କିଞ୍ଜିଆୟାଲି ଗହାରା କିହିମାଇଁ ।”

୧୨ ଏମ୍ବାଟିଏ ପେସୁସ୍ ତାନି ନୀହାଁୟିତି କାଜାରି ତଲେ ଜଲୁକି ଆହାନା ଏଲେଇଚେସି, “ନାନୁ କାୟସର ନକିତା ନୀହାଁୟି କିଞ୍ଜିଆୟାଲି ରାସିମାଞ୍ଜି, ଆତିହିଁ ନାନୁ କାୟସର ତାଟେଏ ହାଜି ।”

ଆଗ୍ରିପା ଅଡ଼େ ବନିକି ନକିତା ପାଞ୍ଜୁଲ

୧୩ ଏଚରଦିନା ତାୟୁ ରାଜା ଆଗ୍ରିପା ଅଡ଼େ ବନିକି କାୟସରିୟାତା ଖାହାନା ପେସୁସ୍‌ଇଁ ଆଣ୍ଡାଲି ହାଚେରି ।

୧୪ ଏଞ୍ଜାରି ଏମ୍ବାଆଁ ଏଚରଦିନା ଡ଼ୟିତି ତାୟୁ, ପେସୁସ୍ ରାଜା ନକିତା ପାଞ୍ଜୁଲ କାତା ଝେସ୍ତେସି, “ପେଲିକସ୍ କାୟସିତା ଇଟାମାନାସି ରଅସି ଇମ୍ବାଆଁ ମାନେସି;

୧୫ ନାନୁ ଏଚିବେଲା ଜିରୁସାଲମତା ହାଜାମାଚେଏଁ ଏଚିବେଲାତା ଜୀହୁଦି ଲକୁତି କାଜା ପୂଜେରାଙ୍ଗା ଅଡ଼େ ପ୍ରାଟିନାଙ୍ଗା ଏଞ୍ଜାଣି କପାଟି ଝେସାନା ଏଞ୍ଜାଣାଇଁ ଡ଼ଣ୍ଡ ହାହାଲି ନାଙ୍ଗେ ବାତିମାଲି ମାଞ୍ଜାତେରି ।

୧୬ ସାମା ନାନୁ ଏଞ୍ଜାଣାଇଁ ଏଲେଇଚେଏଁ, ଦହଗାଟାସି ତାନି ଦହ ଦସାମାନାରା ନକିତା ନିଆ ପାତେକା ଇଞ୍ଜା ତାଙ୍ଗେ ତାନି ଖାକିଟି ଜଲୁଲି ହୀଆ ପାତେକା ଏଞ୍ଜାଣାଇଁ ଡ଼ଣ୍ଡ ହାହାଲି ମା ରମ୍ ଲକୁତି ମେରା ହିଲେଏ ।

୧୭ ଏଞ୍ଜାରି ନା ତଲେ ଇମ୍ବାଆଁ ଖାୟାଲିଏ, ନାନୁ ଝେଡ଼ାକିଆନା ତାନି ଅର ନେରୁ ନୀହାଁୟି କିନି ତାଣା କୁଗାନା, ଏଞ୍ଜାଣାଇଁ ତାତାଲି ହୁକୁମି ହୀତେଏଁ ।

୧୮ ଏଞ୍ଜାଣାଇଁ ଦହ ଦସାମାନାରି ଖାହାନା ନିତେରି, ସାମା ଏଞ୍ଜାରି ଏନିଲେହେତି ଦାଞ୍ଜା କିନେରି ଇଞ୍ଜାଁ ନାନୁ ଅଣ୍ଡପିମାଚେଏଁ, ଏଞ୍ଜାରି ଏନି ଦହ ଏଞ୍ଜାଣି କପାଟି ଝେସ୍ତାଆତେରି ।

୧୯ ଏଞ୍ଜାରି ଖାରୁଇ ତାମି ଦାମ୍ଭୁତି କାତା ଇଞ୍ଜା ଜୀସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜାଁ ଖେସିମାନେସି, ତାନି କାତାତାକି ଆସ୍ପି ଆଡେତରି □

୨୦ ଇ ବାରେ କାତା ନେହଁକଁ ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତୀରି କିହାଲି ଆଡାଆନା ଇ ଦାଞ୍ଜା ତାକି ନୀହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆସ୍ ଏଦାଆଁ ନାନୁ ଖେରେସ୍ □

୨୧ ସାମା ପାଞ୍ଜୁଲ ସାଲଞ୍ଜି କିନି କାୟିସର ନକିତା ନୀହାଁୟି କିଞ୍ଜିଆୟାଲି ନାନୁ ହାଇଁ ଇଞ୍ଜାଁ ଖେସିମାତାକି, ନାନୁ ଏଞ୍ଜାଣାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଗାଲି ହୁକୁମି ହୀତେସ୍ □”

୨୨ ଆଗ୍ରିପା ପେସ୍ପସ୍ ଏଲେଇରେସି, “ନାନୁ ଜିକେଏ ଇଞ୍ଜାଣି କାତା ଖେଞ୍ଜାଲି ମନ କିହିମାଇଁ □ ହାଅ ଖିଏ ନୀନୁ ଏଞ୍ଜାଣି କାତା ଖେଞ୍ଜି” ଇଞ୍ଜାଁ ପେସ୍ପସ୍ ଏଲେଇରେସି □

୨୩ ତାନି ଅର ଦିନା ଆଗ୍ରିପା ଇଞ୍ଜାଁ ବନଁକି କାଜାପାଣା ଅଡେ ଗାଞ୍ଜୁରମିଗାଟି କସ୍କା ଇଞ୍ଜାଁ ଗାଡାତି କାଜାରି ତଲେ ହାଜାନା ନୀହାଁୟି କିନି ଚାୟୁତା ଖାଡେସି, ଏମ୍ବାଟିଏ ପେସ୍ପସ୍ ହୁକୁମି ତଲେ ପାଞ୍ଜୁଲ ଏମ୍ବାଆଁ ତାପିଆଡେସି □

୨୪ ଏମ୍ବାଟିଏ ପେସ୍ପସ୍ ଏଲେଇରେସି, “ଏ ରାଜା ଆଗ୍ରିପା ଅଡେ ଇମ୍ବାଆଁ ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାଇଁ ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜାଁ ଇମ୍ବାଆଁ ମାନି ଜୀହୁଦି ଲକୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡା ହିଲେଏ ଇଞ୍ଜାଁ ବାରେଜାଣା କାଲଞ୍ଜି ଆଡେତରି □

୨୫ ସାମା ଇଞ୍ଜାସି ହାନ୍ଦିଲେହେତି ଏନି ଦହ କିହାମାନାଣି ନାନୁ ମେସାହିଲଅଁ ଇଞ୍ଜାଁ ଏଞ୍ଜାସି ତାନୁଏ କାୟିସର ତାଣା ନୀହାଁୟି କିଞ୍ଜିଆୟାଲି ବାତିମାଲାତାକି ନାନୁ ଏଞ୍ଜାଣାଇଁ ଏମ୍ବାଆଁ ପାଣ୍ଡାଲି ତାକି ତୀରି କିତେସ୍ □

୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାଚାଲି ନାଞ୍ଜେ ଏନି କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଇଁ, ବାରେକିହାଁ ରାଜା

ଆଗ୍ରିପା ନୀ ତାଣା ଏଞ୍ଜାଣାକ୍ ତାଚାମାକ୍, ଏନିକ୍ ଏଞ୍ଜାଣି କାତା
ଝେଞ୍ଜାନା, ପୁଚିତାୟୁ ନାନୁ ଏଞ୍ଜାଣାକି ଇଚାଣି ରାଚାଲି ଆଡ଼ିକ୍ □

୨୭ ଇଚିହ୍ ର କାୟିଦି ଗାଚାଣାକ୍ ପାଣ୍ଡିନି ବେଲାତା ତାନି କପାଟି
କିହାମାନି ଦାଞ୍ଜା ନେହ୍ କ୍ ତହୁଆନା ପାଣ୍ଡାଲି ନେହେଁ ଆଏ
ଇଞ୍ଜ୍ ନାନୁ ଅଣ୍ପିପାକ୍ □”

୨୭

ରାଜା ଆଗ୍ରିପା ନକିତା ପାଞ୍ଚୁଲ ତାଙ୍ଗେତାକି ଝେହ୍ନାୟି

୧ ଆଗ୍ରିପା ପାଞ୍ଚୁଲକ୍ ଏଲେଇଚେସି, “ନିଙ୍ଗେ ନୀ ଝାକିଟି କାତା
ଜଲ୍ଲାଲି ହେଲ ହୀପକିଆଚେ” ଏମ୍ବାଟିଏ ପାଞ୍ଚୁଲ କେୟୁ ଦାସାନା
ତାନି ଝାକିଟି ଏଲେଇଚେସି □

୨ “ରାଜା ଆଗ୍ରିପା, ଜୀହୁଦିୟା ନା କପାଟି ଏନି ଦହ
ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଝେସାଲି ନାନୁ ହେଲ
ବେଚାଆହାମାନାକି ନାନୁ ନାଙ୍ଗେ କପଲ ଗାଚାଚେଏଁ ଇଞ୍ଜ୍ ଅଣ୍ପା
କଡ଼ିମାକ୍,

୩ ଏନାଆଁତାକି ଇଚିହ୍, ନୀନୁ ଜୀହୁଦିୟା ପାଣାପାରୁ ଅଡ଼େ
କାତା ନେହ୍ କ୍ ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ
ଝେଞ୍ଜାଲି ନିଙ୍ଗେ ବାତିମାଲିମାଞ୍ଜାକ୍ □”

୪ “ନା ଦାଂଗ୍ଣା ଝେଡ଼ାଟିଏ ନୀଏଁ ପାତେକା ନାନୁ ତଲି ମା
କୃଡ଼ାତାରି ତଲେ ଅଡ଼େ ଜିରୁସାଲମତା ଏନିଆହ୍ ନୀତା ମାଚେଏଁ
ଏଦାଆଁ ଜୀହୁଦିୟା ବାରେ ନେହ୍ କ୍ ପୁଞ୍ଜାମାନେରି;

୫ *ନାନୁ ମା ମାହାପୁରୁତି ମେରା ହାରେକା ନେହ୍ କ୍ ମାନୁଞ୍ଜି
ଆହିମାନି ପାରୁସିୟା ଗଚିତା ମାଚେଏଁ, ଏଞ୍ଜାରି ନାଙ୍ଗେ ତଲିଟିଏ
ପୁଞ୍ଜାମାଞ୍ଜାନେରି, ଏଞ୍ଜାରି ମନ୍ କିଚିହ୍ ସାକି ହୀହାଲି ଆଡ଼ିନେରି
□

୬ ମାହାପୁରୁ ମା ଆକୁ ଆବାୟାଣି ଏମିନି କାତା ଆଞ୍ଜାମାଚେସି, ଏ
କାତା ହୀହାମାନାଣି ବାସୁ କିହାମାନାକି ନୀଞ୍ଜୁ ନାନୁ ଇମ୍ବାଆଁ ନୀହାୟି
କିଞ୍ଜିଆୟାଲି ନିଚାମାକ୍

☆ ୨୭:୫ ୨୭:୫ କାମା ୨୩:୨; ପିଲିପି ୩:୫

୭ ମା ଲକ୍ଷ୍ମଣ କୁଟି ବାର କୁଡ଼ାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁଁ ତାକି ଜାହୁଦିୟା ନାଈ ଦହ କିହିମାଞ୍ଜାନେରି □

୮ ମାହାପୁରୁ ହାଡ଼ାରାଇଁ ନିକ୍ନେସି, ଇଦାଆଁ ନାମାଲି ଆଡ଼ାଆ ଗାଗାୟି ଇଞ୍ଜି ମୀରୁ ଏନାଆଁତାକି ଅଶ୍ଵିମାଞ୍ଜେରି ?”

୯ * “ନାଜ୍ଞରତ ଜାସୁ ଦରୁ କପାଟି ନାଈ ହାରେକା କାମା କିନାୟିମାନେ ଇଞ୍ଜି ନାନୁ ଅଶ୍ଵିମାଚେଏଁ □

୧୦ ଜିରୁସାଲମତା ନାନୁ ଏଲେଜିକେଏ କିତେଏଁ □ କାଜା ପୁଜେରାଈ ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାରେକା ଜାଣାଇଁ କାୟିଦିତା ସୁଣ୍ଠିକିହାମାଚେଏଁ ଇଞ୍ଜି ଏଞ୍ଜାରାଇଁ ପାୟିନାଟି ନାନୁ ଜିକେଏ ଆଣ୍ଠିମାଚେଏଁ □

୧୧ ହାରେକା ଦେବା ଜାହୁଦି ଲକ୍ଷ୍ମଣ କୁଟି କୁଟି ଇଲ୍‌କାଣା* ନାନୁ ଏଞ୍ଜାରାଇଁ ଲାଜାକିହଁ ଡଣ୍ଠ ହାହିମାଚେଏଁ ଇଞ୍ଜି ଏଞ୍ଜାରି ନାମୁତି ଏଟକା କିହାଲି ଅଶ୍ଵିମାଚେଏଁ, ନାନୁ ଏଞ୍ଜାରି କପାଟି ହାରେକା କାର୍‌ବି ଆହାମାଚେଏଁ, ଏଞ୍ଜାରାଇଁ ସାସ୍ତି ହାହାଲି ଏଟକା ଦେସାତା ଜିକେଏ ହାଜାମାଚେଏଁ □”

**ପାଞ୍ଜୁଲ ତାନି ମନ ଖେଟ୍‌ହି କାତା ଖେହନାୟି
(କାମା ୯:୧-୧୯; ୨୨:୭-୧୭)**

୧୨ ଇଦାଆଁତାକି କାଜା ପୁଜେରାଈ ତାଣାଟି ଅଦିକାରା ଆକୁ ଅଡ଼େ ହୁକୁମି ବେଟାଆହାନା ନାନୁ ଦମେସକ ହାଜାମାଚେଏଁ □

୧୩ ଏ ରାଜା ଆଗ୍ରିପା, ର ଦିନା ମାଦେନା ବେଲା ଜିରୁତା ହାଗୁଲ୍‌କଟି ଖେଡ଼ାକିହାଁ ହାରେକା ଉଜେଡ଼ି ମେସ୍ତେଏଁ, ଏ ଉଜେଡ଼ି ନାଈ ଅଡ଼େ ନା ତଲେ ହାଜିମାଚାରି ସାରିଞ୍ଜାକି ତଞ୍ଜାଆଡ଼େ □

୧୪ ମାମ୍ମୁ ବାରେଜାଣା ବୁମିତା ତର୍‌ଗାଲିଏ, ଏବୁ ହାଡ଼ାତଲେ ନାଈତାକି ଇ ହାଡ଼ା ଖେଚେଏଁ, “ଆଡ଼େ ସାଞ୍ଜୁଲ ଆଡ଼େ ସାଞ୍ଜୁଲ ଏନାଆଁତାକି ନାଈ ସାସ୍ତି ହାହିମାଞ୍ଜାଦି ? ଏନିକଁ ଡ଼କୁ କଡ଼ି

☆ ୨୭:୯ ୨୭:୯ କାମା ୮:୩; ୨୨:୪,୫

* ୨୭:୧୧ ୨୭:୧୧ ସିନଗର

ହେରୁ ତୁମ୍ଭାଣି ହୁତୁ ବାଡ଼ଗାତା ଦୟିନେ ଏଲେକିହିଁ ନୀନୁ ତାୟୁଖାକି
 ଦୟାହାଁ ଜାହାରା କତାତା ଗାଣ୍ଡ଼ି ମାଞ୍ଜି □

୧୫ ଏମ୍ବାଟିଏ ନାନୁ ଖେଚେଏଁ, “ପ୍ରବୁ ନୀନୁ ଆମ୍ବାଆତି ?” ଏଚେଟିଏ
 ପ୍ରବୁ ଏଲେଇଞ୍ଜାତେସି “ନୀନୁ ଆମ୍ବାଆରାଇଁ ସାସ୍ତି ହୀହିମାଞ୍ଜି ନାନୁ ଏ
 ଜୀସୁତେଏଁ □

୧୬ ସାମା ନିଙ୍ଗାମୁ କତାତା ବାଡ଼ମୁ ହୀହାନା ନିମୁ, ଇଚିହିଁ ନାନୁ
 ନିଙ୍ଗେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନୀଞ୍ଜୁ ନୀନୁ
 ଏନାଆଁ ମେସାମାଞ୍ଜି ତାୟୁ ନାନୁ ନିଙ୍ଗେ ଏନାଆଁ ତସ୍ତାଇଁ ଏ କାତା
 ଏଟକା ତାରାଇଁ ସାକି ହୀଦି □

୧୭ ଜୀହୁଦି ଅଡେ ଜୀହୁଦିଆଆତି ଲକୁତାଣା ନାନୁ ନିଙ୍ଗେ ପାଣ୍ଡାଇଁ,
 ଏଞ୍ଜାରି ତାଣାଟି ନାନୁ ନିଙ୍ଗେ ଗେଲପାଇଁ □

୧୮ ନିଙ୍ଗେ ଏଞ୍ଜାରି କାଣ୍ଡକା ଦେଚାଲି ଆନେ, ଅଡେ ଏଞ୍ଜାରାଇଁ
 ଆନ୍ଦେରିଟି ଉଜେଡିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା
 ଖେଟହା ତାନାୟି ଆନେ, ଏନିକିଁ ନା ତାଣା ନାମିନି ତାଣାଟି ସୁଦୁ
 କିଞ୍ଚି ଆହାନା ଏଞ୍ଜାରି ପାପୁ ମେଣ୍ଡିଙ୍ଗିନେ ଅଡେ ମାହାପୁରୁ ଆରିତି
 ଲକୁ ବିତ୍ତା ଏଞ୍ଜାରି ଚାୟୁ ବେଟାଆନେରି □

ପାଞ୍ଜୁଲ ତାନି କାମାତି ଖେହ୍ନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସାଣି ନାନୁ ଉରାଆତେଏଁ,

୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକୁତାଣା ତାୟୁ
 ଜୀହୁଦା ରାଜିତି ବାରେ ନାସକାଣାଁ, ଅଡେ ଜୀହୁଦିଆଆତି ଲକୁତାଣା
 ଜିକେଏ ଖେକହେଏଁ, ଏନିକିଁ ଏଞ୍ଜାରି ମନ ଖେଟହାନା ମାହାପୁରୁ
 ତାଣା ଖାନ୍ଦେରି, ଇଞ୍ଜା ଏଞ୍ଜାରି ମନ ଖେଟହା କତାମାନେରି, ଏଦାଆଁ
 କାମାତା ତହ୍ନେରି □

୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାଗାଟି ଜୀହୁଦିୟାଁ
 ନାଙ୍ଗେ ଆସାନା ପାୟାଲି ଅଣ୍ଡି ମାଞ୍ଜାତେରି □

୨୨ ସାମା ନୀଞ୍ଜୁପାତେକା ମାହାପୁରୁ ନାଙ୍ଗେ ସାୟେମି
 କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେତି
 ନକିତା ସାକି ହୀହାଲି ନିଚାମାଇଁ □ ମାହାପୁରୁ ଅଣ୍ଡିପୁତି ବଲୁ

ଝେହନାରି ଅଡ଼େ ମସା ଏନାଆଁ ଆନେ ଇଞ୍ଜିଁ ଝେସାମାନେସି ନାନୁ ଏ କାତା ଝେସିମାଇଁ,

୨୩ ☆ଇଚିହ୍ଁ ମସିହା ସାତେଏ ଦୁକୁ ବେଗାଆହାନା ହାଡ଼ାରି ବିଡ଼ାଟି ତଲିଏ ନିଙ୍ଗାନା ଜୀହୁଦି ଲକୁ ଇଞ୍ଜା ଜୀହୁଦିଆଆତି ଲକୁ ନକିତା ଗେଲ୍ପିନି ଉଜେଡ଼ି ତହ୍ନେସି □”

୨୪ ପାଝୁଲ ଇଲେକିହ୍ଁ ତାନି ଝାକିଟି ଜଲିମାଗାଟି ପେସ୍ତସ୍ କାଜା ଗିୟାତଲେ ଏଲେଇଚେସି, “ପାଝୁଲ ନାନୁ ବାୟା ଆଡ଼ି; ଗାଡ଼ି ଜାପିତାକି ନାନୁ ବାୟା ଆହାମାଞ୍ଜି □”

୨୫ ସାମା ପାଝୁଲ ଏଲେଇଚେସି, “ଏ ମାନ୍ଦିଗାଟି ପେସ୍ତସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲିମାଇଁ ଏଦି ସାତା, ତୀରି ବୁଦିତଲେ ଝେସିମାଇଁ □

୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଇଁ, ନାନୁ ସାତେଏ ନାମିମାଇଁ, ଇ ବାରେ ନାନୁ ପୁନାଆରେଟୁ ଆହା ହିଲେଏ; ଅଡ଼େ ଇ ବାରେ କାତା ଡ଼ଗୁନା ମେଣେଏ ଆହାହିଲେଏ □

୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ପୁଡ଼ି ବଲୁ ଝେହନାରି କାତା ନାମିମାଞ୍ଜି କି ? ହାଅ ନାନୁ ନାମିମାଞ୍ଜି ଇଞ୍ଜିଁ ନାନୁ ପୁଞ୍ଜାମାଇଁ □”

୨୮ ଆଗ୍ରିପା ପାଝୁଲଇଁ ଏଲେଇଚେସି, “ନାନୁ ନାଙ୍ଗେ ଗାଡ଼େକେଏ କ୍ରାସ୍ତାନା କିଇଁ ଇଞ୍ଜିଁ ଅଣ୍ପିମାଞ୍ଜାଦି ?”

୨୯ ପାଝୁଲ ଏଲେଇଚେସି, “ଗାଡ଼େକା ତାକି ଆପେ କି ଗାଡ଼ିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାଡ଼ାନା, ନାନୁ, ଅଡ଼େ ଏଚରଜାଣା ନୀଞ୍ଜୁ ନା କାତା ଝେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍‌ଶିୟାଁ ତଲେ ଦସ୍ପି ଆପେରି ଇଞ୍ଜିଁ ନାନୁ ଝେସିମାଞ୍ଜିଅଁ □”

୩୦ ଏଚେଟିଏ ରାଜା, ସାଲଞ୍ଜି କିନାସି ଅଡ଼େ ବନିକି ଇଞ୍ଜା ଏଟ୍‌କାତାରି ବାରେ ହାଜାଲି ନିଙ୍ଗିତେରି,

୩୧ ଏଞ୍ଜାରି ହାନିବେଲାତା ତାମ୍ନୁତାମ୍ନୁ ଜଲ୍ଲକି ଆଡେତରି, “ଇ ମାଣ୍ଡସି ଇଲେତି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସ୍ପି ଆନେସି କି ପାୟୁଞ୍ଜି ଆନେସି □”

୩୨ ଅଡେ ଆଗ୍ରିପା ପେସ୍ପସ୍‌ଇଁ ଏଲେଇଚେସି, “ଇ ମାଣ୍ଡସି କାୟସର ତାଣା ନାହାଁୟି କିଞ୍ଜିଆୟାଲି ବାତିମାଲ୍ଲାଆତିହୁଁ ମା ମାମ୍ନୁ ଏଞ୍ଜାଣାଇଁ ପିସାଲି ଆଡିତମିମା □”

୨୭

ପାଞ୍ଜୁଲ ସାମ୍ବୁରିଚି ରମ୍ଭତା ହାନାୟି

୧ ମାମ୍ନୁ ଇଟାଲି ଦେସାତା ଏୟୁ ଜାଜା ତଲେ ହାଜାଲି ତୀରି କିଞ୍ଜିଆଡି ତାୟୁ ପାଞ୍ଜୁଲ ଅଡେ ଏଚରଜାଣା କାୟିଦିତା ମାଚାରାଇଁ, ରାଜାତି କସ୍‌କା ଜୁଲିୟସ୍ ଦରୁଗାଟି ପାସାକଡି କସ୍‌କା ମୁହେଁ କାଜାଣି କେୟୁତା ହେରପିତେରି □

୨ ଏମ୍ବାଟିଏ ମାମ୍ନୁ ଆସିୟା ଦେସାତି ଏଟ୍‌କା ଏଟ୍‌କା ଚାୟୁତା ହାନି ଏୟୁ ଜାଜା ନିନି ଚାୟୁଟି ଆଦ୍ରାମୁତିୟ ଜାଜାତା ହଡମି; ଇଞ୍ଜା ମାକିଦନିୟା ଦେସାତି ତେସଲନିକି ଗାଡାତି ଆରିସ୍ପାର୍କ ମା ତଲେ ମାଚେସି □

୩ ତାନି ଅର ନେରୁ ମାମ୍ନୁ ସିଦନତା ଏଗାତମି, ଅଡେ ଜୁଲିୟସ୍ ପାଞ୍ଜୁଲଇଁ କାର୍ମା ଆହାନା ତାନି ତଣେସିଙ୍ଗା ତାଣା ହାଜାନା ଲଡାମାନାଣି ସେବା ବେଟାଆହାଲି ହେଲ ହୀତେସି □

୪ ଏମ୍ବାଟି ଜାଜାତା ହରାମାଚାଟି ମା ଞ୍ଜାକି ଗାଲି ଖେଚାଲିଏ ମାମ୍ନୁ କୁପ୍ର ଦାରି ଦାରିଚି ହାଚମି,

୫ କିଲିକିୟା ଅଡେ ପଂପୁଲିୟା ନକିତା ମାନି ସାମ୍ବୁରି ଗାଣ୍ଟାନା ଲୁକିୟାତି ମୁରାତା ଖାଡମି □

୬ ଏମ୍ବାଆଁ ପାସାକଡି କସ୍‌କା ମୁହେଁ କାଜାସି, ଇଟାଲିତା ହାଜିମାନି ର ଆଲେକ୍‌ଜାଣ୍ଡିୟା ଏୟୁ ଜାଜା ବେଟାଆହାନା ମାଙ୍ଗେ କୁଗି କିୟାତେସି □

୭ ତାୟୁ ହାରେକା ଦିନାତାକି ଦୀରେ ଦୀରେ ହାଜାନା କସ୍ତଲେ କ୍ରିଦ ଗାଡା ତାଗେ ହାଚମି □ ନକିତି ଗାଲି ମାଙ୍ଗେ ନକିତା ହାଜାଲି ହିୟାଆଲିଏ ସାଲ୍‌ମନିତି ଅରଞ୍ଜାକି କ୍ରିତି ଦାରି ଦାରିଚି ହାଚମି □

୮ ଅଡ଼େ କସ୍ତୁତଲେ ଗାଟୁ ଗାଟୁଟି ହାଜାନା “ଅଜିତି ବାନ୍ଦା” ଇନି ଟାୟୁତା ହାଟମି, ଏଡ଼ି ଲାସାୟା ଗାଡ଼ାତି ଡାଗେ ମାଟେ □

୯ ଇଲାଆହୁଁ ହାରେକା ଦିନା ଆହାହାଟେ, ଇଞ୍ଜା ସାମ୍ବୁରିଟି ହାନାୟି କସ୍ତୁ ଆହାହାଟେ, ଇଟିହୁଁ ଏଟିବେଲା ଉପାସା ପାରୁଁ ରାହାମାଟେ, ଏଦାଆଁତାକି ପାଞ୍ଜୁଲ ଜାଗ୍ରାତା କିହାନା ଏଲେଇଟେସି □

୧୦ “ବାବୁୟାଁତେରି ଇ ସାମ୍ବୁରିଟି ହାନାଟି ଜାଜାତି ଆସ୍ତି ଅଡ଼େ ଏୟୁ ଜାଜା ନସ୍ତୁ ଆନେ ଏଡ଼ି ଆଏ, ସାମା ଜାଜାତା ହାଜିମାନାରି ଜୀଞ୍ଜୁ ଜିକେଏ ନସ୍ତୁ ଆନେ ନାନୁ ପୁଞ୍ଜିମାଇଁ □”

୧୧ ସାମା ପାସାକଡ଼ି କସ୍ତୁ ମୁହେଁ କାଜାସି, ପାଞ୍ଜୁଲତି କାତା କିହାଁ ଜାଜାତି ସାଲୁଞ୍ଜି କିନାଶାଇଁ ଇଞ୍ଜା ସାଞ୍ଜୁକାରି କାତାତି ହାରେକା ନାମିତେସି □

୧୨ ଇ ବାନ୍ଦାତା ପେନିଞ୍ଜେଡ଼ା ଡୟାଲି ନେହେଁ ହିଲାଆଡେ, ଇଦାଆଁତାକି ଜାଜାତା ହାଜିମାଟାରି ହାରେକା ସାମ୍ବୁରିଟି ହାଜାନା ପିନିକସ୍ତା ପେନିବେଲା ରାପୁହାଲି ଅଣ୍ଡପିମାଟେରି, ଏ ପିନିକସ୍ତ କ୍ରିତିତି ର ଜାଜାୟା ନିନି କାଜା ଟାୟୁ ମାଟେ, ଏଡ଼ି ଞ୍ଜେଡ଼ା କୁଡ଼ନି ଟିଝନିଞ୍ଜାକି ଅଡ଼େ, ଞ୍ଜେଡ଼ା କୁଡ଼ନି ଟେବୁଞ୍ଜାକି ମୁମ୍ବୁ କୁହାମାଟେ □

ସାମ୍ବୁରିତା ଗାଲି ପିୟୁ

୧୩ ଏଟିବେଲା ଟିଝନି ଞ୍ଜାକିତି ଗାଲି ଦୀରେ ଦୀରେ ଞ୍ଜାଡେ, ହାଜିମାଟାରି ନୀଏଟି ମା ଅଣ୍ଡପିମାଟି ଲେହେଁ ଆଡେ ଇଞ୍ଜା ଅଣ୍ଡପିତେରି, ଜାଜା ନିପୁହାମାଟି କାଜା ଲହୁଡି ରେଜାନା କ୍ରିତିତି ଗାଟୁ ଗାଟୁଟି ହାଜାଲି ମାଟୁହେରି,

୧୪ ସାମା ଗାଡ଼େକା ହାଜାଲିଏ ଇୟୁରକ୍ଞିଲ୍ ଇନି ଆଜିହପେତି କାଜା ଗାଲି ଞ୍ଜେଡ଼ା ହନି ଟେବୁ ଞ୍ଜାକିଟି ହଚାନା ଜାଜା ମାଟିଞ୍ଜାକି ଞ୍ଜାଡେ □

୧୫ ଗାଲି ଜାଜାତି ଞ୍ଜେଟାଲିଏ, ଜାଜାତି ଗାଲିଞ୍ଜାକି ଅୟାଲି ଆଡାଆନା ଜାଜାତି ଗାଲି ତଲେ ଅଞ୍ଜିଆୟାଲି ପିସ୍ତମି □

୧୬ ମାମ୍ବୁ କୁଞ୍ଜୁଦାତି ସାମ୍ବୁରି ମାଦି ମାନି ଉଶା ବୁନିତି ଜମିନି ଟାୟୁ ବେଟାଆଡ଼ମି □ ଏମ୍ବାଟି ହାରେକା କସ୍ତୁଟି ଏୟୁ ଜାଜାତି ଉଶା ଡଂଗ ତଲେ ଗେଲ୍ପି ଆଡ଼ମି □

୧୭ ଜାଜା ସାଲୁଝି କିନାରି ଏଦାଆଁ ଜାଜା ଲାକ ଅତି ତାୟୁ ତ:ରକା ତଲେ ଜାଜା ସାରିସୁରୁ ଦସ୍ତେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଃଲି ତିବାତା ଗୁପିନେ ଇଞ୍ଜା ଆଜିତାକି ଜାଜା ସାଲୁଝି କିନାରି ଜାଜାତା ଗଞ୍ଜାମାଟି ହିମ୍ବୁରିକା ହୁକ୍‌ହାନା ଜାଜାତି ଗାଲି ତଲେ ସାମ୍‌ଦୁରି ବିତ୍ରା ଡୟାଲି ପିସ୍ତେରି □

୧୮ କାଜା ଗାଲି ପିୟୁ ତାକି ହାରେକା କସ୍ତୁ ଆହାଲିଏ ତାନି ଅର ନେରୁ ଜାଜାତି ସାଲୁଝି କିନାରି ଜାଜାତା ମାଟି ଆସ୍ତିତି ସାମ୍‌ଦୁରିତା ମେଡ଼ହାଲି ମାଟ୍‌ହେରି,

୧୯ ଅଡ଼େ ତାନିଦିନା ନେରୁ ଏଞ୍ଜାରି ତାନି ଜାଜାତି କଚେକା କାଣ୍ଡା ମୁଣ୍ଡା ଏୟୁଣ୍ଡା ମେଡ଼ହେରି □

୨୦ ହାରେକା ଦିନା ପାତେକା ଝେଡ଼ା କି ହୁକାୟା ମେସାଲି ଆଡ଼ାଆତମି, ଅଡ଼େ ହାରେକା ଗାଲି ପିୟୁ ପିହ୍‌ଆଲିଏ ମାମ୍‌କୁମ୍‌ମାଟି ଗେଲ୍‌ପିଆନି ଆସା ପିସାତୁସ୍ତମି □

୨୧ ବାରେଜାଣା ହାରେକା ଦିନା ପାତେକା ରାନ୍ଦା ତିନାଆନା ତୁୟିତି ତାୟୁ, ପାଞ୍ଜୁଲ ଏଞ୍ଜାରି ବିତ୍ରା ନିଗାନା ଏଲେଇଚେସି, “ବାବୁୟା ନା କାତା ଆସାନା କ୍ରିତିଟି ସାମ୍‌ଦୁରି ଜାଜା ହୁକ୍‌ହା ହିଲାଆତିହ୍‌ ମାଦି ଏନାୟିଝା ନସ୍ତୁ ଆଆତେମା □

୨୨ ସାମା ନୀର୍ବ ନାନୁ ମିଙ୍ଗେ ଝେସିମାଞ୍ଜାଇଁ, ସାସା ଆହ୍‌ଦୁ, ଇତିହ୍‌ ମୀ ବିତ୍ରା ଆମ୍‌ମାଆରି ଜୀଞ୍ଜୁ ଜିକେଏ ନାସା ଆଏ; ଝାରିଇ ଜାଜାଦେ ନସ୍ତୁ ଆନେ □

୨୩ ଇତିହ୍‌ ନାନୁ ଏମିନି ମାହାପୁରୁତି ସେବା କିହିମାଇଁ, ନୀଞ୍ଜୁ ଲାଆଁୟା ଏଞ୍ଜାଣି ର. ଲାକପୁରୁତି ଦୂତୁ ନା. ତାଗେ ଝାହାନା ଏଲେଇଞ୍ଜାତେ,

୨୪ ଏ.ପାଞ୍ଜୁଲ ‘ଆଜାଆନି; ନୀନୁ ସାଲୁଝି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଝାହିମାନି ବାରେତି ଜୀଞ୍ଜୁ ଏଞ୍ଜାସି ଗେଲ୍‌ପିନେସି □’

୨୫ ଏଦାଆଁତାକି ଏ.ବାବୁୟାତେରି ସାସା ଆହ୍‌ଦୁ ଇତିହ୍‌ ନାନୁ ମାହାପୁରୁ ତାଣା ନା. ନାମୁ ମାନେ, ନାଙ୍ଗେ ଏନିକ୍‌ ଝେସ୍‌ପି ଆହାମାନେ, ଏଲେଆହ୍‌ଏ ଆନେ □

୨୬ ସାମା ମାଙ୍ଗେ ର ସାମ୍‌ଦୁରି ମାଦିଏ ମାନି ଦେସାତା ଏଗାହାନାୟି

ମାନେ □”

୨୭ ଇଲେକିହିଁ ମାମ୍ମୁ ଆଦିଆ ସାମ୍ବୁରି ଇତାଲା ଆତାଲା ଆହିଁ
ରୀ ଖାରା ଆୟାଲିଏ, ମାଦି ଲାଆଁୟା ଜାଜା ସାଲୁଖି କିନାରି ର ବୁମି
ଦାରିତା ଏଜିମାନାୟି ଇଞ୍ଜିଁ ଅଣ୍ଡିମାଚେରି □

୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଚାଲିଏ ପନ୍ଦର ହାତା ଏୟୁ କୃତହା
ମାରୁ, ଇଞ୍ଜା ଅଡେ ନକିତା ହାଜାନା ଖେଣ୍ଡେ ଲାଚାଲିଏ ଏଗାର ହାତା
ଏୟୁ କୃତହା ମାରୁ □

୨୯ ମାର ହାଜାନା ଜାଜା ଖାଲକା ବୁମିତା ଗୁପିକିନାୟି ଇଞ୍ଜିଁ
ଅଣ୍ଡିମା ଆଜିତାକି ଏଞ୍ଜାରି ଜାଜାତି ତାୟୁଖାକି ସାରିଗଟା ବଜୁ
ଗାଟି ଲହ ମୁଣ୍ଡାୟା ରେପହାନା ଏଚେଲା ଖେୟିନେ ଇଞ୍ଜିଁ ପ୍ରାତାନା
କିହିମାଚେରି □

୩୦ ଇଞ୍ଜା ଜାଜାତି ସାଲୁଖି କିନାରି ଜାଜାଟି ରେଚାନା ହଟାତୁସାଲି
ଅଣ୍ଡିମା ନାଡିକିହିଁ ଜାଜାତି ନକିଖାକି ଲହ ମୁଣ୍ଡାୟା ରେପନ୍
ଲେହେଁ ଉଣା ତଂଗତି ସାମ୍ବୁରିତା ରେପହେରି □

୩୧ ସାମା ପାଞ୍ଜୁଲ ପାସାକଡି କସ୍କା ମୁହେଁ କାଜାଣାଇଁ ଇଞ୍ଜା
କସ୍କାଣି ଏଲେଇଚେସି, “ଜାଜା ସାଲୁଖି କିନାରି ଜାଜାତା
ମାନାଆତିହିଁ ମୀରୁ ଗେଲପିଆନି ଆସା ହିଲେଏ □”

୩୨ ଏମ୍ବାଟିଏ ଜାମାନାଜା ଉଣା ତଂଗତି ତଃରକା ଦାଚାନା
ସାମ୍ବୁରିତା ପିସ୍ତେରି □

୩୩ ଲାଇ ଜୁଲୁପୁଲୁ ଖେୟି ମାଚାଟି ପାଞ୍ଜୁଲ ଏଞ୍ଜାରାଇଁ ଏନି ରାନ୍ଦା
ମାତିହିଁ ତିଞ୍ଜାଲି ବାସୁଁ ହୀହାନା ଏଲେଇଚେସି, “ନୀଞ୍ଜୁଟିଏ ରୀ
ଖାରା ଆଡେ ମୀରୁ ଏନାଆଁ ତିନାଆନାହିଁ ହାକିଟିଏ ମାଞ୍ଜାମାଞ୍ଜେରି
□

୩୪ ବାତିମାଲିମାଞ୍ଜାଇଁ, ନୀଏଁ ଇଚାଣି ତିଞ୍ଜୁ, ମୀ ଜୀଞ୍ଜୁ
ଗେଲପାଲିତାକି ତିନାୟିମାନେ, ଆଜାଆତୁ, ମୀ ତାକାତି ର ବାଣା
ଜିକେଏ ନାସା ଆଏ □”

୩୫ ପାଞ୍ଜୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା
ନକିତା ମାହାପୁରୁଇଁ ଜହରା କିହାନା ରୁଟି ତିକ୍‌ହାନା ତିଞ୍ଜାଲି
ମାଟ୍‌ହେସି □

୩୬ ଏମ୍ବାଟିଏ ଏଞ୍ଜାରି ବାରେଜାଣା ବାର୍ସୁ ବେଟାଆହାନା ବାରେଜାଣା
କାଦି ତିତେରି □

୩୭ ମାମ୍ବୁ ଜାଜାତା ରୀ ଖାଞ୍ଜା ତାନିକଡ଼ି ସଡ଼ ଜାଣାତମି ମାଚମି □

୩୮ ଏଞ୍ଜାରି ପାଞ୍ଜେ ତିଚି ତାୟୁ ଜାଜାତି ବନ୍ଧୁ ଉଣା ଆପେଞ୍ଜା ଇଞ୍ଜି
ଜାଜାତି ବାରେ ଗହଁୟାଁ ସାମ୍ବୁରିତା ମେଡ଼ହେରି □

ଜାଜା ତାନାୟି

୩୯ ଅର ନେରୁ ଲାଇ ଝେୟାଲିଏ ଏଞ୍ଜାରି ଏମିନି ଦେସାତି ଚାୟୁତା
ଝାଡେରି ପୁଞ୍ଜାଲି ଆଡାଆଡେରି, ସାମା ଏଞ୍ଜାରି ଗାଟୁ ଦାରି ର
ବାଃଲି ଚାୟୁ ମେସାନା ଏନିକି ଜିକେଏ ଏମ୍ବାଆଁ ଜାଜାତି ନିପହାଲି
ଅଶ୍ପିତେରି □

୪୦ ଏଦାଆଁତାକି ଏଞ୍ଜାରି ଲହ୍ ମୁଣ୍ଡାୟାଁତି ତ:ରକା ଦାଚାନା
ସାମ୍ବୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେରୁଣିଏ ଏୟୁ ଜାଜାତି ହାଟଞ୍ଜା
ବାଡ଼ଗାୟାଁତି ତ:ରକା ବାରେ ହୁକହାନା ଜାଜା ନକିତା ଗାଲିଝାକି
ହିମ୍ବୁରିକା ଗଞ୍ଜାନା ଗାଟୁଝାକି ହାଜାଲି ଅଶ୍ପିତେରି □

୪୧ ସାମା ଏଞ୍ଜାରି ରୀ ସାମ୍ବୁରିକା କାଲ୍ଲୁଝି ଆହିମାନି ଚାୟୁତା
ଏଜାଲିଏ ଜାଜା ସାମ୍ବୁରି ଗାଟୁତି ର ବାଃଲି ତିବାତା ଗୁପିତେ,
ଜାଜାତି ନକି ଝାକିତାୟି ଜାଣ୍ଡାନା ତୟାହାଚେ, ସାମା ତାୟୁତାୟି
ସାମ୍ବୁରିତି ଏୟୁ ଉଣ୍ଡାୟାଁ ଗୁପାଲିଏ ତାହାଲି ମାଟହେ □

୪୨ କାୟିଦି ଗାଟାରି ସାମ୍ବୁରି ଗାଟୁଟି ପରହ୍ ପରହ୍
ହଣ୍ଡେରି ଇଞ୍ଜି ଅଶ୍ପିତାମା କସକା ଏଞ୍ଜାରାଇଁ ପାୟାଲି ଅଶ୍ପିତେରି
□

୪୩ ସାମା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ ଗେଲପାଲି
ମନ କିହାନା, ଏଞ୍ଜାରି ଅଶ୍ପିତ କାହି କିହାନା ଏଲେଇଞ୍ଜି ହୁକୁମି
ହୀତେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମ୍ବୁରିତା ତେଞ୍ଜାନା
ତଲିଏ ଗାଟୁତା ହାଲାପେସି;

୪୪ ତୟାମାନାରି ଜାଜାତି ମାରକା ପାଟାୟାଁ ଇଞ୍ଜା ଏନି ଏନି ତୀତି
ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହ୍ ବାରେଜାଣା
ନେହ୍ ଆହ୍ ଗାଟୁତା ଏତେରି □

୨୮

ମେଲିତି ଦେସାତା ପାଞ୍ଚୁଲ

^୧ ମାମ୍ବୁ ଏମ୍ବାଟି ଗେଲ୍‌ପିଆଡ଼ି ଡାୟୁ ସାମ୍‌ଦୁରି ମାଦି ମାନି ଟାୟୁ ମେଲିତି ଇଞ୍ଜିହିଁ ପୁଟମି □

^୨ ଏମ୍ବାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତଣ୍ଡେସିଙ୍ଗା ଲେହେଁ କାର୍ମା ଆୟାତେରି, ଇତିହିଁ ପିୟୁ ଇଞ୍ଜାଁ ପେନି ଆହିମାଚାକି ଏଞ୍ଜାରି ମାଙ୍ଗେ ହିରୁ ଡାସାନା କେରଞ୍ଜାଲି ହିୟାତେରି □

^୩ ସାମା ପାଞ୍ଚୁଲ ର ପେଣ୍ଡା ଷ୍ଟେସକା ହିରୁତା କୁମ୍ବାଲିଏ, ଉସମି ତାକି ର ରାତୁ ହଚାନା ପାଞ୍ଚୁଲ କେୟୁତା କାଚାହାଁ ଆଟା ଡ଼ୟିତେ □

^୪ ଏମ୍ବାଆଁ ବାସା ଆହାମାତି ପାଙ୍ଗାତି ଲକୁ ପାଞ୍ଚୁଲ କେୟୁତା ଏ ରାତୁ ଲେଜା ମାନାଣି ମେସାନା ତାମ୍ବୁ ତାମ୍ବୁ ଷ୍ଟେସପି ଆଡେରି, “ଇ ମାଣ୍ଡସି ସାତେଏ ଲକୁଣି ପାୟିନାସି, ସାମ୍‌ଦୁରିଟି ଗେଲ୍‌ହାଲିଏ ଜିକେଏ ଦାମ୍‌ ନୀତାଲି ହାହି ହିଲେଏ □”

^୫ ସାମା ପାଞ୍ଚୁଲ ଏ ରାତୁତି ହିରୁତା ହାଣ୍ଡାହାନା ମେଡ଼ହା ତୁସ୍ତେସି, ଇଞ୍ଜାଁ ଏଞ୍ଜାଣାକି ଏନି ନସ୍ତୁ ଆଆତେ □

^୬ ଏଞ୍ଜାଣି ଆଙ୍ଗା ପଙ୍ଗା ହାନେ ଆଆତାଁ ଦେବୁଣିଏ ହାନେସି ଇଞ୍ଜାଁ କାଡ଼ିମାଚେରି; ସାମା ହାଡ଼େକା ବେଲା ଆଡ଼ି ଡାୟୁ ଏଞ୍ଜାଣାକି ଏନି ନସ୍ତୁ ଆଆତାଣି ମେସାନା ଏଞ୍ଜାରି ତାମି ହିୟାଁ ଷ୍ଟେଟ୍‌ହାନା ଏଲେଇଚେରି, “ଇଞ୍ଜାସି ର ମାହାପୁରୁ □”

^୭ ଏ ଟାୟୁ ତାଗେ ପୁଲ୍ଲିୟ ଦରୁଗାଟି ଏ ଟାୟୁତି କାଜାଣି ଇଲୁ ଅଡ଼େ ବୁମି ମାଚେ; ଏଞ୍ଜାସି ମାଙ୍ଗେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହାଁଟି ସେବା କିୟାତେସି □

^୮ ଏଟିବେଲାତା ପୁଲ୍ଲିୟ ତାମି ଆବା ନମେରି ଇଞ୍ଜାଁ ନେତେରି ବାଣ୍ଡି ତାକି ପାସ୍‌ପନିତା ତୁରାମାଚେସି, ଇଞ୍ଜାଁ ପାଞ୍ଚୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଚାନା ନେହିଁ କିତେସି □

^୯ ଇଦି ଆଡ଼ି ଡାୟୁ ଏମ୍ବାଆଁ ମାନି ରଗା ଗାଗାରି ବାରେ ପାଞ୍ଚୁଲ ତାଣା ଖାହାନା ନେହିଁ ଆଡେରି;

୧୦ ଏଞ୍ଜରୀ ମାଙ୍ଗେ ଜିକେଏ ହାରେକା ମାନି ତଲେ ଜୀଝୁ ନୟାତେରି, ଅଡ଼େ ମାମ୍ବୁ ହାଜିମାଚାଟି ମା ଲଡ଼ାମାନାଣି ହାହାନା ପାଣ୍ଡାତେରି □

ମେଲିତିଟିଏ ରମ୍ଭତା ପାଞ୍ଜୁଲ ହାନାୟି

୧୧ ତାନି ଲେଞ୍ଜୁ ଦେଚ ମାମ୍ବୁ ରୁ ଆଲେକ୍‌ଜାଣ୍ଡିୟାତି ଏୟୁ ଜାଜାତା ହଚାନା ହାଚମି, ଏୟୁ ଜାଜା ପେନିବେଲା ହାଲ୍‌ଝେ ଏ ଚାୟୁତା ଡୟାମାରେ, ଏଦାନି ଦରୁ “ଜାଣ୍ଡା ପେଣ୍ଡାକା,” ଇଞ୍ଜିମାଚେରି □

୧୨ ସୁରାକୁସା ଗାଡ଼ାତା ଏଜାନା ଏମ୍ବାଆଁ ମାମ୍ବୁ ତୁନିଦିନା ମାଚମି □

୧୩ ଅଡ଼େ ଏମ୍ବାଟି ଏୟୁ ଜାଜା ତଲେ ହାଜାନା ରେଗିୟା ଗାଡ଼ାତା ଏତମି, ତାନି ଅର ଦିନା ଚିଃନି ଖାକିଟି ଗାଲି ଝେଚାଲିଏ ଅଡ଼େ ରା ଦିନା ତାୟୁ ପୁତେଅଲି ଗାଡ଼ାତା ଏତମି;

୧୪ ଏମ୍ବାଆଁ ମାମ୍ବୁ ଏଚେକା କ୍ରୀସ୍ତାନା ତାୟିୟାଁ ଅଡ଼େ ତାଙ୍ଗିସ୍ତାଣି ବେଟାଆଡ଼ମି, ଏଞ୍ଜାରିତଲେ ର ଝାଞ୍ଜା ଡୟାଲି ମାଙ୍ଗେ ବାତିମାଲାତେରି; ଇଲାଆହୁଁ ମାମ୍ବୁ ରମ୍ଭତା ଏଗାତମି □

୧୫ ରମ୍ଭତା ମାନି ତାୟିୟାଁ ଅଡ଼େ ତାଙ୍ଗିସ୍ତା ମା କାବୁ ପୁଞ୍ଜାନା ଏମ୍ବାଟିଏ ଅପିୟତି ହାଟା ଇଞ୍ଜା ତାନିଗଟା ବାଡ଼ା ଇଲ୍‌କା ପାତେକା ମାଙ୍ଗେ ମେସାଲି ଝାଡ଼େରି, ଇଞ୍ଜା ପାଞ୍ଜୁଲ ଏଞ୍ଜାରାଲ୍ ମେସାନା ମାହାପୁରୁଇଁ ଜହରା କିହାନା ବାର୍ସୁ ବେଟାଆଡ଼େସି □

ରମ୍ଭ ଗାଡ଼ାତା ପାଞ୍ଜୁଲ

୧୬ ମାମ୍ବୁ ରମ୍ଭ ଏଜାଲିଏ, ପାଞ୍ଜୁଲଇଁ କାଃଥାନି କସ୍‌କା ତଲେ ତାନି ମନତଲେ ବାସା ଆୟାଲି ହେଲ ହାପକିଆଡ଼େ □

୧୭ ତାନିଦିନା ତାୟୁ ପାଞ୍ଜୁଲ ଜୀହୁଦିୟାତି କାଜାରାଇଁ ହାଟାନା କୁଡ଼ି କିତେସି, ଅଡ଼େ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଜୁଲ ଏଞ୍ଜାରାଇଁ ଏଲେଇଚେସି, “ଏ ଇସ୍ରାୟେଲ ତାୟିୟାତେରି ନାନ୍ତୁ ମା ଲକୁ କପାଟି କି ମା ଆକୁ ଆବାୟାତି ପାଣ୍ଡାପାଟୁ କପାଟି ଏନାଆଁ କିହା ହିଲାଆତି ଜିକେଏ ଜିରୁସାଲମତା ଦସ୍‌ପି ଆହାନା ରମ୍ଭ ଦେସାତି ଲକୁତାଣା ହେରପି ଆହାମାଇଁ □

୧୮ ଏଞ୍ଜାରି ନାଙ୍ଗେ ନୀହାଁୟି କିହାନା ନା ତାଣାଟି ହାନି ତଣ୍ଡ ପାଣ୍ଡି ଏନି ଦହ ବେଟାଆଆଲିଏ ନାଙ୍ଗେ ପିସାଲି ଅଣ୍ଡପାମାଚେରି;

୧୯ ☆ସାମା ଜୀହୁଦିଙ୍ଗା ଏଦାଣି କପାଟି ଖେସାଲିଏ ନାନୁ କାୟିସର ନକିତା ନୀହାୟି କିୟାଦୁ ଇଞ୍ଜି ବାତିମାଲିତେଏ; ଏଲେଆଡି ଜିକେଏ ନାଙ୍ଗେ ମା ଲକୁ କପାଟି ଏନି କାତା ଖେସାଲି ହିଲିଆତେ, ଏଡି ଆଏ □

୨୦ ଏଦାଆଁତାକି ନାନୁ ମିଙ୍ଗେ ନା ତଲେ ବେଟାଆହାନା ଜଲ୍ଲକି ଆହାଲି ବାତିମାଲିତେଏ, ଏନାଆଁତାକି ଇତିହ ଆମ୍ବାଆରି ଲାକ ଇସ୍ତାୟେଲ ଲକୁ ବାର୍ସୁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକ୍‌ଶିୟା ତଲେ ଦସ୍‌ପି ଆହାମାଲ୍ □”

୨୧ ଏଞ୍ଜାରି ଏଲେଇତେରି, “ମାମ୍ବୁଜୀହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡ଼େ ନୀ କାକୁ ଆସାନା କି ନୀ କପାଟି ଦହ ଦସାନା ଖେସାଲି ମା ତାୟିୟା ବିତ୍ରାଟି ଆମ୍ବାଆରି ଇମ୍ବାଆଁ ଖାହାହିଲଅରି □

୨୨ ସାମା ନୀ ଅଣ୍‌ପୁ ଏନାୟି ଏଦାଆଁ ମାମ୍ବୁଜୀ ତାଣାଟି ଖେଞ୍ଜାଲି ମନ କିହିମାନମି, ଇତିହ ବାରେଖାକିତି ଲକୁ ଇ ଗତି କପାଟି କାତା ଖେସିମାନେରି ଇଞ୍ଜି ମାମ୍ବୁଜୁଞ୍ଜିମାନମି □”

୨୩ ଏତେଟିଏ ଏଞ୍ଜାରି ର ଦିନା ତୀରି କିହାନା ହାରେକା ଲକୁ ପାଞ୍ଜୁଲ ମାଟି ଇଲୁତା ଖାଡ଼େରି, ଅଡ଼େ ଏଞ୍ଜାସି ଲାକ୍‌ଟିଏ ଲାଆଁ ପାତେକା ଏଞ୍ଜାରି ନକିତା ମାହାପୁରୁତି ରାଜିତି କାତାତାକି ସାକି ହୀତେସି, ଅଡ଼େ ମସାଟି ନେରା ଇଞ୍ଜା ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି କାତା ଆସାନା ଏଞ୍ଜାସି ଜୀସୁଇଁ ନାମି କିଞ୍ଜି କିୟାଲି ଅଣ୍‌ପିତେସି □

୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି ଖେସ୍ତି କାତାଟି ନାମିତେରି ଇଞ୍ଜା ଆମ୍ବା ଆମ୍ବାଆରି ନାମାଆତେରି □

୨୫ ଏ କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଡ଼େରି; ଏଞ୍ଜାରି ହାନି ନକେଏ ପାଞ୍ଜୁଲ ର କାତା ଖେସ୍ତେସି, “ସୁବୁଜୀଞ୍ଜୁ ମୀ ଆକୁ ଆବାୟାଣି ମାହାପୁରୁ ଅଣ୍‌ପୁତି ବଲୁ ଖେହ୍‌ନି ଜିସାୟି ତାଣାଟି ଖେସାମାତେସି □”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଖେହ୍‌ମ୍ବୁ, ମୀରୁ ଖେଞ୍ଜିଞ୍ଜି ଖେଞ୍ଜେରି, ସାମା ଏନାଆଁ ତେଲହଅ ତେରି,

ଇଞ୍ଜାଁ ମୀରୁ ମେସି ମେସି ମେହ୍‌ଦେରି, ସାମା ଏନ୍‌ଆଁ ପୁଞ୍ଜାଲି
 ଆଡ଼ଅତେରି,
 ୨୭ ଇଚିହ୍ଁ ଇ ଲକୁ ହିୟାଁତା ଉଣା ବୁଦିଗାଗାରି,
 ଏଞ୍ଜାରି ଜାହା ଜାହାରା କୀର୍କା କାଣ୍‌କା ମୁଟା କଡ଼ାମାନେରି,
 ଏଲେଆହାଁ ହିଲାଆଡିହ୍ଁମା,
 ଏଞ୍ଜାରି କାଣ୍‌କା ଦେଚାନା ମେସାଲି ଆଡ଼ିତେରିମା,
 ଅଡ଼େ କୀର୍କା ତଲେ ଝେଞ୍ଜାଲି ଆଡ଼ିତେରିମା □
 ଏଞ୍ଜାରି ହିୟାଁତା ତେଲହାଲି ଆଡ଼ିନି ବାଡ଼ୁଲୁ ଡ଼ୟିତେମା;
 ଏଞ୍ଜାରି ମାହାପୁରୁ ଖାକି ଝେଣ୍ଡା ଖାଡ଼େରିମା,
 ଅଡ଼େ ନାନୁ ଏଞ୍ଜାରାଇଁ ନେହ୍ଁ କିତେଏଁମା □”
 ୨୮ ତାମ୍ବୁ ପାଞ୍ଜୁଲ ଏଲେଇଚେସି, “ଏନ୍‌ଆଁତାକି ମାହାପୁରୁତି
 ଇ ଗେଲପିନାଣି ଏଚକା କୁଡ଼ାତି ଲକୁତାଣା ପାଣ୍ଡୁଝି ଆହାମାନେ,
 ଇଦାଆଁ ମୀରୁ ପୁଞ୍ଜୁ; ଏଞ୍ଜାରି ଜିକେଏ ଝେନେରି □”
 ୨୯ ପାଞ୍ଜୁଲ ଇ ବାରେ କାତା ଝେସାଲିଏ, ଜୀହୁଦିୟାଁ ତାମ୍ବୁତାମି
 ବିତ୍ରା ବାଦିବାଦା ଆହ୍ଁ ହାଚେରି* □
 ୩୦ ପାଞ୍ଜୁଲ ରୀ ବାର୍ଯ୍ୟା ପାତେକା ତାନି ବାଡ଼ା ଇଲୁତା ଡ଼ୟିତେସି,
 ଅଡ଼େ ଏଚେକା ଲକୁ ଏଞ୍ଜାଣି ତାଣା ଖାହିମାଚେରି, ବାରେତି ଇଜ
 ହାଟା ଅହିମାଚେସି □
 ୩୧ ଇଞ୍ଜାଁ ସାସାତଲେ ନୀରାସା ଆଆନା ମାହାପୁରୁ ରାଜିତି କାତା
 ଝେସିମାଚେସି, ଇଞ୍ଜାଁ ପ୍ରବୁ ଜୀସୁ କ୍ରୀସ୍ତତି କାତା ଜାପ୍‌ହି ମାଚେସି □

* ୨୮:୨୯ ୨୮:୨୯ ଇ କାତା ପ୍ୟାଃଇ ପତିତା ହିଲେଏ □

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20